

ՆԱԲ ԵՐԶԱՆ

Y SUPP

ՄՈՒՐՃ

ԳՐԱԿԱՆ, ՀԱՍՏԱՐԱԿԱԿԱՆ ԵՒ ՔԱՂԱՔԱԿԱՆ

Ա. Մ. ՍԱ. Գ. Ի. Ր.

№ 10

ՀՈԿՏԵՄԲԵՐ

1905



Թ. Ի. Յ. Լ. Ի. Ս.

Տպարան „ՆԱԲԱՆ“ Մոսկով. փող. № 15.

1905

ԲՈՎԱՆԴԱԿՈՒԹԻՒՆ

№ 10

Երէս

1. ԽԱՂ. (սպառկէրներ գիւղից), Վ. Փափազեանի 5
2. ԻՄ ՍԷՐԸ, Պետեօֆիից, Թարգմ. Ալ. Ծատուրեանի 20
3. ԴՈՒ ԿԸ ՀԱՆԳՅՆԵՍ ԻՍԿ ԵՍ ԿԸ ՎԱՌԵՄ, Իւնանի
Այո-ի Թարգմ. տիկին Մ. Մ.—Բ. 21
4. ՏՆՏԵՍԱԿԱՆ ԶԱՐԴԱՅՄԱՆ ՖԱԶԵՐԸ, Բ. Իշխանեանի 24
5. ՈՎՔԵՐ ԵՆ ԹՈՒՐՔԵՐԸ ԵՒ ՈՎՔԵՐԻՑ ԵՆ ԲԱՂԿԱ-
ՅԱԾ, Հիւսէյն-Չաղէի, Թարգմ. Տ. Զաւէն 40
6. Բ. ՊԱՏԿԱՆԵԱՆԻ ՆԱՄԱԿՆԵՐԸ, 55
7. ՀԻՒԱՆԴ ՄԱՐԴԸ, Շտերնի, Թարգմ. Լ. Բարայեանի 59
8. ԶՊԱՏՄՈՒՄԾ ԻՐԱԿԱՆՈՒԹԻՒՆՆԵՐ, Փանրատի, 76
9. ԱՆՅԵԱԼԻ ՀԱՐՅԵՐԻՑ, Լէօի 83
10. ԸՆԴՀԱՐՈՒՄՆԵՐԻ ՎԱՅՐԵՐԻՑ, 100
11. ԺՈՂՈՎՐԴԱՅԻՆ ՍԿԶԵՆԱԿԱՆ ՈՒՍՈՒՅՈՒՄԸ ԱՆԳ-
ԼԻՅՈՒՄ, Պորրիտ, 117
12. ՕՐԵՐԼԷՆԵՐԸ, վէպ Րընէ Բազէնի 122
13. ՔՆՆԱԴԱՏՈՒԹԻՒՆ ԵՒ ՄԱՏԵՆԱԾՍՈՒԹԻՒՆ.—1)
M. A. Mironievъ «О положеніи русскихъ ино-
родцевъ».—1. Ս.—ի.—2) Կարա Յեռկին՝ «Կինը եւ
նրա տնտեսական դուքանը», Տ.Յ.—ի.—3) Մ.
Տէր-Սարգսեան՝ «Իմ արկածները» Տ.Յ.—ի.—4)
Պրոֆ. Վերներ Զոմբարտ՝ «Թէ ինչու մեր օրերում ա-
մենքին հետաքրքրում են տնտեսական եւ սոցիալ-քա-
ղաքական հարցեր», Տ. Յ.—ի.—5) Յարուժին Եստ-
յեան՝ «Միեւնոյն դպրոցում», Տ. Յ.—ի.—6) Փառ-
նակէս՝ «Զուտողի մալր ուտողին հալալ ա» կամ «Հար-
պիկ փաստաբան» Տ. Յ.—ի 151
14. ՆՈՐ ՍՏԱՅՈՒՄԾ ԳՐՔԵՐ 157
15. ՆԵՐՔԻՆ ՏԵՍՈՒԹԻՒՆ.—Վրացիների վերաբերմունքը
դէպի մեզ՝ Թուրք-հայկական ընդհարումների ժամանակ.—
Ազգային եւ դատակարգային երեւոյթներ.—Նաղիօնալ եւ
Նաղիօնալիտական զգացմունք.—Հայ «կոմիտեաների»
մասին.—Պանխաղամիդը եւ պանծիւրքիւմը.—Ընդհա-
նուր րեֆորմներ, անդրկովկասեան ներկայացուցչական

Նոր շրջան V տարի

Հրատ. XVII տարի

ՄՈՒՐՃ


ԳՐԵԿԵՆ, ՀԵՍԵՐԵԿԵԿԵՆ ԵՒ ՔԵՂԵՔԵԿԵՆ

ԱՄՍԱԳԻՐ

№ 10

ՀՈԿՏԵՄԲԵՐ

1905



ԹԻՖԼԻՍ

Տպարան „ՀԵՐՄԷՍ“ Ընկ. Մաղար. փող., 15.

1905

ԲԱՅՈՒՆԵԹ Է ԲԱԺԱՆՈՐԴԵԴՈՒԹԻՒՆ

1906 թ.

ՄՈՒՐՃ

ԴՐԱԿԱՆ, ՀԱՍՍԱՐԱԿԱԿԱՆ ԵՒ ՔԱՂԱՔԱԿԱՆ

Ա Մ Ս Ա Գ Ր Ի

(Նոր շրջան VI տարի)

Բ Ա Ժ Ա Ն Ո Ր Դ Ա Գ Ի Ն Ը

Ռուսաստան և

Պարսկաստան տարեկան	10 ռ.	Արաստեման՝ 12 ռ.	(32 ֆ.)
Հէս տարին	6 »	» 7 »	(18 ֆ.)
1 ամսուան	1 »	» 1 » 20 կ.	(31/2 ֆ.)

Ծանոթութիւն. բաժանորդագիրն կարելի է վճարել նաեւ մաս-մաս. ըս-
կը դրում 5 ռ., մայիսի 1-ին 3 ռ. և յունիսի 1-ին 2 ռ.—կամ՝ սկզբում
5 ռ. և յունիսի 1-ին 5 ռուբլի. Հայոց դպր. վարժուէիներէ և ուսուցչներէ,
գիւղական քահանաներէ, միջն. ուս. աշակերտներէ և ուսանողներէ համար
բաժանորդագիրն է 8 ռուբլի Ռուսաստանում: Թիֆլիսի բաժանորդները
կարող են տարեկան բաժանորդագիրն (10 ռ.) վճարել մաս-մաս, բաժանե-
լով այնպէս, ինչպէս իրանց յարմար է:

ԲԱԺԱՆՈՐԴԱԳՐՈՒԹԻՒՆԸ ԸՆԴՈՒՆԵՆՈՒՄ Է

Թիֆլիսում—խմբագրատանը (ձախճախական փողոց, տ. № 12)

Կայսրութեան այլ տեղերից պէտք է գրիմել՝ Тифлисъ, въ редакцію
журнала «МУРЧЪ».

Արաստեմանից՝ Tiflis, Rédaction de la revue «MOURTCH».

«Մուրճ»-ի գործակալներ.

Աստուխան—Գ. Բ. Մկրտումեան:

Բազում—Բժ. Գ. Սարգսեան, (Ե. Морская, д. № 26) և պ. Յ. Գո-
շարեան:

Իրիք-Լյքսը—պ. Գ. Տ.—Գանիէլեան:

Երեւան—«Արարատ» գրականութի:

Կարս—պ. Համադասով Տ.—Խաչատրեան:

Մոսկուս—պ. Ստ. Թումեան:

Սոչի—Արամ Յակոբեան (Սեփիկեբեայ շրջան):

Սամարկանդ—Ռ. Բ. Բէկզիւլեան (Սնդրկասպեան երկիր):

Թիֆլիզ—«Գուտտենբերգ» և «Կենտրոնական» գրավաճառ.

Թաւրիզ—պ. Յ. Տէր-Ստեփանեան:

Եգիպտոս—գովոր Կ. Փաշայեան-Խան:

Ինգլիշ—պ. Գ. Մէլլե-Արրահամեան:

Նոր-Ջուլա—պ. Տիգրան Արզարեան:

Թէրեան—պ. պ. Ալեքսան Թունեանց և Լ. Բարայեան:

ԵԱՅՏԱՐԱՐՈՒԹԻՒՆ. ընդունուած է ամեն լեզուով: Յայտարա-
րութիւնների համար վճարում են,—1 երես բանող յայտարարութեան
15 ռ., 1/2 եր.—8 ռ., 1/4 եր.—4 ռ., տողատեղ (կրպ.)—40 կ.:

Дозволено цензурою Тифлисъ 1905 г. 9-го октября.

ԲՈՎԱՆԴԱԿՈՒԹԻՒՆ

№ 10

Երբ

1. ԽԱՂ (պատկերներ գիւղից), Վ. Փափագեանի 5
2. ԻՄ ՍԵՐԸ, Պետեօֆից, Թարգմ. Ալ. ծատուրեանի 20
3. ԴՈՒ ԿԸ ՀԱՆԳՅԵՆՍ ԻՍԿ ԵՍ ԿԸ ՎԱՌԵՄ, Իճանի
Անօ-ի Թարգմ. տիկին Մ. Մ.—Բ. 21
4. ՏՆՏԵՍԱԿԱՆ ԶԱՐԳԱՅՄԱՆ ՖԱԶԵՐԸ, Բ. Իշխանեանի 24
5. ՈՎՔԵՐ ԵՆ ԹՈՒՐՔԵՐԸ ԵՒ ՈՎՔԵՐԻՑ ԵՆ ԲԱՂԿԱ-
ՅԱԾ, Հիւսէյն-Չաղէի, Թարգմ. Տ. Զաւէն 40
6. Ռ. ՊԱՏԿԱՆԵԱՆԻ ՆԱՄԱԿՆԵՐԸ, 55
7. ՀԻՒԱՆԴ ՄԱՐԴԸ, Շտերնի, Թարգմ. Լ. Բաքալեանի 59
8. ԶՊԱՏՄՈՒԱԾ ԻՐԱԿԱՆՈՒԹԻՒՆՆԵՐ, Փարաւտի, 76
9. ԱՆՏԵԱԼԻ ՀԱՐՅԵՐԻՑ, Լէօի 83
10. ԸՆԴՀԱՐՈՒՄՆԵՐԻ ՎԱՅՐԵՐԻՑ, 100
11. ԺՈՂՈՎՐԴԱՅԻՆ ՍԿԶԵՆԱԿԱՆ ՈՒՍՈՒՑՈՒՄԸ ԱՆԳ-
ԼԻԱՅՈՒՄ, Պորրիտ, 117
12. ՕԲԵՐԼԵՆԵՐԸ, Վէյ Բընէ Բազէնի 122
13. ԲՆՆԱԴԱՏՈՒԹԻՒՆ ԵՒ ՄԱՏԵՆԱԽՕՍՈՒԹԻՒՆ.—1)
M. A. Миропіевъ «О положеніи русскихъ ино-
родцевъ».—1. Ս.—ի.—2) Կարա Յեռլին՝ «Կինը եւ
նրա տնտեսական դրութիւնը», Տ. Գ.—ի.—3) Մ.
Տէր-Սարգսեան՝ «Խմ արկածները» Տ. Գ.—ի.—4)
Պրոֆ. Վերներ Զոմբարտ՝ «Թէ ինչու մեր օրերում ա-
մենքին հետաքրքրում են տնտեսական եւ սոցիալ-քա-
ղաքական հարցեր», Տ. Գ.—ի.—5) Յարուժիւն Եսա-
յեան՝ «Միւլենոյն դադաղում», Տ. Գ.—ի.—6) Փառ-
նակէս՝ «Չուտողի մալը ուտողին հալալ ա» կամ «Ճար-
պիկ փաստարան» Տ. Գ.—ի 151
14. ՆՈՐ ՍՏԱՅՈՒԱԾ ԳՐՔԵՐ 157
15. ՆԵՐՔԻՆ ՏԵՍՈՒԹԻՒՆ.—Վրացիների վերաբերմունքը
դէպի մեզ թուրք-հայկական ընդհարումների ժամանակ.—
Ազգային եւ դասակարգային երկույթներ.—Նացիօնալ եւ
Նացիօնալիստական զգացումներ.—Հայ «կոմիտեաների»
մասին.—Պանիսլամիզմը եւ սլանժիւրքիզմը.—Ընդհա-
նուր քեֆորմներ, անդրկովկասեան ներկայացուցչական

ժողով եւ հայա-վրացա-թուրքական համագումարի
անհրաժեշտութիւն—† Իշխ. Ս. Ն. Տրուբեցկոյ.—Բա-
ղով աղղինապործների ներկայացուցիչները Պետեր-
բուրգում.—Բաղով բանուորների ղեկուցադիրը . . . 159

16. ԱՐՏԱՔԻՆ ՏԵՍՈՒԹԻՒՆ.—

17 . ՊԱՐԲԵՐԱԿԱՆ ՀՐԱՍԱՐԱԿՈՒԹԻՒՆՆԵՐ

18. ՅԱՅՏԱՐԱՐՈՒԹԻՒՆՆԵՐ

19. ՅԱԻՆԼՈՒՄԾ. Ջէյմս Մորիէր՝ «ՀԱՋԻ ԲԱԲԱՆ ԱՆԳ-
ԼԻՍՅՈՒՄ», վէպ պարսկ. կեանքից, թարգմ.
անգլ. Մ. Կարապետեանի. 129—143

ԽՐԱԳՐՈՒԹԵԱՆ ԿԱՆՈՆՆԵՐ

1. Խմբագրութիւնը յատուկ խնդրում է յօդուածագրերից՝ զրել պարզ,
մանաւանդ բուեր, յատուկ անուններն ու օտար բառերը, եւ քերթի միայն մի
երեսի վրայ. աւանձնապէս ու զարձնել կէտադուրեան, ուղղագրութեան եւ
նոր պարբերութիւնները որոշակի լինելու վրայ. Թարգմանութեան հետ պէտք
է ուղարկել խմբագրութեանը նաեւ բնագիրը:

2. Ձեռագրութեան մեծ յօդուածները պահուում են խմբագրատանը 6 ա-
միս, իսկ յետոյ ոչնչացնում են: Ձեռագիրը յետ ստանալու համար պէտք է
ուղարկել ճանապարհածախսը: Փոքր յօդուածներն ու ոտանաւորները չեն
վերադարձնում:

3. Գրուածքների վարձատրութեան չափը որոշում է խմբագրութիւ-
նը: Խմբագրութեան առանց պայմանների ուղարկուած ձեռագիրները հա-
մարում են անվճարելի:

4. Խմբագրութիւնն իրան է վերապահում ուղարկուած յօդուածները
փոփոխելու կամ կրճատելու իրաւունքը:

5. «Մուրնի» համարը չստացուելու դէպքում պէտք է խմբագրութեա-
նը տեղեկութիւն տալ ոչ ուշ, քան յաջորդ համարի լոյս տեսնելը:

6. Խմբագրութեանը զանազան հարցումներով դիմող անձինք պէտք
է պատասխանի համար ուղարկեն նամակագրոյժ կամ պոստային բւանի:

7. Հասցէ փոխելու համար պէտք է ուղարկել 40 կոպէկ: Հասցէի
փոփոխումը պէտք է ստացուի իւրաքանչիւր ամսի 10-ից ոչ ուշ, որպէս-
զի առաջիկայ համարն ուղարկուի նոր հասցէով: Նոր հասցէի հետ պէտք է
յայտնել նաեւ հին հասցէն:

Խ Ա Ղ.

(Պատկերներ գիւղից)

I

Գիւղի այդ ծայրում, վերջին տներից և ծառատաններից յետոյ, խճուղու եզրիցն սկսած, գոգաձև բարձրանում է մի ծործոր, որ օրուայ մեծ մասը զրեթէ ստուերի մէջ է թէ հտեի և թէ երկու կողերի բլուրների շնորհիւ:

Ստուեր ձգող այդ շրթունքների առապարներից ցած, ամբողջ տարածութիւնը բռնել է մի ծաղկալից մարգագետին, որ մշտապէս օրօրւում է փշող սիւքից և գնալով աւելի դալարագեղ դառնում վտակների ափերին:

Բժաւորուած սպիտակ վարդենիների և հեռուից խոշոր, մենաւորիկ ժայռերի նմանող մաւուխի թուփերով — հասնում էր նա մինչև փրփրոտ գետակը, ոտանում վրայից և մխրճուելու գնում հօրիզոնի վրայ ճապաղուած անտառի կուրծքը:

Այդ տեսակ ծործորներով է շերտաւորուած գիւղի ամբողջ թիկունքը՝ Սարշէնից սկսած մինչև զիւղաքաղաք:

Ամենալաւ արօտատեղիներ լինելով, լեռնալանջի այդ կողերի վրայ միշտ կարելի է տեսնել արածող ցանոցրիւ նախիրներ, այլև խոտերի մէջ վազվզող կամ միացած ու թիկն տուած խօսակցելիս՝ գիւղացի մանուկներ, որոնք տաւարը հսկելու են գալիս և ստուերալից կողերի վրայ հաւաքւում:

Յուլիսի այդ օրերին, Դուդանի լեռնադաշտի նման ծաղկալից անկիւն դժուար է երեակայել:—

Հարիւրաւոր գոյնդգոյն շերտեր բծաւորում են անծայր հարթավայրը: Այստեղ՝ պուտն է մի ամբողջ տարածութիւն արեան պէսներկել, այնտեղ՝ նուրբ ու քնքոյշ սպիտակ խնձորաձողիկը արշալոյսի կարմրորակ լոյսով կարծես ողողել բլուրների կուրծքը, քիչ հեռու ինչ որ ծաղիկների խումբ, լուրջ դոյնով երկնքի մի կտոր հանդէսցրել արտի վրայ, նրա մօտը, մանիշակագոյն քմահաճ ոլորտուն երիզներ գծել խիարուկը, դաղձ փոսիկներին ու կանաչ ակօսների նմանող խորութիւններին թուշեայ օձիք են կազմել ընդաժողիկները և գաճաճ վիշապուկները միջից գլուխ դուրս պարգել՝ ցնցւում են դեղնորակ խոշոր ծաղիկներով շուշանները, այլ և թասաճ և խոշոր պսակներով ընխաժողիկները...

Սիրում էի ամեն առաւօտ լուսաժաղին գնալ այդ կողմերը, մտնել նախ Սարշէն, որ միայն մի վերստ հեռու էր մեր զիւղից, յետոյ գրօսանքի քայլերով վերադառնում էի և յաճախ, լեռնալանջի կողերից մէկի վրայ ընկողմանած, կամ նրանց փոսութեան դալարիների մէջ մեկնուած՝ մտում էի երազկոտ ժամեր անցկացնելու, ակնարկս դիմացի ցցուն գագաթներին և լոյծ մանիշակագոյն մշուշի մէջ թաղուած անտառներին:

Այդ օր սակայն—մի արեալից և լաւ օր—շատ հեռու չը գնացի: Խճուղուց վեր ելայ, մինչև ծնկներս խոտերի մէջ՝ առաջ քայլեցի և մտածեցի դիմացս երեցող առաջին թփիկի տակ նստել:

Մամուխի մացառ էր այդ, բաւական խոշոր, տարածուած և ծաղկած: Շրջապատում խոտերը կոխտուած — ջարդուած էին. աջ կողմում նոյն իսկ լպրծուն էր զարձել դէպի կշկշացող, երկու թզաչափ վտակն իջնող՝ գառիվայրը:

Թփին չհասած, նկատեցի սաղերի երամներ, որոնք օրօրուն, սպիտակ ամպերի շարժուն քուլտների նման՝ սահում էին խոտերի մէջ:

Յեառոյ աչքիս խփեցին մի քանի սև, թաւոտ գլուխներ և բանից դուրս եկաւ, որ տաւարարածների մի փոքրիկ խումբ, ինձնից առաջ գրաւել էր թէ թուփը և թէ նրա շրջապատը:

Կարմիր ու դեղին հագուստներով փոքրիկ աղջիկներ էլ երևացին. միմեանց մօտ շարքին կանգնած՝ երկար ճիւղոտներ ձեռքերին:

Մօտենալով, համբեցի. 7—8 տղայ էին, 4—5 աղջիկ: Ըստ երևոյթին, ամբողջ լեռնալանջի վրայ դռնուղներն էին, որ տաւարներին թողել հասնելու մինչև բլուրների ծայրերը, իրենք միմեանց ձայն էին տուել և մամուլի թփի մօտ, սաղարած աղջիկների շուրջը ժողովուել:

Այդպէս էլ էր. աղջիկները ինձ տեսնելիս՝ կանգնել էին, իսկ տղաներից մէկը երեսի վրայ փոռուել, միւսը կկգած, մի քանիսն էլ մամլի ետևը կանգնած՝ դիտում էին գնալս: Երկուսն էլ քարակոյտեր կաղմել, աթոռ էին դարձրել ու վրան հեծել:

— Բարե, տղայք, կանչեցի հեռուից:

Մէկը, որ ամենից առաջ էր նստել, դարձաւ միւսներին ու ձայնեց.

— Պ. Երուանդն ա ըլել, տճ... ես էլ ասի թէ էս քաղքըցին ո՞վ ա, որ գալիս ա դէսը...

— Եկել ես մօն գալու. հարցրեց քարակոյտի վրայ նստողներից մէկը:

— Համեցէք. արեց մի երրորդը—ըսէնց լաւ տեղ սկի՛ չես դանիլ...

— Իսկ դժժք ինչու էք հաւաքուել այստեղ. հարցրի ես մօտ դնալով:

— Հրէն ա՞յ... արեց մէկը և ձեռքի փայտը դէպի վեր պարզեց—էն տաւարները մերն ա... արածացնում ենք:

— Հաղըր ասես սինձ ենք ուտում. ծիծաղեց պառկողը և առաջը կիտուած խոտերի փնջերիցը պոկեց ու սկսեց ծամել:

Մօտեցել էի բոլորովին: Ամենքը ժպտուն ինձ նայեցին և «տեղ տուին»:

Ծիծաղելի տեսք ունէին բոլորն էլ: Հագել էին պատառոտուն, տասը տեղից կարկտաններով լեցուն, ամէն կողմից ծուէններ կախուած արխալուզ. վարտիկի փոխարէն՝ ինչ որ աղտոտ կարճ կտաւ մինչև ծկները, ոտերնին աղմուտ, բոբիկ. գլխին կարտուզ էր կամ փափախ, սակայն որպիսի՜ կարտուզ և ի՜նչ օրի ընկած փափախ... Իւզոտ, ճմրտկուած, ճաթբրտած ու կոտրտած, կէսը ընկած, միւս կէսը ցնցոտի դարձած կարտուզ, բուրդը գզգզուած, կէսիցը կարծես տապարած և աղտի մէջ թաթախած փափախ, որոնք ով գիտէ ինչ աղպանոցից էին գտել—հանել...

Չնայելով հագուստներին, ձեռք-երեսի, ոտների և բաց կուրծքերի աղտին, ամենքն էլ ժպտուն ու զուարթ՝ իսկոյն՝ զանազան դիրքեր բռնեցին շուրջս:

Մէկը կկղեց և մոռթը դրաւ ծնկների վրայ. երկը որդը փուռեց երեսի վրայ՝ դէմքը դէպի ինձ, երրորդը մամխի թփի մէջ մտաւ և սմբուռեց այնտեղ, չորրորդը կողքի վրայ ընկողմանեց... ու ամէնքն էլ շարունակեցին ծամել ու ծամծմոտել սինձը, որոնցից փունջ—փունջ ունէին ձեռքներին կամ թևերի տակ՝ կոխած:

Ատամները սևացել բոյսից, շրթունքները սպիտակել, դէմքերը արևակէզ, մաղերնին թափթփած, առատ ու թաւ, աչքերնին պսպղուն, սնդիկի պէս շարժուն չարածնիները, երբ ես էլ նստել էի, միմեանց նայեցին, քթթեցին, լուռ ծիծաղեցին, յետոյ թփի մէջ կծկուածը կանչեց յանկարծ.

—Ադա՛, բա ամօթ չի. ընչի՞ պ. Երուանդին էլ սինձ չէք թաւաղա (1) անում... Համեցէք, սինձ կեր...

—Համեցէք... արին ամէնքը և առջևս նետեցին մի մի փունջ:

1) Մատուցանել

— Էս որտեղից էք քաղել, շատ կայ այս կողմերում:

— Շատ... արեց քարակոյտի վրայ նստողը— հրէն ողջը սինձ չի... ամա ծաղկել ա հմի... զլսի կողմիցը որ ուտես, հլա դալսը ա...

— Էս աղջիկներն ինչ գործ ունին ըստեղ. հարցրի ես նստելով— սրանք էլ են տաւար արածացնում:

— Ձէ. խօսեց նորից նոյն մանուկը— սրանք դաղեր (2) են բերել... դէ, մենք էլ ասինք՝ գանք քիչ հետնեւրը խօսանք... ըսէնց չի, ա խալիւր...

Ու այնպէս ծաղրածու կերպարանք ստացաւ և աչքը քթթեց, որ բոլորն էլ ծիծաղեցին:

— Համ էլ, վրայ տուաւ նա հեղնական ակնարկներ անելով սրան-նրան— մեր նշանածնին են սրանք... Այ, էն Թագուշը իմ նշանածն ա...

— Վսւյ, սատկես դու հմ... չանչեց (3) դէպի նա աղջիկներից մէկը— սուտ ընչի՞ ես ասում...

Այնքան տարօրինակ մանուկ էր խօսող տղան, որ առանձնապէս զննեցի նրան, մինչ խօսում էր և ծամածռութիւններ անում:

Գրէթէ կիսամերկ էր, կարմիր կտաւէ հին ու կտրտուած շապիկ, նոյնքան կտրտուած ու մինչև ծընկները հասնող վարդիկի հետ: Գլխին մի կարտուղ ունէր, որ կասես շան բերանը տուած ու ծամած լինէր. ծռռ կոխել մինչև ականջները, անձից սևացած ատամները բաց, դէմքը արևից կիզուած ու թեփոտած, մազերն էլ շէկ:

Խօսելիս մէկ ինձ էր դառնում, մէկ էլ ծաղրածու կերպով սրան-նրան ակնարկներ անում և քրքիշների առիթ տուող ծամածռութիւններ կազմում այլանդակ դէմքի վրայ:

— Անուշագ ի՞նչ է. հարցրի միջահատելով նրան:

2) Սագեր.

3) Ձեռքը տափակ՝ դէպի ուրիշը ցցել իբր նախատինք.

—Տելօ ա.

—Դա ի՞նչ տեսակ անուն է որ...

—Տելամաք ա. մէջ մտաւ երեսի վրայ փռուածը—
մենք Տելօ ենք ասում:

—Ադա ո՞ւր ես մէջ ընկնում, լպտած, կանչեց
նրա վրայ Տելօն—քեզ ա խօսացնում, թէ՛ ինձ... ընչի՞,
ես գիդամ ոչ, որ տէրտէրը ինձ Տելեմաք ա կնքել:

—Տելեմաք, արի ես—ո՞րտեղից է գտել հայրդ այդ
անունը:

—Հէ՛րս ընչի. լայն ծիծաղեց Տելօն և ատամները
ցցեց—տէրտէրն ա գտել. մէկ դափթար ունի, ընդի
կարդում ա ու երեխեքանցը անուն դնում... Ա՛յ, էս
գորտի անունը (ցոյց տուաւ առջևս փռուածին) Արտա-
շէս ա դրել, մենք Արտօ ենք կանչում:

—Նրա անունն էլ Ասքանազ ա—մէջ մտաւ մի
երրորդ մանուկ և թփի մէջ սմբուածին ցոյց տուաւ—
ամա մենք Քանազ ենք ասում:

—Ադա էլի՞ մէջ մտաք. ճշայց նրա վրայ Տելօն—
տօ սա ձեզ ա խօսացնում, ես ինձ... Ուզում ես վեր
կենամ ու ջնջիւմ... ինչ ըէհայա ⁽¹⁾ խալիս էք, տօ...
Հա (դարձաւ նա դէպի ինձ) այ, էն—մէկէլի անունը
Արտազ ա դրել, մենք Տազի ենք կանչում... Ադա, Տա-
զի, ըռեխդ ցոյց տու մէկ, ո՞ւր ես տաւարի ուէս գլու-
խդ խոտերի միջին խրել:

Մինչ այդ, աղջիկները նստեցին և իրար կպած ու
լուռ՝ ինձ էին զննում, միմեանց հետ երբեմն էլ փա-
փսում, ամաչելով ծիծաղում:

Զորս էին, թէ՛ հինգ. տասնից՝ տասներկու տարե-
կան կը լինէին. սե, աղտոտ, ոտաբոբիկ և սղեղ: Մէկն
էր միայն քիչ սիրուն, կապոյտ դղուող աչքերով և ան-
մեղ մանկական ժպիտ միշտ դէմքին: Նա էլ այնքան
սինձ էր ծամել, որ ամբողջ բերանը սևացել էր, ինքն
էլ ձեռք ու ոտքով ցեխաթաթախ ու մրոտ դարձել:

¹⁾ Անամօթ.

Պարզ և հնամաշ կտաւէ շրջագրեստներ ունէին. գլուխնին ինչ որ չթի նմանող թաշկինակի մէջ էր փաթաթած, սակայն բոլորի մագերն փոշոնց թէ ցեխից՝ բրդի նման կոշտացել-միմեանց էին կպել: Ամէնքի ձեռքը մի մի ճիպոտ կար, թեւերի տակն էլ ուտելու բանջարեղէն—սինձ, շուշան, թրթնջուկ կամ քնդ:

Տաղին, որին Տելօն այնքան կոշտութեամբ հրաւիրել էր մոռթմն ինձ ցոյց տալու, կամաց բարձրացրեց գլուխը, նայեց մեր կողմը, յետոյ փութկացրեց և նորից մտաւ խոտերի մէջ:

—Սա խօ մեր Բաղրամի որդին է. ճանաչեցի նրան:

—Հնա, քիւրդ-Բաղրամի տղան ա. ասաց Տելօն ծաղրալից շեշտով—հէնց հօրը պէս էլ ընէ՛նց ճշում ա, որ կասես աքլարը ըլի... կու-կու-րի կո՛ւճու... ինչ ա ըլել, այ Տաղի... Սիլի, ես կանչում ա թէ՛ եկէք, մնձի տեղ եմ դտել, ես թէ չէ՛ մի հատ շուշան ա քաղել... Այ ոչ-փուշ ըլես դու, Տաղի, հլա մէկ խօսա...

—Աղա դէ հերիք ա է է... ճշաց Տաղին գլուխը բարձրացնելով—դո՛ւ ինչ ես, դո՛ւ... խողի պէս՝ խըմ-խըմ... թէ ինչ ա, քիթն ա վեր քաշում ստարշինի պէս... փո՛ւհ...

—Չասի՞, չասի՞, ա խալխը. բարձր ու հնչեղ քըր-քջաց Տելօն—տեսմք, տեսմք ոնց հօրը նման աքլարի պէս ճըշում ա...

Ապա վիզը ցցեց դէպի զայրացած Տաղին, ձեռքի սինձը ցած թողեց, թեւերը թափահարեց, ազդրերին խփեց ու աքաղաղի ձայնով ճչաց.

—կու-կու-լի-կո՛ւ ճու...

Բոլորը քրքջացին. յիրաւի շատ ծիծաղելի էր այդ միջոցին Տելօի դէմքը, որ երկարացել, ծաղրաշարժ դժեր էր կազմել:

—Խնքո՛տ, խնքո՛տ... աղաղակեց դէպինա Տաղին:

—Փո՛ւ... արեց Արտօն—բա ամօթ չի, տօ ինչ էք փիս շների պէս իրար դգգոում:

—Դձու ինչ ես, դձու. դարձաւ դէպի նա Տելօն—
ոգնի, քօլի ոգնի...

—Ոգնի էլ ես, հլա խոզ էլ հետը...

Մտածեցի միջամտել, սակայն Քանազը դարձաւ դէ-
պի աղջիկներն ու կանչեց.

—Աղա Թագո՛ւշ, աղջի բա չէ՞ք տեսնում, դադերը
ձորն են թափւում է՛ է՛...

Աղջիկները ցնցուեցին, ոտքի թռան ու փայտերը
բարձրացրած՝ վազեցին դէպի սագերը, որոնք կշկշալով
ու խմբովին, գլուխներն ցցած՝ դիմում էին դէպի ձորակը:

—Ա՛ դադը, էդ դձը էք գնում. ճշում էր մի աղջիկ
—ու ձեզ չեմ տեսնում... ա՛ դադը, դձը...

—Ծարաւ են հալբաթ. դիտեց Տելօն:

Եւ բոլոր մանուկները դարձան դէպի վազող աղ-
ջիկներն ու լսու՝ հետևում էին նրանց հետապնդում-
ներին:

Մի քանի րոպէ սարալանջի վրայ միմիայն սագերի
կշկշոցն ու թևերի թափահարումներ լսուեցին, յետոյ
աղջիկների կանչերը, որոնք իջնում էին դէպի ձորը՝
փախչող թռչունների հետ...

II

Այդ միջոցին էր, որ խճուղու վրայ երևաց փոշու
մի թեթև պտոյտ, մղուած Սարչէնի կողմի քամուց: Յե-
տոյ, միմեանց ետևից յայտնուեցին 4-5 արագալիւզ ձի-
ուորներ:

Առաջին արշաւուրը աջ ձեռքով փայտը ծնկների
վրայ ցցած, չերքեզկայով երկարահասակ անձ էր: Ծա-
նօթ դէմք էր թւում, բայց հեռու լինելով՝ ճանաչել
չկարողացայ: Կողքիցը քայլում էր սև չերքեզկայ հագած,
կիսափափախով մի նիհար ձիաւոր, որ մարալն էր շար-
ժում անընդհատ և խօսակցում առաջինի հետ: Նրանց
ետևից գնում էր կուզ, կարտուզով ու լիքը դէմքով
անձ, իսկ ամենից յետոյ էլ երկու ուրիշները, որոնցից

մէկը շրջանական ոստիկան գինուոր էր երևում՝ հրացանը մէջքին, նշանազգեստով և երկար սուրը կողքից։

—Հլա, հլա... կանչեց Տելօն—ընդի մտիկ տուէք, տղերք, ստարշինան, սուղիա Մուկուչը, էն մէկն էլ պիտերն ա... հլա ստրաժնիկ (¹) էլ հեաները... էն ուր են գնում ըտէնց քշելէն։

—Ստրաժնիկի հէտինն ով ա, տօ... ասեց Գանազը չոգած— կասես քչքչան-Նիկօլն ըլի։

—Նա ա որ կայ, պնդեց Արտօն ու թիփի միշից գլուխը դուրս պարզեց—Սյ տղայ, տենաս էտ ի՞նչ ա ըլի։

—Ի՞նչ պիտի ըլի. ձայնեց պառկած մանուկներէից մէկը—գընում են գեղը վառեն...

—էլէկ իրիգուն Մելիքենց տան առաջ քեօխմէն, դղիրը, Մելիքն ու Ռաքէլը կուշտորում էին... բեալքի ընդի են գնում։

—Չէ. արեց Տելօն—ընդի չի ըլի. էն կռիւը ջաղացի քարի վրայ էր. համ էլ բարըշեցին՝ պրծան։

—Բեալքի քչքչան Նիկօլն ա տանում դրանց... էն օր քաղքըցին ու Նիկօլը քիչ մնաց իրար ծեծէին. խօսեց Տազին—ես տեսայ. քաղքցու կնիկը ջուր էր շուռ տուել Նիկօլի օջախի մէջն ու կրակը հանգցրել. Նիկօլի ճղճղան կնիկն էլ մէկ ուշունց էր տալիս, մէկ ուշունց... քաղքցին էլ՝ասս որ կասես. շիլ Գայուշին ցեխը կոխեց ու հանեց...

Տազիի պատմածը իմ ծերունի ընկերոջ կռիւն էր, որ տեղի էր ունեցել երկու օր առաջ, մեծ չափեր էր ընդունել և քչքչան Նիկօլի գնչուական ճիշերը ամբողջ օր զուարճացրել էր գիւղին։

—Կըլի որ էդ ըլի. նկատեց Արտօն—քչքչան Նիկօլը կռուի ա հէնց բանդ. կնիկն էլ, ույ, ույ, ույ... մէկ դարաշին ա, մէկ ուշունցի հաւրաթ... Որ աչքը,

¹) Պահակ գինուոր.

էն շիւ աչքը չի՞ ծռում ու բերանը փրփրոտացնում—
կասես ջաղու ըլի:

—Դուք սկիւ բան չէք հասկանում, տօ, ձայնեց
Տելօն— ըհը, կը տենաք. էդ Աստծու պատիժները գե-
ղըն են գնում հւրիշ բանի համար: Տենաս էլի ի՞նչ զու-
լում են մտածել գեղը կրակ տալու... Եասա՞նք ուր
են տանում բաս... Հլա պիսերը, սուգիւմն... փու ես
քու կաշի կտրած տրեխ երեսիդ ինչ ասեմ, սուգիւմ
Մուկուչ. էս դիփքն բաները կըլի... կը տենաք. նա ա,
որ օծի պէս ըստիւնդի բան ա սարքում, որ ինչ ա՛
ոսկոր հանի միշիցն... Տղերք, հլա մէկ իմ տաւարին
աչքը ածէք՝ ես գնամ գեղը տենամ ի՞նչ կայ...

—Տօ մի գնա մի... արեց Տաղին—հէրդ մէկ ընէնց
գլխիդ կը տայ, որ կարտուզը էսհէդ մինչև բերանդ կը
մտնի...

Տելօն, որ սլատրաստում էր գիւղն իջնելու,
կանդ առաւ և սկսեց ծոծրակը քորել: Ըստ երևոյթին,
Տաղիի խօսքերի դառն ճշմարտութիւնը կասեցրեց
նրան:

Քանազը ժպտելով նրան նայեց ու յանկարծ ձայ-
նեց.

—Եանի էլ ուր ես գնում, չէս իմանում թէ ալան
—[Թալանը ոնց ա ըլում. ինքդ եանի քի՞չ ես քեօխվա
ըլել...

—Հա տօ, արեց Արտօն—եկէք խաղանք էլի...

Մանուկները զուարթ ծիծաղով միմեանց նայեցին.
պառկողները ելան—նստեցին, Արտօն մամուլի թփիցը
դուրս եկաւ և մինչ աղջիկները սաղերին ետ դարձրած՝
մօտենում էին, սարալանջի վրայ սկսեց կազմուել ման-
կական մի հետաքրքիր խաղ:

Անմիջապէս Տելօն մոռացաւ գիւղը, ուղղուեց ու
կանչեց.

—Ես ստարշինա...

—Ընչի՞, տօ, գոչեց Քանազը—հէնց ամեն վախտ

դժու ես ստարշինա ըլելու... Ձենք ուզում, դու փին ես ծեծում... ընէնց չի՞, տղերք...

—Հա, էսհէդ թող ես ըլեմ ստարշինա, ասաց Տաղին:

—Այա դէ ձէններդ կարէք է է... ճշաց Տելօն— ես ձեր քեօխվան չեմ ըլել մինչի օրս, հըր...

—Հա, յետոյ:

—Յետոյ էլ էն, որ էսօր էլ քեօխվութէնից ստարշինա եմ ըլում... կուզենամ, հլա պրիստաւ էլ կ'ըլեմ. իմ ձեռքին չի՞:

—Փիէ... արեց Արտօն—ստարշինան եանի քիչ ա ծեծում, որ հմի էլ ուզում ես պրիստաւ ⁽¹⁾ կարես գլխներիս... չէ, ախպէր, որ ըսէնց ա՛ ես չեմ խաղում:

—Ա՛ խալիւր, ձայնեց յանկարծ Տելօն ու սպառնալից՝ ոստնեց կանգնեց, խլեց գետնի վրայից իր ճիպոտը, կարտուզը պինդ կոխեց գլխին ու սրան-նրան նայեց— ինձ պրիստաւ չէք ուզում, ա՛ խալիւր,...

Միանգամայն սարսափելի էր փոքրիկ բռնաւորը իր դուրս ցցած կրծքով, կատաղի հայեացքովն ու բերնի երկու շարք սևացած, դազանային ակռաներովը:

Երևի բոլորն էլ վախեցան: Աղջիկները, որ մօտեցել էին, միմեանց կպան:

—Վհւյ... արեց մէկը—կասես դէլ ըլի:

—Տօ գէլ էլ եմ ու արջ էլ, գոռաց Տելօն—բա ընչացո՛ւ քեօխվա եմ, ստարշինա, ես պրիստաւ... Ձեր հէրը կանիծեմ, թէ ինձ նաչալնիկ ⁽²⁾ չէք արել... ընէնց օյին զնեմ գլխներիդ ո՛ր... կը թողա՞մ սկի որ խաղաք...

Քանազն ու Տաղին ինձ նայեցին, կարծես օգնութիւն խնդրելով:

—Դա՛ ինչ է, Տելօ, միջամտեցի ես—դու բռնաւոր

¹⁾ Ոստիկանապետ գաւառամասի.

²⁾ Գաւառապետ.

խօ չե՞ս: Թող ընտրեն, էլի. թէ քեզ ընտրեցին՝ կուգես թագաւոր եղիլ:

— Ընչի՞ թագաւոր. ճշաց Տելօն—ես ամէն վախտ էն ա քեօխվա ես ստարշինա եմ ըլել, ծեծոտել եմ, ուշունց տուել, ոսկոռ կերել, սրան պատժել, նրան հուպտուել... ուզում ես որ հմի մէկ ուրի՞շը ինձ ըտէնց անի... Չէ. թէ պըխտաւ ա՛ ես եմ, թէ նաչախիկ՝ էլի ես եմ... ուրիշի թողալ չեմ... ւորուն կը հանեմ...

— Հանդարտուիր, յորդորեցի ես—արի, արի նստիր կողքիս. դուցէ էլի քեզ ընտրեն:

— Չե՞ն ընտրիլ. շատ եմ ես դաղել դրանց... Այ, տենում ես, էդ աքլար Տաղին, էդ քիւրդի տղայ Տաղին, համ էլ էդ դորտ Քանաղը... Իրանք են ուզում համ քեօխվա, համ ստարշինա...

Տեսայ որ խաղը պիտի խանգարուէր, դարձեալ միշամտեցի, յորդորեցի և վերջ իվերջոյ համոզեցի որ վերջին անգամս էլ Տելօն ստարշինա դառնար, Քանաղը՝ քեօխվա, իսկ Տաղին՝ դղիր:

Սակայն հազիւ համոզել էի ամենքին և Տելօն յաղթական՝ ստամներն էր ցցում դէպի աղջիկները—որ սրանք ապստամբուեցին:

— Մենք չենք խաղում. ասաց Թադուշը—մենք կը գնանք:

— Ընչի՞, այ աղջի. ասաց Տելօն—որ մեծանամ, եանի քո ստարշինան ես չեմ ըլելու... Ամա, ջհաննամի գեօը, որ չես խաղում... ալաշօլ (¹), գնա:

— Ո՛ւ, հոգեմ գլուխդ, գլխ Տելօ, չանչեց դէպի նա մի աղջիկ—գէլ ես, գէլ...

— Գիւ եմ, բնա... ծիծաղեց տղան—ստարշինան որ կայ, պտի գէլ ըլի... չես հաւանում ինձ, հրէն այ, շօսէն. ալաշօ՛լ դու էլ...

— Կայ, բռնեցի ես նրա թևիցը—ուշունց մի տալ աղ-

¹) Կորիւր.

ջիկներին... Եկէք, աղջիկներ, մօտս հասէք, ես չեմ
թողնիլ որ ձեզ նեղացնի:

Աղջիկներն անշուշտ շատ էին ուզում խաշին մաս-
նակցել կամ դոնէ ներկայ լինել: Իսկոյն եկան մօտս և
ուրախ՝ պաշտպանութեանս տակը մտան:

—Ընչի՞, դարձաւ ինձ Տելօն քիչ վախեցած, որ իր
իշխանութիւնը սահմանափակուած էր— մագամ²⁾ դու
նաչափնիկ ես...

—Ո՛չ, կատակեցի ես—նաչափնիկից էլ մեծ. գուրնը-
նա՛տօր³⁾)...

—Փիէ... արեց Քանազը.—եանի նաչափնիկից էլ
մեծը կայ:

—Կայ, դուբերնատօրը:

—Ընդրանից մեծը:

—Լաւ, թողէք այդ. ասացի ես—ձեր խաղն սկսէք:
Ես միայն կը նայեմ, ոչինչ չեմ լինի:

—Հա, էդ լաւ ա. արեց Տելօն միամտուած—բաս
որ ըտէնց ա, ըստի մեծը խօ էս եմ...

Յետոյ մէկէն դարձաւ դէպի Տազին ու կանչեց.

—Ադա Տազի, մեր հրամանն ա, որ էս սհաթիս
վեր կենաս ու վազես սարի էն կողի վրիցը ձէն տաս,
հրէն ա՛յ, չիմանլորմը նստոտած Սրապին ու մէկ էլ
տղերանցը... Թող շատ ըլեն, որ խաղը լազաթ տայ...
ըտէնց չի՞, պ. Երուսնդ:

—Դէ էսքանս էլ հերիք ենք. առարկեց Տազին—էլ
ո՛ւր ես սաղ գեղը գլխիդ թափում:

Տելօն ամբողջ մարմնով շուռ եկաւ դէպի նա, աչ-
քերը ոլորեց ու փայտը ափսոսանքով սպառնալից բարձրաց-
րեց, որ Տազին վախիցը ետ ոստնեց:

—Ա, շան տղայ. գոռաց նրա վրայ Տելօն—դու
ընչա՞ցու ես որ հրամաններիս ջուղաբ տաս. դու գզի՞ր
ես, թէ՛ պրլատաւ... ուզում ես, էս սհաթիս կաշիդ քե-

2) Միթէ

3) Նահանգապետ:

թեմ... ըստի քեզ գղիք են դրել, որ ստարշինի գէմը
դողաս, հալուես...

—Ո՛ւյ... արջն ա, խնշը, մէշի արջը... մոմուաց
աղջիկներին մէկը կծկուելով ու կպնելով ընկերուհուն:

—էն ո՞վ ա որ ստարշինին արջ ա ստում. որոտաց
Տելօն — կը ջնջխեմ.,.

—Այդ չ'եղաւ. Տելօ. դարձեալ մէջ մտայ ես — շատ
է՛տտ սկսեցիր. որ այդքան դուստ, էլ ձէն չի մնայ վրագ...
Համ էլ աղջիկներին հանգիստ թող:

Տելօն նայեց ինձ, ժպտեց, յետոյ նորից դայլային
գէմը ստանալով՝ քայլեց դէպի Տազին ու կանչեց.

—Հլա կանգնե՛լ ես...

—Ո՛ւ ո՛ւ, ես քու... արեց Տազին ու գնաց դէպի
բլուրը:

—Որ շատ ըլենք, դորթ ա, լաւ կըլի. ասաց Քա-
նազը — թող ես էլ գնամ կանչեմ...

Ապա ելաւ մի քարակոյտի վրայ, գէմքը դարձրեց
դէպի միւս սարալանջն ու սկսեց ձայնել խուլ, կարծես
փորիցը դուրս եկող ձայնով.

—է՛ է՛յ... է՛յ Սրապիօն. Սրապիօն, Սրապիօն է՛ է՛
է՛յ... Գրիգոր, այ Գրիգոր, է՛յ Գրիգօժօժօր...

Լեռնային կոչի այդ ձևը, որ լաւ իւրացրել էր
Քանազը, մօտից թէն հնչեղ չէր, բայց այնքան յաջող
երևէջներ (intonation) ունէր, որ գնալով աճում էր, ա-
լիքների մղման նման զօրեղ ցնցումներ դոյացնում, թըր-
թըռում էր օդի մէջ ու միմեանց բաղխելով՝ մեծանում
էր հեռուններում:

Անշուշտ լսեցին այնտեղ. մանաւանդ որ Տազին էլ
մագլցել էր ամենաբարձր կէտի վրայ և երևէջների ու-
րիշ տեսակ կոչ էր իջեցնում դէպի սարալանջը: Այդ
կոչն ևս իր ինքնատիպ ձևն ունէր: Սկսում էր խորին
բամբուլ, խաղերը հատ հատ՝ մղում էին միմեանց, գո-
գաձև մասում բաղխում, կուտակում և զօրեղ ալիքնե-
րով հասնում նպատակակէտին:

Մինչ այդ, Տելօն թողել էր գահը, գլխարկի տա-

կից ինչ որ խոշոր դանակ էր հանել և նրանով մամու-
լի թփից կտրում էր բաւական խոշոր ճիւղ:

Ձեռքերի ոյժն էր աւելի կտրողը: Ուրեք ու կե-
ղեւ սլոկ տալով՝ յաջողուեց ունենալ դալար ճիւղոտ:
Մաքրեց փշերից, կոշտերից, մի քանի անգամ նրանով
օդը ծեծեց ու ասաց.

— Լաւ ա...

— Ի՞նչ պիտի անես. հարցրի ես:

— Ղամչի ա: Ստարշինան առանց դամչու՝ ո՛նց որ
էշը առանց փալանի...

— Է՛յ, կանչեց մանուկներից մէկը—տես, որ սլինդ
ես խփել, կը դնքսենք քեզ հանա... Էլ հերիք ա. ընենց
վշայ ես տալի, կասես զորթանց հէնց ստարշինա ըլես:

Տեղոն բարկացած նրա կողմը դարձաւ:

— Աղա ստակած կարօ, ձայնեց նա—որ չխօսաս,
չի՞ ըլիլ. չես ուզում խաղալ—հիմիկանց պոշօլ... հրէն
էնքան տղերք դան, որ սկի լայեղ էլ չեմ անի դամչիս
ծէրը քեզ կպցնի...

Ստուերն սկսում էր կտրճանալ. ամենքս քիչ աւե-
լի վեր քաշուեցինք ու տեղաւորուեցինք խոտերի մէջ:

Մանուկները կանգնել՝ սպասում էին միւսներին:
Տաղին ու Գանազը վերադառնում էին:

(Վերջը յաջորդ համարում)

Վ. Փափազեան

ԻՄ ՍԵՐԸ

(Պետեօֆից)

Սիրում եմ անպէս, որպէս չէ սիրած
Դեռ ոչ սի էակ արար—աշխարհում,
Այդ սէրն է միայն, որ սըրտիս տիրած՝
Անշէջ վառում է իմ ջերմ երգերում:

Բայց ես իմ սիրով չեմ երգում ներքող
Երկրային պարզե՛ւ՝ սին գեղեցկութեան.
Պաշտում եմ մի սուրբ պատկեր լուսաշող—
Նա է իմ կուռքը երկրպագութեան:

Ո՛հ, դու ես իմ սէրն, սուրբ ազատութիւն,
Ես քեզ եմ միայն սիրում խելագար.
Քեզ եմ նուիրում իմ խանդ, իմ աւիւն,
Իմ կեանք, իմ արեւ զոհում քեզ համար:

Ո՛վ ազատութիւն, անմարմին ոգի,
Թովի՛չ երազում ինձ երեցար.
Եւ իմ վառ սըրտի, իմ վառ ցընորքի
Դու միանկ իշխող տիրուհին դարձար:

Ես զմայլում էի քո լոյս-պատկերով,
Քո հետ համբուրում ազատ, անվտանգ.
Բայց յանկարծ դահիճն արնաներկ սըրով
Խզեց իմ սիրոյ մաքուր թոթովանք...

Ես քեզ կամեցայ, ո՛վ լոյս-հըրեշտակ,
Պարգեւել սիրոյս վարդը նորաբաց.
Այժմ առ դիակս, վարդիփոխանակ,
Արնաներկ դիակ՝ քո սիրոյն զոհուած...

Ալ. Ծատուրեան

ԴՈՒ ԿԸ ՀԱՆԳՅՆԵՍ, ԻՍԿ ԵՍ ԿԸ ՎԱՌԵՍ

Իւհաննի Ահօ-ի

(Շ վ է դ ե ր է ն ի ց)

Մութ էր: Ձմեռնային գիշերը տիրում էր երկրի վրայ: Արևը վաղուց անհետացել էլ, և ցածրիկ խրճիթներում արգէն լամպաներն արձակում էին իրանց սղխաակ լոյսը: Մարդիկ ուրախ էին, որ ունեն այդ լոյսը մինչև որ արշալոյսը կը ծագի: Բայց խաւար ցրող այդ լոյսը մթութեան չար ոգին չէր սիրում, որովհետև սա զօրութիւն էր ձեռք բերել մութ աշխարհում:

Հէնց որ մթութեան չար ոգին նկատում էր որ խրճիթների պատուհաններից լոյս է երևում, նա իսկոյն բացում էր դուռը և ներս վազում:

—Փհհհ, անում էր նա և առանց բացառութեան հանգցընում լամպան:

Եւ ոչ ոք քաջութիւն չունէր լամպան նորից վառելու՝ չար ոգու հանգցնելուց յետոյ:

—Ի՞նչ պէտք է անել հիմա,—հարցնում էին միմեանցից ցածրիկ խրճիթների խաւարում նստած բնակիչները:

Հազիւ մթութեան չար ոգին հեռացել էր, երբ լոյսի հանճարը թռաւ և դռնից ներս մտաւ:

—Դու կը հանգցնես, իսկ ես կը վառեմ,—ասաց նա և վառեց սեղանի վրայ դրած մոմը:

Եւ այսպէս վարուելուց յետոյ, նա շտապեց չար ոգու յետևից, որ ուրիշ խրճիթների մոմերը նոյնպէս հանգցնում էր և մարդկանց խաւար մթութեան մէջ թողնում: Բայց լոյսի բարի հանճարը դնում էր նրա հետքերով և վառում մոմը:

Երբ չար ոգին իր շուրջը նայեց, տեսաւ որ խրճիթներում դարձեալ լոյս կայ, նորից վազեց առաջին խրճիթը:

—Փհհհ, փհհհ, արեց նա ու հանգցրեց լոյսը, և ոչ ոք քաջութիւն չունէր լոյսը վառելու:

—Հիմա նա մոմն էլ հանգցրեց, լինչ պէտք է անել,—հարցրին միմեանցից մթութեան մէջ նստած մարդիկ:

Բայց հաղիւ էր մթութեան ոգին շէմքից դուրս եկել, երբ լոյսի հանճարը շտապեց մտնել բաց դռնից և շնչալով հարցըրեց, արդեօք տանը ծղաններ (pärtor, лучина) կան:

Այո, ծղաններ շատ կային. մեծ պապիկը փայտ էր ծղանել և նրանցից մեծ պաշար պատրաստել:

—Դու կը հանգցնես, իսկ ես դարձեալ կը վառեմ,—ասաց լոյսի հանճարը, վերցրեց ծղաններից մէկը և օջաղի կրակից կպցրեց:

Եւ ամեն տեղ, ուր մտնում էր լոյսի հանճարը, այնտեղ վառուեցան ծղանները:

Չար ոգին դարձեալ պեսաւ, որ ամենուրեք, ուր նա հանգցրել էր, լոյս կար: Այժմ երրորդ անգամ շտապով մտաւ նա խրճիթի դռնից.

—Փռէ, արեց նա. իսկ ծղանը չէր ուղում հանգչել:

—Փռէ, փռէ, և միայն երբ նա փչեց երրորդ անգամ, փայտից արձակուող լոյսը հանգչեց:

Հիմա էլ ոչ ոք քաջութիւն չունէր վառելու լոյսը, որ մթութեան չար ոգին բարկութեամբ հանգցրել էր:

—Ի՞նչ անենք այժմ,—հարցրին միմեանցից մթութեան մէջ նստած մարդիկը, երբ լոյսի հանճարը մտաւ դռնից:

—Օջաղը վառէք, կանչեց նա, և իսկոյն բոլոր խրճիթներում մեծ լոյս երևաց: Բարի հանճարի աչքերը փայլատակում էին այդ լոյսի առաջ, երբ նա բացագանչեց.

—Դու կը հանգցնես, իսկ ես կը վառեմ:

Եւ ամեն տեղ, ուր մթութեան չար ոգին հանգցրել էր ծղանները և մարդկանց մեծ վիշտ պատճառել, լոյսի հանճարը վառում էր օջաղի մէջ ուրախաբեր կրակ, որից ճանապարհները լուսաւորւում էին և եղենիների գազաթները կարմրում:

Մթութեան չար ոգու բարկութեանը չափ չկար. աչքերը չռած, թշերը սաստիկ փքած՝ նա քամու արագութեամբ ներս մտաւ սենեակը:

—Փռէ, փռէ, փռէ,—փչում էր նա,—փռէ, փռէ, փռէ, —տնքում և հեռւմ էր նա. բայց որքան շատ էր նա փչում, այնքան աւելի պայծառ էր բորբորւում կրակը օջաղում, և այժմ լոյսը ընկնում էր ոչ միայն ճանապարհների վրայ և ոչ միայն եղենիների գազաթներն էին կարմրում լոյսից, այլ նա բարձրանում էր ծխնելոյղով դէպի երկինքը և հեռու գիւղերից նոյնիսկ օտար երկրներից նկատում էին այդ լոյսը:

Չար ոգին շատ աշխատեց, գործ դրեց իր բոլոր ոյժերը...

բայց մինչև նա փչում էր, մինչև նա չարչարում էր առանց որևէ յաջողութեան, գիշերն արդէն անցել էր, արևը ծագել, այլևս արհեստական լոյսի կարիք չկար և մթութեան չար ոգին իզուր էր աշխատել:

Այսպէս՝ օրով չար ոգին անզօր է, իսկ գիշերը լոյսի հանձարը արթուն է և պաշտպանում է երկիրը:

Տիկին. Ս. Ս.—Բ.

*
* *

Լազուր երկնքով ամպեր են անցնում,
Ու ոտովի ուռին կուլայ գետափին.
Ամպերի շուքը դաշտերն է ծածկում.
Սիրտս կրծում է կսկիծը խորին...

Վառ արևն հանգաւ սարերի յետքում,
Մութը թևերը փռեց ամեն դին.
Անգիւման դարդը սիրտս է մաշում,
Ա՛խ, ծաղիկ թոռմար, ընկեր իմ անգին...

Ո՞ւր ես, հողի ջան, չը կամ դու հիմա.—
Հողերուն հաւսար ու անգերեզման.
Ա՛խ, քամին հիմա վերադ կը սգայ.—
Դու չե՞ս իմանում, ագիգ ընկեր ջան...

Ա. Խաչատրյան:

ՏՆՏԵՍԱԿԱՆ ԶԱՐԳԱՑՄԱՆ ՓԱՋԵՐԸ ¹⁾

II

Տնային փակ տնտեսութիւն.

Տնային փակ տնտեսութեան բնոյթը:—Հողը տնտեսական զարգացման առաջին ֆազում:—Արդիւնաբերութիւն սեփական կարիքների համար:—Աշխատանքի բաժանումը ընտանիքի մէջ:—Ստրկութեան կլասիք դարեշրջանը:—Յունական և հռովմէական տնտեսութիւնը:—Ստրկատիրոջ իրաւունքը:—Կոչումները տնային տնտեսութեան մէջ:—Պետութեան տնտեսութիւնը:—Հարուստներ և աղքատներ, ազատներ և ստրուկներ:—Րոմանական և գերմանական ցեղերի տնտեսութիւնը միջին դարերի սկզբներում:—Ճորտային տնտեսութիւն:—Ֆեոդալներ և ճորտեր:—Փոխանակութեան երևոյթը տնտեսութեան առաջին ֆազի մէջ:

1.

Տնային փակ տնտեսութեան պատմական ֆազը բնորոշւում է նրանով, որ աշխտեղ արդիւնաբերութեան և սպառման տնտեսութիւնը ամբողջովին ամփոփուած է տնային փակ շրջանակի մէջ: Իւրաքանչիւր տան մէջ արդիւնաբերութեան չափին ու եղանակը որոշւում է ընտանիքի անդամների կարիքներով: Իւրաքանչիւր տնտեսական իր կամ բարիք՝ հում նիւթից ըսկած մինչև պատրաստի արդիւնք դարձնելը, արտադրւում ու սպառւում է միևնոյն նեղ շրջանակի մէջ, առանց որևէ միջնորդական ձեռքի: Այդ երկու տարբեր գործողութիւնները՝ արտադրութիւն և սպառում, կազմում են մի անընդհատ, սերտ միացած, միուրոյն պրոցես:

Մի այդ կարգի ինքնամիոփ ու աւտոնոմ տնտեսութիւն, ինչ ասել կուզէ, ուրա շաղկապուած է հողի հետ: Եղաւ տընտեսող սուբիեկտը որսորդ թէ ձկնորս, որոնք իւրացնում էին բնութեան առաջարկած առատ բերքը, եղաւ նա թափառական խաշնարած, որ չւում է իր հօտով և տուն ու գոյքով այս ու

1) Տէս «Մուրճ», № 9.

այն տեղ, եղաւ նա հողագործ և այլն, այդ միևնոյն է—բոլոր պէպերում տնտեսողի աշխատանքը որոշուած է այն կտոր հողով, որի վրայ նա կարգաւորուած է: Եւ որքան նա յառաջագիւժում է իր ըմբռնողութեամբ և տեխնիքական ճարպիկութեամբ, որքան ծրագրուած և բաղադրուած կերպով է կազմաւորուած նրա կարիքների բաւարարութիւնը, այնքան մեծ է նրա կախումը հողից, այնքան նա արագէ տիրապետում հողին և նրան հետզհետէ ինտենզիւ շահեցնում:

Տնային փակ տնտեսութեան շրջանում ընտանիքի անդամները ոչ միայն քաղում էին բնութեան բերքերը, այլև նրանք պէտք է իրանց սեփական աշխատանքով պատրաստէին, կարևոր գործիք ու կարասիք, պէտք է հում նիւթերին կազմ ու ձև տային և գործածական իրեր շինէին: Եւ որովհետև անհատական ոյժերը բաւական չէին աշխատանքի այդ բոլոր ճիւղերում գործելու, այդ պատճառով աշխատանքի ֆունկցիաները բաժանուած էին տան անդամների վրայ—ըստ սեռի, տարիքի, անհատական ոյժի ու ճարպիկութեան: Դժուար ու բարդ աշխատանքը միացնում է մի քանիսի ոյժերը իրար հետ: Այդպիսով, տնտեսութեան այդ շրջանում արդէն հետզհետէ զարգանում է աշխատանքի բաժանումը և աշխատանքի խմբակցութիւնը, որոնց սկզբնական արժասնները գտնում ենք դեռ վայելիի ցեղերի մէջ, նախապատմական շրջանում:

Սակայն ընտանիքը չէր կարող աշխատանքի այդ երկու տարրեր ձևերը իր մէջ ամփոփել ու գործածել, եթէ նա այսօրուայ ընտանիքի կազմն ունենար—ծնողներ, որդիք և երբեմն ծառայ կամ աղախին: Հին նահապետական ընտանիքը ներկայացնում էր մի քանի սերունդներ ու արիւնակիցներ ամփոփող բազմանդամ գերդաստուն (Sippe) ¹⁾ որի անդամները՝ սկզբում կազմակերպուած մայրական, իսկ յետոյ հայրական իրաւունքով, համայնաբար տիրում էին հողի ու գոյքի, միասին վարում էին տնտեսութիւնը, ներկայացնում էին մի սերտ շաղկապուած իրաւական միութիւն: Մարդ անհատը գերդաստանից դուրս ազատ թռչուն է, նա չունի ոչ մի իրաւական, տըն-

1) E. Grosse, «Die Formen der Familie und die Formen der Wirtschaft» VIII գլուխը:

2) Աֆրիկայում կարելի է գտնել դեռ այդ տեսակ պատկեր: «Նեգրիքի իրաւական դադախարների մէջ—ասում է Բուխներ—գլխաւոր մոմէնտ է համարուում այն հանգամանքը, որ իրաւական անհատ համարուում է ոչ թէ անձը, այլ համայնքը, ընտանիքը: Իրաւունքներն ու պարտականութիւնները վայելում է ինքը համայնքը անսահման կերպով: Նա պատասխանատու է իր անդամների բոլոր արարածների համար»: M. Buchner, «Kamerun», եր. 118.

տեսական ապահով գոյութիւն, կարիքի մէջ չունի որեւէ օգնող, ծեծուելու զէպքում չունի վրէժխնդիր լինող, մահուան զէպքում չունի իրան թաղող և այլն²⁾։ Նահապետական բազմանդամ ընտանիքներ կարելի է գտնել դեռ այժմ իսկ հարաւային սլաւոնների, ռուսների, կովկասեան ցեղերի, հինդուսների մօտ։

Այդ կարգի մեծ ընտանեկան խմբակցութիւնների մէջ հնարաւոր էր լինում աշխատանքի բաժանումը բաւական ընդարձակ չափով գործադրել։ Տղամարդիկ ու կանայք, մայրեր ու մանուկներ, հայրեր ու պապեր—խլաքանչիւրը ունէր իր որոշ գերը իրերի արդիւնարեքութեան և տնարարութեան մէջ։ Արիւնակցութեան կապերով, հնազանդութեամբ և փոխադարձ յարգանքներով կազմում էին նրանք ներդաշնակ միութիւն։ Սակայն երբ ժամանակի ընթացքում կազմալուծւում է բազմանդամ ընտանիքների, այդ զէպքում ընտանիքը տնտեսական անհրաժեշտութիւն է գգում ընդունելու իր մէջ օտար (ոչ արիւնակից) տարրեր։ Այդ տնտեսական երևոյթից ծագում է ստրկութեան ինստիտուցիան։ Դրանով արդէն հնարաւորութիւն է ձեռք բերում անխախտ պահելու տնային տնտեսութիւնը և միևնոյն ժամանակ ընդարձակելու կարիքների բարարութեան շրջանը։ Տան աշխատանքի բաժանումը կամ խմբակցութիւնը դառնում է աւելի բազմաձևւղանի, որքան աւելի է շատանում տան տիրոջ տրամադրութեան տակ գտնուած ստրուկների թիւը։ Աշխատանքի զանազան ֆունկցիաները՝ հողագործութիւն, հացահատիկներ աղալ, հաց թխել, մանել, գործել, գործիքներ պատրաստել անասուններ խնամել և այլն, հետզհետէ դառնում են տնային մասնաւոր կոչումներ՝ բարձուած անազատ աշխատաւորի շինքին։ Եւ որքան հարուստ է տան տէրը, մեծ նրա տնտեսութիւնը, այնքան էլ բազմակողմանի և փարթամ կերպով կարող է կատարելագործուել նիւթեր կռել կոփելու և ազնուացնելու տեխնիկան։

2.

Այդպիսի ընդթ ունէր յոյների, կարթագենցիների և հուրմէացիների տնտեսութիւնը։ Բոտրերտուսը անուանում է դա տնա տնտեսութիւն (oikenwirtschaft), յունական oikos—տուն—բառից։ Որոշանալու մէջ տնտեսական միութիւն, կազմակերպութիւն։ Օյկոսը ամփոփում է իր մէջ ոչ միայն ընակարանը, այլև դրա հետ միասին տնտեսող մարդկանց խումբը, որի անդամներին յոյնը oiketai է անուանում. մի խօսք, որ իր պատմական հասկացողութեամբ սահմանափակում էր միայն տնտեսական ըստ-

րուկների վրայ, որոնք կրում էին այն ժամանակ տան ամբողջ աշխատանքը: Միևնույն միտքն ունի հռոմեական familia խօսքը. famuli նշանակում է տան ստրուկները, իսկ pater familias — ընտանիքի ստրուկների տէրը, որի ձեռքն էր կենտրոնանում ամբողջ տնտեսութեան արդիւնքը: Տան ոչ մի անդամ չէր վաստակում իր համար, այլ pater familias-ի համար. նրան էր վերապահուած իւրաքանչիւրի կեանքի ու մահուան իրաւունքը:

Եւ տան հօր այդ տիրական իրաւունքի շրջանում, որ տարածւում էր տան բոլոր արիւնակիցների և օտարների վրայ, տնային փակ տնտեսութիւնը աւելի էր ամրակազմ միութիւն ստանում և արդիւնաւէտ դառնում, քան հին նահապետական գերդաստան մէջ, որ զուտ արիւնակիցների խմբակցութիւն էր կազմում: Ստրկատիրոջ այդ անսահման իրաւունքներով չքացել էր անհատական գոյութիւնը. պետութիւնն ու իրաւունքը ճանաչում էին միայն ընտանիքներ, մարդկանց խմբակցութիւններ. նրանց համար փոյթ չէր, թէ ինչ էր կատարւում ընտանեկան հարկի տակ. նրանք կանոնաւորում էին յարաբերութիւնները ոչ թէ մարդ անհատների, այլ տների մէջ:

Կլասիք դարեշրջանում ստրկատէր հարուստ տան աշխատանքը ունէր բազմաթիւ ֆունկցիաներ: Դեռ 17-րդ դարում հոլանդացի Տ. Պոմպա անունով մի հեղինակ թւում է մօտ 146 զանազան աշխատանքի ֆունկցիաներ, որ ունէին հռոմեական հարուստ տների ստրուկները: Այսօր նոր հետազօտութիւնը աւելի է ցոյց տալիս: Հռոմեական իւրաքանչիւր հարուստ տան ստրուկ բանւորութիւնը բաժանւում էր երկու մասի: Առաջինը կոչւում էր familia rustica, այսինքն արդիւնաբերական նպատակների ծառայողներ: Այդ կաթեգորիայի մէջ են մտնում բոլոր արհեստային կոչումները, որ վարում էին ըստրուկները, այն է՝ երկրագործութիւն, խաշնարածութիւն և անասնապահութիւն, մանուածագործութիւն, ոստայնանկութիւն, դերձակութիւն, դարբնութիւն և այլն: Երկրորդ մասը կոչւում է familia urbana, այսինքն վարչական նպատակների ծառայողներ: Ստրուկ բանւորութեան այդ կաթեգորիայի մէջ ամփոփուած էր այն ստուար պերսոնալը, որ ծառայում էր տան տիրոջ ու տիրուհուն: Այսպէս օրինակ տիրոջ գոյքի և կարողութեան կառավարիչը՝ իր գանձապահով, հաշուապահներով, վարձու տուած տների կառավարիչներով: Ապա գալիս են՝ տան վերակացուն, գննապահը, սենեակների, դահլիճների, կահ-կարասիքի վրայ հսկողները, տակաւապետը, մասնապետը, անագին բանակով խոհանոցային ծառայողներ. ապա սպասաւորներ,

որոնք պտոյտ են դալիս իրանց տիրոջ շուրջը՝ լուացուելու, ճաշի, ընթրիքի, բնելու ժամանակ, հիւրեր ընդունելու, զանազան զուարճութիւնների և խրախճանքի, դուրսը զբոսնելու ընկերին և այլն և այլն: Դա մարդկանց մասսայական կուտակումներ էին—խոնարհ ու հնազանդ, կամազուրկ ու անզիտակից ստրուկներ—ենթակայ կոմֆորտների մէջ յղիացող փոքրիկ արխտոկրատիայի: Ֆրիդրիխ Էնգելսը տալիս է մեզ վիճակագրական տեղեկութիւններ Աթէնքի և Կորնթոսի ստրուկների քանակի մասին: Աթէնքը ունէր իր ամենածաղկած շրջանում 90,000 ազատ քաղաքացիներ՝ կանայք ու մանուկներ միասին հաշուած, մինչդեռ երկու սեռի ստրուկները կազմում էին 365,000 հոգի, իսկ օտարների և աղատուածների թիւը՝ 45,000 էր: Կորնթոսում ստրուկները կազմում էին 460,000 հոգի՝ տասըն մեկում աւելի ազատ քաղաքացիներից ¹⁾:

Այլ կերպ չէր տնտեսում անգամ ինքը՝ պետութիւնը: Ստորին բոլոր պաշտօնեաներն ու ծառաները ստրուկներ էին: Ստրուկները կառուցանում էին ճանապարհներ, փողոցներ, տներ, մշակում, ցանում էին հողը, աշխատում հանքերում և այլն: Ոստիկանները, դատաւորները, բանտապահները, պետական գանձապահները, զրազիրները, մագիստրատում, տաճարներում ծառայողները և այլն և այլն—բոլորն էլ ստրուկներ էին: Իւրաքանչիւր զօրապետ կամ նահանգական բարձր պաշտօնեայ իր պաշտօնատեղին գնալու ժամանակ ուղեկցում են բազմաթիւ պետական ստրուկներով: Այդ ստուար պերսոնալի ապրուստը հոգալու համար եկամտի աղբիւրներ էին կազմում պետական հողերը և գաւառներից ստացած տուրքերը:

Այսպիսի տնտեսական պատկեր ունէր կլասիք դարեշրջանը, որ տնտեսական դարգացման տեսակէտից մենք անուանեցինք տնային փակ տնտեսութեան շրջան: Ստրկատէր տան այլ տնտեսական աւտոնոմիայից բացատրւում է հին Հռոմի գրեթէ ամբողջ սոցիալական ու քաղաքական պատմութիւնը: Այնտեղ գոյութիւն չունէին արդիւնաբեր կոչումաւոր դասակարգեր, երկրագործներ, արհեստաւորներ—միմիանց հանդէպ և միմիաց կողքին, որպէս ինքնուրոյն սոցիալական խաւեր: Կային միայն հարուստներ և աղքատներ: Եթէ հարուստը դուրս էր մղում աղքատին հողային տիրապետութիւնից, ապա զրանով դարձնում էր նրան պրոլետար: Իսկ հողագուրկը զուրկ է և՛ վաստակելու հնարաւորութիւնից, որովհետեւ այն ժամանակ

¹⁾ Fr. Engels, «Der Ursprung der Familie, des Privateigenthums und des Staates», եր. 117 և 175,

չկար արդիւնաբերական կապիտալ, որ վարձով գնէր աշխատանքը. տան փակ սահմաններից դուրս գոյութիւն չունէր ինքուստրիա: Այդպէս առաջանում է այն խոշոր կալուածատիրութիւնն ու անթիւ ստրուկների շարանը, որոնք կենտրոնացել էին սակաւաթիւ ձեռքերի մէջ: Տէրեր և ստրուկներ—այդ դասակարգերն էին կազմում կլասիք դարեշրջանի հասարակական կազմի հակադիր բևեռները: «Հարուստների և աղքատների, ազատների և ստրուկների խոշոր տարբերութեամբ—ասում է Էնգելսը—հասարակական կազմը բաժանւում է երկու անհաշտ դասակարգերի»¹⁾:

Ստրուկ դասակարգը, բանուորն (Banausos) էր աշխատանքի տնտեսական կեանքի բարգաւաճման ղեկավարն ու դրօշակակիրը: Ամենայեւին, կեղտոտ դաղմունքներից սկսած մինչև վերին կատարելագործուած և այսօր ամենաազնիւ գործերի շարքն անցած արուեստը, իբրև արտօնեալ քաղաքացուց արհամարհուած ձեռնարկութիւն, վարում էին ստրուկները: Ազատ քաղաքացին աշխատանքի արտադրութիւնից լիանում, նրանով հիանում և իր կեանքի պահանջներին առատ բաւարարութիւն էր տալիս, իսկ նոյն աշխատանքի զաղափարը նա ատում, ոտնահարում էր, իբրև ստորին զբաղմունք: «Բանուորը բոլորովին զրկուած էր ազատ ժամանակից—ասում է Պլատոնը—ձեռք բերելու անհրաժեշտ կրթութիւնն ու դարգացումը. նա դատապարտուած էր աշխատանքի և բարձրին ձգտելու ոյժ չունէր. նրանք ստրուկներ են և չգիտեն թէ ո՞րն է գեղեցիկ, լաւ և արդար»: Իսկ ճարտասան Դեմոսթենեսը բացայայտ շեշտում է՝ «բանուորից, որ միայն ստորինն է ղեկավարում, անկարելի է որևէ մեծահոգութիւն սպասել»: Արխտոտելը խօսելով ձեռնարհեստների և արուեստագործների մասին, աւելացնում է. «Արտօնեալ քաղաքացին չի կարող ձեռնարհեստով զբաղուել, որովհետև դա նրա հոգին ու մարմինը կը կոշտացնէ»: Լուկիանոսը կրքոտ շեշտելով արտայայտում է ժամանակակից նախատական վերաբերմունքն ու տեսակէտը արուեստագէտների նկատմամբ. «որպէս քանդակագործ, դու մի հասարակ ձեռնարհեստաւոր ես, ամենաստորին նշանակութեամբ ուրիշ ոչինչ, եթէ նոյնիսկ Ֆիդիասի կրակը վառուէ քո մէջ»: Իսկ Անտիթենեսը ասում է Իսմէնիայի մասին. «նա ստորին ծագումից է, ապա թէ ոչ այնպէս գեղեցիկ սրինգ չէր նուագիր»: Այս բոլոր վկայութիւնները կենդանի ապացոյցներ են, համոզուելու համար, թէ այն ժամանակ, որ աստիճան ընկած

1) Ibid հր. 170.

էր աշխատանքը իր վարիչներով հանդերձ: Հռովմում ստրուկ գասակարգը աւելի էր նախատուած, արհամարհուած, եւթակայ սոսկալի պատիժների և մահառիթ տանջանքների, որոնց մանրամասն ցուցակը թւում է Սենեկան, քան Յունաստանում: Եւ Հռովմում ստրկատէրը աւելի անսանձ զիսպոս էր, աւելի էր չարչարում և որպէս հասարակ իր վաճառքի հանում, քան Յունաստանում: Կատօն Նրէցը համար ասում են, որ նա ահագին քանակութեամբ ստրուկներ էր վաճառքի հանում:

Այսպէս ահա, անտիկ աշխարհի տնտեսական տուանձնայատուկ պայմանները անհրաժեշտօրէն տուաջ են կոչել սոցիալական կեանքի առանձնայատուկ ստրուկտուրա, տոն տուել դասակարգային սպեցիֆիկ յարաբերութիւններ: Սար ու ձորի անջրպետով բաժանուած երկու դասակարգեր, երկու ծայրայիղ հակադիր բնւոններ. մէկը՝ աղքատ, ստրուկ, սոսկալի զրկանքների ենթակայ, բայց միևնոյն ժամանակ քրտնաթոր արտադրող, աշխատանքի լուծը իր վրայ կրող, հարստութիւններ գիգող — դրանք ստրուկ բանուորներն էին: Միւսը՝ երջանկութեան կատարին հասած՝ վայելող, փառաւորուող, դուարձութեան և խրախմանքի գիրկը մատնուած պարագլուխներ — դրանք ստրուկատէրերը, հարուստներն էին: Աշխատանք և դատարկապորտութիւն, քրտնաթոր արտադրութիւն և յովացում — սրանք այնպիսի անհաշտ, ոխերիմ կոնտրաստներ են, որ տեական կ'անք ունենալ չէին կարող. սրանք այնպիսի հակընդէմ մոմէնտներ են մարդկային յառաջադէմ կեանքի, երբ սոցիալական-քաղաքական հարցերը եփուելու, եռալու վիճակ են ընդունում:

3.

Րոմանական և դերմանական ցեղերի տնտեսութիւնը՝ միջին դարերի սկզբներում, ունէր գրեթէ տնային փակ տնտեսութեան նոյն հիմնական գծերը: Այնտեղ ևս տնտեսական յառաջադիմութեան կարիքը առաջնորդում է դէպի տնային փակ տնտեսութեան լայն կազմաւորումը: Այնտեղ տնտեսական ամենաուշագրաւ երևոյթը կազմում էր այն արքունական խոշոր տնտեսութիւնը, որ սփռում էր թագաւորի, ապա ազնուականի և եկեղեցու ընդարձակ կալուածների վրայ: Ստրկական տնտեսութեան՝ օրգանական զարգացումով երևում է ճորտական տնտեսութիւնը (Fronhofswirtschaft): Այդ երկու տնտեսական ինստիտուցիաները մի շատ կարեւոր կէտի մէջ տարբերւում էին իրարից: Հռովմում խոշոր կալուածատէրը կլանում

էր փոքրին, դարձնում նրան հողագուրի և այդպիսով գիւղացուն փոխարինում էր ստրուկը. ստրկական տնտեսութիւնը կատարում էր գիւղական դասակարգի կատարեալ պրոլետարացման, գնով: Իսկ ճորտական տնտեսութեան մէջ, իրաւ, թէև մանր հողատէրը կախման վիճակի մէջ էր գտնւում ֆեոդալից տնտեսամենայնիւ դուրս չէր մղւում իր հողից. ստրկի համեմատութեամբ ճորտը ունէր փոքր ինչ անձնական և տնտեսական ինքնուրոյնութիւն: Ո՛րտեղից առաջացաւ այդ երևոյթը: Հին իտալիացում մանր գիւղացին կործանւում, ընկնում էր ստրկութեան գիրիւղ, որովհետև նա չէր կարողանում տանել ծանր ստրկերը: Սովը մղում էր նրան գէպի թշուառութիւնն ու անկումը, մինչդեռ բոմանական-գերմանական միջին դարերում գիւղացին ու նրա հողը գտնւում էին խոշոր կալուածատիրոջ հովանաւորութեան տակ, կարիքի գէպերում վերջինս պաշտպանում էր իր ճորտին:

Այստեղ հանդիպում ենք արդէն տնտեսական առանձնացատու երևոյթներին: Մինչդեռ կլասիք դարեշրջանում մարդկանց խոշոր մասսա, որպէս սովորական իր կամ ապրանք սեփականութիւն էր կազմում փոքրաթիւ արիստոկրատների ձեռքին՝ հետեապէս անային տնտեսութիւնը լիամիտփ էր և միւրոյն, բոմանական-գերմանական շրջանում աշխատող ու վաւելող տարրերը—ճորտն ու ֆեոդալը—փոքր ինչ անջատուած էին միմեանցից: Սակայն զրանով չեն խախտում տնային փակ տնտեսութեան սխտեմի հիմնական գծերը, այլ աւելի է ընդլայնւում նրա շրջանակը: Ծորտային տնտեսութեան բոլոր բարձրները կենտրոնանում էին խոշոր կալուածատիրոջ ձեռքում: Այստեղ ևս բացակայում են՝ աշխատանքի վարձը, գինը, կապիտալի շահը (պրոֆիտ), հետեապէս չկային նաև՝ ձեռնարկող կապիտալիստ և վարձու բանուոր:

4.

Տնային փակ տնտեսութեան սկզբնական ժամանակներում բոլորովին անծանօթ երևոյթ էր փոխանակութիւնը: Հնադարեան ընտանիքը ոչ միայն տնտեսական արհրաժեշտութիւն չէր զգում արդիւնքներ փոխանակելու,—որովհետև նրա սահմանափակ կարիքները հոգացւում էին սեփական ջանքերով,—այլև նա ունէր մի առանձին հակադրական ինստիկտ գէպի փոխանակութիւնը: Հին հասկացողութեամբ փոխանակել և խաբուել (Tauschen und Täuschen) գրեթէ միենոյն իմաստն ունէին:

Սակայն շնորհիւ այն հանգամանքի, որ բոլոր երկրամա-

սերում բնական բերքերը գոյութիւն չունին նոյն տուտութեամբ, որ բոլոր ցեղերի մէջ տեխնիկան չէ դարգանում նոյն արագութեամբ և ուղղութեամբ, հետևապէս չէ արտադրում հաւասար քանակով արդիւնքներ, որ հետզհետէ բազմանում և բարդանում են կարիքները, մինչդեռ ընտանիքի վաստակաւոր ձեռքերը չեն կարողանում այդ բոլորին գոհացում տալ,— շնորհիւ այդ հանգամանքի, ասում ենք, աստիճանաբար երևան է գալիս և զարգանում ցեղերի մէջ տնտեսական փոխանակութիւնն ու յարաբերութիւնը: Շատ պարզ է եղել լիոխանակութեան սլրիմիտիւ աստիճանը: Դա աւելի ձիշտ փոխ տալ է եղել, քան փոխանակութիւն: Օրինակ՝ եթէ մի գիւղացի վատ հունձ էր ունենում, վերցնում էր իր հարեանից որոշ քանակութեամբ հացահատիկ ու դարման, յաջորդ տարին վերադարձնելու պայմանով: Եթէ մէկի լծկան կենդանին ժամտախտի զոհ էր գնում, ուրիշները տալիս էին նրան որոշ ժամանակով իրանց եզը, իմանալով, որ իրանք ևս նոյն վիճակի մէջ կը ստանան նոյն կարգի օգնութիւն և այլն:

Ժամանակի ընթացքում երևան են գալիս իսկական փոխանակութեան սիմպտոմները զուտ բնական իրերի տնտեսութեան (Naturalwirtschaft) շրջանում: Օրինակ փոխանակում էին՝ հացահատիկը գինու հետ, ձին՝ ցորենի հետ, մի կտոր կտաւը որոշ քանակով աղի հետ և այլն: Երբեմն նաև ստրկատէրը որոշ ժամանակով տալիս է ստրուկը մի ուրիշին աշխատելու և դրա փոխարէն ստանում գինի, փայտ կամ այլ իրեր: Հետզհետէ հրապարակ է գալիս իրերի մի հանրաթէք մասշտաբ՝ փողը, վաճառանոցները և կրեդիտային հաստատութեան սկզբնական սաղմային ձևերը: Դեռ այդ շրջանում փողը ստանում է մի քանի ֆունկցիաներ, այն է՝ որպէս փոխանակութեան միջոց, արժէքի չափ, վճարման միջոց և արժէքի պահպանութեան (զանձելու, Wertaufbewahrung) միջոց, մանաւանդ ազնիւ մետաղից: Սկզբներում փողի փոխատուութիւնը սերտ կապուած էր շահաւէտութեան գաղափարի հետ: Ինչպէս յայտնի է յունական և հռովմէական պատմութիւնից, անբնական էր համարւում, երբ փոխ տուած փողի համար տոկոս էր պահանջւում, որովհետև դա կործանում էր պարտապանին: Այդ պատճառով միջին դարերում կանոնական արգելքը՝ տոկոս վերցնելու դէմ, ծագեց ոչ թէ բարոյական-աստուածաբանական մոլեհներից, այլ զուտ տնտեսական անհրաժեշտութիւնից:

Տնտեսական զարգացման առաջին փազի մէջ հանդէս չեն գալիս առևտրի բոլոր ֆունկցիաները: Ամենակենսական պիտոյքները դեռ ենթակայ չէին կանոնատր և մշտական փոխա-

հակութեան: Միայն հազուագիւտ բնական բերքեր և արհեստային արտադրութիւններն էին, որոնք առևտրի նիւթ էին կազմում: Պրոֆեսոր Լամպրեխտը իր միջին դարերի տնտեսական հետազոտութիւնների մէջ ասում է, որ ֆրանսիացիք 11-րդ դարում միայն հազուագիւտ կարիքների դէպքերում էին գնում ու վաճառում ¹⁾: «Առաջին սկզբնական երևոյթը—ասում է Բիւխերը—չէ խախտում տնային փակ տնտեսութեան հիմնական բնոյթը, որովհետև նա շօշափում է դեռ ևս տնտեսութեան սխտեմի մակերևոյթային մասը» ²⁾:

III

Քաղաքային տնտեսութիւն

Քաղաքային տնտեսութեան բնոյթը:—Միջնադարեան քաղաքը:—Քաղաքային առտոնում տնտեսութիւնը:—Քաղաքի և գիւղի տնտեսական յարաբերութիւնը:—Արդիւնաբերութեան պրոցեսի բաժանումը:—Վաճառանոցային հաստատութիւնը՝ իր տեղական բնաւորութեամբ:—Նստակեաց առևտուրը:—Մանր ու մեծ առևտուրը:—Վաճառականի և վաշխառուի կապիտալը:—Փեռզալ, վաճառական, վաշխառու՝ մի կողմից, և արհեստաւոր քաղաքացի ու ճորտ գիւղացի միւս կողմից:

1.

Տնտեսական դարգացման յաջորդ ֆազը անուանեցինք քաղաքային տնտեսութիւն: Այդ ֆազը մօտաւորապէս սկսւում է, ըստ Շմոլերի, 10-րդ դարու վերջերից և տևում մինչև վերածնութեան մուտքը, ընդգրկելով միջին և արևմտեան Եւրոպայի առաջնակարգ երկրների տնտեսական կեանքը: Այն բնորոշ երևոյթը, որի շնորհիւ եւրոպական ազգերի միջնադարեան տնտեսութիւնը քաղաքային է կոչւում, համարւում է ամենից առաջ քաղաքային կեանքի կատարեալ տիրապետութիւնը գիւղականի վրայ, մանաւանդ Իտալիայում: Միջնադարեան քաղաքը մի աւտոնոմ կենտրոնավայր էր այն բոլոր տնտեսական շարժումների և յարաբերութիւնների համար, որոնք տեղի էին ունենում նրա մէջ և նրա շուրջը: Նա իր շրջապատ գիւղերով ներկայացնում էր մի տնտեսական ինքնամիտփ ամբող-

1) Lamprecht, «Eranzösisches Wirtschaftsleben» էր. 132.

2) Buche, «Die Entstehung der Volkswirtschaft» էր. 129

ջութիւն, որի մէջ տնտեսական կեանքի ողջ շրջանառութիւնը ընթանում էր ինքնակախ, ըստ սեփական նորմաների: Իւրաքանչիւր քաղաքային տնտեսական միութիւն ունէր իր սեփական դրամը, չափն ու կշիռը:

Այն կեանքի հաղորդակցութիւնը, որ գոյութիւն ունէր քաղաքի և իր շրջակայ գիւղերի մէջ, տեղի չէր ունենում մէկ ու միւս քաղաքի մէջ: Վաճառանոցային իրաւունքը կարգաւորող քաղաքային մարդաստրատը արգելում էր իրերի արտահանութիւնը գէպի որևէ այլ քաղաք, այդ կատարւում էր միայն այն ժամանակ, երբ տեղական բնակիչները լի չափերով բաւարարութիւն են տալիս իրանց կարիքներին և իրերի յաւելումը կուտակուած է մնացել շուկայում: Կամ թէ չէ քաղաքային մարդաստրատը թոյլ էր տալիս օտար քաղաքներից իրեր ներմուծելու միայն այն ժամանակ, երբ այդ իրերն արտադրող արհեստի ճիւղը բացակայում էր սեփական քաղաքում, կամ թէ կայ, բայց անբաւարար է տեղական պահանջների համար:

Այն բնորոշ կրիտերիումը, որ պարզ ցոյց է տալիս քաղաքային տնտեսութեան տարբերութիւնը նախկին ֆազից, կազմւում է վաճառորդների արդիւնաբերութիւնը, (Kundenproduktion) այսինքն արդիւնաբերութիւն ոչ թէ սեփական կարիքների համար, այլ անմիջական կամ ուղղակի փոխանակութեան համար: Տնտեսութեան այդ սխտմը, որի սկզբնաւորութիւնը մենք տեսանք դեռ տաջիկ ֆազի մէջ, քաղաքային տնտեսութեան մէջ ստանում է իր տիպիքական արտայայտութիւնը: Ուրքան տնտեսական զարգացման ընթացքում ուսանձին կոշումների մէջ յառաջադիւժում է աշխատանքի բաժանումը և մասնաւոր սեփականութիւնը աճում է ծաւալով և նշանակութեամբ, այնքան ընդհանրապէս դանդաղում է ինքնագործածութեան համար եղած արդիւնաբերութիւնը և արագ զարգանում է փոխանակութիւնը: Ապրանքների փոխանակութիւնը միշտ նախադրում է երկու պայման. առաջին, որ տնտեսութեան բոլոր արդիւնաբերական ճիւղերը միևնոյնը չեն արտադրում, որովհետև հասարակութեան մէջ մուտք է գործել աշխատանքի բաժանումը, և երկրորդ, որ փոխանակողները ազատ կարգաւորում են այն արդիւնքների վրայ, որոնց նրանք փոխանակում են:

Քաղաքային տնտեսութեան շրջանում արդիւնաբերութեան պրոցեսը անգամահատում և սոցիալական խաւերի է բաժանում ազգաբնակչութեան նախկին միապաղաղ կազմը իր տնտեսական ֆունկցիաներով: Հնադարեան ընտանիքը մի կողմից հաւաքում, կարգաւորում էր հողից ստացած բնական բերքերը, իսկ միւս կողմից կռում կոփում էր իր պրիմիտիւ գոր-

ծիրքները: Երկրագործութիւնն ու արհեստը միմեանց հետ սերտ շաղկապուած էին: Միջնադարեան մարդը անկարող էր այլևս սեփական ջանքերով բաւարարութիւն տալ իր հետզհետէ բարդացող պահանջներին. նա այլևս հնարաւորութիւն չունէր միաժամանակ հողագործ և արհեստաւոր լինելու. նա պէտք է կամ հողագործ և կամ արհեստաւոր լինէր, այդ էր պահանջուած աշխատանքի բաժանման ընական սլոցները: Այդպիսով տնտեսական զարգացման երկրորդ ֆազի մէջ տնտեսութեան ամբողջ պրոցեսը բաժանուած է երկու մասի, առաջ բերելով սոցիալական տարբեր խաւեր. մի տեղ հողատէր գիւղացին մը շակում է հողը, հայթհայթում է հում նիւթեր, իսկ միւս տեղ արհեստաւոր քաղաքացին հում նիւթերից արտադրում է գործածական կարերոյ նիւթեր:

Արդիւնաբերութեան պրոցեսի այդ բաժանումը տեական և հաստատուն գոյութեան նեցուկներ շնորհեց վաճառանոցային հաստատութեան: Վաճառանոցը (Markt) համարուած է քաղմութիւն գնողների եւ վաճառողների, սպառողների եւ արտադրողների համախմբումը՝ որոշ տեղում եւ որոշ ժամանակին: Կենսական անհրաժեշտութիւն էր զգացւում, որ սոցիալական կոչումաւոր խաւերը ժողովուրդն մի ընդհանուր տեղ և փոխանակէին իրանց արտադրած իրերը: Միջնադարեան վաճառանոցը ունէր սովորաբար տեղական բնաւորութիւն: Քաղաքը (և կեդեցու մօտ, լայն հրապարակի վրայ, քաղաքի դարպասի առաջ և այլն) կամ նրա մօտ շրջապատն էր կազմում արդիւնաբերողների և սպառողների համախմբման տեղը: Նրանք անմիջական յարաբերութիւն, շփում ունէին միմեանց հետ. իւրաքանչիւրը տէր էր իր ապրանքի և պատասխանատու իրար հանդէպ: Գիւղացին քաղաք է բերում իր երկրագործական ընթերցի յաւելումը՝ կենսական պիտոյքներ թէ հում նիւթեր, վաճառում տեղական բնակիչների վրայ և դնում արհեստաւորից ինդուստրիական արդիւնքներ: Քաղաքացին ու գիւղացին ունէին վաճառորդային յարաբերութիւն: Սովորաբար ինչ որ մէկը արտադրում էր, դրան կարիք ունէր միւսը և ընդհակառակը: Փոխանակութեան ակտը շատ յաճախ կատարւում էր առանց փողային միջոցների կամ թէ չէ փողը գործ էր ածւում միայն իրերի արժէքների հաւասարեցման համար: Վաճառանոցային յարաբերութեան, որպէս մշտական երևոյթի, սկզբնական շրջանում, երբ արտադրող ու սպառող անմիջապէս հանդիպում էին իրար, ամենեւին կարիք չէր զգացւում միջոցող պերսոնալ-առևտրական դասի: Վաճառականութիւնը, որպէս տնտեսական մասսայական երևոյթ, և վաճառականները, որպէս մի սոցիա-

լական կոչումաւոր խաւ, հանդէս են եկել աւելի ուշ, քան վաճառանոցը: Արտադրողների և սպառողների վաճառանոցային անմիջական յարաբերութիւնը, փոխանակութիւնը ըստինքեան քաջասում է միջնորդ պերսոնալի գոյութիւնը:

2.

Տնտեսական պահանջների բարդացումը և աշխատանքի բաժանման վարդացումը հետզհետէ հասնում են այն աստիճանին, որ գնեւն ու վաճառելը ևս դառնում է մի առանձին գործ, որին նուիրում է մի հասարակական խաւ: Հետզհետէ արմատ է բռնում միջնադարեան քաղաքներում նստակեաց առևտուրը, սկզբում իհարկէ փոքր ծաւալով: Միայն ունեւոր բնակիչներն էին, որոնք կարողանում էին շաքաթական և տարեկան վաճառանոցներում (Wochen—und Jahrmarkt) ոչ միայն անմիջապէս հոգալ իրանց հարկադրող կարիքները, այլև իրանց ապահովել կենսական միջոցներով մինչև յաջորդ վաճառանոցը: Ազգաբնակչութեան աղքատ խաւերը, սակայն, չէին կարողանում երկար ժամանակով իրանց ապահովել: Ուստի կարիք չկար իւրերի մի մշտական պաշարի, որից նրանք մաս-մաս գնէին և բաւարարութիւն տային իրանց ընթացիկ պահանջներին: Այդ պաշարը պահելու, խնամելու և մաս-մաս վաճառելու կոչումը ստանձնեց ինքը՝ մանր առևտրականը: Մոշոր առևտրականն ձեռնարկութիւնը, որպէս հաստատաբնակ, նստակեաց կոչում, գոյութիւն չունէր մինչև վերջին դարերի վերջերը: Դա բացառապէս թափառական, տօնավաճառի առևտուր էր: Մեծ առևտուրը հոգում էր միայն հազուագիւտ ապրանքների ներմուծումն ու արտահանումը, որոնք ամենուրեք չէին արդիւնաբերւում: Օրինակ մեծ առևտրականը հոգում էր հետեալ իրերի առևտուրը. 1. Հարաւային երկրներից մրգեղէններ, քաղցր ու անուշահոտ իրեր: 2. Չորացած և աղով արած ձուկ, որ այն ժամանակ ժողովրդական ընդհանուր սնունդի նիւթ էր համարւում: 3. Մորթի, կաշի: 4. Ագնիւ տեսակի մահուղեղէն: 5. Դինի, մանաւանդ գերմանական հիւսիսային քաղաքների համար:

Հետզհետէ ծրոյ-ծաղկող վաճառականի, առևտրական ձեռնարկութեան և առևտրական կապիտալի կողքին երևան է գալիս վաշխատու և վաշխատուի կապիտալը (Wucherkapital), բուրժուական վայելուչ արտայտութեամբ՝ փոխառութեան կապիտալը (Leihkapital): Առևտրական կապիտալը գրեթէ նոյնքան հին է, որքան և վաշխատուի կապիտալը: Երկուսն էլ կազմում են կապիտալի հին ձևերը, երկուսն էլ համարւում են ա-

պագայ տնտեսութեան կապիտալիստական զարգացման անհրաժեշտ նախապայմանները: Քաղաքային տնտեսութեան շրջանում գոյութիւն ունէին միայն կապիտալի այդ երկու տեսակը, ինդուստրիական կապիտալը դեռ բացակայում էր:

Ո՞րտեղից են քաղում իրանց եկամուտը այդ անարդիւնաւէտ սոցիալական խաւերը—առևտրականն ու վաշխառուն: Ի՞նչ աղբիւրից է շահում, աճում և լճանում նրանց կապիտալը:

Եթէ վաճառականը ուզում է գնած ապրանքը վաճառելու ժամանակ մի օգուտ կամ շահ ունենալ, ապա նա կարող է այդ անել սովորաբար այն ժամանակ, երբ նա իր ապրանքը գնէ մի այնպիսի ժամանակ, ուր նա արժան է և վաճառէ մի այնպիսի տեղ կամ այնպիսի ժամանակ, ուր նա թանկ է: Այսինքն գնել արժան և վաճառել թանկ, և իւրացնել այդ տարբեր պրոցեսների ժամանակ վաստակած օգուտը: Մինչդեռ հողագործ գիւղացու և ձեռնարհեստաւոր քաղաքացու եկամուտը կախում է ամենից առաջ իր կամ իր ընտանիքի անձնաւորութիւնից, աշխատասիրութիւնից և ճարպիկութիւնից, վաճառականի շահի բնակը, ընդհակառակը, այնքան աւելի մեծ է, որքան նա աւելի շատ դրամ ունի ապրանք գնելու և վաճառքի հանելու համար:

Ուրեկով նմանօրինակ աղբիւր ունի և՛ անարդիւնաւէտ վաշխառու կապիտալիստը: Վաշխառուի կապիտալը ըստինքեան նախադրում է չքատրութեան գոյութիւնը: Ով ունի այն, ինչի նա կարիք ունի, պարզ է, որ որեւէ բան մէկից փոխ չի վերցնի: Վաշխառուի կապիտալը մի միջոց է, որ շահագործելով կարօտեալներին չքաւոր վիճակը, բազմացնում է նրանց թիւը: Վաշխառուն քամում, մզում է իր պարտապանին, իսկ նրա անկման մէջ չունի նա որեւէ ինտերես:

Ուրեմն յանձինս վաճառականի և վաշխառուի, գտնում ենք քաղաքային տնտեսութեան շրջանում երկու սոցիալական խաւեր, որոնք ոչ մի նոր արժէք չեն աւելացնում արտադրած ապրանքի վրայ, և որոնք, այնուամենայնիւ, շնորհիւ ընդհանուր տնտեսական պայմանների դասաւորութեան և տնտեսական ֆալտորների զարգացման ազդեցութեան—մասնաւոր սեփականութեան սխտեմի ներքոյ—առաջացել և անընդհատ աճում են: Մէկը՝ վաճառականը, որոնում է գնելու ոյժ ու միջոցներ ունեցող հասարակութիւն, ասել է շատ ու շատ սպառող, եթէ ուզում էք՝ շուայլող հասարակութիւն, որպէսզի առևտրական նուաճումները յաջող ընթանան, իսկ միւսը՝ վաշխառուն, որոնում է փողի ծարաւ, կարօտող հասարակութիւն,

որպէսզի լաւ ու արագ սլանայ անգութ շահագործութեան պրոցեսը:

Սակայն տնտեսական զարգացման երկրորդ ֆազի ամբողջ ընթացքում—սկսած առաջին ֆազի վերջին շրջանից—մենք հանդիպում ենք այլ դասակարգի, որ ոչ միայն տնտեսական կուտակուած բարիքներ է անաշխատ վայելում, այլև տիրապետող դիրք ունի հասարակական և քաղաքական կեանքում: Դա խստապարանոց, պարագիտ ֆեոդալներն են (այստեղ առիթ չունենք կղերականութեան մասին խօսելու, որովհետև մենք գործ ունենք միայն այն խաւերի հետ, որոնք անմիջապէս թէ միջնորդապէս շաղկապուած են արդիւնաբերութեան պրոցեսի և տնտեսական ձևերի հետ): Միջնադարեան քաղաքային տնտեսութիւնը ուրիշ խօսքով կոչւում է ֆեոդալական տնտեսութիւն. այսինքն միջնադարեան տնտեսութեան տիրապետող ձևը եղել է ազրիկուտորային, որի տէրն ու տիրականը, արդիւնքներ վայելողը եղել է ֆեոդալը:

Բայց միջնադարեան տնտեսութիւնը ունի և՛ դրա հակառակ, սակայն դրանով պայմանաւորուած անուն, այն է՝ ճորտային տնտեսութիւն: Դա կը նշանակէ, որ միջնադարեան արդիւնաբեր, վաստակող հասարակութեան մեծագոյն մասը (գիւղացիութիւնը) ունեցել է իր տնտեսական ֆունկցիաների մէջ ճորտային յարաբերութիւն ունեցող կալուածատէրը՝ ֆեոդալը: Փեոդալիզմը այնպէս է պայմանաւորուած ճորտային տնտեսութեամբ, ինչպէս կլասիկ դարեշրջանի ազատ ու անաշխատ արիստոկրատիան՝ ստրկական տնտեսութեամբ կամ արդի կապիտալիստական տնտեսութեան սիստեմը՝ պրոլետարեատի զոյովեամբ:

Հէնց այդ ճորտային տնտեսութեան մէջ էին խարսխուած ֆեոդալական եկամտի անբաւ հարստութեան արմատները. հարստութիւն՝ բնական բերքերից և բարիքներից (Naturaegüter), եկամուտ՝ փողային ծանր տուրքերից, որ այնքան զարհուրելի էքսպրոպրիացիայի (անսեփականացում) ենթարկեց արեւմտեան Եւրոպայի գիւղացիութեան: Ճորտի քաղցածութիւնը՝ ֆեոդալի շոայլումն ու յղփացումն էր, ճորտի չքաւորութիւնը՝ ֆեոդալի չաղ եկամուտն էր, նրա հարստութեան զիզումը:

Ճորտացած գիւղացիների համեմատութեամբ, քաղաքացի արհեստաւորն ունէր տնտեսական անկախութիւն և սոցիալական աւելի բարեք վիճակ: Արհեստաւոր դասակարգը ցածր խաւերից բաղկացած մի շերտ էր, որ սկզբում փափագում էր տիրանալ այն ազատութեան և հաւասարագօր իրաւունքներին, որ վայելում էին ազնուականներն ու պատրիկները: Սակայն

խափանուեցին նրանց երազած ձգտումները և նրանք ֆուգին ղուտ արհեստավորներ: Նրանք ունէին իրանց ընդհանուր համաքարական կազմակերպութիւնը (Zunft, цехъ) բաղկացած վարպետներից, քարգեւարներից (Geselle) և շակերտներից: Վարպետները համեմատաբար քիչ էին և վայելում էին աւագի գիրք: Փարպեարների աշխատանքի վարձատրութիւնը տրւում է արդէն նորմայի տակ: Փաղաքային արհեստավոր դասակարգը վիճակակից է հողագործ գիւղացիութեան հետ այն տեսակէտից, որ երկուսն էլ արդիւնաբերող տարրեր են. մէկը արհեստային ինդուստրիայի մէջ, միւսը գիւղատնտեսութեան մէջ: Նրկուսի եկամուտը, տպրուստի միջոցները վաստակւում են սեփական քրտինքով: Եւ վերջապէս, որ երկուսն էլ շահագործուող տարրերն են (թէև ոչ հաւասար չափով): Մի կողմից քրտնավասակ գիւղացին վերջին ծայր հարստահարւում, քամւում, մըղւում էր տըրուկ ֆեոդալից, իսկ միւս կողմից քաղաքացի արհեստավորը ճնշւում էր քաղաքներում կուտակուող առևտրական և վաշխառուի կապիտալի ծանրութեան տակ:

Այսպէս, ֆեոդալ, վաճառական, վաշխառու մի կողմից, որպէս արդիւնքներ վայելող դասակարգեր, և արհեստավոր ու գիւղացի միւս կողմից, որպէս քրտնավաստակ արդիւնաբեր դասակարգեր: Միջնադարեան անտեսութիւնը ունէր սոցիալական խաւերի այդ կոմբինացիան, երբ նա գիմաւորեց նոր դուրս վերածնութեան արշալոյսին:

Բ. Իշխանեան

(Վերջը յաջորդ համարում)

Ո՞ՎՔԵՐ ԵՆ ԹՈՒՐՔԵՐԸ ԵՒ Ո՞ՎՔԵՐԻՑ ԵՆ ԲԱՂԿԱՅԱԾ *)

(Հիւսէյն-Չաղէի)

IV

Այժմ որոշենք թուրք լեզուի տեղը, լեզուական ընտանիքում, որովհետեւ մեր քննութեան ենթարկած հարցի հետ մեծ առնչութիւն ունի: Լեզուաբանները մի շարք լեզուների հնչման, տառերի, բառերի, ածանցումների, քերականութեան և համաձայնութեան մէջ մի քանի կարեւոր ընդհանուր նմանութիւններ, կապեր գտնելով՝ և դրանց վրայ յենուելով լեզուական մի խումբի «ալտայական» կամ «ուրալո-ալտայական» և կամ «տուրանական» անունը տուել են: Շատ հաւանական է, որ այդ լեզուները սերուած են մի տուրանական արմատ լեզուից, որ շատ հին է և դրա համար էլ մինչև այժմ այդ արմատ լեզուի իսկութիւնը չէ որոշուած ինչպէս որ պէտք է:

Ըստ լեզուաբանների, տուրանական լեզուները՝ իրանց տարբերութեան համեմատ հետեւեալ վեց ճիւղերին են բաժանուում:

1) «Ֆին և ուզր» լեզուներ, որոնց մէջ են մտնում Ֆին-լանդիայի զանազան բարբառները, մաջարական (ունգարական) լեզուն:

2) Սիբիրիայի և Մաուրցեալ Ուլիիանոսի հիւսիսային մասերում խօսուող այլևայլ «սամօէզ» բարբառները. Ֆին և ուզրը լեզուների և այս լեզուների միջև գտնուող առանձին նըմանութեան պատճառով՝ կան լեզուագէտներ, որ երկու ճիւղերը մի են նկատում:

3) Թուրք բարբառները սրանք յետոյ մի առ մի պիտի թուենք:

4) Մոնղոլական բարբառները, որ խօսուում են Չինաստանի հիւսիսային արևելակողմում, ինչպէս և Սիբիրիայի և Ռուսաստանի արևմտեան մի քանի տեղերում: Բայցալի ափե-

*) Տես «Մուրճ» № 9:

բում բնակուող մոնղոլների, բուրեաթների, կալմիկների և ուրիշների բարբառները այս խմբի մէջ են մտնում. Զինգիլի բանակում ծառայող թաթար հրամանատարների բարբառն ևս այս բարբառներից մէկն էր:

5) Մանջուրիացիների լեզուն, այն մանջուրիացիների՝ որոնք «տունդուզ» կոչուող ցեղին են պատկանում: Ինչպէս որ «Քին և ուզը» լեզուների և «սամօէդ» լեզուի միջև մի աղբակցական կապի գոյութիւնը ակնյայտ է, այնպէս էլ թուրք, մոնղոլ և մանջուրական լեզուների մի արմատից ճիւղաւորուած լինելը անուշանալի է:

6) Ճապոնական լեզուն ևս էվալդ, Շոտ, Վինկլէր և այլ նշանաւոր տուրանական լեզուաբանների կարծիքի և հաստատումի համաձայն «ուրալօ—ալտայական» լեզուների խմբից են: Յամենայն դէպս բոլոր (?) գիտնականները միահամուռ այն կարծիքին են, որ ճապոնական լեզուն իր համաձայնութեան կանոններով կատարելապէս տուրանական է: Ամենից աւելի Վինկլէրն է, որ պնդում է թէ ճապոներէնը տուրանական խմբին է պատկանում:

Տուրանական ժողովուրդների և լեզուների մասին հրատարակած քաղմաթիւ օգտակար դործերով հռչակ հանած յիշեալ դիտունը՝ այս հարցի վերաբերմամբ՝ Բուդապէշտ քաղաքում լոյս տեսնող «Revue orientale pour les études ouralo-altaïques» անուն հանդիսում, (1900 թուի համարներում) Die Uralaltaïschen Sprachen—Ուրալ-ալտայական բարբառները—վերնագրի տակ շատ կարևոր յօդուածներ գրած է:

Մի քանի գիտնականների կարծիքի համեմատ, տուրանական լեզուախմբի մէջ պէտք է մտցնել, բացի վերև յիշուած բարբառներից՝ «աղադի» կամ «սումբի» կոչուող հին լեզուն, որը յայտնի է բևեռագրերից:

Տուրանական լեզուները միմեանցից զանազանող առանձնայատկութիւնների մասին չենք ուզում խօսել, որովհետև դա մեր գրութեան սահմաններից դուրս է. բայց անօգուտ չէր լինի այստեղ համառօտակի յիշատակել թուրքերէնի՝ տուրանական բոլոր լեզուների հետ ունեցած ընդհանուր յատկութիւններն ու առաւելութիւնները:

Ահա սրանք ենք այն բնորոշ գծերն ու նշանները, որոնք լեզուական աշխարհում, բարբառների մի մասը բաժանում են միւսներից և տալիս են նրանց «տուրանական» կամ «ուրալօ—ալտայական» կոչումը:

Ա.) Բառերի բարդութեան կամ ածանցման ժամանակայդ բառերը իրանց արմատում բնաւ փոփոխութեան չեն ենթար-

կուրի: Օրինակ, արաբական զովլ (խօսք) արմատ բառը բար-
դութեան ժամանակ զիլ, զսլ ձևերն է ընդունում: Իսկ ընդ-
հակառակը թուրքերէն դեմէք (ասել) բայի դն բայարմատը՝ ոչ
մի ժամանակ փոփոխութիւն չի կրում բարդութեան ժամանակ:
Իսկ այս՝ մի լեզուի պարզութեան, դիւրութեան տեսակէտից,
իհարկէ շատ մեծ առաւելութիւն է:

(Հիւսէյն Ջադէն՝ թուրք լեզուն բնորոշ բացի այս առաջին
գծից, մէջ է բերում և չորս ուրիշներ, որոնք՝ իրանց զուտ
մասնագիտական բնաւորութեան պատճառով դանց ենք առնում:

Այդ բնորոշ գծերը թուրքուց յետոյ նա շարունակում է
այսպէս)

Արդ, թուրք լեզուի այլևայլ բարբառներից մին է ամենից
աւելի թուրքը, այս հարցը լուսաբանելու համար նախ պէտք
է որոշել, թէ նրանցից որք իր վրայ ամենից աւելի կրում է
տուրանական լեզուի առանձնայատուկ գծերի, քերականութեան
հիմնական կանոնների դրոշմը. թէ նա մի չափով ընկելէ սե-
մական և արիական լեզուների ազդեցութեան տակ: Երկրորդ՝
պատմական, աշխարհագրական և այլ ցուցմունքների, ինչպէս
և լեզուաբանութեան միջոցով որոշելուց յետոյ, թէ որքան են
ամենահին և պատմահարազատ թուրքերը, պէտք է սրանց բա-
ռամթիւրը, քերականութեան և համաձայնութեան կանոնները
լաւ ուսումնասիրել. և յետոյ այժմեան թուրք բարբառները այդ
վաղեմի ու հարազատ լեզուի հետ բաղդադելով տեսնել, թէ
առաջինները հեռացել են երկրորդից. և եթէ այդ, մի չափով,
մի աստիճանով: Բացի այդ՝ պէտք է մոռանալ և համասեռ
հարեան տուրանական այլ լեզուների ազդեցութիւնը նրանց
վրայ: Կասկած չկայ, որ թուրք բարբառները՝ ոչ միայն յիշեալ
տիպար լեզուից զանազան պատճառներով հեռացած լինելու
են, այլ և ենթարկուած լինելու են օտար լեզուների ազդեցու-
թեան: Այդ զանազան պատճառների գլխաւորներն են միջա-
վայրի, կլիմայական և բնութեանական պայմանները, աշխարհա-
գրական դիրքի հետեւանքով՝ դրացնական յարաբերութիւնները,
այլևայլ դարերի ընթացքում թուրքերի ընդունած զանազան
կրօնքներն ու դաւանութիւնները և այդ կրօնքների և դաւա-
նութիւնների լեզուն, գրերն ու դրքերը, վերջապէս ազդերն ու
ժողովուրդներն իրար խառնող պատմական դէպքերը: Առանց
այդ պատճառների մեկնաբանութեան վրայ կանգ առնելու,
ջանանք մի քանի տեղեկութիւններ տալ թուրքերի՝ այլևայլ
դարերի ընթացքում ընդունած կրօնքների մասին:

V

Օրխունի ¹⁾ ափերի շրջակայքում, վերջին ժամանակներում քա երևան հանուած հնութիւններից յայտնի եղաւ, որ թուրքերի կրօնն ու դաւանութիւնը բաղկանում էր «Շաման» կոչուող մի տեսակ հաւատալիքից: Մինչև այժմ էլ այդ հաւատալիքն են դաւանում չին և մոնղոլ ժողովուրդներէրից ոմանք և Սիրիւրիայի կողմերում բնակութիւն հաստատած մի քանի աշխուէթներ և ցեղեր: Հին ժամանակից իսկ բնութեան և բնութեան սլոբերի պաշտամունքին նուիրուած այս կրօնը, մի տեսակ կոպիտ կռապաշտութիւն է, որ յարատեւում է շնորհիւ շամանականների շարլատանութեան: Թուրք ցեղերի միջից ամենից առաջ քաղաքակրթութեան դիմող նախապէս «թու—քու—եէ», ապա «օղուք» կոչուող թուրքերի և սրանցից յետոյ պատմութեան ասպարէզ իջնող «ուլղուք»-ների մեծ մասը յիշեալ կռապաշտութեան մէջ չյարատեւելով՝ ժամանակի ընթացքում սխեցին այլևայլ կրօններ դաւանել: Բուգա կամ Սակիւսմունի անուն մի յարգելի անձի հիմնած կրօնը—Քրիստոսական թուականներից առաջ, Հնդկաստանում երևան եկած՝ և տարածուած նաև թուրքերի և մոնղոլների մէջ Քրիստոսից և Հիշրէթից ¹⁾ էլ յետոյ—«շաման» կռապաշտութիւնը պարտութեան մատնեց: Մարդկութեան մեծագոյն մասի, դեղին ցեղի այդ կրօնը՝ այսօր, Չինաստանի մոնղոլների, Ռուսաստանի կալմուկ և բուրեաթների ինչպէս և մոնղոլացած թուրքերի մի մասի մէջ տարածուած է և «լամայականութեան» ձևի տակ մըրցում է միւս կրօնների հետ: «Դեղին կրօն» կոչուող լամայականութեան հիմնադիրը Զոնկավա անունով մի կրօնաւոր է և լամայականութիւնը ինքը՝ ուրիշ ոչ այլ ինչ է, եթէ ոչ բուդդայականութեան մի ճիւղը: Այդ կրօնքը դաւանող մոնղոլների և մոնղոլացած թուրքերի հոգեւոր կենտրոնավայրը Թիբէտի Լըհասսա քաղաքն է համարոււմ և Լըհասսայից յետոյ հարաւային Մոնղոլիայում գտնուող Օրդա քաղաքը: Պանթէիզմի (համաստեւածութիւն) և մետամպսիխոզի (հոգեփոխութիւն) գաղափարներից բաղկացած այս կրօնքը երկար բացատրել մեր նպատակից դուրս է: Մեր միտքն է միայն ցոյց տալ, որ մի ժամանակ

1) Օրխունը մի գետ է, որ Բայկալ լիճի մէջ թափուող Սելենգա գետին է խառնուում:

1) Հիշրէթ, (զաղթում) Մուհամմէդի դադթը Մէկկէից Մեղինէ. լաւական դարեթիւր անս այս թուականից է սկսուում: Ծ. Թ.

թուրքերը այդ կրօնն ևս դաւանել են և հետևաբար, հաւանական է, որ մեր լեզուի, մեր բարքերի և սովորութիւնների մէջ այդ ժամանակուայ հետքերը գտնուեն:

Բուդդայականութիւնից յետոյ, կամ միևնոյն ժամանակ, քրիստոնէութիւնը երևան գալով՝ թուրքերի և մոնղոլների մէջ սկսեց «նեստորականութիւնը» տարածուել: Նեստորականութիւնը քրիստոնէութեան մի ճիւղն է: Ինչպէս յայտնի է, քրիստոնէական այժմեան դաւանանքի համաձայն՝ Յաջը կեանքի և փրկութեան նշան է. քրիստոնեաների կրօնքի համեմատ աստուածային երրորդութեան մի հիմնաքարը համարուող Քրիստոսը՝ մարդկութեան մեղքերի քաւութեան համար խաչի վրայ տանջուած է. ինչ որ մեր դաւանութեան հակառակ է, որովհետև մեր սուրբ զուրանը ասում է, թէ նա չէ որ խաչուեց, այլ նրա տեղ, նրան նմանուող մի այլ անձ:

Թրքական մի քանի հին յիշատակարաններում, ինչպէս և այսօր թուրք մի քանի բարբառների մէջ Աստուծոյ համար գործածուող «չէլը» կամ «չալապ» խօսքը պէտք է այդ դարեշրջանից ֆուսցած ենթադրել: Որովհետև «չէլը»-ը պարսկերէն «չեխբա» կամ արաբերէն սէլիբ (կախուած) բառից աղաւաղուելով «խաչ» է եղել:

Օսմանեան թրքերէնի «էֆէնդի, աղա» իմաստը ունեցող և նոյնիսկ Սուլթան Մէհմէդ Ա-ի և նրա Ղոնիայի տեղակալին տրուած և այժմ էլ առհասարակ գործածուող «չէլէրի» յորջորջումը «չէլը»-ից է ծագում:

Իսլամութիւնը երևան գալով քրիստոնէութիւնը թուրքերի մէջ ծաւալ չգտաւ: Այսօր թէև գոյութիւն ունեն քրիստոնեայ թուրքեր (Անատոլիում—Փոքր-Ասիա ¹)—Կազանի կողմերում և Սիբիրիայի մի քանի մասերում) բայց իրանց սակաւաթուութեան պատճառով՝ միւս քրիստոնեայ ժողովուրդների հետ խառնուելով՝ կրօնի շնորհիւ իրանց ազգութիւնը կորցնելու վրայ են:

Բացի, վերոյիշեալ կրօններից մի ժամանակ թուրքերի մի մասի մէջ «զրադաշտականութիւնն» ու «մանիքեականութիւնը» ևս տարածուել է: Այժմ ևս Հնդկաստանի մի քանի մասերում տարածուած զրադաշտականութիւնը այնպէս է ընդունում, որ տիեզերքը երկու միմիանց հակառակ ոյժերի տիրապետութեան տակ է գտնուում. խաւարի և չարի աղբիւր «Ահրիման»-ի և լոյսի և բարիի աղբիւր «Որմիզդ»-ի: Լոյսը՝ Որմիզդ-

¹) Փոքր Ասիայի մի քանի եկեղեցիներում թրքերէն ծխակատարութիւն տեղի է ունենում. այս տեսակ մի եկեղեցի էլ Կազան քաղաքում կայ:

դի խորհրդանշանն է. լուսապաշտութիւնը իբր թէ որմիգլապաշտութիւն է. դրա համար էլ զբաղաշտականութեան հետեւողները, աւելի յետոյ, փոխութեան կոսիտ կրակապաշտներէ: Կրակապաշտութիւնը արդէն վերելում յիշուած շամանականութեան մաս էր կալմում: Մեր շատ սովորութիւնները այդ դարաշրջանից են մնացել. օրինակ կրակ վառելով վրայից թռնել և այլ սովորութիւններ:

Այսօր, թուրքերի մեծամասնութիւնը՝ փառք Աստուծոյ, վաղուց իվեր իսլամական կրօնով փառաւորուած է:

Թուրքերի մէջ մտած զանազան կրօններն ու գաւառութիւնները՝ միմիանց վանելով՝ իրանց հետ կրօնական և պաշտօնական գրութիւնների մէջ գործ ածուած գրերի և այբուբենի ձևերն ևս փոփոխութեան էին ենթարկում:

Այսօր, ինչպէս երևում է, թուրքերի ամենահին գիրն ու այբուբենը «բուն» կոչուող մի տեսակ տառ է, որը ինչպէս կալածում են հնարուած է իրանց՝ թուրքերի կողմից: Թրքական ամենահին գիրը համարուող «ույղուր» տառերը՝ «բուն» գրից միայն 5—10 տարի յետոյ երևան գալով նրա տեղը բռնեցին: Կարծում են, որ այդ «ույղուր» տառերն էլ նեստորականների կողմից են մտցրուած թուրքերի մէջ: Իսլամական կրօնի՝ թուրքերի մէջ տարածութեան յետոյ, ույղուր և մոնղոլ գրերի փոխարէն ամեն կողմ սկսուեց գործածութեան դրուել արաբական այբուբենը, պարսիկների կողմից որոշ չափով կանոնաւորուած արաբական այբուբենը:

Այստեղ ուշադրութեան արժանի մի շատ կարեւոր կէտ կայ:

Իսլամական կրօնքի հետ արաբական գիրն ու լեզուն՝ թուրք ժողովրդի լեզուն, գրականութիւնը բարքերն ու սովորութիւնները թէև շատ մեծ փոփոխութիւնների ենթարկել են, բայց թուրքերը կարողացել են իրանց ազգութիւնը, լեզուն ու գրականութիւնը պահել, պահպանել միայն իսլամական շրջանակի մէջ:

Թուրքերը առհասարակ ուրիշ կրօնների հակում և ընդունակութիւն չեն ցոյց տուել: Շատ քիչ թուրքեր իրանց ազգութիւնը կորցրել են երբեմն չինացիների, մոնղոլների և հնդիկների, երբեմն էլ քրիստոնեայ ժողովուրդների հետ խառնուելով: Ընդհակառակը նրանց ստուար մեծամասնութիւնը մահմեդականութեան յարելով՝ դարձել են Իսլամի հիմնաքարերից ու յենարաններից մէկը և շնորհիւ այդ աստուածայայտ կրօնի՝ իրանց սեփական ազգութիւնն ու տոհմը պահելով՝ ի-

րանց ապաւան ապահովել են. ահա այս կէտը արժանի է ուշադրութեան:

Բայց հետաքրքիր է իմանալ, թէ ի՞նչ պատճառների շնորհիւ, թուրքերը ընդունելով հանդերձ իսլամական կրօնը և արաբական քաղաքակրթութիւնը, բնաւ չեն արաբացել, մնացել են թուրքի զաւակ թուրք:

Այդ պատճառները բազմաթիւ են: Իմ կարծիքով, մի կողմից իսլամական կրօնի սեփական գեղեցկութիւնները ու առաւելութիւնները, նրա ճշմարտութիւնների բացարձակ պարզութեան, յստակութեան, ապացոյցների և հաստատութեան կարօտ չլինելու և միւս կողմից էլ թուրքերի ցեղական առանձնայատուկ նկարագրի, բնաւորութեան, ճաշակի, առաքինի բարքերի, և բարոյական ձիրքերի մէջ պէտք է որոնել այդ պատճառները:

Օրի և ջուրի, կլիմայական պայմանների, աշխարհագրական և բնական գիւրքի տեսակէտից, ինչպէս և իր ընդարձակ դաշտերով և աւազուտ անապատներով թուրքեստանը որոշ չափով նմանութիւն է ցոյց տալիս Արարիայի հետ. չի կարելի ուրանալ նոյնպէս, որ թուրքի և արաբի մէջ մի շարք նման և մօտիկ գծեր կան. ինչպէս ուզտի, ձիու վորձածութիւնը, մէրդութիւնը, քաջութիւնը, ճանապարհորդութեան սէրն ու քէօշեղութիւնը, իր հայրենիքում ազատ անձնիշխան լինելը: Բացի այդ, իսլամութիւնից առաջ այդ երկու ժողովուրդների հաւատալիքների և պատմական անցքերի միջև էլ որոշ աստիճանի հանգիստութիւն կայ. «բուն» գրի շրջանում, թուրքերը գաւառում էին շամանականութիւնը, իսկ արաբները՝ իսլամութիւնից առաջ, կուսապաշտութիւն:

Ահա այս առաջ բերուած և այլ պատճառներից դրուած՝ թուրքերը արաբական քաղաքակրթութեան մեծ հակում ցոյց տուեցին և նրան շատ հեշտութեամբ ընդգրկեցին: Նոյն պատճառների հետեւանքով է որ, մինչդեռ արիական ժողովուրդները՝ մահմեդական կրօնը ընդունելուց յետոյ մի քանի հանգիստ չմնալով շարունակ ձգտած են այդ կրօնը մէջ մասնակի և հիմնական փոփոխութիւններ մտցնել, թուրքերը ընդհակառակը իսլամականութիւնը ընդունել են այնպէս, ինչպէս որ կար և միշտ էլ աշխատել են և աշխատում են իրանց կրօնը անաղարտ և անփոփոխ պահել:

Այնուհանդերձ թուրքերը բնաւ չարաբացան: Արաբները, ամբողջ հարաւային Աֆրիկէն, Սուրիան և Միջագետքը, ինչպէս և մեր Դաղստանի ժողովուրդներից ոմանք, օրինակ լէզգիները և ուրիշները արաբացնելով հանդերձ, թուրքերին անկարող են եղել արաբացնել: Ի՞նչ է արդեօք պատճառը. այն որ թուրքերը

փոքրիկ ժողովուրդ չէին, այլ արաբների նման մի ծայրից միւս ծայրը ձգուող մի մեծ ազգ. բացի այդ՝ թուրքերի կենտրոնավայրը՝ Միջին Ասիան՝ Արաբիայից մեծ տարածութիւններով բաժանուած էր:

Բայց սրանից աւելի կարևոր դեր էր խաղացել այն՝ որ թուրք լեզուն լինելով տուրանական, գլխովին հակառակ էր արաբերէնին, որը սեմական լեզուների ընտանիքից է: Արաբները, աւելի իրանց լեզուի քան իսլամական կրօնի միջոցով յաջողել են արաբացնել օտար ժողովուրդները: Արաբացող ժողովուրդները՝ կամ Արաբիստանի հարևան փոքրիկ ժողովուրդներ էին, կամ հարաւային Աֆրիկէի ժողովուրդներին նման արզէն իսկ սեմական ծագում ունէին և մի փայլուն քաղաքակրթութեան ազդեցութեան տակ արաբանալու ձգտում ցոյց էին տալիս:

Եթէ իսլամական կրօնը ոչ թէ՛ արաբների, այլ մոնղոլների մէջ երևան եկած լինէր, այն ժամանակ այս վերջինները գուցէ յաջողէին թուրքերին մոնղոլացնել: Որովհետև տուրանական ընտանիքի պատկանող այս երկու լեզուների մէջ այն աստիճանի առնչութիւն կայ, որ կարող են միմեանց իւրացնել: Յայտնի է, որ մինչդեռ ամեն լեզու բաղկացած է բառերից և քերականական կանոններից, թուրքերէնը գլխաւորաբար բաղկացած է կանոններից ¹⁾: Կարծում եմ, որ այս միտքը ամենից տուաջ յայտնել է օսմանցի հռչակաւոր գրագէտ՝ Ահմէդ Միդհատ Էֆէնդին: Սյապէս, օրինակ, թուրք լեզուն բառերին կառուրութիւն չի տալիս. իր հաւանած բառը առնում է ամեն լեզուներից և որպէս իր սեփական ստացուածքը, գործ է ածում իր քերականութեան և համաձայնութեան կանոնների համեմատ. օրինակ, թուրք լեզուի մէջ յոգնակի շինող մասնիկներն են լէր կամ լար. թուրքերէնը՝ յունարէնից «ֆիլոսոֆ», «իստորիա», կամ լատիներէնից «դոկտոր», «պրոֆէսոր» բառերը առնելով հետաւութեամբ «ֆիլոսոֆլէր», «պրոֆէսորլար» և այլն կարող է անել. մինչդեռ արաբը «ֆիլոսոֆ»-ը յոգնակի

1) Յօդուածագիրն ուզում է ակնարկել այն, որ թուրքերէն լեզուն անխափր գործ է ածում և՛ արաբերէն, և՛ պարսկերէն, և՛ թուրքերէն բառեր. թուրք լեզուի բնորոշ գիծը կախնում է օտար լեզուի բառերը թուրք քերականութեան կանոններին ենթարկելով գործ ածելու մէջ. արաբերէնը, պարսկերէնը թուրքերէնը միմեանցից զանազանուում են քերականական և համաձայնական ինքնուրոյն օրէնքներով. ահա՛ նրանց տարբերութիւնը. պէտք է ասել որ այժմ թուրք լեզուի մէջ նկատուում է որքան կարելի է բուն թուրքերէն բառեր գործածելու ձգտում:

գարձնելու համար պէտք է ասէ «Ֆէլասէֆէ», «խստորիա»-ն «էսադիր», իսկ շատ բառերի (ուղում է ասել օտար բառերի) յոգնակին անկարող է շինել:

Թուրք լեզուի կանոնները այն աստիճան պարզ, այն աստիճան գեղեցիկ և տրամաբանութեան մօտ են, որ նրա հետ ծանօթ եղողը ոչ մի ժամանակ չի կարող նրա կանոնները թողնելով արարելէնը ընդունել: Ահա այս պատճառներով թուրքերը՝ իսլամական կրօնը իրանց բուն հոգուց բղխած կրօնի նման սիրայօժար ընդգրկելով և նրա զօրեղ պաշտպանը հանդիսանալով հանդերձ, երբէք չարաբացան և իրանց ազնուական ծագումով իրանց տոհմը անաղարտ պահպանեցին. իսկ այժմ սկըսում են այդ ուղղութեամբ առաջադիմել:

VI

Այժմ մի ակնարկ գցենք թուրքերի պատմութեան վրայ և տեսնենք, թէ հինդ-ասսը տարիներից ի վեր այդ մասին ի՞նչ հետազօտութիւններ են տեղի ունեցել:

Ամենավաղմի թուրքերի պատմութիւնը խառնուած է դիւցազներգական առասպելներով:

Սուլթան Մահմուդ Ղազնէվիի նման նորասէր մի թուրքի խելացի քաջալերութեան և պաշտպանութեան շնորհիւ առաջ եկած Ֆիրդուսիի, Իրանի, զուցէ և ամբողջ աշխարհի ամենամեծ բանաստեղծի՝ գրած «Շահնամէն», եթէ ծայրէ ի ծայր կարդանք, կը տեսնենք որ այդ աննման գործում, միմեանց հետ մշտական մրցութեան մէջ գտնուող երկու հերոսներից, միմեանց հետ պայքարող երկու գիւցազներից մէկի անունն է «Իրան» իսկ միւսինը՝ «Թուրան»:

Եւրոպայի համարեա կէս մեծութիւնն ունեցող Թուրան կամ Թիւրքեստանը՝ Զիհուն, Ամուդերեա, Օգսուս անուններով յայտնի մեծ գետի յետևի մասում գտնուող ընդարձակ երկիրն է ¹⁾: Ֆերդուսիի համաձայն, այս երկրի բնակիչները վաղուց ի վեր, նոյնիսկ աշխարհի ստեղծագործութիւնից ի վեր, թուրքերից բաղկացած էին:

Սրանց առաջին թագաւորներից մէկը Աֆրասեբան ²⁾ էր, որ ժամանակակից էր Կիքաուսի:

Շահնամէի ամենարանաստեղծական և միևնոյն ժամանակ

1) Այս երկրի մի մասը կոչւում է նաև Թրանսօգսանեստ:

2) Թիւրքեստանում այս անունը կրող մի մեծ քաղաքի աւերակները երևան են հանւում այժմ:

ամենայնուհի մասն է կազմում Սիավուշի վերաբերող գրուածը:

Սիավուշ թուրքերի դէմ մղած մի պատերազմից յետոյ, իր հօր Կիքաուաի հետ զժտելով՝ նրա հակառակորդի, Աֆրասեարի մօտ ապաստան գտաւ. այս անցքերը շատ գրաւիչ կերպով պատմուած են Շահնամէի մէջ: Աֆրասեար իր աղջիկը՝ Ֆարնէքիսը Սիավուշի հետ ամուսնացնելով, այս վերջինը երկրի մի մասին իշխան կարգեց: Բանաստեղծի պատմութեան նախելով՝ Սիավուշի իշխանութեան տակ գտնուող երկիրը այն աստիճան բարգաւաճեցաւ, շէնացաւ, որ Նոյնիսկ Աֆրասեարի պալատում նախանձ ծնունց դէպի Սիավուշը: Ահա, ամենահին ժամանակներում, դիւցազներգական առասպելների շրջանում, Թիւրքեստանի կողմերը՝ Թիւրքուսից ենթադրուած և ընդունուած «աշխարհաշինութեան, բարգաւաճման» այս հարցը շատ կարևոր մի հարց է:

Այժմ այլևայլ յիշատակարաններ և ուրիշ աղացոյցներ հաստատելու վրայ են, որ բանաստեղծի խօսքերը լոկ երևակայութեան ծնունդ, դատարկ խօսքեր չէին: Կասկած չկայ որ Թիւրքուսին՝ իր բանաստեղծական երկի ստեղծագործութեան համար դիմել է մի քանի հին՝ այժմ կորուստի մասնուած՝ պարսիկ, փէլէկ, գէնդ, արաբ, թուրք և այլ լեզուներով գրուած աղբիւրների: Միայն թէ Թիւրքուսին այդ աղբիւրների վրայ նայել է ոչ թէ գլխաւորապէս պատմագրի աչքով, այլ պերճախօս բանաստեղծի, մանաւանդ պարսիկ հայրենասէրի դպացւունքներով սողորուած, Իրանցի մի կրակոտ բանաստեղծի աչքերով:

Թուրք պատմագրի գործը պէտք է լինի, գլխաւորապէս և ընդհանուր ուսումնասիրութիւններից յետոյ երևան հանել պարսիկ բանաստեղծի երկասիրութիւնից այն՝ ինչ վերաբերում է ճշմարիտ պատմութեան: Բացի այդ, հին թուրքերի և նրանց շաղաքակրթութեան մասին շատ թանկագին ճշմարտութիւններ կարելի է գտնել չինական 3) տարեգրութիւնների մէջ, մասնաւորաբար այդ տարեգրութիւնների այն մասում, որ վերաբերում է քրիստոնէութեան չորրորդ դարեշրջանին: Այդ ճշմարտութիւնները կարող կը լինենք պարզաբանել չինական լեզուների հետ ծանօթանալով միայն:

Թուրքերը՝ քրիստոնէական Վլ-րդ դարում միայն ծանո-

3) Կարծում եմ, օգտակարութիւնից դուրի չի կարող լինել այդ տեսակետից ուսումնասիրել Նոյնպէս «Աորափաների» և «Պորափաների» (պանտափ) կտուրից ճատող Մահարաւատան, չինական նախկին շահնամէն: Հոկտեմբեր, 1905.

Թացել են արաբ պատմագրի «ի միջի այլոց՝ յոյները» 4) գործի հետ: Այդ պատմագրի համաձայն, քրիստոսական 560 թուին ընդ Ալտայի կողմերից եկող Սինջիրու (յունարեն Սիլվիրուլ) թագաւորը Նուշիրուան արքայի հետ մի դաշնագրութիւն կընքելով՝ աշխարհակալել են Ջիհունի ափերը: Այդ թուականից սկսած՝ թուրքերը այլևս Մոնղոլիստանի և Թիւրքեստանի սահմաններում չեն ամփոփւում, և սկսում են այլևայլ քաղաքներ նուաճելու դուրս գալ: Գալիս են մինչև Վոլգա գետի եզերքը այսօրուայ Բուստամանի արևելեան կողմերը: Ժամանակի ընթացքում աշխարհակալական և դադթականական հոսանքը շարունակւում է. դրանցից ամենակարևորը քրիստոսական XI դարում պատահած լինելուն, ահա այդ ժամանակից սկսած թուրքերի պատմութիւնը դառնում է բացարձակապէս հաստատ և ստոյգ: Իսկ մինչև այդ, թուրք պատմութիւնը անսոշորութեան քողով է ծածկուած:

Մական վերջին տարիները՝ VI և XI-րդ դարերի միջև ամփոփուած ժամանակամիջոցի վերաբերեալ՝ չափազանց կարևոր յայտնութիւններ են եղել, հետեարար անհրաժեշտ է որ այս մասին մի քանի տեղեկութիւններ տանք: «Օրխուն» գետի շրջակայքում նոր գտնուած «Կարա-Կուրում» քաղաքի աւերակներից բացի, վերջերս նորից, «Կարա-Կուրում» անուն աւելի վաղեմի մի այլ մեծ քաղաքի աւերակները գտնուեցին, որը շինուել է ուլղուր թուրքերի և սրանցից աւելի վաղեմի, չինարէն «Թուրու-եէ» կոչուող «օղուզ» թուրքերի կողմից: Թուրք ժողովուրդների շարքում, զրբխըղների հետ, յիշեալ երկու ժողովուրդներն է ահա, որ առաջին անգամ իրանց անունը արձանագրել տուել են պատմութեան էջերում: «Թուրու-եէ» (կամ թուրք-օղուզ), ուլղուր, զրղըղ—ահա թուրք ժողովուրդի առաջամարտիկները... ահա սրանք են ամենահին և ամենահարգատ թուրքերը: Բացի սրանցից, օրինակ, բաշկուրդների 1), քաղաքակրթական պատմութիւնը առաջինների չափ վաղեմի չէ: Ուլղուրները «Թուրու-եէ»-ների պատմական ժառանգը լինելով՝ զրբխըղները սրանց մրցակիցը հանգիստացած են:

Ղրբխըղների մասին առանձնապէս պիտի խօսենք:

4) Շատ հաւանական է, որ յունական գիցարանութեան մէջ էլ թուրքերի մասին ակնարկներ գտնուեն: Մի քանի օմանցի գրադէտներ տաւում են, որ կէս-մարդու, կէս-ձիու ձևով երևակայուած առասպելական արարածը, «Կինոտար—մարդաձին» թուրք հեծեալօրքին է ակնարկում:

1) Ոմանք կարծում են, որ «բաշկուրդ» կոչումը աղաւղուած է «բաշկայ եւրոտ»—ուրիշ երկրից—խօսքից. որովհետև զրանց հայրենիքը «Ուրալ» լեռներն են, և ոչ թէ «Ալտայ»:

Ուշգրտները պատմական դրուժիւնը՝ օղուղ թուրքերի, աշխիւն «թու-քու-եէ»-ները դրուժիւնից աւելի առաջ յայտնի էր. որովհետեւ ուշգրտները լեզուն՝ «ուշգուր տառեր» կոչուող և հին ասորական գրերի մի տեսակ փոփոխութեամբ կազմուած մի առանձին տառ ու այրուրեն է, որը վաղուց իվեր ընթեռնելի էր: Ուշգարական հռչակաւոր գիտուններից Վամբերիի գտած «Կուդաթկոբիլիք» անուն գիրքը այս լեզուով և տառերով գրուած լինելով՝ մինչև այս վերջին տաս-տասն և հինգ տարուայ ընթացքում կատարուած նոր յայտնութիւնները, նըկատուած էր ուշգուր և հետեալաբար թուրք գրական առաջին գործը: Հիշրէթիի հինգերորդ դարում, Կաշգարում գրուած այս գրքում բացատրուած է, թէ երկրի իշխանը, վէզիրները, հրամանատարները և ուրիշ վարիչները լոնչպէս պէտք է կառավարեն, ինչ պարտականութիւններ ունեն պէտք է երկիրը, կրօնը, ընտանիքը: Այս գրքում յայտնուած են և փիլիսոփայական մտքեր:

Ուշգրտներից շատ աւելի հին եղող «թու-քու-եէ»-ները պատմական դրուժիւնը այս վերջին 15—20 տարիների ընթացքում միայն սկսուեց յայտնի դառնալ:

Զինգիլական խոշոր գէպքերից յետոյ, օսմանեան սուլթանները նախնիքներից Օրթոգրուլ Ռազիի հօրը՝ Սիւլէյման խանի հրամանատարութեան տակ Խորասանից գէպլարեանուտք շարժուող «օղուզ» թուրքերի անուան, և չինացիների կողմից «թու-քու-եէ» յորջորջուած շատ հին «օղուզ» թուրքերի անուան միջև դոյուժիւն ունեցող նմանութիւնը ուշագրաւ է. բայց պէտք է ասել, որ սրանց վերաբերեալ մինչև վերջին ժամանակներս ոչ մի տեղեկութիւն չունէինք:

Այսօր, նոր, կարեւոր յայտնութիւններից յետոյ էլ հին «օղուզ» թուրքերի և Սիւլէյման խանի օղուզների միջև մի քանի դարերի պատմութիւնն բաց է մնում...

Այժմ տեսնենք թէ լոնչ են առում օղուզների մասին պատմական նոր յայտնութիւնները:

Երկու հարիւր տարուց իվեր, Եէնիսէ գետի կողմերում, ըուն (Run) կոչուող անընթեռնելի տառերով բաղմաթիւ արձանագրութիւններ երևան հանուեցան, և նոյնիսկ սրանցից հաւաքածուներ կազմուելով մի քանի թանգարաններում դեռ տեղուեցին և հռչակուեցին:

Սակայն այդ «ըուն» տառերը մինչև սրանից 10—15 տարի առաջ ոչ ոք կարող եղաւ կարգալու: Վերջերս այդ կարգի հընթիւններն ուսումնասիրելու ցանկութիւնը սաստկացաւ և ուսումնասիրողները շատացան:

1889 Քր. թուին, «Արեւելեան սիրելիական աշխարհագրական» ընկերութիւնը, 1890-ին Հէլսինգֆորսի «Ֆին և ուղր» ընկերութիւնը, և 1891-ին Պետերբուրգի Գիտութեան Ակադեմիան յատուկ մարմիններ ուղարկեցին Բայկալ լիճը թափուող՝ Սիլնդա գետի ճիւղերից Օրխուն գետի հովտում գտնուող հին և նոր «Կարա-Կուրում» քաղաքների աւերակներում հնադիտական խուզարկութիւններ կատարելու համար: Առաջին խմբին նախագահում էր Եադրինցեվ ուսւ գրագէտը, երկրորդին՝ ուսուցիչ Հէկել և երրորդին՝ Ակադեմիայի անդամներից յայտնի գիտուն Բադլով: Յիշեալ անձերի և մարմինների ջանքերի շնորհիւ գտնուած քաղաքի բեկորները, նրանում գոյութիւն ունեցող մեծ պալատի աւերակները, ինչպէս մարմարեայ և այլ քարերից շինուած պեղեցիկ արձանները, աժդահայի, առիւծի և ուրիշ կենդանիները ձևերը, «բուն» տառերով արձանագրութիւններ կրող թանկագին կոթողները և այս կարգի բազմաթիւ հնութիւնները ցոյց էին տալիս որ այդտեղ ծաղկել էր մի հին քաղաքակրթութիւն: Միայն թէ յիշեալ բուն ¹⁾ արձանագրութիւնները անընթեռնելի մնալուն՝ չէր հասկացուած, թէ այդ փառաւոր քաղաքակրթութիւնը հր ժողովուրդին էր պատկանում: Հասնելու լուծման մեծապէս օգնեցին այն մի քանի կոթողները, որ Եադրինցեվ և Հէկել դոտան Արսենզու կոչուող լամայական մենաստանի շրջակայքում. այդ կոթողների վրայ երեք լեզուով արձանագրութիւններ կային. ույղուրերէն, չինարէն և բուններէն, և ոմանց վրայ էլ մի չորրորդ լեզուով՝ մոնղոլերէն: Հէկելի գտած կոթողը, որի վրայ վերոյիշեալ երեք լեզուներով արձանագրութիւններ կային, քառակուսի մի սիւն էր և դազաթին կրում էր առիւծի մի մեծ արձան: Ահա այս երեք լեզուով արձանագրութիւնների երկուսի՝ չինարէնի և օյղուրերէնի օգնութեամբ կոպէնհագցի յայտնի գիտուն Վիլհելմ Տոմսըն Քրիստ. 1893 թուին, Շամպոլիօնների յատուկ ճարտարութեամբ հին թուրքերի այբուբենը գտաւ և «բուն» տառերը կարգաւորով պարունակութիւնը իմացաւ:

Այդ բոլորից սկսած՝ թուրք վաղեմի քաղաքակրթութեան վրայից քօղը պատուեց և օրէցօր թրքաբանութիւնը սկսեց

1) Նախկին գերմաներէնում «բուն» նշանակում է գաղտնիք. կարծւում է որ գերման սկանդինաւ «բուն» տառերը լատինական այբուբենից քաղաղրուած են. քայց օրիսունների «բուն» տառերը դրանց հետ առնչութիւն չունեն. շատ շատ կարող են գուցէ «արամական» կոչուող այբուբենի հետ նրմանութիւններ ունենալ:

հոր զարկ ընդունել և գիտնականների փառք ու պատիւ վաստակելու ընդարձակ աստիճանի դառնալ:

Թուրքերին մատուցած մեծապէս օգտակար ծառայութիւններն համար մեր երախտագիտութեան արժանացող Տոմսընը՝ իրանից դարեր առաջ անլուծելի հանելուկ մնացած թուրքերի «բուն» գրերի ընթերցման նպաստող ուղղութիւն և չին արձանագրութիւններից օգտուեց մի շարք ուրիշ հարցեր պարզարանելու համար:

Յիշեալ գիտունը բուն հարցի մէջ չմտած, նախապէս ենթադրութիւն է տրել, որ «բուն» արձանագրութիւնները թուրքերէն են: Եւ այդ ենթադրութիւնը հաստատել է հետեւեալ կերպով: Գտնուել է մի արձան, որը կանգնուած է եղել մի խանի ի պատիւ. այդ արձանի վրայ, խանի անուան կողքին տեսնուել են թ, ր, ք, բունական բաղաձայն տառերը: Տոմսըն հիմնուելով՝ բոլոր տառանական լեզուների մէջ ձայնաւոր տառերի տեղ գործածուած «ձայնաւոր եղանակաւորութեանը»¹⁾ կանոնի վրայ, այդ երեք բաղաձայն տառերը՝ թ, ր, ք՝ կարգացել է «թուրք»:

Վերջէն Տոմսըն այս մասին գրել է մի գործ, որը կրում է «Déchiffrement des inscriptions del' Orkhon et de l'lenissei»—Օրխունի և Ենիսիէի արձանագրութիւնների ընթերցումը—տիտղոսը և հրատարակուած է 1894-ին Դանիայի մայրաքաղաք Կոպէնհագեն: Դանիացի յետոյ, թուրք օրուզ (թուրու-էէ) ժողովուրդին պատկանող ուրիշ պատմական արձանագրութիւնները կանոնաւորապէս թարգմանուելով եւրոպական և ուստական մամուլի միջոցով՝ չկայ հրատարակուել: Իրա՝ Տոմսընի թարգմանութիւններից մի քանիսը՝ «Mémoires de la Société Finno-ougrienne»-Ֆիննո-ուգրական ընկերութեան արձանագրութիւնները—անուն Ֆինլանդական հանգէսի այլեայլ համարներում լոյս են տեսել: Տոմսընից յետոյ այս ուղղութեամբ ամենից շատ աշխատել է Պետերբուրգի Գիտութիւնների Ակադեմիայի անդամներից յարգելի Րադլոֆ: Այդ ակադեմիայի կողմից Օրխունի եղերքները ուղարկուած գիտական արշաւախումբի հետագոտութիւնների և ուսումնասիրութիւնների արդիւնքը՝ բաղմա-

1) Թուրք լեզուի մէջ ձայնաւոր տառերի տեղ գործեն ածում հետեւեալ երեք նշանադրերը. իւսթիւն (յ), էարէ (ւ) և էօրիւ (ւ) սքանց առաջինը գրւում է բաղաձայն տառի վերին կողում և հնչւում է ա կամ է. երկրորդը՝ տառի ներքեւում և արտասանւում է ի. իսկ երրորդը՝ տառի նոյնպէս վերեւում և կարգացւում է, նայած՝ բառի մտքին օ, ա, և իւ: Ծ. Թ.

թիւ քարտէզներով և նկարներով՝ մի ժողովածուի մէջ ամփոփուած է, որը գլխաւորապէս չորս մասերից բաղկացած է:

1) Նախ քան պատմութիւնը՝ Օրխունի եզերքներում գտնուող հնութիւնները:

2) «Թու-քու-եէ» ցեղի (օղուզ թուրքերի) դարաշրջանին պատկանող գործերը:

3) Ույղուր ցեղի դարաշրջանին պատկանող գործերը:

4) Մոնղոլական դարաշրջանին պատկանող գործերը:

Այս բոլոր հետազոտութիւնների վերջում ամփոփուած են Վլադիմիրի գտած «Կուգաթկուրլիկ» գործից տունուազն երեք հարիւր տարի առաջ գոյութիւն ունեցող ույղուր լեզուի երկու ձևերով, այսինքն «ույղուր» և «րուն» տառերով՝ գրուած գործերը և դրանից էլ աւելի հին օղուզ թուրքերի՝ (թու-քու-եէ-հէ-հների) միայն «րուն» տառերով եղած գրութիւնները: «Րուն» տառերով արձանագրութիւնները Նէնիսէ գետից մինչև Օրխունի եզերքները ցրուած լինելով՝ բոնում են աւելի քան 1000 կիլոմետր տարածութիւն: «Կոչու—վայգամ» կոչուող վայրում, Քրիստ. 732 կամ 735 թուերին, թուրք-օղուզ ժողովուրդի իշխողներից Կիլիկիան և Բիլիկ խաների անունը յիշատակող քարերի վրայ գտնուած արձանագրութիւնները «րուն» տառերով են: Այդ տեսակ արձանագրութիւնները շատ ճիշտ և բանաստեղծական կերպով պատմում են թուրք ժողովուրդի պատմական դէպքերը, խաների հրամանները և դարու այլևայլ անցքերը, առասպելական կոչուող ժամանակներից սկսած մինչև Բիլիկ խանի մահը: Ուշագրութեան արժանի է նոյնպէս, այս արձանագրութիւնների շարքում, Բիլիկ խանի իր սեփական ազգին, այսինքն թուրքերին ուղղած մի քանի խրատներն ու յայտարարութիւնները պարունակող արձանագրութիւնը...

Թարգմ. Տ. Զաւէն.

ՌԱՓԱՅԷԼ ՊԱՏԿԱՆԵԱՆԻ ՆԱՄԱԿՆԵՐԸ *)

Ամենասիրելի եղբայր Գէորգ.

Այս նամակս քեզ կը հասցնէ մայրս, որ եկաւ Մոսկով ընդ սուաջ հօրս, որն 2—3 օրից նմանապէս այդտեղ պիտի լինի: Վերջինը այժմ ազատ է իւր արտօրանքէն: Եթէ պատահի, որ դու կամենաս տեսութիւն անելու հօրս հետ (այդ ես քեզ խորհուրդ կու տայի և եթէ դու կատարէիր՝ չէիր փոշմանիլ) խնդրում եմ քեզ մինչև ինքը չի պատմէ իւր գլխու անցքը կամ ինքը խօսք չի բանայ նրա մասին՝ մի ցոյց տալ հետաքրքրութիւն. բայց չկարծեմ որ նա ճանաչելով քեզ իմ բարեկամը և ընտիր բարեկամը—զանց առմէր այդ մասին: Բայց աւելորդ չեմ համարում այստեղ քեզ թախանձանօք խնդրելու, որ նորա դու ցոյց տայիր այնպիսի յարդութիւն, որին նա արժանի է շատ և շատ պատճառով. գլխու ալիքը մինչև արծաթանալը նա անցուցել է ազգին իսկապէս, բարոյապէս օգուտ բերելով. եթէ միայն լոկ ընթերցանութեամբ անցնիլ մէկ ամբողջ տարի բաւական չէր նրա գրողածքը կարդալու. նորերումս նա 8 բանաստեղծութիւն գրեց, շատ ազգային խնդիրներ թարգմանեց Վերեռի և Գուրբէի պատմութիւններն. այս ամենը ընտիր աշխարհարան. այժմ տպւում է նրա Հայոց ազգի պատմութիւնը, տպւած է միջսովէպքը: Իհարկէ, «Հիւսիսի» մէջ շուտով կը կարդաս նրա գրողածքը: Ուրեմն, եղբայր սիրական, ևս մեծ յոյս ունեմ որ նա, ինչպէս և ես, քու բարի յիշատակը պիտի տպաւորէ իւր սրտի մէջ՝ իմօտոյ ճանաչելով քեզ: Ես կամենում էի, որ նա ևս սիրէր իմ սիրածներին: Բայց քու անկեղծ կարծիքը անհամբերութեամբ սպասում եմ նորա մասին:

Մմամ սիրելութեանդ իս. ծառայ և բարեկամ
Ռաֆայէլ Պատկանեան

Յուլիսի 8, 1863.
Ս. Պ. Բ.

*) Տես «Մուրճ» № 9:

Ամենասիրելի բարեկամ Գէորգ.

Ձափէ դուրս ցաւում եմ, որ այս գիրս՝ 1 1/2 ամիս առաջ պիտի գրէի քեզ, այժմ եմ գրում: Յոռսամ որ՝ ներողամիտ կը լինես, և ճանաչելով իմ ժրութիւնը թղթակցութեան մէջ, հաւաստի եմ որ՝ կ'ասես «հալրաթ մի անհրաժեշտ պատճառ ունէր, որ երբեմն արի միտայէլը այժմ այսպէս դանդաղ է դարձել»: Եթէ այս խօսքերով կը ներես ինձ, եղբայր սիրական, հաւատացնում եմ քեզ, որ չես սխալիլ. ինչու որ՝ լրագրիս խմբագրութիւնը և արքունի պաշտօնիս կատարումը այնպիսի ծանրակշիւ և ժամանակ կուլ տուող զբաղմունք են, որ ամեն մինը ողջանից բաւական էր մի մարդու բոլոր գործունէութիւնը մէջ քաշելու. ուր մնաց, երբ երկուսն էլ ծանրացած են մի մարդու տկար ուսերի վրայ... Բայց թ'նչ ասեմ այն արտաքին ստորերկրեայ բարեկամների մեքենայութիւնը... որոնք ոչ սակաւ բարոյական ուժէն հանում են մարդու... եղբայր, վերջոտ է կեանք տաած բանը: Ան այս աւելցուր այն հագար ու մէկ մանր մունր հոգսերը, որոնք կից են նորան, որ արդէն աշխարհ է մտել և կամենում է (կամ հանգամանքը ստիպում են) ընկերութեան անդամ լինելու: Ան այս դարձեալ աւելցուր հրեք տարի քիչ առաջ քեզ յայտնած խորհրդիս կատարուելը— այնպէս չէ՞ որ ես մի բոլէ ազատ ժամանակ ունենալու չէի: —Ո՛չ, եղբայր, դու գիտես, որ ես քեզպէս բարեկամներ տաանեակներով չեմ համարում բարեացակամներիս ցուցակի մէջ. և այս պատճառով քեզ հետ թղթակցութիւն յարատեւել ինձ համար ոչ շատ լութիւն, այլ հանապազօրեայ կարիք կը համարէի, եթէ առաջուայ պէս դու բերկրանք գտնէիր ինձ հետ բարեկամական յարաբերութիւն ունենալու. բայց ես ստոտիկ կոյր պիտի լինէի, իթէ չի նկատէի, որ միջին ժամանակներս քու սրտէն առաւել պարագայիցդ յարմար մարդոց ընկերակցութիւնը իսպառ դուրս է հանել իմ յիշատակը: Այս խօսքերս դանգասի տեղ մի ընդունիլ, խնդրեմ. ես գիտեմ առածը, որ ստում է «բռնի սիրելի լինել չէ կարելի»:

Եղբայրս և հարսս շատ դոհ էին քեզանից և շատ բաներ պատմեցին, և այն, ինչ որ ես քեզ անձամբ պիտի պատմէի, նմանապէս յայտնել են քեզ, սրտի, իհարկէ, եղել են ինձանից մի ասիթ քեզ ցոյց տալու եմ բարեկամական սրտաբայութիւնս և քեզ հաղորդելու այն ցնծութիւնը, որով այս բոլէիս լցուած է հոգիս: Եղբայր սիրական, ես այժմ այնքան գոհունակ եմ

վիճակէս, որ դառնութեամբ լցուած անցեալս երևում է ինձ իբրեւ օտարի պատմած կրադ,—այդքան չնչին է երևում երբեմն կրած տարաբաղդութիւնս համեմատելով այժմուայ բերկրանքիս հետ: Եւ կարծիք էր այլազգ լինել: Աստուած ինձ տուաւ մի տարած, որ ասես թէ նորա ձեռագործների մէջ անզուգական մարգարիտ է: Եթէ ոչինչ բանի տեղ չի դնէի Օլգային ի վերուստ տուած շնորհքը, էւր աշխատանքով ստացած դիտութիւնքը, կանացի սեռի գեղեցիկ որակները—գեղեցկութիւնը և պարկեշտութիւնը, եթէ ասեմ քեզ, որ նա այնպէս անձնագործ սիրում է իւր ազգը, բույցէ ոչ մի կինարմատ Հայաստանի որդոցմէն, այդքանն ևս բաւական էր, որ իմ կեանքը լցնէր անմեկնելի ուրախութիւնով: Խօսքս կարճ կտրեմ. եղբայր, ես քեզ ուրիշ բազմ չեմ ցանկանում, բայց եթէ հայ հարմնացու՝ զգալուն սրտով, անմեղ հոգով, անապական ճաշակով:

Մնամ քեզ միշտ սիրող և յարգող
Ռախայէլ

9 Նոյ. 1863, Ս. Պ.-Բուրգ:

Ամենասիրելի եղբայր Գէորգ.

Իմ գրի պատասխանը ուշացաւ. երևի գործերդ շատ են: Ես քեզ կը մեղադրէի, եթէ այդ արդարութիւնով ինքո էլ մեծարած չլինէի շատերին: Թէև մերոնք ասել էին, որ դու շուտով գալու ևս մեր կողմերը՝ բայց ես գիտեմ տեղաշարժութեան ամեն անյարժարութիւնը, ուրեմն գիտեմ այն՝ թէ մի քան հեշտ է տասն անգամ ասելը և գրելը «կու դամ» և հրքան դժուար է մի անգամ գալը: Բայց ես ճշմարիտ որ ստիպուած եմ մէկ ահագին ճանապարհորդութիւն անելու—գէտի էջմիածին, սրբազան կաթողիկոսը յամառել է և չէ կամենում պսակիս վճիռը տալու, թէև տաւել մերձաւոր արհեստիւցներուն ամուսնակցելու թոյլաւութիւն արել է նա այս մօտ ժամանակներուս: Եւ իրաւ որ՝ եթէ մինչև ամսուս 20-ը հրաժան չի ստանամ՝ 21-ին սպասէ ինձ այդտեղ:

Խնդրեմ տեսնուես պր. Նազարեանցի հետ և իմ քանի մի չի տպուած հատուածներս առնուս նորանից. երկուսը լաւ միտըս է Ռէֆորմացիա և ազգութիւն. ուրիշները մոռացել եմ: Այս ատպրանքը ես քեզ չէի անիլ, եթէ հաւաստի չլինէի, որ նրա հետ տեսնուելու համար դու դժուարութիւն քաշելու չես:

Խնդրեմ շատ ու շատ աշխատես Հիւսիսի համար մանաւանդ՝ գրէ ինձ բարեկամարար նորա պակասութիւնը և քու կարծիքը:

Մնամ միշտ յարգող քեզ Ռափայէլ
Դեկտ. 4 1863. Ս. Պ.-Բուրգ.

Ամենասիրելի եղբայր Գէորգ,

Անցեալները ես քեզ մի նամակ էի գրել (պէտք է ասել, որ՝ նորերուս նամակ շատ եմ գրել քեզ զանազան ժամանակ և դիպուածի), բայց պատասխանը չի ստացայ: Այնտեղ ինչ ասես բան էի խնդրել, յուսած, որ անտես արած չես լինիլ: Այժմ ես գրում եմ այն փոքրիկ առիթով, որ շուտով կ'ստանաս Հայոց ազգի պատմութիւն, տպած իմ ապարանումս. եթէ կարող ես՝ տարածէ քանի մի օրինակ. ասելն աւելորդ է, որ այս գիրքը շատ օգտաւէտ է, հէնց այն հասկանալի պատճառով որ՝ իր ազգումը միակէ, ինչո՞ւ համար որ նա իր քան ներեցին նիւթերը—ազգի պատմութիւն դարձուցինք՝ թագաւորաց պատմութեան աղբիւրներէն. կարդա, ինքդ էլ կը տեսնես այդ: Հն. դիրքը փոքրիկ է, երեսները սակաւաթիւ, բայց մի նախադաշարուիր դորանով. խնդիր շատ կայ մէջը, որ եթէ առիթ լինի որոճալու և վիճելու ահա արդէն հեղինակը իւր նպատակին հասաւ... Ասում են «Հիւսիսափայլ» նորագուեղու է. այդ «Հիւսիսի» Ջիզրաշէնն է. վա՛յ այն գործին, որի պատճառը բղխում է ոչ կարիքից, այլ ջիգրից... պատուական կոթող հայերի հոգեկան ուղղութեան. բայց ինչեիցէ, Աստուած օրհնէ ամեն ազնիւ ձեռնարկութեան: Իսէ և զարմացիր. Իզմիրովը յայտնի պատերազմում է իմ ձեռնարկութեան դէմ. ահա քեզ դառը գայլ դարձած... Բայց զարմանք բան. քանի որ արդէլք և խռթր շատանում են առջեւ՝ այնքան սաստկանում է մէջս կամակոր արիութիւնը. երևի իմ կորուստը մօտ է. երանի՜ թէ լինէր այդ ֆիզիքական և ոչ բարոյական: Բայց ես այսքան ժամանակ չեմ կարողացել հասկանալու՝ սովորական արգելք՝ հետ է, որ ես պատերազմում եմ ի մահ, թէ՞ ջրի ընթացքի դէմ լողալով ի դուր կորցնում եմ թանգազին ոյժս... Ինչ և իցէ. բաժակիս մէջ դառնութեան գինին քիչ է մնացել. էն էլ կը խմեմ ու մաղս պատին կը կախեմ...

Մնամ բազմավիշտ բարեկամ քո
Ռափայէլ

ՀԻՒԱՆԴ ՄԱՐԴԸ^{*)}

(Ք. Շ ա ե Ր Յ ի)

Գ.

Ռումելիական-անատոլիական առաքակային ումմանտիկա:

ԲՈՎԱՆԴԱԿՈՒԹԻՒՆ

Անապահովութիւն մայրաքաղաքում: Լեզուանի անգլիացին: Գրականի գողեր: Ղալաթիայի անառականացները: Պեքայի շանտանները և Քեաղի մ փաշայի թաղը: Եալովայի առաքակները և առեանդուածի սլամուլիւնը: Մեհմէդ փեշիւեանը մի անգամ էլ: Ալբանիայում, Մակեդոնիայում և Անատոլիայում: Առաքակային մի սլամուլիւն կամ առաքակից մինչև ոստիկանութեան մի-նիստրի անձնական ծառան:

Բաղլանեան թերակղզին միշտ առաքակների Դորուդոն է եղել: Նա այժմ էլ նոյն է, ինչպէս որ ամբողջ Թիւրքիան Եւրոպայի և Ասիայի վերաբերմամբ:

Մայրաքաղաքում շատ բան, իհարկէ, դեռ դէպի լաւն է փոխուել: Այնտեղ կարելի է թէ ցերեկը և թէ զիշերը գլխաւոր փողոցներով անցնել, առանց մի բոլէ կեանքի ապահովութեան մասին կասկածելու:

Բայց շատ անհաճելի բան է, երբ մարգս փողոցներով անցնելու ժամանակ պատահում է գիշերապահներին և նրանց հետ ընդհարում: Ճիշտ այդպիսի մի դէպք պատահեց ինձ, երբ ես մի անգամ երեկոյեան ժամը 11-ին մի տիկնոջ հետ դուրս եկայ ընտանեացիս գնալու դիմացի մի տուն, բարեկամ ընտանիքներին մէկին այցելելու, երբ 6 մարդուց բաղկացած գիշերապահների խումբը ինձ ուղեկցող տիկնոջ անսպասուէյ: Այդպիսի դէպք պատահած ժամանակ խաղաղ վարմունքը ամենագլխիկ յատկութիւն է: Իմ միակ զէնքս ձեռնափայտս էր: Դա բարձրացնելուց յետոյ 6 զինուորները իսկոյն յետ քաշու-

*) Տես «Մուրճ» № 9.

եցին: Դուք արդէն գիտէք, որ այդպիսի դէպքեր պատահելիս գեսարանները կատակ չեն հասկանում և պէտք է ասել, որ նրանք այդպիսի մի քանի չարագործների պատժելով, բաւական լաւ խրատ են տուել նրանց պէս մարդկանց:

Հետո ընկած թաղերում գիշեր ժամանակ զբօսնելը, իհարկ է, բոլորովին ձեռնադու չէ:

Ոչ պակաս ազմուկ հանեց նորերս մի երիտասարդի հետ պատահած մի դէպք, երբ նրան ոստիկանները կողոպտեցին և բանտարկեցին ոստիկանատանը: Չորս օրից յետոյ միայն քընհեցին այդ դէպքը, բայց գժբազդարար մեռաւ երիտասարդը, որովհետեւ նրա հետ շատ անպուժ կերպով էին վարուել: Եւ որովհետեւ նա Պերայի մի հարուստ և յայտնի բնառնիքի զաւակ էր, դրա համար էլ ոստիկանական աւազակները պատժուեցան:

Բայց քանի քանի այդպիսի դէպքեր էլ են պատահել, որոնք բոլորովին անյայտ են մնացել:

Մամուլը նոյն իսկ իրաւունք չունի այդպիսի դէպքերի վրայ մատնացոյց անելու: Ոչ ոստիկանատունը և ոչ էլ մի ուրիշ պաշտօնական տեղ կայ, որտեղ բնիկները կամ դրսեցիները կարողանային հաղորդել այդպիսի դէպքեր պատահելիս, դրա համար էլ մինակ մարդկանց յանկարծակի անյայտանալը եղբէր չի նկատուում:

Կ. Պօլսի բնակիչներն և ենցազավարական կանոններից մէկն էլ այն է, որ նրանք գիշեր ժամանակ անցնելիս վառած ծխախոտ չունեն: Խարդախ մարդկանցից շատերը սովոր են դալ կրակ խնդրել և յանկարծակի թալանել իրանց խնդիրը սիրալիր կերպով կատարող մարդուն: Շատ քչերին միայն յաջողութեմ է իսկոյն և եթ հանաչել այդպիսի աւազակներին:

Վ. Պօլսում զրպանի գողերի մասին շատ չի լսում:

Այդպիսի արուեստով մեծ մասամբ պարսպում են հայերը և հայունները, որոնք թիւրք կանանց զգեստ հագած Պերայի մեծ խանութներէ ատաջ կարարիօյի նաւամատոյցի վրայ կանգնած և խնուած ևւրողացի կանանց զրպաններն են կտրում:

Գերմանական աղբեցութիւնը Արևելքում զօրանալու օրից ի վեր շատ գերմանացիներ էլ, որոնց համար իրանց հայրենիքը շատ նեղ է եղել, իբրև մուրացկաններ և թափարաշրջիկներ, եկել են Ստամբուլ և այնտեղի բնակիչներէ համար իսկական պատուհաս դարձել:

Այդ թշուառները կարծում են, որովհետեւ թիւրքերը գերմանական օգնութեամբ են յաղթել յոյներին, հետևապէս իրանք

էլ իրաւունք ունեն թիւրքիայի երախտադիտութիւնից օգտուելու, դրա համար էլ գլխաորապէս մօտենում են թիւրքական ապրանքներին:

Հայկական և յունական թաղերում մարդասպանութիւնները բաւական յաճախ են պատահում:

Հայը ընդհանրապէս վախենում է հարուածներէ, բայց երբ նրան փողի հարցում մի քիչ խաբում են, նա այն ժամանակ դիմում է դանակի, նոյն իսկ ամենահնչիւն բաների համար:

Թիւրքիայի յոյնը մէկի հետ գործ ունեցած գէպըում սիրում է իր վիճարանութիւնը դաշոյնի օգնութեամբ համեմել:

Օտարականը ապահով ուղեկցութեամբ Գալաթայի փողոցներով անցնում է, նկատում է մի շարք հետաքրքիր տեսարաններ, որոնք մեծ մասամբ գիշեր ժամանակն են տեղի ունենում:

Այդ փողոցները անառակութեան և ոճրագործութեան ամենամութ խորշերն են ներկայանում: Այդտեղ են գտնւում ամենախայտառակ հիւրանոցները և սրճարանները, որոնց անունները կուրացուցիչ են:

Անցորդը ամենից առաջ նկատում է «Անտիլոպէ» կաֆէ շանտանը: Սրճարանի զոյնդզոյն լապտերների վրայ ջութակների և երաժշտական ուրիշ գործիքներ նկարուած:

Նրա հանդէպ գտնւում է «Աֆրիկա» մեծ և կեղատու սրճարանը: Այնտեղ 30 աղջիկ և՛ ծառայում և պարում և՛ երգում են: Սրճարանի գլխաւոր բաժանմունքի կողքին գտնւում է chambre séparé-ն: Մուտքի վճար չեն վերցնում, սակայն սուրճը 10 կամ 20 փարա սովորական զնի փոխարէն արժէ 2 պիաստր. բացի սրճից այդտեղ կարելի է ստանալ լիմոնադ, թէյ, իսկ ողելից խմիչքներից միայն մաստիկը:

Երեւակայեցէք, ընթերցող, հետեւեալ պատկերը: Սպիտակ վարդիկ և սև վերնազգեստը հագած մի յոյն տղայ, որ իր գլուխակը ծուռ է դրել, ծխում և պարում է մի գունատ, ամենաշատը 12 տարեկան հայուհու հետ, որի ժաղերը անկանոն կերպով թափթփուած են ուսերի և մէջքի վրայ: Աղջիկն էլ պարելու ժամանակ ծխում է: Վերջապէս տեղի է ունենում պաուզա: Նա երկար պարելուց յետոյ շատ յոգնում և բոլորովին գունատ երեսը դնում է երիտասարդի ուսի վրայ և յետոյ... Վերջի վերջոյ թշուառ աղջկան առաջարկում են chambre séparé-ն և բաղձախնդիր մարդիկ իրանց մատնում են խայտառակութեան:

Երրորդ գծիքն ներկայանում է «Օդեսսա» սրճարանը, որ իր հիւրերի համար մի ամբողջ հիւրանոց էլ ունի:

«International» սրճարանում կարելի է լսել աշխարհիս ընդ որ լեզուները, որտեղ Պարիզի պարող կանանց հետ մրցում են և հայուհիները, իրանց անբարոյական հիւրերի կեղտոտ կրքերին բաւականութիւն տալու: Դրանց հաճոյանալու համար հանդիսականներից ոմանք էլ միմեանց դէմ են մրցում և յաճախ դաշոյնի հարուածներն ինքն ուրշում, թէ միմեաց հետ մրցող հանդիսականներից որը պէտք է գերադասութիւն ստանայ...

Փողոցի ծայրում կան երկու ուրիշ տեղեր էլ, զրանցից մէկը «Մօսկուա» թէյարանն է, որ զարգարուած է թուրքիական և ռուսական զրօշակներով: Այդտեղ նուազում է մեքենայական օրկեստրը: Ըստ երեւոյթին ներսում ամէն ինչ է: Երկրորդ տեղը մի թատրոն է, որի մուտքը առաջին կարգի համար արժէ մի ֆրանկ, իսկ երկրորդ կարգը կէս ֆրանկ: Թատրոնի սանդուղքի պատերը զարդարուած են վեզովի և զանազան երկրների ըոյսերի նկարներով: Դահլիճը ունի 80 աթոռ և 19 օթեակ: Այդտեղի երաժշտութիւնը բաղկացած է. մի ջութակից, մէկ կլարնետից, մէկ շփօրից և մէկ թմբուկից: Ներկայացնում են մի պանտոմիմա աւագակների կեանքից: Հետաքրքիր է, ընթերցող, այնպէս չէ՞, իւրաքանչիւր քառորդ ժամից յետոյ այդ կտորը կրկնում են:

Ինչ որ Գալան է ներկայացնում այդ տեսակէտից, միևնոյն բանը աւելի շքեղ կերպով կարելի է գտնել Պերայի «Palais Crystal» և «Concordia» հիւրանոցներում, որոնք թուղթ խաղալու բաժանմունքներ էլ ունեն:

Պերայի փողոցներով անցնող օտարականը գիշեր ժամանակ յաճախ պատահում է հայերի, որոնք իբր թէ մուրացկաններ են: Բայց ոչ, սրանք մեծ մասամբ փողոցներում կանգնում և օտարականներին առաջարկում են իրանց հետեւել դէպի այնպիսի տներ, որտեղ իսկական թիւրքուհիներ իրանց սէրն են վաճարում: Այդ թիւրքուհիների փոխարէն սովորաբար հայուհիներ են լինում, միայն թիւրք կնոջ տարազով: Սակայն Ստամբուլում կան և բազմաթիւ տներ էլ, որտեղ անբարոյական բնակչուհիները իսկական թիւրքուհիներ են: Բայց այդտեղ մտնել կարող են միմիայն մուսուլմանները: Վայը տարել է այն եւրոպացուն, որին այդ տներից որեւէ մէկում յանկարծ բռնեցին. այդպիսի դէպքում նրան նոյն իսկ իր գեսպանն է հրաժարւում պաշտպանելու:

Կ. Պօլսի ամենապատահամբաւ թաղը Քասիմ փաշայի թաղն է:

Այդ թաղը, որ շրջապատուած է հոճիներով և գերեզմանատներով, հետուից իդիլիական տպաւորութիւն է թողնում: Բայց երբ անցորդը այդ թաղին աւելի է մօտենում, նկատում է թշուառ տներ և մի շարք նեղ ու կեղտոտ փողոցներ: Այդ թաղի միջով հոսում է մի շատ կեղտոտ առուակ, որ կոչւում է Սոխակների դետ...

Այդ թաղումն է ապրում մայրաքաղաքի կղկղանքը: Տները նման են ճիւղերի, որոնք միմեանց մօտ են, որ կարծես իրար վրայ են շինուած: Նրա փողոցներում հոյնալէս ոստիկանների դրութիւնը վտանգաւոր է՝ այդ թաղի բնակիչները իրանց նեղ փողոցներում կարող են ամեն կերպ վրէժխնդիր լինել: Այդտեղ է կազմում ամեն տեսակ աւաղակութիւնների իսկական բոյնը. աւաղակութիւններ, որոնցից մեծ մասը անյայտ են մնում և ծածկւում:

Իսկ ինչ խօսք այն աւաղակութիւնների մասին, որոնք աւելի մեծ չափով կատարւում են մայրաքաղաքից դուրս, Թիւրքիայի ներքին գաւառներում: Այնտեղ աւաղակութիւնները լայն և ընդարձակ ասպարէզ ունեն:

Կարծեմ շատերին ծանօթ կը լինի այն դէպքը, երբ աւաղակների մի խումբ Աթմասա անունով առաջնորդի ղեկավարութեամբ Ձերքեղիայում յարձակուեց Orient Express դնացքի վրայ և Ներսիսյան իր ժամանակին այդ դէպքի վրայ ուշադրութիւն դարձրեց, միմիայն նրա համար, որովհետև Orient Express դնացքն էր: Բայց էլ որքան աւաղակութիւններ են պատահում, որքան արտաքին աշխարհին անյայտ են մնում:

Առանձին ուշադրութեան արժանի է այն երկու կանանց առևանգումն, որ տեղի ունեցաւ 1896 թ. յունիսին:

Ձինդեամբ ֆրանսիացի մագամ Բրանդոն, որ Սուլթանի պալատի մանկաբարձուհին էր և 18 տարեկան ու գեղեցիկ հայուհի օրիորդ Պարադեմինեանը, որ այն ժամանակուա սերբիական դեսպանատան դրագոման Թէրհանի քենին էր, Նալովա՝ յում զբօսնելու ժամանակ օր ու ցերեկով առևանգուեցան աւաղակների մի խմբից: Նալովան Կ. Պոլսի նշանաւոր հանքային ջուր ունեցող ամառանոցն է, որտեղ գնում է մեծ մասամբ Պերայի լաւ հասարակութիւնը: Կարելու եմ համարում աւելացնել և այն որ յափշտակուածներին ուղեկցում էին մի կառապան, մի ծառայ և երկու ժանդարմներ:

Տիկին Բրանդոն 12 օր բանտարկուելուց յետոյ, երբ նա հայուհու հետ վերադարձաւ Պերա, ինձ պատմեց իր հետ պատահած արկածները թուրք աւաղակների շնորհիւ:

«Ահա լաւ է արդէն, այդպէս սկսեց տիկինը իր պատմութիւնը, որ ես ամառալիյն մի քանի ամիսները Եալովայումն էի անցկացնում: Միանգամ ես տիկին Պարադեմեանի և նրա աղջկայ հետ դրօսնում էի Եալովայի շրջակայքում: Զրօսանքի ժամանակ մեզ ուղեկցում էին մեր կառապանը, ծառան, և բացի դրանից երկու ժանգարմանը: Յանկարծ մենք նկատեցինք, որ սարի ստորոտից դէպի մեզ են վազում 11 հոգուց բաղկացած աւազակներ ի մի խումբ: Դրանք բոլորն էլ ալբանական տարազով վիթխարի ժարդիկ էին, որոնք անմիջապէս շրջապատեցին մեզ: Մեզ ուղեկցող ժանդարմները անօգուտ համարելով նրանց հետ կռիւ սկսելը, իսկոյն և եթ փախան: Մեր ծառան ընդհակառակն աշխատեց մեզ պաշտպանել, բայց այնպիսի հարուածներ ստացաւ աւազակներից, որ հազիւ էր կարողանում տեղից շարժուել: Աւազակները մեզ կալանաւորում հրատարակեցին: Սարափը տիրել էր մեզ, նամանաւանդ տիկին Պարադեմեանին, որ առանց այն էլ հիւանդոտ զրութեան մէջ էր գտնւում: Այդ ժամանակ աւազակային խմբի առաջնորդը, որին միւսները կապիտան Գեօրգի էին անուանում, պատուիրեց տիկին Պարադեմեանին մեր ծառայի հետ միասին վերադառնալ քաղաք և պատահած դէպքի մասին պատմել: Սկզբում աւազակները ցանկանում էին և տիկին Պարադեմեանին էլ պահել, սակայն երբ աւազակներ ի առաջնորդը տիկինը խիստ քննեց, դարձաւ իր ստորադրեալներին և առաց. «տիկինը թէ պառաւ և թէ հիւանդ է, չեմ կարծում որ նրա համար մեզ փող վճարեն, այլ կարող է պատահել, որ նրան վերջի վերջոյ մեզ թողնեն...» Այդ խօսքերից յետոյ տիկինը մեզանից հեռացաւ և աւելի շուտ մեռած, քան կենդանի հասաւ քաղաք, այն ինչ մեզ, շրջապատած աւազակները փախցրին դէպի հարեւան լեռները, ուշադրութիւն չդարցնելով մեր աղաչանքներին և լաց ու կոծին: Այնտեղ կապիտան Գեօրգին մօտեցաւ մեզ, ներսդրութիւն խնդրեց, որ մեզ առնանդել են և մխիթարեց հետեւալ խօսքերով:

«Չվախենաք, խնդրեմ, որ ձեզ հետ որեւէ վատ բան կպատահի: Մենք ձեզ ոչ մի անհաճելի բան չենք անիլ, թէ մեզ չհալածեն: Մենք գանդանում ենք ձեզ համար միայն փրկական փող ստանալ, որից յետոյ ձեզ բոլորովին ազատութիւն կշնորհենք: Մինչև այդ ժամանակ դուք ձեզ կարող էք մեր քոյրերը համարել»:

Մեզ շարունակ շտապեցնում էին դէպի սարի անտառը գնալու:

Զնայելով, որ նրանք երկու ձի էլ դրել էին մեր տրամադրութեան տակ, բայց անանցանելի ճանապարհներ չկային

ճառով գրեթէ անհնարին էր հեծնելը: Առաւօտեան դէմ մեզ պատուիրեցին կանգ առնել, ամբողջ ցերեկը հանգստանալ և գիշերը ճանապարհը կրկին շարունակել: Կարծեմ Նալովայից մենք 30 ժամուայ ճանապարհ հեռաւորութեան վրայ էինք գտնուում:

Կապիտանը մի նամակ ուղղեց մեր ազգականներին և ինձ համար, իրեն պատաւի 10,000, իսկ երիտասարդ ուղեկցուհու համար 15,000 ֆունտ փրկանքի փող պահանջեց: Նամակը յանձնել էին աւագակներից մէկին տանելու և համոզուած էին, որ նա ապահով կերպով կը վերադառնայ, որովհետեւ նրանք սպառնացել էին, որ եթէ իրանց նամակաբերին որեւէ վնաս հասցնեն կամ ճանապարհին նրան հալածեն, զրա փոխարէն մեզ կը ժողթեն: Նամակառարը ինձանից էլ նամակներ տարաւ և երկու օրից յետոյ մեր մարդկանց պատասխանը բերաւ. մենք պէտք է աշխատէինք չլուսահատուել...

Եւ մենք օրէցօր սպասում էինք.

Աւագակները անտառի հետ լաւ ծանօթ էին երևում: Նրանք իրանց բնակութեան համար որոշ տեղ չունէին: Մենք մեր նստած տեղը երեք անգամ փոխեցինք: Այնտեղ ոչ տուն կար և ոչ էլ վրան էր զարկուած: Աւագակները բացի գէնքերից իրանց հետ ոչինչ չէին վերցրել, նոյն իսկ պաշար: Մենք կերակրուում էինք թուրքական չոր հացով և այդպէս տեւեց մօտ 12 օր: Սարսափելի է չէ: Եւ եթէ մեր դրութիւնը դեռ երկար ժամանակ անորոշ մնար, գուցէ այդ չոր հացին էլ կարօտ մնայինք...

Մենք բազմաւոր էինք, որ երկու հողի միասին չէինք: Ի դէպ կապիտանը մի անգամ ասաց ինձ որ ինքը չէ սիրում տեւանդել մի կնոջ, այլ երկուսը միասին, որպէսզի կանանց առունը խնայուի:

Աւագակների քաղաքավարութեան համար մենք չէինք կարող գանգատուել: Ոչ ոք չէր յանդգնում մեզ վիրաւորելու: Բնդհակառակը նրանք նոյնիսկ մեզ շատ լաւ խնամում էին, որ երբեմն ծիծաղ էր պատճառում: Օրինակ, մի անգամ երբ ես ձեռնոցներս կորցրել էի, այն ժամանակ աւագակները երկու աղլուխ բերին, որպէսզի ձեռքերս վաթաթեմ, որ նրանք չկեղտոտուեն...

Մեզ հետ սովորաբար խօսում էր կապիտանը, երբեմն յունարէն, երբեմն էլ թիւրքերէն: Միւս աւագակները մեզ մօտենում էին միայն այն ժամանակ, երբ կապիտանը նրանց մեզ մօտ էր ուղարկում: Մնացած ժամանակը նրանք մեզանից պատուաբեր հեռաւորութեան վրայ էին գտնուում...

Հոկտեմբեր, 1905.

Ընդհանրապէս մենք լսնասելի սարսափի մէջ էինք: Մենք աղօթում և լալիս էինք օր ու գիշեր: Տաճաններէն օրուայ ընթացքում մենք միայն մի բանի ժամ էինք քնել: Գիշերը մեծ մասամբ քնում էինք և եթէ հանգստանում էինք, չէինք համարձակուած աչքերներս խփելու: Մենք սեղմուած նստում էինք իրար կողքի, աչքերս երկիւղից բացած և դուրս էինք, երբ հեռուից որևէ ձայն էր գալիս: Յերեկը երբեմն քնում էինք, բայց ոչ երկուսս միասին, այլ մէկը միշտ պէտք է հակէր միւսի վրայ:

Տաճաններէն օրուայ ընթացքում մենք մնացինք միեւնոյն հազուադէպ, միեւնոյն սպիտակեղէնի, կօշիկների և գուլպաների մէջ: Մեր աղլուխները այնպէս էին կեղտոտուել կարծես թէ զրանք ածխի փոշու մէջ թաթախուած լինէին: Կարիքից ստիպուած էինք ձեռքներս լուանալ, այն ինչ մեր երեսը միշտ անլուայ էր մնում, իսկ մաղերը ոչ սանրուած: Մենք կտրել էինք մեր ամբողջ յոյսը և կարծում էինք, որ անտառում կը մեռնենք երկիւղից, սովածութիւնից կամ թէ չէ աւազակների ձեռքով:

Մի անգամ մեզ սաստիկ վախեցրեց այն երկիւղը, իբր թէ զօրքերը մեզ հալածում են: Եթէ այդ լուրը ճշտուէր, այն ժամանակ աւազակները մեզ կը սպանէին, թէև նրանք ընթհանրապէս արիւնածարաւ մարդկանց տալաւորութիւն չէին թողնում:

Կապիտան Գեօրգին պատկանելի կերպարնքով, գեղեցիկ դէմքով, բարձրահասակ և երկար միրուքով մի մարդ էր: Նրա կրակոտ աչքերը արտայայտում էին քաջութիւն, եռանդ և մի որոշ բարութիւն: Նա իր հաւատարմներին ճարպիկութեամբ պատուէրներ էր տալիս և նրանց մէջ տիրում էր մի ահեակ օրինակելի կարգապահութիւն: Նրա իւրաքանչիւր խօսքը աստուածային պատուէրի տեղ էին ընդունում և որ իսկոյն և եթ կատարուած էր: Աւազակներն էլ արժանի էին մի այդպիսի անաշնորհի: Նրանք էլ վիթխարի կերպարնք ունէին և 30—50 տարեկան տղամարդիկ էին...

Հետաքրքիրը այն էր, որ աւազակները իրանց հետ ունէին մի ամբողջ դեղատուն. կապիտանը միեւնոյն ժամանակ և խմբի բժիշկն էր: Նա երբեմն սրան և երբեմն էլ նրան տալիս էր կամ փոշիներ կամ կաթիլներ: Ինքն էլ երբեմն գեղ էր ընդունում: Որովհետեւ երեք օր շարունակ անձրեւ էր եկել, զրա համար կապիտանը պատուիրեց զեղերի արկղը բաց անել, որ պէսզի արեւի ճառագայթները նրա մէջ մտնեն և նրանց խոնաւութիւնը ծծեն: Արկղը բաց անելուց յետոյ միայն մենք տեսանք, որ նրա մէջ զեղերի մի մեծ ժողովածու էր ամփոփուած,

ի միջի այլոց և մորֆիում, Դարմաշտաղի մի դեղավաճառանոցի էտիկետով...

Չմոռանամ աւելացնելու, որ այդքան երկար ժամանակի ընթացքում մենք մեր իրերից ոչինչ չկորցրինք: Մի օր ես կորցրի ձեռքի պայուսակս, որի մէջ ամփոփուած էին փողամանս և մի դարդ. աւագակներից մէկը դտաւ և բերաւ ինձ յանձնեց պայուսակը, որից մի պիաստր անգամ չէր կորել...

Վերջապէս հասաւ մեր ազատութեան ժամը: Եկար բանակցութիւններից յետոյ աւագակները մեր փրկանքի 25,000 ֆունտը 10,000-ի էին իջեցրել. սուլթանը վճարեց այդ գումարը մեզ փրկելու: Գումարը յանձնեց իմ հաւատարմատարս աւագակներից մէկին, մի առանձնեցած տեղ, 24 ժամից յետոյ աւագակը վերադարձաւ այդ գումարով մեզ մօտ:

Կապիտանը իսկոյն և եթ զբաղուեց գումարը իր ընկերներին բաժնելով: Գումարի $\frac{1}{4}$ մասը կամ 2,500 ֆունտը ինքը վերցրեց, իսկ մնացածը հաւատարապէս բաժանեց իր ընկերներին, այնպէս որ նրանցից աւել մէկը ստացաւ 750 ֆունտ: Դրանից յետոյ կապիտանը մօտեցաւ մեզ, ներողութիւն խնդրեց, որ մեզ այդքան անհաճելի դրութեան մէջ դրեց, շնորհակալութիւն յայտնեց մեր համբերութեան համար և վերջապէս վերին աստիճանի քաղաքավարութեամբ համբուրեց մեր ձեռքը: Նրա օրինակին հետեւելին և միւս աւագակները, սրոնք նոյնպէս շնորհակալութիւն արին և համբուրեցին մեր ձեռքերը:

Դրանից յետոյ կապիտանը յայտնեց, որ մենք կրկին ազատ ենք, հրաժեշտ տուեց մեզ և իր մարդկանցից հինգ հոգի վերցնելով մեզանից բաժանուեցաւ:

Միւս հինգ հոգին կապիտանի պատուէրի համաձայն մեզ պէտք է մինչև տուն ուղեկցէին:

Մենք սկսեցինք վերադառնալ:

Երեկոյ էր: Սկզբում չորս ժամ ձիով գնացինք, յետոյ իջանք ձիերից և 14 ժամ շարունակ ոտով գնացինք: Աւագակները իրանց հագուստները մեզ էին տուել հագնելու մեր հագուստների վրայով, այնպէս որ կասկածոտ աչքերն անգամ չէին կարող նկատել, որ մենք կանայք ենք. այնքան էինք փոխուել մենք: Եթէ մէկը ճանապարհին պատահէր, նրա մշտով ոչ մի բան չէր կարող անցնել...

Մեր խումբը հետզհետէ փոքրանում էր, որքան մենք մեր նպատակին աւելի էինք մօտենում: Սկզբում մեզ ուղեկցում էին հինգ հոգի: Մի քանի ժամից յետոյ նրանցից մէկը հրաժեշտ տուեց մեզ և ձիաների հետ յետ դարձաւ, որից յետոյ մեզ հետ միայն չորս հոգի մնացին: Դիշերուայ ընթացքում նրանցից

երկուսն էլ անյայտացան, իսկ լուսադէմին էլ մէկը: Կարճ ժամանակից յետոյ մեզ հրաժեշտ տուեց և վերջին աւազակը ասելով:

«Ահա ձեզ Եալովա տանող ճանապարհը:»

Այս ասելուց յետոյ մեզանից հեռացաւ միակ աւազակը: Մենք մենակ շարունակեցինք մեր ճանապարհը և շուտով հասանք տուն...

Աւելացնեմ և այս, որ վերջին աւազակը մեզանից ազատուելով, իջաւ մօտիկայ հովիտը աֆստեղից ոչխար գողանալու: Բարեբաղդաբար նրան բռնեցին և նրա մօտ գտան իր բաժին փրկանքի 750 ֆունտը:

Թիւրքիական ոստիկանութիւնը շատ աշխատեց միւս աւազակներին էլ բռնելու: Նշանակեցին մի խումբ զօրք աւազակների յետևից ընկնելու և նրանց բռնելու: Նոյնիսկ նաւապետ Մումթազ բէյի ղեկավարութեամբ Մարմարա ծովում մի քանի նաւեր պատրաստեցին աւազակներին հետևելու: Գրեթէ ամեն օր մայրաքաղաքի թերթերը ամեն տեսակ լուրեր էին հրատարակում նորանոր աւազակների ձերբակալման մասին: Մենք զիտենք, որ 11 աւազակներից միայն մէկին էին կարողացել բռնել: Պաշտօնապէս ձերբակալուած աւազակների թիւը հասնում էր 30-40-ի: Իսկապէս թերթերի այդ հաղորդած լուրերը մեծ մասամբ ստայօղ էին, ոչ մի աւազակ էլ բացի մէկից չձերբակալուեցաւ և, հաւանական է, որ մինչեւ այժմ էլ կապիտան Գեօրգիին որեւէ տեղ ազատ կերպով վայլում է իր ոճրագործութեան պտուղները:

Այստեղ հարկաւոր է մի հետաքրքիր բան էլ յիշել, որ բոլորովին ամբողջացնում է Գեօրգիի գործունէութեան բոմանտիքական գոյնը: Տիկին Բրանզօյի և օրիորդ Պարազեմինեանին առեւանգելուց մի քանի օր առաջ, կապիտան Գեօրգին փախցրել էր Էալովայում ապրող վառարանների գործարանատիրոջ որդուն: Այդ երիտասարդի համար կապիտան Գեօրգին պահանջեց 1000 ֆունտ փրկանք: Բայց նրա խեղճ հայրը ընդամենը 500 փունտ կարողութիւն ունէր: Մեր աւազակապետը բաւականացաւ այդ գումարով և երիտասարդին ուղարկեց տուն: Բայց երբ Գեօրգին արգէն երկու տիկիներից փրկանքի մեծ գումարը ստացել էր, Եալովայի վառարանների գործարանատիրոջ յետ ուղարկեց 500 ֆունտը հետեւեալ նամակի հետ միասին:

«Այժմ ես կարող եմ ձեր ինձ տուած 500 ֆ. պարտքը վերադարձնել: Գեօրգի:»

Ալբանիայում և Մակեդոնիայում աւազակները երկրի իսկական տէրերն են: Բնակիչները աւելի շուտ նրանց հետ են

բանակցութիւն սկսում, քան թէ թիւրքիական թոյլ և կամազուրկ պաշտօնեաների պաշտպանութեանը դիմում: Ոստիկանութիւնը վերոյիշեալ երկրներում աւելի վստանգաւոր է, քան թէ թիւրքիայում: Այնտեղ ոստիկանութեան ժարդիկ մեծ մասամբ նախկին աւազակներին են բաղկացած, որոնք աշխատում են լաւ յարաբերութիւն պահպանել իրանց յաջորդ արհեստակիցների հետ, և նոյնիսկ այդ ոստիկաններից շատերը նրանց հետ շատ անգամ պայմանաւորուած են լինում: Իսկ եթէ այդ ոստիկանները և ժանդարմները կառավարութեան պատուէրով ստրկուած են լինում աւազակներին հետեւելու, այն ժամանակ նրանք առաջուց դադարն է կերպով տեղեկութիւն են տալիս նրանց զգուշանալու: Չէ՞ որ սովորաբար յայտնի են խմբերի աւազակապետները, նրանց ստորադրեալները, բնակութեան տեղերը, և նոյնիսկ նրանց զործակալները դանազան քաղաքներում: Այդ աւազակները տէրութեան մէջ մի փոքրիկ տէրութիւն են կազմում, ունեն իրանց ամբողջ և կանոնաւոր վարչութիւնը և նոյնիսկ իրանց պաշտօնական ներկայացուցիչները թիւրքական պաշտօնեաների մօտ:

Իբրեւ մի պատկեր թիւրքիայի աւազակների կեանքին նուիրուած գլխին, ուզում եմ հետեւեալ անամօթ լուրերն էլ աւելացնել, որոնք թիւրքական կառավարութիւնը գրեթէ ամեն օր թիւրքական լրագրների պաշտօնական լուրերի շարքում հաղորդում է:

«Մոնաստիրից մեզ հաղորդում են որ Մեղշիկույում Սերֆիտշէ սանջակում մեծ ընդհարում է տեղի ունեցել ժանդարմների և աւազակների մէջ: Ձնայելով որ վերջիններս թուով քիչ էին, սակայն միայն երկարատեւութից յետոյ ժանդարմներին յաջողուեց աւազակապետ Ալէքսիսին սպանելու, միւս աւազակները կորցրին 3 մարդ»:

«Տարիներից ի վեր Եանինայում և Մոնաստիրում տիրապետող աւազակապետ Թուխան Պրոնուբարայի խաներից մէկում քնած ժամանակ մատնուեցաւ և ընկաւ ժանդարմների ձեռքը: Վերջիններս կարողացան նրան կենդանի բռնել: Աւազակապետին սպանեցին և նրա գլուխը բերին Դիւրիւտշէ»:

«Կոստուլօ գաւառի Պրիսրինդ գիւղաքաղաքում ժողովրդի մէջ մեծ իրարանցում է ձգել աւազակային մի խումբ: Այն խմբերը, որոնք ուղարկուել էին այդ խմբն բռնելու, չկարողացան իրանց նպատակին հասնել, թէև նրանց հետքը արդէն գտնուել են»:

Նորայոյն ժամանակներս գրգռիչ դէպքեր պատահեցին թիւրքիայի մի քանի տեղերում: Զմիւռնիայի շրջակայքում ա-

ազգայինները փախցրին Միջ անունով ֆրանսիացուն, որին արձակեցին 5000 ֆունտ փրկանք առնելուց յետոյ: Մակեդոնական աւազակները Սալոնիկէի պարիսպների տակ առեանդեցին ամերիկական միսսիօնարուհի միս էլլէն Ստոնին և նրա համար պահանջեցին 25,000 ֆունտ փրկանքի փող, կամ քաղաքական ներումն Սալոնիկէում յեղափոխական գործերի պատճառով տէրութիւնից դատապարտուած մակեդոնացիների համար.....

Այդ օրինակ դէպքեր Փոքր-Ասիայում էլ շատ են պատահում: Հսենք դրանց մասին էլ կրկին թիւրքերական տեղեկութիւնները:

«Թոկատում երեացել է աւազակային մի խումբ: Ոստիկանութիւնը ընդհարուեց այդ խմբի հետ և սպանեց երկու աւազակներ: Միւսները կարողացան փախչել և աղմուկներ բարձրացնել քաղաքի շրջակայքի միւս մասերում: Սըվազի և Կոնիայի վալիները պայմանաւորուել են միմեանց հետ և մեծ խրմբեր են ուղարկել աւազակներին հալածելու և ոչնչացնելու»:

«Կ. Պօլսի մօտ Իզմիտում աւազակների մի փոքրիկ խումբ է երեացել: Քաղաքի պարիսպների մօտ հինգ աւազակներ յափշտակեցին քաղաքագլուխ էմին էֆինտի երկու որդիներին, եղբօրը և 68 ոսկէ լիրա և պահանջեցին մեծ փրկանք: Եւ որովհետեւ նրանք սարերը փախցրած մարդկանց սպառնում էին սպանելու, դրա համար էլ փրկանքը իսկոյն և եթ վճարուեց նրանց»:

«Աւազակների մի խումբ իշխում է Կարամուսսալում, որ նոյնպէս Իզմիտի զաւառումն է գտնուում, ամեն տեսակ ջանք է գործ դրում այդ աւազակներին ոչնչացնելու: Հինգ հոգուց բաղկացած աւազակների մի խումբ բացարձակ կերպով տիրում է Սինոպի և Գարասուի մէջ ընկնող ճանապարհի վրայ: Այդ խումբը արդէն բաղմաթիւ ճանապարհորդների կողոպտել է: Երբ այդ աւազակներին չեն դիմադրում, նրանք բաւականաւորում են միմիայն փրկանքի փողով: Հակառակ դէպքում նրանք նոյնիսկ սպանութիւններից չեն խուսափում ճանապարհորդների իրեղէններին տիրանալու: Օրինակի համար նորերս մի երիտասարդ վաճառական Եազիտջի օղլի Ստավրի անունով աւազակներին իր ցոյց տուած դիմադրութեան համար կորցրեց ոչ միայն իր իրերը, փողը այլ և կեանքը: Ներկայումս Սինոպիի նահանգապետը Բեքիր-փաշան զօրք է ուղարկել այդ աւազակներին ոչնչացնելու համար»:

Աւազակներին արմատախիլ անել առ այժմ անհնարին է, որովհետեւ դրանք ունեն բաղմաթիւ բներ, որտեղ նրանք վտանգաւոր ընկնելուն կարողանում են ճարպիկութեամբ թաքնուել: Այդ բներից նրանք երբեմն առ երբեմն գուրս են զալիս և աշ-

խարհս զարմացնում իրանց յանդուգն գործերով: Դա 5 կամ 10 հոգուց բաղկացած մի խումբ է, որ տասնեակ հազարաւոր բնակիչ ունեցող քաղաքներին սարսափի մէջ է ձգել:

Կ. Պսլսի և Սալոնիկէի մէջ գտնուող երկաթուղու կայարաններէից մէկում օր ու ցերեկով Պրեվօ աղզանունով ֆրանսիացի ինժեները աւազակներից կողոսրտուեց և 50,000 ֆրանկ փրկանքի փող վճարելուց յետոյ միայն ազատուեցաւ: Այնուհետև աւազակները հանգիստ կերպով յետ քաշուեցան:

Ադաբազարի երկաթուղու կայարանում 12 հոգուց բաղկացած աւազակների մի խումբ գիշեր ժամանակ յարձակուեցաւ զինուորների վրայ և փախցրեց նրանց սպային և որովհետև կառավարութիւնը նրան որոշ ժամանակի ընթացքում չկարողացաւ ազատել, դրա համար աւազակները սպանեցին նրան:

Աւազակներից ոչ որ չբռնուեց:

Անատոլիական երկաթուղու մի ուրիշ կայարանում՝ Ալ Քայիայում, մի քանի ժամանակ սրանից, առաջ, օր ու ցերեկով աւազակային մի ուրիշ խումբ յայտնուեցաւ: Այդ խումբը քարուքանդ արեց կայարանի շինութիւնը, ոչնչացրեց նրա զանազան բաժանմունքները և երկաթուղու գծերը և յետոյ կայարանի գանձարանը կողոսրտեց: Մինչև աւազակներից շղթայուած պաշտօնեաների օգնութիւն ստանալը, հարագործները փախան դէպի լեռները, որոնք աւազակներին հետևող մարդկանց համար անյաղթելի արգելքներ էին ներկայացնում: Էսկիշէիրի դայմադամ կամ նահանգապետ Հայերի—Բէյը չնայելով այդ արգելքներին իր զինուորնրի խմբով շրջապատեց աւազակներին, բայց վերջիններս կրկին յաջողուեց նրանցից ազատուելու:

Տէրութեան պաշտօնեաները մի պատահմունքի շնորհիւ միայն կարողացան աւազակների հետքը գտնել:

Էսկիշէիրի բազարում մի անգամ մի հովիւ դէս ու գէն էր գնում վառօդ գնդակ գնելու: Այդ հովիւին կասկածելով ձերբակալեցին և նրան սաստիկ նեղացնելուց յետոյ վերջապէս յայտնի եղաւ, որ նա այդ վառօդն ու գնդակը հալածուած աւազակներէի համար էր ցանկանում գնել: Վերջիններս մատնելուց յետոյ, երբ հովիւը տեսաւ որ իրան էլ սպառնում է մահ, ստիպուած եղաւ ոստիկանութեան նոյնիսկ աւազակների տեղը ցոյց տալու: Հովիւը թիւրքիական զինուորներին ամենասարսափելի ճանապարհներով տարաւ մինչև աւազակների որջերը:

Քիչ ժամանակից յետոյ հալածուած աւազակները կանգնած էին իրանց հալածող զինուորներէի դէմ առ դէմ: Աւազակ-

ների թիւը անհամեմատ աւելի քիչ լինելով՝ Հկարողացան դի-
նուորներին ցանկալի գիծադրութիւնը ցոյց տալ: Դրանց մեծ
մասը փախաւ, իսկ հրեք աւազակներ ծանր կերպով վիրա-
ւորուելով վերջապէս անձնատուր եղան զինուորներին: Այդ
երեքը Անատոլիայի ամենայայանի և վատահամբաւ զոդերը,
մարդասպաններն և աւազակներն էին, այն է Հարունը,
Սորունքոր և Մեհմեդ փեշիվանը: Վերջինս, ինչպէս ինքը
հպարտութեամբ խոստովանում էր, բացի իր սովորական աւա-
զակութիւններից մօտ 300 մարդ էլ էր սպանել:

Եւ գիտէ՞ր ինչ արին վերոյիշեալ երեք աւազակներին:
Դրանցից առաջին երկուսը երկաթուղու գծի վրայ պահապան-
ներ նշանակուեցան.... Իսկ Մեհմեդ փեշիվանը դառաւ ոստի-
կանական բարձր պաշտօնեայ, աւելի ճիշտը ոստիկանութեան
նախարար Նազիմ փաշայի առաջին խորհրդականը: Վերջինիս
մօտ ես յաճախ եմ տեսել Մեհմեդ փեշիվանին իր անցեալ
քաջագործութիւնների մասին պատմելիս: Նազիմ փաշայի ան-
կումից յետոյ, ինչպէս որ ես արդէն . պատմեցի գրքիս «Է.
Պօլսի բանտերը» վերնադրով գլխում, Մեհմեդ փեշիվանը
նշանակուեց Պերայի նահանգապետ Էնվեր-բէյի ղլխաւոր խոր-
հրդականը....

Նոյն մի պատահմունքի շնորհիւ բռնուեցան այն աւա-
զակները, որոնք չորս տարուց ի վեր 50,000 բնակիչ ունեցող
Գուլիստան քաղաքը իր շրջակայքով անապահով դրութեան
մէջ էին դրել: Այդ աւազակները գրեթէ ամեն օր վերոյիշեալ
քաղաքի պարիսպների մօտ ոստիկանութեան պաշտօնեաների
բթի տակ բաւականաչափ մարդ էին սպանում:

Ոստիկանների մի խումբ դարանակալած լրտեսում էր
նրանց: Շուտով այդ բանը իմացան աւազակները, որոնք յան-
կարձակի յարձակուելով ոստիկանների վրայ նրանց ահ ու
սարսափի մէջ ձգեցին: Ոստիկաններից երկուսը փախան, ըսյց
մի քանի ըոպէից յետոյ աւազակները բռնեցին նրանցից
հինգ հոգու և շղթայակապ արին: Յուսօ և Զաքարիա աւազակ-
ները զրադուած էին իրանց սիրելի ոստիկանների գրպանները
դատարկելով, իսկ մնացածները աշխատում էին բռնել փախ-
չող ոստիկաններին: Այդ ժամանակ մի երկձի կառքի մէջ
նստած մօտենում էր Կոնիայի ոստիկանապետ Իբրահիմ բէյը,
որին միայն մէկ ժանդարմ էր ուղեկցում: Ոստիկանների գեր-
պանները դատարկող աւազակները այնպէս էին խորասուզուել
իրանց հաճելի աշխատութեան մէջ, որ չնկատեցին իրանց
մօտեցող Իբրահիմ բէյին: Վերջինս և իրան ուղեկցող ժանդարմը
իսկոյն հանեցին իրանց երկար ատրճառակները և մի քանի

բողոքից յետոյ գետին դուրեցին Յուսոյին և Չաքարիային.....

Մի տարուց ի վեր Թիւրքիայում ժողովուրդը մեծ բեֆորմը՝ բոլոր ցեղերի և կրօնների հաւասարութիւնը, առ այժմ իրականացել է միայն աւազակութեան մէջ:

Աւազակութեամբ պարապում են և մահմեդականները, և յոյները, և քրդերը, և հայերը: Այդ արհեստով նրանք բոլորն էլ միարան գործում են:

Անատոլիական ամենանշանաւոր վիլայէթներից մէկում՝ Սըվազում՝ աւելի քան տասը տարուց ի վեր տիրում էր մահմեդականացած քրդերից բաղկացած աւազակային մի խումբ, որի նշանաւոր առաջնորդը Սիմէօն Թերզիօղլի անունով հայն էր: Վերջինս ոչ միայն բաւականանում էր խորամանկութեամբ աւազակութիւններ անելով, այլ և յաճախ իր 12 հոգուց բաղկացած խմբով օր ու ցերեկով յարձակւում, յափշտակում, սպանում, այրում էր մեծ քաղաքներից և աւաններից շատերը: Շատ զարմանալի է դրութիւնը Եմէնում:

Թացի սանջակի մի հին ամրոցի աւերակներում բռն էին դրել մօտ 60 աւազակներ: Այգտեղից նրանք բոլորովին համարձակ ու յանդուգն կերպով յարձակումներ էին գործում շրջակայքի վրայ և այնտեղի ազգաբնակչութեանը այնպիսի սարսափի ու ահ ու դողի մէջ էին ձգել, որ վերջինս աւազակներին ձեռնապահ տուրք էր վճարում: Թիւրքաց կառավարութիւնը ամբողջ վաշտեր ուղարկեց այդ աւազակներին բռնելու: Յետոյ ամեն ինչ խաղաղութեամբ: Եթէ Թիւրքիական վաշտերին յաջողութեամբ աւազակներին յաղթելու, այն ժամանակ պաշտօնական լուրերը այդ բանը անպատճառ կը հաղորդէին: Ուրեմն պէտք է ընդունել, որ աւազակների վերոյիշեալ տիրապետութիւնը մինչև այժմ էլ դեռ իր դոյութիւնը շարունակում է:

Ռումանիական Թիւրքիայում դեռ աւելի ընդարձակ ասպարէզ ունի:

Չաթալա—գաւառի Չաքիրքիօ փոքրիկ քաղաքում, որ Կ. Պոլսից երկաթուղով երեք ժամ հեռաւորութեան վրայ է գտնւում, ապրում է Դեպիմա անունով մի այրի կին: Սրանից 9 տարի առաջ անյայտացաւ նրա 11-ամեայ միակ որդի Ստաւրօն՝ նրա միակ ուրախութիւնը: Դժբաղդ այրին ամեն միջոցների գիմեց իր կորած որդուն փրկելու: Դիշեր ու ցերեկ նա հանգստութիւն չունէր, բայց Ստաւրօյի՝ նրա սիրած որդու հետքերն անգամ չէր երևում: Անմխիթար մայրը ստիպւած էր իր ճակատագրին ենթարկուել ու մենակ ապրել...

Անցան տարիներ միմեանց յետեւից, մինչև որ Ստաւրօյի անյայտանալու 9 տարին լրացաւ:

Մի երեկոյ դժբաղդ մայրը նստած էր տխուր, ինչպէս միշտ և դէպի հեռուն էր նայում:

Ամեն ինչ խաղաղ էր նրա շուրջը: Տան մէջ չէր լսում նոյնիսկ ճանճի տղոցը: Ամեն ինչ հաճելի և խաղաղ էր այրու համար: Փողի կարիք նա չէր դգում, որովհետև ինքը մեծնակ էր, իսկ նա աւելի ունէր, քան թէ կարիք կար, Բայց միթէ դրանք կարող էին բաւակնութիւն պատճառել որդեկորոյս մօրը: Ինչքան հրաշալի և գեղեցիկ բան կը լինէր, եթէ Ստաւրօն իր մօր կեանքի վերջին տարիներում նրա մօտ լինէր:

Մի անգամ նա նկատում է որ ճանապարհով երկու մարդ են գալիս, մէկ ծեր, իսկ միւսը երիտասարդ, երիտասարդը մնում է դրսում կանգնած, իսկ ծերունին ներս է մտնում այրի կնոջ մօտ:

«Ո՞վ ես դու, հարցնում է այրին»:

— Ես մի աւագակ եմ, այսպէս է սկսում իր պատմութիւնը հիւրը: Ինչը տարի սրանից առաջ՝ ես գողացի միակ որդուդ՝ Ստաւրօյին: Եթէ փրկանք վճարես, կարող ես նրան կրկին ստանալ:

Այրին դողդոջուն ձեռքերով վճարեց փրկանքը, որից յետոյ աւագակը հեռացաւ, իսկ Ստաւրօն վերադարձաւ:

Մեր Ստաւրօն իր ընտանիքին նոր կեանք է տալիս: Այժմ այրու տունը ուրախ և ցնծում է, այն ինչ առաջ միայն տըխրութիւն և սուգ էր ներկայացնում: Ստաւրօն զանազան առիթներից օգուտ քաղելով իր մօրից նորանոր փողեր է խնդրում: Այրի մայրն էլ առանց մերժելու միշտ կատարում է իր որդու խնդիրը: Եւ միթէ մօր մտքով կ'անցնէր իր միակ որդու խնդիրը մերժելու...

Այդպէս նրանք ապրում են շաքաթներ և ամիսներ...

Յանկարծ, մի օր, Ստաւրօն խոստովանւում է, որ ինքը աւագակային խմբի հետ դեռ եւ յարաբերութեան մէջ է գտնւում, և բացի դրանից, որ իր բոլոր ընկերները և հիւրերը աւագակներ են: Միայն փողի շնորհիւ նա կարող էր իր վտանգաւոր ընկերներից ազատուել: Մայրը տալիս է որդուն իր վերջին փողը և այդպիսով տանը միաժամանակ խաղաղութիւն և հանգստութիւն է տիրում:

Մի անգամ էլ Ստաւրօն յանկարծ կանգնում է իր մօր առաջ և ասում է. «Փող տուր, եթէ ոչ կը սպանեմ քեզ»:

— Ես այլ եւս փող չունիմ, գանգատւում է դժբաղդ մայրը:

«Իո՞վ ես կամ պէտք է փող ունենամ, կամ թէ չէ կը սպանեմ քեզ: Ծախիր տունդ և դրա փողը տուր ինձ: Ես պէտք է վերադառնամ աւագակների մօտ»: Ստաւրօն քանի գնում, այնքան էլ աւելի էր սպաննում մօրը:

—Դժբաղդ որդիս, եկ ինձ հետ գնանք մայրաքաղաք, այն-
տեղ էլ ես փող ունեւմ, պատասխանում է վերջապէս մայրը:
Եւ նրանք միասին ճանապարհւում են Կ. Պօլիս:

Բայց Ստամբուլում յուսնատուած մայրը իր թշուառ որ-
դուն փոխանակ բանկիրի մօտ՝ տանում է ոստիկանութեան նա-
խարարի մօտ:

Ոստիկանութեան նախարարի մօտ ես Ստամբուլին տեսայ
իբրեւ փաշայի թիկնապահ ծառայ...

Թարգմ. գերմ. Լ. Բաքայկան

(Վերջը յաջորդ համարում)

*
* *

Թռչում է ոգիս՝ ազնաւ ու անվախ՝
Վեհ բարձրունքները խրոխտ լեռների.
Եւ գլխիս վերեւ լսում եմ յաճախ
Շառաչումները արծուի թևերի:

Լսում եմ զօղանջն տիեզերական.—
Ոգիս բացւում է անծիր թևերով.
Անծիր թևերս գրկում են համայն
Աշխարհ է՝ աշխարհ և ծովեր է՝ ծով:

—Բացէք դարպասներն ձեր պալատների.
Ոգու յարութեան լոյսն եմ ձեզ բերում.
Ես փոթորիկն եմ անապատների
Եւ օձ-կայծակը մոայլ ամպերում...

Եւ մարգարէի հուրն է իմ կրծքում,
Սուրբ իմ ձեռքում, բարբառս ազնաւ.
Եւ ինձ յաւիտեան անմահ եմ զգում.
Եւ երկրի վերայ քայլերս հաստատ...

Աւ. Իսահակեան:

ԶՊԱՏՄՈՒԱԾ ԻՐԱԿԱՆՈՒԹԻՒՆՆԵՐ

1894-ի անցքերէն

Վերջապէս Սուլթան Համիդ յաջողած էր հիւսիսէն հարաւէն համախոհներ գտնել, որոնք սիրոյօժար թելադրեցին իրեն օր ցերեկով հայերը կոտորել տալ ամեն տեղ:

Այս նպատակաւ Դ-րդ բանակի հրամանատար՝ ազգաւ Մաճաւ, անուամբ տաճիկ Զէքի փաշային հրամայուեցաւ հեռագրաւ թողուլ Երիզան և երթալ Սասուն հայերը ջարդելու: Սա պայմանաւ յօժարուեցաւ Զէքին. «Այդպիսի անեղ հրամանի մը գործադրութիւնը կը ստանձնեմ միմիայն կայսերական մասնաւոր հրամանագրով», ապաղայ մեծ պատասխանատուութենէ մը ազատ մնալու կանխահոգութեամբ:

Ի՞նչ կայ զիւրին քան մարդասպանութեան վճիռ արձակելն և կամ հրամանագիր ստորագրելն Սուլթան Համիդի համար. կտեղեց իւր անձնական քարտուղար Սիւրէյա փաշան, հրամայեց գրել հայերը կոտորելու հրամանագիրը:

Սիւրէյա փաշա չհասկանալ կը ձևացնէ, տիրոջը մտադրութիւնը պահ մը շեղել տալու համար, վարանուածէն և յուզումէն անկապ հարցումներ կ'ուղղէ.

—Վեհ, Տէր, ո՞ր հայուն համար պիտի գրուի. անունը, մականունը և այլն յիշե՞նք.

—Ի՞նչ մէկ հայ, և ի՞նչ մականուն, ջարդել անխնայ ամեն հայ անունը կրողին: Եւ հետզհետէ ալ ջարդել պիտի տամ թէ ես և թէ համախոհներս ամեն տեղ ուր հայ որ կան:

Սիւրէյա փաշա հլու հնազանդութեամբ մը տկամայիտ կը զրէ այդ պարանական որոշմագիրը և մեծ մարդասպանը իւր ձեռամբ ստորագրելով կը զրկուի Կարին՝ Շէքի փաշային հասցէին...

*
* *

Գրեթէ զիշերուան ժամը 11 էր: Կ. Պոլսոյ անգլիական դեսպանատան ետևի գրան ասջի կանգնեցաւ գոյ կառք մը. և

դուրս սպրդեցաւ մէջէն պատկառելի ճէնդըմէն մը և մտաւ զեսպանաառնն:

Սըր Ֆիլիպ Բըրբրի իւր առանձնարանի մէջ անակնկալ մը կը համարուի տարադէպ ժամու բարեկամի մը այցաքարոն՝ զոր այդ պահուն ծառայն իրեն կը մատուցանէր:

Դեասպանը և ճէնդըմէնը շատ երկար խօսակցութենէ վերջ, մօտաւորապէս սա իմաստով Կարնոյ անգլիական հիւպատոսին հեռադրեցին շիֆրայով. «Ամեն միջոց ի դորձ գիր Տրապիզոնի փոստան դարնիլ տալու. Զէքի փաշային հասցէին նամակ մը կայ, պիտի գտնուի և ձեզ բերեն. դուք ալ մասնաւոր խնամով պիտի ղրկէք Թիֆլիզ մեր հիւպատոսին որ նա ալ ղրկէ Լոնդոն»:

Թերեւս այդ գիշերը առաջին և վերջին եղաւ դոկտր. Տիգրան փաշայ ֆէշտիմալճեանի համար. զի սրտի զեղուն զոհունակութիւն մը կը վայելէր իւր ազգին օգտակար լինելու բաղքը պատրանքէն արբշիռ: Աւանդ, իւր պատուական կեանքն ալ վրայ տուաւ ու չյաջողեց:

Ոչ նուազ չէր Սըր Ֆիլիպ Բըրբրի ալ հրճուանքը այդ գիշեր, զի հայերուն և իւր սիրած մեծ դոկտորին ծառայութիւն մը կը մատուցանէր զրեթէ անփոխարինելի:

Բանիցս աւանդ, աներեւոյթ Զարքայլ կերպ տնօրինեցին. Զէքին ստացաւ երկրորդ հրամանագիր մը և ջարդեց Սասունը այդ օրէն շուրջ երկու ամիս վերջը:

*
* *

«Կտրիճք առան զէնքերն իջան սարն ի վար...»:

Խօսքը խմբապետինն է.

—Եղբայրներ, մտնենք մեր թագստանոցները, թղթատարը պիտի սուրայ այս ճամբով. նշան տրուելուն պէս գոռալու են մեր հրադէնները, ջանանք որ զուր չանցնեն մեր զնգակները. սպանելու ենք զապթիւրները, թղթատարները և ձիանքը: Ձենէ շատերը՝ պիտի մնաք ձեր տեղերը իբր դէտ, և երբնշան կը տրուի կու գաք կը միանանք կ'երթանք, և մի քանի ուրիշ կարևոր հրահանգներ տրուեց և ցրուեցան:

Մի ժամ վերջ թղթատարի խումբ երեաց. մեր կտրիճներու զնգակները անվրէպ իրենց նպատակին ծառայած էին: Խմբապետը մէկ երկու ընկերներով պայուսակները բացած կ'որոնէին Զէքի փաշայի հասցէին ղրկուած նամակ մը:

—Փառք Աստուծոյ, գտանք ըսաւ Ապահ:

—Է՛հ ուրեմն երթանք, հրամայեց խմբապետը:

—Պատուենք միւս նամակները, և վերցնենք դրամական ծրարները, զի ինչպէս գիտցուած և լսուած բան է. թղթատարը կը վարնին լոկ կողոպուտի համար, և մենք այս պարագային այսպէս վարուելու ենք:

—Ո՛չ չըլլար ըսաւ խմբապետը, այդ բանը նէմ'էրտուծ թիւն է, մենք մեր նպատակին հասանք, այլևս ուրիշին ի՞նչու ֆլասենք:

—Թերեւ հեռի չէ այն օրը որ մենք դառնութեամբ պիտի զղջանք մեր այս մէրտութեանը վրայ, կ'ըսէր Ապահ աներեւոյթանալով լեռներու մէջ:

*
* *

Թիֆլիզի անգլիական հիւպատոսը ստացած էր Կարնոյ անգլիական հիւպատոսի միջոցաւ Ձեքի փաշայի հասցէին ղըր-կուած նամակը և զրկած Լոնտրա:

Լոնտրոն ժողովին մէջ բացուեցաւ հայերուն ջարդի հրաժանագիրը և տեսան գաղան Սուլթանի ստորագրութիւնը. այդ պահուն մեծ ծերունին Կլաուսթօն բարկութեամբ մը կը գոչէր «Մեծ Մարդասպան»...

Պահուեցաւ այդ հրամանագիրը արքունի դիւանատան մէջ իբր յաւէտ խօսուն կոթող գաղան Սուլթան Համիդի վայրագութեան, և երբ Սասունի կոտորածէն վերջ Կլաւստոն ի գիտութիւն ըովսեղակ աշխարհի կարմիր Սուլթանի երեսին կը նետէր «Մեծ Մարդասպան» ստորագրելին, գաղան Սուլթանը կատաղութենէն աստաֆները կը կրճատցնէր և պատիւ կը պահանջէր, բայց ականջը քաշելով հասկցուցին թէ, Ձեքի փաշային զրած հրամանագիրդ մեր դիւանատան մէջ զայդ կը հաստատէ:

Չար սուլթանը կասեցաւ ու դադրեց պատիւ պահանջելէ...

*
* *

Գեղանի թրքուհին պառկած ճոխ սնեակի մը արդ ու դարդի մը մէջ կը տքար ու կը հիւծէր թոքատապէ. դարմանող բժիշկն էր Տիգրան փաշա Փէշտիմալճեան, կարող, փորձաւոր և գիտուն մարդը: Հիւանդին կրած աօրին փոփոխութեանը համեմատ օրը մի քանի անգամ կ'այցելէր և ժամերով սնարին վերին կանգնած կը հսկէր իբր բարի հրեշտակ մը:

—Էհ, փառք Աստուծոյ, այլևս վտանգը անցած կ'երևի, ըսաւ հայ էսքիւլապը հիւանդի մօրը, և անհամբեր էր Սիւրէյա փաշայի գալստեանը, որ աւետէր աղջկանը զէպի լաւ գարձը,

որնոր այնքան մեծ մտահոգութիւն կը պատճառէր տան բոլոր անդամներուն:

Այսօր փաշան իւր սովորական զուարթութիւնը կորսնցուցած կ'երևէր Եւրոպէն վերադարձին, և առանց աղջկանը այցելելու քաշուեցաւ իւր սենեակը: Դոկտոր Փէշտիմալճեան որ արդէն անհամբեր էր, շտապեց աւետել փաշային հիւանդին բարելաւ վիճակը:

— Շատ լաւ, շնորհակալ եմ, Տիգրան, ձեր հոգածութեանն... Ըսաւ փաշան հեղձամղձուկ յուզեալ եղանակաւ մը:

Դոկտոր Փէշտիմալճեան փաշային այս յուզեալ վիճակը վերադրեց պալատական ինչ ինչ էնթրիկներու, որոնց թերևս անմեղ զոհն է եղած. ուստի աւելի մտերմական շեշտով մը հարցնել սկսաւ.

— Տէր իմ, ի՞նչ ունիք, չեմ կարող արդմօք իմ ծառայութիւններովս ձեր հոգսերը փարատել:

— Ո՛չ, սիրելի դոկտոր, ո՛չ, այս ըսելով փաշան փակեց դրան նիւթը, և հեծկլտալով արտասուել ըսկսաւ.

Դոկտորը ենթադրեց, թէ գուցէ փաղիշա՜նը ղինքը պաշտօնէն վտարած լինի, և ըսաւ, տէր, չկայ հարկ այդ չափ յուզուելու և լալու. փառք Աստուծոյ, Ալլահը քեզ վերադարձուց սիրելի աղջիկդ, և անկէ աւելի ի՞նչ կայ թանկագին, ուրախանալու ենք փոխանակ տրտմելու:

— Կեցիր դոկտոր, կեցիր, այն ուրախ եմ թէ և որ աղջիկս ձեր ջանքերով փրկուեցաւ, բայց ի՞նչ արժէ այդ ուրախութիւնը, երբ վայելողը չկայ. երբ ես կտտաբեալ մարդ մը լինելէ դադրած եմ ու ամենահոսարակ ազոտ գործիք մը եղած Համիդ ըսուած չար Սուլթանին ձեռքը: Ձի այսօր իրբև Սուլթանն Համիդի անձնական քարտուղարը, ներքին ուրախութիւնը չէ, որ զիս կը սնուցանէ, այլ ներքին վիշտն է որ զիս կը կրծէ. ինչ արժէ անդին հիւանդ պառկած մէկ աղջիկ, որուն չորս կողմը շրջապատուած են գեղ, դարման, բժիշկ, ծնողական խնամք ու գուրգուրանք որ չմեռնի, այնպէ՛ս չէ. մինչդեռ այսօր այս ջարդուելիք մասնները սեպերեցին բիւրաւոր անմեղներու հրով ու թրով ջարդելու և կոտորելու հրամանագիրը գոր ուղած էր Ձէքի փաշան. և Սուլթանն ալ ստորագրելով զրկուեցաւ յիշեալին. վախ. անմեղներ, վախ. ըսաւ ու սկսաւ նորէն հեծկլտալ:

Դոկտոր. Փէշտիմալճեանը ի լուր այս բոթին բոլորովին այլալա՜ծ աւելայից կեղծուպատիր բառեր կ'որոնէր իւր փոթորկեալ դանդին մէջ. բայց հազիւ հաղ կըցաւ ըսել:

— Փաշա էֆէնտիս, մի տանջէք զձեզ այդ չափ. մեր թա-

զաւորը բարի է. գուցէ բարկութեանը մէկ պահուն ձեզ այդպէս
գրել տուաւ. բայց վաղը հեռագրաւ զայն ետ կ'առնու:

— Սիրելի Տիգրանա, անցան մեր երանելի օրերը, Համիդ
մարդ մը չէ, այլ սոսկալի վամպիր մը. իւր որոշումն ու վճի-
ռն անգառնալի են. և իւր ատելութիւնը հայոց նկատմամբ
խիստ խորը...

Ուշ ատեն Տիգրան փաշայ խիստ յուզեալ և բոլորովին
զուսաթափ կը հեռանար Սիւրէյա փաշայի ապարանքէն:

*
* *

Տրապիզոնէն ստացուած հեռագիրը մեծ իրարանցում
պատճառած էին Ելտըղի պալատան մէջ, որոնք հետեւեալները
կը հազորդէին յաջորդարար:

«Գոփ լեռան մօտերը զարնուած է երեք օր առաջ Կարին
մեկնող թղթատարը»:

«Թղթատարական բոլոր մարմինը և ձիերը սպանուած են.
սլաւոսալները պատռուած, բայց նամակատան վարչութեան
ուղղած բոլոր զբամական ծրարներն և յարակից պաշտօնաթղ-
թերն, ինչպէս նաև վաճառականաց նամակներն հնէ բռնարա-
րում կըած չեն, կ'երևի աւազակները ժամանակ չգտնելով փա-
խած են»:

Իսկ Կարինէն Զէքի փաշան իրեն եղած հարցման մը կը
պատասխանէր այսպէս:

«Ձեր ականարկած հրամանագիրը չստացայ, կ'երևի աւա-
զակները միայն այդ թուղթը ձեռք անցնելու համար զարկած
են թղթատարական մարմինը, որով հասկանալի է թէ, ադոնք
հայ յեղափոխականներ եղած լինելու են և ոչ թէ աւազակներ,
ձեզ կը մնայ ուրեմն մնացեալը տնօրինել»:

Զէքի փաշայի հեռագիրը զրդուած և ցունց հանած էր
Սուլթանի բոլոր ջիղերը, այնպէս որ փատիշահը կատաղած
միտը կուտէր ու քիչ կը մնար, որ բարկութենէն ճայթէր:

«Դուն ալ Սիւրէյա, զիս կը լրտեսես եղբւր, ու հայերը կը
սիրես. և իմ վճիռս բեկանել կը ջանաս. ուստի դուն ալ գնա
այդ կեսավորներուն քով ըսաւ և զիւային ժպիտով մը ահուան-
ները կըճտել սկսաւ»:

Առաւօտեան ժամը 10 կար, անակնկալ պալատական
կառք մը եկաւ կանգնեցաւ Սիւրէյա փաշայի ապարանքին առջև
և մէջէն հանեցին փաշան կիսամեռ՝ ամենաթունդ կերպով թու-
նաւորուած էր:

* *

Մժ քանի օրէ իվեր վաշայի ապարանքին մէջ նախկին յոյ-
զերը չկային, զի իրենց սիրելի աղջիկը վտանգը անցու-
ցած էր. և ամենքն ալ սկսած էին ալ աւելի յարգանք մը
տածել յանձին դոկտորին, որ իւր յաճախակի այցելու-
թեամբն ալ գրեթէ իրենց տան մի սիրելի անդամն կը նկատե-
ին. ինքն ալ գրեթէ նոյնչափ ազնիւ կը գտնուէր անոնց հան-
դէպ:

Երեկոյին երբ փաշային որդին ու փեսան իրենց ապա-
րանքին սրահը մտան, տեսնելով դոկտորը վրայի շորերը մէկդի
շարժած, լոկ շապիկով մը թևերն ալ սոթած, սաստիկ յուզեալ
դուրթեան մը տակ դեղեր կը պատրաստէ «հիւանդնուս վիճա-
կը ծանրացած է» ըսելով, աղաչաւոր եղանակաւ մը դոկտորին
կը հարցնէին. դոկտորը բարկութեամբ մը կը մարդարէանար.

—Ալ այսուհետեւ կարգը ինձ եկաւ թունաւորուելու: Ձեռ-
քովը փաշային սենեակը ցոյց կուտար:

Միւրէյա փաշան վայրկեան առ վայրկեան իւր օրհասին
կը մօտենար, թէ և դոկտորը բոլոր ճիգերը կը թափէր զայն
եա խլելու մահուան ճիրաններէն. բայց սւա՜ղ ուշ մնացած էր,
զի պալատան մէջ թունաւորուելէ վերջ բաւական ատեն վար
դրած էին մինչև գեղի ներդրածումն:

Փաշային որդին և փեսան առանց երբէք կարենալ խոր-
հելու թէ փաղիշա՜ր թունաւորած կրնայ լինել իրանց հայրը,
այլ ենթադրելով թէ ուրիշներն թունաւորած կը լինեն առ
նախանձու, փաշան իւր օրհասի մէջ թողլով շտապեցին
Նլալ «հայրախնամ» փաղիշահին իմացնել թէ անձնական
քարտուղարը թունաւորած են...

* *

Նրէկի կազդուրեալ կիներ, այսօր արշալոյսի դէմ գրեթէ
դիակնացած իւր անկողնոյ մէջ կը դառանցէր. զի գիշերն ի
բուն մօրը հետ այնքան լացեր էին ո՛չ միայն փաշային մա-
հաւանը վրայ, այլ նաև մայրը իւր որդւոյն, աղջիկը իւր էր-
կանը չվերադառնալուն համար:

—Փաշայ, հայրիկս գնաց երկինք, ևս ալ պիտի բնկերա-
նամ իրեն, սիրելի եղբայրս և սիրելի ամուսինս—ի՜նչ, դուք ալ
երկինք գնացիք առանց մեզ մնաք բարով ըսելու...

Դեռ այս բառերը ամբողջովի չարտատանած զարձեալ
հոկտեմբեր, 1905.

Իւտղի պալատական կառքը երկու ոշնչացեալ գիւղներ ներս
կը նետէր Սիւրէյա փաշայի ապարանքէն:

Փաշային տղան ու փեսան ալ թունդ կերպով թունաւո-
րուած և տուն զրկուած էին գորովագութ փատիշահ Համիդէն:

Մէկ օրուան մէջ թաղեցին խիստ անշուք հանդէսով մը
Սիւրէյա փաշան, որդին և փեսան, իսկ յաջորդ օրն ալ՝ խղեճ
աղջիկը. կնոջը համար կ'ըսէին թէ խենթացած էր:

*
* *

Անդրանիկ փաշա Կրճիկեան անընդհատ կը դիտէր հիւան-
դին դէմքին վայրկեան առ վայրկեան կրած փոփոխութիւննե-
րը և գրեթէ հինգ վայրկեանը մի անգամ մի նոր դեղթափ կու-
տար, բայց ամեն մի անգամին աւելի սարսուղեցիկ ջղածը-
գութիւն մը կ'ունենար ու կը գունամոխտէր:

—Ի՞նչ հարցուցին ձեզ պալատան մէջ:

Հիւանդը գլուխը շարժելով մը սա չափ միայն ըսաւ.

«Դուն էիր, այնպէս չէ՞ Սիւրէյային դարմանողը», և ալ
ճկարողացաւ շարունակել, խոխոց մը սկսաւ և վեց ժամ վեր-
ջը կնքեց իւր մահկանացուն:

Եւ յաջորդ օրը Կ. Պոլսոյ հայ թերթերը կը ծանուցանէին
թէ «Տիգրան փաշա Փէշտմալճեան կաթուածահար եղած է»: Եւ
մի օր վերջն ալ դարձեալ «Անդրանիկ փաշա Կրճիկեան կա-
թուածահար եղած է»: Դոկտոր Փէշտմալճեան դարմանած լի-
նեղուն համար այս մեծ բժիշկին ալ Եւտղի պալատան մէջ կան-
չած թունաւորած էին, և մեր այս երկու մեծ դէմքերն ալ ան-
հետացան իբր առաջին մարտիրոսներ Սասունի, առանց եր-
բէք մեր մէջն արձագանք տուած լինելու...

Փահրատ

ԱՆՅԵԱԼԻ ՀԱՐՑԵՐԻՑ

Շիրակի արձանագրութիւնները

Մենք ունենք երկու տասնեակ և աւել պատմագիրներ, ունենք Չամչեանի երեք ստուար հատորները, բայց և այնպէս՝ այսօր զգում ենք որ չունենք հայոց պատմութիւն:

Ինչի՞ց է այս ահագին պակասութիւնը: Ինչո՞ւ է զրւում մի այնպիսի հայոց պատմութիւն, որ գոհացնէր մեզ:

Շատերը հեշտ են պատասխանում այս հարցերին:—Չամչեանի պէս մարդիկ չունենք, ասում են նրանք: Բայց կարո՞ղ ենք ունենալ Չամչեանի պէս աշխատողներ:

Պատմական գիտութիւնը հսկայական առաջադիմութիւն է արել Չամչեանի գրած պատմութիւնից յետոյ: Չամչեանի ժամանակների կուռքերը վաղուց խորտակուել են. XV^{III} դարում կարելի էր լինել վանական մարդ վանական հասկացողութիւններով և գրել պատմութիւն: XIX դարը դուրս մղեց վանականութիւնը գիտութեան ասպարէզից, ահագին յեղափոխութեան ենթարկեց հասկացողութիւններն ու աշխարհայեացքները ընդարձակ ուսումնասիրութիւնների, անխնայ վերլուծումների ու ըննադատութեան, զարմանալի արդիւնքներ տուած հնագիտական խուզարկութիւնների միջոցով:

Չամչեանի պատմութիւնը մնաց այդ լայն և լուսաւոր հոսանքի այն կողմում, հնութեան և միամտութեան, անտեղեկութեան կողմում: Նրա հետ նոյն տեղում մնացին և մեր Խորենացիները, Ստդիկիները, Ջէնոքները: Ժամանակը իր լուսաւոր ոգով, իր արագ ու պարզ ձգտումներով հեռացրեց, բաժանեց նրանց բոլորին մեղանից: Այդ բոլոր գրքերը մնացին լոկ իրրի հում նիւթեր, որոնց պէտք էր մշակել, որոնց պէտք էր տալ մի տեսակ օժանդակ աղբիւրների նշանակութիւն:

Եւ մենք մնացինք առանց պատմութեան՝ այս բառի իսկական, ժամանակակից հասկացողութեամբ: Մեր պատմութիւնը նոր պէտք էր գրել: Բայց ի՞նչպէս գրել: Պատմութիւնը

վէսլ չէ, որ կարելի լինի հնարել երևակայութեան օգնութեամբ: Իբրև գիտութիւն, նա պիտի հիմնուած լինի դրական փաստութիւն, լաւ կշռուած, գտուած ու վերստուգուած նիւթերի վրայ: Եթէ մի ազդի մէջ կայ այդպիսի աշխատանք, այդպիսի ուսումնասիրութիւնների մի քուրա, այդ ազդը կ'ունենայ և իր պատմութիւնը: Եւ մենք տեսնում ենք ուրիշ ազգերի մէջ ուսումնասիրութիւնների լայնածաւալ կազմակերպութիւն: Հարիւրաւորները աշխատում են մասնաւոր, մանր-մունր հարցերի վրայ, իսկ նրանց այդ գործից օգտուում են մի կամ մի քանի անհատներ՝ պատմութիւն գրելու համար:

Եւ այսպէս՝ կարող ենք Չամչեաններ ունենալ: XVIII դարի մի Չամչեան, եթէ դուրս գար մեր օրերում, չէր զոհացնի ոչ ոքին: Իսկ այսօրուայ պահանջներին համապատասխանող Չամչեան չէ կարող երևան գալ, մինչև որ հող չպատրաստուի նրա համար: Նախ նիւթեր, ուսումնասիրութիւններ, անպա միայն պատմագրութիւն:

Այս անհրաժեշտութիւնը մեզանում վաղուց է հասկացուել: Պատմական ուսումնասիրութիւններ տասնեակ տարիներից ի վեր շատ են կատարուել և այժմ էլ կատարւում են: Ունենք մի պատկառելի գրականութիւն, ձեռք ենք բերել շատ պատմական ճշմարտութիւններ, որ առաջ չունէինք:

Սակայն չէ կարելի չարձանագրել, որ այդ ուսումնասիրութիւնները այնքան էլ բազմակողմանի և ընդարձակ չեն: Գլխաւորապէս մատենագրական ուսումնասիրութիւններ են դրանք, այն էլ ամենամեծ մասով պտտւած են մեր պատմութեան յայտնի ժամանակամիջոցների շուրջը: Ուսումնասիրողների համար հետաքրքրութիւն ներկայացնում է կարծէք միայն մեր հին պատմութիւնը, այն ինչ ամփոփուած է Խորենացու պատմութեան մէջ: Մնացած շրջանները կարծէք մոռացուած են: Եւ սակայն չէ՞ որ մենք պատմական կեանք ունեցել ենք և միջին ու նոր դարերում:

Որքան էլ որ ամենքիս համար յարգելի լինեն մատենագրական-բանասիրական ուսումնասիրութիւնները, բայց յայտնի է, որ պատմութեան աղբիւրները միայն գրքերը չեն: Պատմական յիշատակներ թաղուած են և հողի տակ, պէտք է դուրս հանել նրանց այնտեղից: Պեղումների գործը մեզանում նոր է սկսուած և դեռ խանձարուրքի մէջ է գտնւում: Որքան շատ զարգանայ նա, այնքան առատ լոյս կը սփռուի մեր պատմական անցեալի վրայ:

Հարկաւոր է մեծ ուշադրութիւն դարձնել և մեզ շրջապատող, մեզ վրայ քաղաքական և կուլտուրական ազդեցութիւն

ունեցած ազգերի պատմութեան և գրականութեան վրայ: Այս էլ համարեա բոլորովին մոռացուած մի կարևոր ճիւղ է, մինչև այժմ այս ուղղութեամբ չափազանց քիչ, ուղղակի աննշան բան է արուած մեղանում:

Բայց դրանից աւելի մոռացուած է մի նոյնպէս շատ կարևոր բան—մեր հին շինութիւնները: Դրանք կենդանի վկաներ են, բնութիւնից և բոնութիւններից խնայուած մեղ են հասել՝ մեր նախահայրերի, մեր հին մարգու գործերն ու հոգսերը շօշափելի կերպով պատկերացնելու համար: Բերդ, պալատ, դահլիճ, եկեղեցի, վանք, բաղնիս, թոնրատուն—սրանք կապեր են մեր երևակայածի և անցեալի իրականութեան մէջ: Բայց սմենքը աւերակ են այսօր, սրանք հալոււմ մաշոււմ են, անհետանում և մենք ոչինչ չենք անում նրանց պահպանութեան համար: Թանկագին է մանաւանդ այն հանգամանքը, որ այդ շինութիւններից շատերը խօսուն են, ունեն արձանագրութիւններ, որոնց մէջ թաղնուած են մեր անցեալ կեանքը պատկերացնող շատ պերճախօս փաստեր: Դրանք պիտի մատակարարեն ուսումնասիրութեան առատ նիւթեր: Բայց օգտուել ենք մինչև այժմ այդ նիւթերից:

Օգտուելու համար նախ պէտք էր ճիշտ, անսխալ արտագրութիւններ ունենալ, ուրիշ խօսքով՝ արձանագրութիւնների զիտնակտն մի հրատարակութիւն, պատշաճաւոր ուսումնասիրութիւններով և լուսարանութիւններով: Այդպիսի հրատարակութիւն չկայ: Պատահական այցելուներ, սիրող ճամբորդներ, յաճախ առանց որևէ պատրաստութեան, շտապով կարդացել են արձանագրութիւնները ինչպէս կարողացել են, հրատարակել են դարձեալ ինչպէս կարողացել են: Ես այստեղ կարող էի մի շարք ծիծաղելի օրինակներ բերել թէ ինչպիսի կուրեօզներ են առաջացրել վայելիւրոյ արտագրուած արձանագրութիւնները, ինչ սխալների մէջ են գցել ուսումնասիրել կամեցողներին: Չը կայ վստահութիւն թէ որքան ճիշտ են այդ հրատարակութիւնները, ինչպէս, ուրեմն, կարող են այդ պատմական վաւերագրերը լուծ ուսումնասիրութեան առարկայ դառնալ: Այս պակասութիւնն էլ հասկացուել է մեզանում և մի երեք տարի առաջ պրոֆէսոր Մառի ինիցիատիվով Թիֆլիզում կազմուեց մի յանձնաժողով՝ հայ և վրացական արձանագրութիւնները ժողովելու և հետզհետէ հրատարակելու: Բարի ձգտումներ մեզ տուած են, բայց գործ կատարել մենք չենք կարողանում: Ժողովներ կայացան, խօսք ու դրոյց շատ եղաւ, բայց ձեռնարկութիւնը դեռ չծնւած էլ մահացաւ: Իսկ այնտեղ, երկրի զանազան անկիւններում, հայրենի աւերակները օրէցօր ոչնչանում

են, ոչնչացնելով իրանց հետ բազմաթիւ պերճախօս վաւերագրեր:

Ահա ինչքան քիչ բան է արուած մեղանում մեր պատմութիւնը նոր գիտական մեթոդով լուսարանելու, մշակելու համար: Իսկ մենք, անօգնական ու անփոյթ, սպասում ենք թէ երբ կը ծնուի մի նոր Չամչեան: Զգում ենք մեծ անհրաժեշտութիւնը, բայց ծոյլ ու անկարող ենք: Եթէ հասկանայինք որ նոր Չամչեանին պէտք է պատրաստել, կը բազմապատկէինք մեր եռանդը, միջոցներ չէինք խնայի նիւթեր և ուսումնասիրութիւններ ամբարելու համար...

Իմ ներկայ ուսումնասիրութեան նիւթ եմ դարձնում արձանագրութիւնները և յատկապէս Շիրակի արձանագրութիւնները:

Շիրակը իր բազմաթիւ հնութիւններով ուղղակի մի գանձարան է մեր միջնադարեան պատմութեան համար: Նրա բերդերը, նրա շինութիւնները ինչէր ունեն ասելու հնախոյզին, հին կեանք ուսումնասիրողին: Թէ ինչ գանձեր կան թողուած Շիրակի հողի մէջ, — այդ ցոյց կը տայ ապագան, երբ այժմ դեռ միայն սկզբնաւորութեան շրջանում գտնուող պեղումները կը զարգանան, լայն չափեր կը ստանան: Բայց այն էլ, ինչ մնացել է հողի վրայ, ինչ այժմ մատչելի է ուսումնասիրողին, դարձեալ անապառ նիւթեր է պարունակում իր մէջ: Այդպիսի մի հարուստ ու հետաքրքրական անկիւն չկայ ամբողջ Հայաստանում: Արձանագրութիւնների կողմից էլ նա առաջին տեղն է ստանում:

Զարմանալի հանգամանք: Այժմեան Ասիական Թիւրքիան պարունակում է իր մէջ Հին Հայաստանի մի նշանաւոր, հռչակուած մասը, բայց այնտեղ մնացած հին շինութիւնների վրայ համարեա չկան արձանագրութիւններ: Գոնէ Հ. Ներսէս Սարգսեանի պէս մի բարեխիղճ, հմուտ ուսումնասիրող իր «Տեղագրութիւն ի Փոքր և Մեծ Հայս» աշխատութեան մէջ շատ քիչ արձանագրութիւններ է դրել, թէև հետազօտել է Վառպուրահանի, Տարօնի նման պատմական երկիրներ: Արձանագրութիւններ չեն բերում և ուրիշ հետազօտողները: Հետևաբար, նրանք չկան: Կիրիկեան, ուր անկախութեան դարաւոր շրջան է ունեցել հայը, նոյնպէս չափազանց աղքատ է արձանագրութիւնների կողմից:

Արևելեան Հայաստանը—Այրարատ, Սիւնիք, Արցախ, Գուգարք նահանգները—ահա ուր է արձանագրութիւնների ամբողջ հարստութիւնը: Եւ այդ հարստութեան թափն ու պսակը

Շիրակն է, ոչ միայն արձանադրութիւնների քանակութեան, այլ մանաւանդ բովանդակութեան կողմից:

Իւրաքանչիւր երևոյթ մարդկային կեանքում նախ և առաջ արտայայտութիւն է միջավայրի ազդեցութեան: Արձանագրութիւնները կեանքի վաւերագրեր են: Իսկ Շիրակի պատմութեան մէջ մենք ունենք երկու շատ նշանաւոր շրջան (Բագրատունիների ժամանակ, IX—XI դար և Զաքարեանների ժամանակ, XIII—XIV դար), երբ կեանքը այդ զարմանալի լեռնագաղտում զարգացաւ մեծ ու լայն չափերով: Անին այդ պատմութեան մեծագոյն հրաշալիքն է: Նա ապացոյց է որ քաղաքացիական կեանքը հասել էր Շիրակում բարգաւաճման բարձր աստիճանների: Երբ կեանքը այդքան զարգանում է, նրա պահանջներն էլ բարդանում են, կուլտուրական և քաղաքակրթական ազգակիները ստեղծում են մարդկանց մէջ բազմատեսակ յարաբերութիւններ:

Ահա այդ տեսակ կեանքի ուժեղ արձագանքները ցնցել են Շիրակի արձանադրութիւնների մէջ: Խորասուզուելով ներանց ուսումնասիրութեան մէջ, մենք տեսնում ենք թէ անցած գնացածը ինչ իրականութիւն ունէր տօրեայ կեանքի մէջ: Այդտեղ քաղաքական պատմութիւն չենք գտնում, բայց այդտեղ ժողովուրդն է իր իրաւարանական հասկացողութիւններով, ժողովուրդը իրրեւ կալուածատէր, իրրեւ աշխատող, իրրեւ հարկատու հպատակ: Իսկ այսպիսի տեղեկութիւններ մեր հին գրականութիւնը չէ թողել:

Արձանագրութիւնները կարելի է երկու գլխաւոր տեսակների բաժանել. 1) մասնաւոր դաշնակցութիւններ բարեգործ անձանց և եկեղեցու մէջ և 2) հասարակական ակտեր, որոնց մէջ զանազան ժամանակ յիշատակւում է թէ ինչ հարկերից է ազատուել ժողովուրդը: Առաջին տեսակի արձանագրութիւնները մեզ շատ նիւթեր են տալիս կալուածական դրութեան մի քանի հանդամանքները ըմբռնելու համար. ժառանգական և անձամբ ձեռք բերած սեփականութիւն, առ ու ծախս, կտակ, կանանց ստացած բաժինը, շինական հողատիրութիւն, ջրաբաշխութիւն, առևտրական շինութիւններ, մի քանի անձանց սեփականութիւնը մի անշարժ կալուածքի վրայ, հասարակական շինութիւններ և այլն: Այդտեղ էլ մենք գտնում ենք բազմաթիւ տեղագրական ցուցմանքներ, կարողանում ենք իմանալ թէ որտեղ ինչ տեսակ գիւղական տնտեսութիւն էր զարգացած, վերջապէս իմանում ենք թէ ինչ փողոցներ է ունեցել Անին, ինչ

տեսակ արհեստներ են ծաղկել մայրաքաղաքի մէջ¹⁾։ Իսկ երկրորդ տեսակի արձանագրութիւնները դնում են մեր առջև հարկատուութեան մի ամբողջ սիստեմ, հարկերի մի տնադին ցուցակ, որոնցից շատերը այժմ արդէն անհասկանալի են, բայց և շատերը պարզ կարելի է հասկանալ բառերի կազմութիւնից։

Վերջապէս պէտք է յիշատակել և այն, որ արձանագրութիւնների մէջ կուտակուած է և հարուստ բառամթերք։ Շատ ու շատ են այնպիսի բառեր, որոնք գործածական են եղել ժամանակին ժողովրդի մէջ, բայց չեն մտել մեր գրականութեան մէջ, քաղաքացիութիւն չեն ստացել այնտեղ։ Այս պահին էլ սպասում է լեզուագէտ ուսումնասիրողի։

Այս ամառ ես առիթ ունեցայ ուսումնասիրելու Շիրակի արձանագրութիւնները և դուրս բերի մի քանի եզրակացութիւններ, որոնք, կարծում եմ, անհետաքրքրական չպիտի լինեն մեզ համար։ Այդ եզրակացութիւնների հետ ես հետզհետեւ կը ծանօթացնեմ «Մուրճ»-ի ընթերցողներին։

1

ՆՈՐՏԱՐԻՆԵ

Եղևէ է Հայաստանում ճորտատիրական դրութիւն։

Մեր հին գրականութեան մէջ կայ մի շատ նշանաւոր, իր տեսակով եզակի մի դործ—միակ իրաւարտնական գրուածքը, որ ունեցել ենք մեր ամբողջ անցեալում։ Դա Մխիթար Գօշի (XII դար) «Դատաստանագրքն» է։ Մենք ունենք այդ գրքի մի շատ գեղեցիկ հրատարակութիւնը, որ կատարել է հանդուցեալ Վահան վարդապետ Բաստամբեանցը, էջմիածնի միաբանութեան գիտնական անդամներից մէկը²⁾։

Իր «Դատաստանագրքի» երկրորդ մասում Մխիթարը երկար ու մանրամասն խօսում է թագաւորների և իշխանների մասին՝ թէ ինչ իրաւունքներ ունեն նրանք, ինչպէս պիտի կառավարեն։ Ապա անցնում է այն հարկերին, որ թագաւորները և իշխանները պիտի առնեն իրանց հպատակներից։ Երկրագործութիւնից և անասնապահութիւնից ստացուող տուրքերի հետ Մխիթարը ցոյց է տալիս և այն պարտաւորութիւնները, որ

1) Հ. Ալեշանը իր «Շիրակի» մէջ գեղեցիկ կերպով օգտուել է արձանագրութիւններից՝ Անիի ներսը նկարագրելու համար։ Առաջին անգամ նա է ուսումնասիրութեան ենթարկել այդ հում նիւթը, դրել է և հարկերի ցուցակը, հանած նոյն արձանագրութիւններից։

2) Տպուած է Էջմիածնում, 1880 թ.։

ունեն գիւղացիները գէպի իրանց տէրերը: Այստեղ զգացուած է ճորտատիրական գրութիւնը: Այդ զգացել է և Վահան վարդապետ Բաստամեանը, բայց փոխանակ ուշադրութիւն դարձնելու այդ կարևոր հանգամանքի վրայ, կանխակալութեան, նախապաշարմունքի զոհ է դարձել: Ահա ինչ է գրում գիտնականը իր ծանօթութեան մէջ:

«Բոլոր վերոյիշեալ հարկերը և տուրքերը, որ որոշուած է մեր օրէնսդիրը, յատուկ են ստրուկներին, այսինքն՝ ճորտերին Բայց յայտնի է որ Հայաստանում երբէք չկային ճորտեր ոչ ընկերից և ոչ պատերազմում գերի բռնուածներից այն գրութեամբ, որպիսի գրութեամբ կային ճորտեր հեթանոսութեան ժամանակ գրեթէ բոլոր երկրներում, իսկ քրիստոնէութեան ժամանակ շատ երկրներում: Ռուսաստանի մէջ ճորտութիւնը վերջացաւ միայն 1860 թուին իսկ Հայաստանին դրացի Վրաստանում—միայն 1865 թուին»¹⁾:

Նախ և առաջ մնզ գարմացնում է այն կարուկ ձևը, որով գիտնական վարդապետը ժխտում է ճորտութիւնը Հայաստանում: Երբէք, ասում է նա, գոյութիւն չէ ունեցել ճորտութիւնը: Ինչից գիտենք: Արդեօք այնքան լաւ յայտնի են հին հայկական կեանքի բոլոր ներքին պայմանները: Բաստամեանցը նոյնիսկ գիտէ, որ ճորտատիրական գրութեան բացակայութիւնը վէճ չվերցնող մի ճշմարտութիւն է, որ նա յայտնի է ամենքին: Այդպիսի համոզմունք, ճիշտ է, այսօր էլ ընդհանուր է մեր մէջ, բայց հարցն այն է թէ՛ որքան ճշմարտութիւն կայ այդ համոզմունքի մէջ:

Վերոյիշեալ ծանօթութիւնը կարգացողին թւում է և այն, որ Բաստամեանցը գուցէ խառնել է երկու հասկացողութիւն. ստրկութեան նախնական ձևը, (այսինքն այն, երբ մարդը, գլխաւորապէս պատերազմում գերի ընկածը, վաճառուած էր իբրեւ անասուն) և այդ ձևին հետեւած զարգացումը, այսինքն հողին կպած, հողի վրայ ամրացրած գիւղացին: Թէև այս գէպքում էլ Բաստամեանցը իրաւունք չունէր ասելու թէ ստրկութիւն գոյութիւն չունէր Հայաստանում, քանի որ մենք հաստատ գիտենք ունէր գոյութիւն թէ ոչ,—բայց նկատի առնելով որ նա ցոյց է տալիս թէ երբ վերացաւ ճորտութիւնը Ռուսաստանում և Վրաստանում, պիտի գտնէր այն եզրակացութեան, որ հանդուցեալ գիտնականը, եթէ խառնած էլ լինի ճորտութեան երկու հասկացողութիւնները, այնուամենայնիւ մերժում է և հողային ճորտութիւնը Հայաստանում:

1) «Վրաստանագիրք», եր, 316:

Մի բուպէ դէն գնենք Մխիթար Գօշի պէս հեղինակութիւնը, որ անշուշտ մտցրել է իր դատաստանագրքի մէջ իր ժամանակ գոյութիւն ունեցող սովորութիւններն ու կարգերը: Եթէ չլինէր էլ այդ գրաւոր աղբիւրը, մենք պիտի հարց տայինք. ինչո՞ւ չպիտի գոյութիւն ունենար Հայաստանում ճորտութիւնը քանի որ նա կար Բիւզանդիայում: Չէ՞ որ Հայաստանի մի մասը Բիւզանդական իշխանութեան տակ էր գտնուում, չէ՞ որ Յուստինիանոսը Հայաստանի այդ մասը կարգաւորելու, բարբարոս երկիրներին յատուկ գրութիւնից հանելու համար բաժանեց վարչական մասերի, մտցրեց նրանց մէջ իր օրէնքները, որոնցից յակնաէ՛յ յանուանէ՛յ յայտնի է՛յ այն յատուկ օրէնքը, որով վերացուում էր Հայաստանում գոյութիւն ունեցող մի շատ հին սովորութիւն. դա այն էր, որ կիներ իրաւունք չունէր կայք ժառանգելու: Նոյն այդ Յուստինիանոսն էր, որ օրէնքներ հրատարակեց ճորտութեան մասին: Ասել թէ ճորտատիրական իրաւունքից ազատ մնաց Հայաստանը—անկարելի է, քանի որ մենք գիտենք որ Բիւզանդացիները ճորտութիւն մտցրին Հայաստանի հարևան Սիրիայում, ուր նա մնաց երկար և շարունակուում էր նոյնիսկ մահմեդական տիրապետութեան ժամանակ: Ինչի՞ վրայ հիմնուելով կարող ենք ասել թէ Հայաստանը բացառութիւն կազմեց, երբ Վրաստանը բացառութիւն կազմել չկարողացաւ և նոյնպէս ընդունեց ճորտատիրական գրութիւնը:

Բաստամեանցը, մերժելով ճորտութիւնը, կարծում է թէ Հայաստանում հողատիրական մի բոլորովին այլ գրութիւն կար: Եւ ասում է.

«Բայց որովհետև Հայաստանում գրեթէ ամենայն տեղ հողը պատկանում էր նախարարներին, իշխաններին կամ մասնաւոր կալուածատէրերին, գիւղացի ժողովուրդը նստելով նոցա հողերի վրայ՝ պարտաւոր էին դանադան ծառայութիւններ մատուցանել նոցա և հարկեր տալ, զօր. երկրի բերքերից տալ վեցից մէկը, կոր ու բեկար հանել և այլն»:

Բայց այս բոլոր նշաններով գեռ չէ կարելի հաստատել ճորտութեան բացակայութիւնը: Ճորտութեան ամենագլխաւոր էական հանդամանքն այն է թէ գիւղացին կապուած է հողի հետ, ուրիշ խօսքերով՝ կարգի է իր ազատ կամքով տեղափոխուել գնալ ուր ուղում է: Մխիթար Գօշի օրէնքների մէջ կայ մէկը, որ պատասխանում է այս հարցին: Նրա վրայ ուշադրութիւն չէ դարձրել Բաստամեանցը: Ահա ինչ է ասում այդ օրէնքը ¹⁾:

Ազատ յԱրարչէն եղաւ մարդկայինս բնութիւն, այլ ծա-

1) Եր. 320—«Յաղագս դատաստանաց շինականաց»:

սայել տէրանց յաղագս պիտոյից եղև հողոյ և ջրոյ: Եւ զայս պատշաճ կարծեմ զատաստան—զի թողեալ զտէրունականս սղատ է ուր և կամեսցի կալ: Ապա թէ այսմ ոչ ներէ որ ի տէրանցն և ըննադատէ զգնացեալսն անդրէն զառնալ, զկնի մահուան հօրն աղատ են որդիք ծնեալք այլուր և ոչ անդ:

Ի՞նչ ենք հասկանսւմ այս յօդուածից: Եթէ տէրը թողնում է, գիւղացին կարող է գնալ ուր որ ուզում է: Իսկ թէ տէրը չէ թոյլ տալիս, հարկադրում է գնացածին վերադառնալ: Հօր ժահից յետոյ աղատ են միայն այն որդիները, որոնք ուրիշ տեղ են ծնուել:

Ահա իսկական ճորտութիւն: Գիւղացին կապուած է հողին, աղատ կամքով չէ կարող հեռանալ, կալուածատէրի իրաւունքն է ընտելութեամբ դնել նրան իր նախկին հողի վրայ: Գիւղացու որդիներն էլ ճորտեր են:

XII դարում, ուրեմն, կար ճորտութիւն: Կարող են ասել թէ գուցէ Մխիթարը այդ օրէնքը գրել է այն հայերի համար, որոնք ապրում էին Վրաստանի սահմաններում: Ահա այստեղ Շիրակի արձանագրութիւնները զալիս են աղացուցանելու, որ այդ առարկութիւնը անհիմն է: Ծորտութիւնը գոյութիւն ունէր Մխիթար Գօշից էլ առաջ, Բագրատունեաց թագաւորութեան ժամանակ անգամ:

*
**

Մրենի եկեղեցու վրայ կայ այսպիսի մի արձանագրութիւն Գրիստոսի 991 թուականից:

«Ես Դաւիթ Վարդա որդի էտու զիմ այգին զայն որ ի գետեզրն իմ ձեռաց արկել ի սուրբ Կաթողիկէ ի ձեռն Աստուածապատիւ և հոգևոր Տեառն Սահակայ և պարտիս եմ ընդեցեալ մինչ ի միւս անգամ զալուստն զբարեկենդանին ուրաթ օրն պատարագն յամենայն եկեղեցիս յիմ անուն մատուցանի և որ որ ստե կամ յապիշտակել, իմ մեղացս և իմ ազգի մեղաց պարտական եղիցի առաջի Աստուծոյ և յԱստուծոյ զատապարտ եղիցի և մասն և ըստ ինչ խաչահանս կրեցէ, իսկ կատարիչ գրոյս աւրհնեալ եղիցին յԱստուծոյ և յամենայն սրբոց»:

Ըստ երևոյթին մի աղատ մարդու, աղաա սեփականատիրոջ կարգադրութիւն: Բայց ահա ինչ արձանագրութիւն է հետևում զրան.

«Եւ ես Սուրբ զուստր մեծին Աշոտոյ Շահնշահի հայոց և

վրայ թագուհի տվեալ եմ և հաստատեալ զԴաւթի զայդին ի սուրբ կաթուղիկէ և ի Տէր Սահակ և ի նորին աթոռակալս, զոր ինքն անդարձ էր արարեալ, վասն Դաւթի հոգոյն և վասն իմ և վասն Գագկայ Շահանշահի արեւատութեան: Եւ որ ոք յապըշտակել ջանայ, յԱստուծոյ բանէն... եալ եղիցին, իսկ հրամանակատարքն աւրհնեալ եղիցին յԱստուծոյ»:

Ինչ կն ասում մեզ այս երկու արձանագրութիւնները: Վարդայ որդի Դաւիթը իր ձեռքով այգի է անկել գետի ափին և նուիրում է նրան Մրենի եկեղեցուն իր հոգու փրկութեան համար: Բայց նա Սոփի թագուհու (Գագիկ Ն-ի դուստրը) ճորտըն է, ստանց նրա համաձայնութեան չէ կարող կալուածքի շինարարմամբ կարգադրութիւն անել, չէ կարող ոչ միայն ծախել, այլև կտակով (անդարձ) նուիրել մէկին ¹⁾: Եւ ահա նրա տէրը, Սոփի թագուհին գրում է. «Տուեալ եմ և հաստատեալ»: Տալիս է նա իր ճորտի անկած այգին և հաստատում է նրա անդարձը (կտակը): Այդ բարեհաճութիւնը կալուածատէր տիրիկներ ձրի չէ անում: Դաւիթը իր հոգու համար էր նուէր տուել, Սոփի թագուհին ասում է՝ թող նուէրը լինի Դաւթի հոգու համար, բայց լինի նաև իմ և իմ հօր արեւատութեան, երկալակեցութեան համար ²⁾:

Տարաբաղատարար, Շիրակի թագաւորութեան ժամանակից այս մի հատ արձանագրութիւնն է, որի մէջ մնացել են ճորտատիրական դրութեան պարզ հետքեր: Այնուհետև գալիս է Ջաքարէ սպասալարի և նրա յաջորդների ժամանակը (XIII դար): Այստեղ ճորտութեան ապացոյցները աւելի առատանում են: Նախընթաց արձանագրութեան մէջ մենք թէև տեսնուք ճորտային դրութիւնը, բայց չտեսնուք այն սերմիները, որոնցով որոշում էին կալուածատէրը և նրա հողի վրայ ամրացնող գիւղացին: Իսկ Ջաքարէի ժամանակ արդէն ձևակերպուած են այդ անունները—պարոն կամ պատրոն և ճորտ: Ղոշավանքի արձանագրութիւններից մէկն ասում է.

Ես Հեճուղ Գրիգոր և Սմբատ և Իշխանս հաստատեցաք

1) Արեւմտեան Եւրոպայում այս ճորտային դրութիւնը անուանում էր main mortables (մեռած ձեռք): Մեռած ձեռք էր այդ ճորտը յաւկապէս այն պատճառով, որ չէր կարող կտակ գրել (Փ. Летуно—«Эволюция рабства» М. 1898, Կր. 327):

2) Ինչպէս երևում է արձանագրութիւններից, հառաքակ մարդիկ միայն իրանց հոգու փրկութեան համար իրաւունք ունէին նուէրներ անելու. արեւատութեան համար նուէր տալ կարող էին միայն իշխանները:

ի մեր սեփական ուխտս որ ոչ պատրոնս և ոչ ճորտս ի վանքս աղուճն՝ աղան:

Ճորտը իր պարոնի հաճութեամբ նուէր է տալիս եկեղեցուն: Խժկօնքի արձանագրութիւն (1240).

Ես Բռնաւորս ծառայ Քրիստոսի և ամուսին իմ Տղոյ տիկին ողորմութեամբ Աստուածատէր պարոնի իմոյ Գրիգորոյ միաբանեցաք սուրբ ուխտիս Խժկանց և ընծայեցաք ի սմա զմեր զանձագին այգին, որ ի Մրեն է...

Արձանագրութիւնների մէջ նկատուում է այն ընդհանուր կարգը, որ պարոնների հաճութեամբ, «ողորմութեամբ» նուիրուած կալուածները բացառապէս գիւղական են: Այգալէս էլ, իհարկէ, պիտի լինէր, որովհետեւ ճորտատիրական գրութիւնը միայն գիւղական աշխարհում գոյութիւն ունէր. քաղաքացիներ ազատ էր պարոնների իշխանութիւնից:

Ճորտութեան մի էական յատկութիւնն էլ այն է, որ կալուածատէրը իրաւունք ունի իր ճորտերին հողի հետ ծախել, նուիրել: Այգ առուծախի, նուէրի փաստերն էլ ունենք արձանագրութիւնների մէջ:

Ահա Ղոլլիշայի (Բգնեք) արձանագրութիւնների մէջ շատ հետաքրքրականը: Խաւազ անունով մէկը, ինչպէս երևում է մի ուրիշ արձանագրութիւնից, տեղացի իշխաններից, զնում է Աշնակ գիւղը, և նրա մի մասը և ի յիշատակ իր անդրանիկ որդի Սասնայի (որ մեռել էր կէս տարեկան հասակում) նուիրում է Բգնեքի վանքին: Գնած գիւղի այդ մասի հետնուիրում են վանքին և գնած գիւղացիներից երկուսը, որոնց անուններն էլ պահել է արձանագրութիւնը—Մեհրեան և Դալասի փեսայ Սաշատուր: Սրանք միակն են իրրեւ անուանագիր յիշատակուած հայ գիւղացի ճորտեր: Դնում ենք այստեղ այդ նշանաւոր արձանագրութիւնը ամբողջովին:

ԶԺԱ. (=1262 թ. Բ.) Կամաւն Աստուածոյ ևս Խաւազ մեծ Խաւազիս թոռն Սասնիս որդիս. իմ անդրանիկ որդին Սասնայն որ կէս տարեկան ի Քրիստոս փոխեցաւ յիմ զանձագին հէքէնցն յԱշնակա որ իմ պապն գնել էր ու սիլիւրով յիս տվել, ինչ իմ պապն մեռաւ, ևս Խաւազ իմ կնոջն զբաժինքն աւին ու մարդարիտ իմ պարոնին տվի Շահնշահի ¹⁾ ու կրկին

1) Զաքարէ սպաստարի որդին: Շիրակը Անիի հետ Զաքարէին էր տուած. հետեւաբար Զաքարեան տոհմն էր Շիրակի բուն տէրը և տեղական մանր իշխանները հպատակում էին նրան: Այստեղից Շահնշահը—պարոն՝ Խաւազ իշխանի համար: Ինչպէս երևում է, բառական չէր, որ Աշ-

զԱշնակ գնեցի ու զիմ որդոյն բաժինն զՍասնին ի Բգներս
 տվի յԱստուածածինս զվերի էգին իւր ընծանովն, երկու
 շինական զՄեհրեան ու զՍաչատուր Դուռուսին փեսայն իւ-
 րեանց հողովն ու ջրովն. ի Բգնիս զՋաղացն, յիմ խոտահարն
 Ճ (հարիւր) բարդ խոտի տեղ որ վանքս ընծէ... սկի արծա-
 թի: Ես Սաւաղ զայս ընծա տվի սուրբ Աստուածածնիս.
 ով այս գրելոցս հակառակի, Աստուածամայրս լինի իւրն
 դատախազ: Եւ Տէր Սարգիս և հայր Արրահամ, Յուսէփ
 փակակալ և այլ միաբանքս հաստատեցին ի տարին Ժ.
 աւր պատարագ, Ե. Սասնին, Ե. Սաւաղա:

Վանքերին նուիրուած շինականներ մենք տեսնում ենք և
 ուրիշ տեղ արձանագրութիւնների մէջ:

Խժկօնքի վրայ.

Կամաւն Աստուծոյ ի ՈԿ (1211) թուարեւութեանս հաոց-
 ես Զաքարէ Ամիր Սպասալար հաոց և վրաց, որդի Սար-
 գսի, աղատեցի զսուրբ ուխտս զայս խով արեամբս ի յայ-
 լաղդեաց և ետու ի սուրբ Սարգիս զՎասիլափող... և այգի
 մի ի Բագրան եւ շինական մին ի գիւղս...

Ղօշափանք (1274 թ.)

Ես Ուքան Քարիմասին... տվաք նվէրք... այգին և թա-
 լին բոլոր ազատ յամենայն հարկէ և շինական մին:

*
* *

Կար ճորտութիւն և Շիրակից դուրս, Հայաստանի ուրիշ
 կողմերում: Այս հարցին դրականապէս պատասխանել առ այժմ
 անկարելի է. պէտք է ուսումնասիրութիւններ կատարել, պէտք
 է խուզարկել պատմական յիշատակները: Յայտնի է միայն այն,
 որ ճորտական գրութիւնը ընդունուած էր և Ռուբինեան Կիլի-
 կիայում, ինչպէս պարզ կարելի է տեսնել «Անտիգը Անտիոքայ»
 օրէնսդրոյից, որ դորձագրւում էր Միջերկրական Ծովի ափին
 գտնուող այդ հայկական գաղթականութեան մէջ:

Հաստատելով ճորտութեան գոյութիւնը Շիրակում, մենք
 միայն մի քայլ ենք անում մեր հին կեանքի հանգամանքները
 հասկանալու գործում: Այնուհետեւ գալիսէ այն հարցը թէ ինչ
 կերպարանք ունէր ճորտատիրութիւնը, ինչ իրաւական սխտե-
 մի էր նա նախարկւում:

Նաև գիւղը իրրև ժառանգութիւն մնացել էր Սաւաղին, այդ գիւղը, մի
 ուրիշին նուիրելու համար Սաւաղը հարկադրուած էր նորից գնել երկրի
 տիրոջից: Վրաստանում աղնուականութիւնը բաղկացած էր աղնաուրնե-
 րից և թաւաղներից: Աղնաուրները հպատակւում էին թաւաղներին:

Եղած պատմական յիշատակարանները գոհացուցիչ նիւթեր չեն տալիս մեզ այդ հարցը պարզաբանելու համար: Բայց մեզ թւում է որ կարելի է հայկական ճորտութեան կերպարանքը պարզել, ուսումնասիրելով բիւզանդական և վրացական ճորտութեան հանգամանքները: Որ թէ Վրաստանի և թէ Հայաստանի համար օրինակ եղել է Բիւզանդիան, այդ կարելի է պացուցանել մի քանի փաստերով:

XVIII դարում վրաց Վախթանգ թագաւորը հրատարակեց օրէնքների մի ժողովածու ¹⁾: Այդտեղ միայն բուն վրացական օրէնքներ չեն դրուած. կան և ընդարձակ թարգմանութեաններ — «Յունաց օրէնքներ» և «Հայոց օրէնքներ»: Հայոց օրէնքի ըսկզբում կան մի շարք յօդուածներ, որոնք խօսում են ճորտերի, նրանց վաճառման և ազատութեան, նրանց կալուածների մասին ²⁾: Յայտնի է որ «Հայոց օրէնքները» վրացական թարգմանութեամբ վերցրուած են նոյն Մխիթար Գօշի «Դատաստանագրքից»: Բայց հետաքրքրական հանգամանքն այն է, որ Մխիթար Գօշի հայերէն բնագրի մէջ չկան այդ յօդուածները, որոնք խօսում են յատկապէս ճորտութեան մասին: Ի՞նչպէս են այդ յօդուածները «Հայոց օրէնքներ» անուանուել վրացական թարգմանութեան մէջ:

Վահան վարդապետ Բաստամեանցը իր հետալօտութիւններով մէջ ³⁾ գրում է. «Վախթանգ թագաւորի վրացերէն Դատաստանագրքի մէջ թէպէտ կան բաւական շատ յօդուածներ, որք բառ առ բառ նման են յունական օրէնքների քաղուածքներին և դրած են Մխիթարի Դատաստանագրքի վրացերէն թարգմանութեան սկզբում, բայց դորանից երևում է միայն որ՝ էջմիածինը ուղարկել է Վախթանգին Դատաստանագրքի մի այնպիսի օրինակ՝ որոյ մէջ եղել են նաև այդ քաղուածքները և Վախթանգը թարգմանել է տուել նոցա հայերէնից Մխիթարի յօդուածների հետ միասին»:

Հանգուցեալ գիտնական վարդապետի թէ այս խօսքերից և թէ նոյն հետալօտութեան ուրիշ կէտերից հաստատ երևում է որ անկախ Մխիթար Գօշի «Դատաստանագրքից» հայերի մէջ գործադրութիւն ունէին և հայերէն թարգմանուած յունարէն օրէնքներ: Ուրեմն յունարէնից թարգմանուած էին և ճորտութեան վերաբերուած այն յօդուածները, որոնք դրուած են վրաց-

1) Ռուսերէն թարգմանութիւնը տ. «Сборникъ законовъ грузинскаго царя Вахтанга VI, издание А. С. Френкеля, подъ редакціею Д. З. Баградзе, Тифлисъ, 1887: 2) Յօդուածներ 17, 18, 19, 20, 21, 22, 27, 28 30 (եր. 237—239 ժողովածուի մէջ): 3) «Դատաստանագրք», ատաշարան, եր. 121:

յերէն թարգմանուած «Դատաստանագրքի» սկզբում: Եւ որովհետեւ յունական օրէնքները կարող էին թարգմանուել միայն զործադրուելու համար, ուստի պէտք է ենթադրել, որ ճորտութիւնը Հայաստանում նոյնն էր, ինչ Բիւզանդիայում: Այս ճշմարտութիւնը ապացուցանում են և Շիրակի վերեւ յիշած արձանագրութիւնները: Մենք տեսնում ենք, որ ճորտ գիւղացին իրաւունք ունի հողեր գնել, բայց սեփականութեան իրաւունքը դարձեալ պատկանում էր նրա տիրոջը, որի համաձայնութեամբ էլ նա կարող էր կարգադրութիւններ անել այդ հողերի վերաբերութեամբ: Ճորտին պատկանում էր միայն օգտուելու իրաւունքը, այն էլ, ի հարկէ, յայտնի պայմաններով: Այդպէս էր դրութիւնը և Բիւզանդիայում ¹⁾:

Եւ ահա յունական այդ օրէնքները, որոնք հայերէն թարգմանութեամբ զործադրուել են Հայաստանում և հայերէնի միջոցով մտել են վրաց օրէնագրքի մէջ, մեզ տալիս են ճորտութեան բուռնական որոշ պատկերը: Որպէսզի ընթերցողի համար պարզ լինի այդ պատկերը մենք կը բերենք այդ օրէնքների բովանդակութիւնը:

ՃՈՐՏԵՐԻ ՎՅԱՆՈՒՐ

Յօդ. 21. Եթէ մէկը գնում է գիւղացի այն պայմանով, թէ այդ գիւղացին հակում չունի թափառաշրջիկ լինելու, լաւ վարքի տէր է, ծախողը պիտի տայ վեց ամիս ժամանակ ծախուած մարդուն փորձելու համար և եթէ այդ ժամանակի ընթացքում նկատուած կը լինի նրա մէջ որեւէ արատ, նա կարող է, ինչպէս արդար է, վերադարձնել նրան ծախողին և յետ ստանալ իր վճարած գինը: Իսկ եթէ վեց ամսուայ ընթացքում գնուած մարդը կը հեռանայ գնողից, այս վերջինը պարտաւոր է գտնել նրան, տալ նախկին տիրոջը և յետ ստանալ իր փողը:

Յօդ. 22: Պայմանաժամով ծախած գիւղացուն, ժամանակը անցնելուց յետոյ, գնողը իրաւունք չունի վերադարձնել տիրոջը. բայց եթէ բանից դուրս կը գայ թէ ծախուածը ընկնաւոր հիւանդութիւն ունի, այն ժամանակ այսպիսի գիւղացու տէրը պարտաւոր է յետ ընդունել նրան գնողից:

Յօդ. 35: Եթէ մէկը գնում է գիւղացի վեց ամսուայ ժամանակի պայմանով, ինչպէս սահմանուած է վերևում, և այդ ժամանակի ընթացքում յայտնի կը դառնայ որ ծախուածը հի-

1) Փ. Գերցբերգ—«Исторія Византии», изд. Безобразова, М. 1897, кн. 645—

ւանդոտ է կամ ընկնաւոր է, օրէնքը այդպիսի գնողին թոյլ է տալիս վերադարձնել այդ գիւղացուն գնողին, յետ ստանալով նրա համար տուած կանխավճարը. բայց եթէ վեց ամիս անց-
նելուց յետոյ մի բան նկատուի գիւղացու մէջ, գնողը այլևս ի-
րաւունք չունի վերադարձնել նրան ծախողին:

Յօդ. 36: Եթէ մէկը, ծախելով իր գիւղացիներին, արա-
կան թէ իգական սեռի, սկզբից և եթ կը յայտնէ նրանց բոլոր
թէ լաւ և թէ վատ յատկութիւնները, իսկ յետոյ երևան կը
գան նրանց մէջ միայն վերջինները (այսինքն վատ յատկու-
թիւնները), գնողը այլևս իրաւունք չունի վերադարձնել նրանց
ծախողին. եթէ այդ ծախողը վկաների ներկայութեամբ կը յու-
սադրէ գնողին թէ իր ծախած մարդը գող չէ և ուրիշ արատ
չունի, բայց յետոյ գնողը կը նկատէ նրա մէջ զողութիւն կամ
մի ուրիշ յատկութիւն, այդ դէպքում իրաւունք ունի վերա-
դարձնել նրան և եթէ նա մի բան գողացել է, առնել այդ բա-
նը ծախողից, ստանալով և գինը. բայց եթէ գիւղացին լաւ
վարքի տէր է եղել ծախողի մօտ և փչացել է գնողի մօտ, նը-
րան այլևս չէ կարելի վերադարձնել:

ՃՈՐՏԵՐԻ ԱՐՃԱԿՈՒՄԸ

Յօդ. 17: Ով ազատութիւն է տալիս գիւղացուն, նա այն
բանը պիտի անէ տեղական եպիսկոպոսի և քահանայի մօտ,
ինչպէս հրամայել է Կոստանդին Մեծը:

Յօդ. 18: Ով արձակում է գիւղացուն կայքի հետ միասին,
նա պարտաւոր է արձակման թղթի մէջ անուանադիր նշանա-
կել այդ կայքը. հակառակ դէպքում, արձակողի որդին կարող
է տիրել գիւղացու այդ կայքին:

Յօդ. 19: Գիւղացուն արձակածը կարող է ոչնչացնել ար-
ձակման թուղթը և նորից նրան իր տիրապետութեան տակ
առնել, մանաւանդ երբ վկաներով կ'ապացուցանէ դատաւորնե-
րի առաջ թէ արձակուած գիւղացին իր մասին չարախօսել է
կամ իրան հայհոյել է:

Յօդ. 20: Իր գիւղացուն ազատողը կարող է նրան թող-
նել կամ խլել նրանից իր տուած կալուածքը. բայց օրէնքը պա-
հանջում է տալ կալուածքը, եթէ գիւղացին արժանի է դրան:

Յօդ. 30: Եթէ մէկը ազատութիւն է տալիս իր մարդուն,
նշանակելով թէ նա այսքան ժամանակի ընթացքում ազատ է,
այդպիսին պիտի նախագգուշացնէ այդ մասին իր որդուն կամ
իր ուրիշ ժառանգներին, և այդ մարդը այդպիսով նշանակուած
ժամանակի լրանալուց յետոյ օրէնքով պիտի բոլորովին ազատ
լինի:

Հոկտեմբեր, 1905.

Յօդ. 37: Եթէ արձակուած գիւղացին իր յօժար կամքով մնալով իր նախկին տիրոջ մօտ, ամուսնանում է նրան պատկանող ձորոտ աղջկայ հետ, որից և որդիներ է ունենում, այս որդիները դառնում են այդ տիրոջ որդիների սեփականութիւն:

Յօդ. 38: Ով արձակում է իր գիւղացուն ի յարդանս նրա մատուցած ծառայութիւնների, նա պիտի յայտնէ այդ մասին քաղաքում քարոզիչներին և եպիսկոպոսներին, իսկ գիւղում, քահանաներին և եօթը վկաների, որոնք իրանց ստորագրութեամբ պիտի վաւերացնեն արձակման թուղթը, հակառակ դէպքում, այդ թուղթը անվաւեր է և տէրը կարող է նորից այդ գիւղացուն հնթարկել իր տիրապետութեան,

ԿԱՄԱԼՈՐ ՃՈՐՏՈՒՔԻՆ

Յօդ. 32: Եթէ քսան տարեկան հասակին հասած ազատ մարդը մէկի գիւղացին է դառնում և այդ մասին յայտնում է մարդկանց առաջ, նա արդէն կորցնում է իր ազատութիւնը, որը չէ կարող տալ նրան և օրէնքը, մանաւանդ երբ նա զրա համար ստացել է որեւէ վարձ կամ թոշակ (այսինքն՝ եթէ փողով վաճառել է իրան). նա մնում է գիւղացի այն մարդու, որին նա այս կերպով տուել է իրան:

Յօդ. 33: Եթէ 20 տարեկան հասակին հասած ազատ կինը ինքն իրան աղախնութեան է տալիս մէկին, իսկ այս մէկը նրան ըստ ըստի պէս տալիս է մի ուրիշին, օրէնքը այլ ևս չէ կարող ազատել նրան, ինչպէս իր ազատ կամքով իր ազատութիւնը կորցրածին, և նա պարտաւոր է մնալ այն մարդու մօտ, որին հասել է իրրեւ բաժինք, բայց եթէ կինը դեռ 20 տարեկան չէ, օրէնքով պիտի ազատ համարուի:

ՆՈՐՏԵՐՐ Ի՞ՆՉԱՔԱ ԿԱՐՈՎ ԵՆ ԳՆԵԼ

Յօդ. 27: Եթէ գիւղացին և ծառան կամենան մի բան գնել, կարող են իրանց տիրոջ թոյլտուութեամբ:

ՆՈՐՏԵՐԻ ԿԵԱՆԳԻ

Յօդ. 28: Օրէնքով—ուշ որ իրաւունք չունի կեանքից զրկել իր գիւղացուն կամ ծառային. բայց եթէ դրանք քրէական յանցանքների մէջ ընկնեն, պէտք է ներկայացնել թաղաւորին, որ ինքը ենթարկէ նրանց արժանի պատժի:

*
* *

Ահա ինչ տեսակ օրէնքներ են թարգմանել վրացիները հայերէնից: Գործադրուել են այդ օրէնքները Հայաստանում: Շիրակի արձանագրութիւնները գործադրութեան ապացոյցներ են: Հաւանական է որ ճորտատիրական օրէնքները թարգմանուած լինեն Բագրատունի թագաւորների օրով. մենք տեսանք ճորտութեան հետքեր այդ թագաւորների ժամանակից:

Հայաստանի հողն էլ ուրեմն, աղատ չէ եղել ստրուկ, անասունի պէս վաճառուող հողագործի հեծեծանքներից, արիւնքրախնքից:—Իզուր էինք կարծում թէ մեր պապերը ոչ ճորտ են եղել, ոչ ճորտատէր...

Լէօ

*
* *

Է՛յ, դու ջահիլ, հսկարտ հատակ,
Անցար ոսկի ամպի պէս.
Հետդ տարար երգեր ու սէր,
Տարար գարունն իմ սրտէս:

Քար կը սղմեմ սրտիս հիմա.
Կեղնիմ սարերը լալու.—
—Ա՛խ, կուգես լաց, կուգես խնդա,
Անցածն է՛լ յետ չի գալու...

Աւ. Իսահակեան

ԸՆԴՀԱՐՈՒՄՆԵՐԻ ՎԱՅՐԵՐԻՑ

I

Թուրքերի յարձակումը Դարալագեագի հայերի վրայ

Մայիսի 15 ին Զուլ, Ջրախլու, Դամրչիլար, Մարաթուզ, Թերփ, Քոչրեկ, Լէյլիկաչան, Գիւմուշխանայ, Աղքեանդ և Խօտիսու գիւղերի թուրքերը յարձակուեցին Գնդեվազ գիւղի վրայ: Այդ ժամանակ Գնդեվազու հասարակութեան տանուտէր Ալի Սաֆարալի օղլին մի կողմից իմաց է տալիս Գիւմուշխանայ գիւղի թուրքերին (որոնք իր ազգականներն են), թէ Զուլի գիւղերի թուրքերը յարձակում են Գնդեվազի վրայ, դուք էլ եկէ՛ք, մասնակցեցէ՛ք, միւս կողմից էր բարեկամ ձեռնալով Գնդեվազցիներին հաւար է բերում թէ թուրքերը ձեր տաւար ու ոչխարը քշեցին տարան: Գնդեվազցի հայերը դուրս ելնելով գիւղից, հանդիպում են գիւմուշխանեցիներին, տանուտէրի առաջնորդութեամբ: Այդ ժամանակ տանուտէր Ալին ասում է գնդեվազցիներին. «Որովհետեւ ձեր գիւղի ներքեկից, հարաւային կողմից, միացեալ թուրքերը դալխեն ձեզ կողոպտելու, այս պատճառով ես գիւմուշխանեցիներին բերում եմ որ ձեզ օգնեն»:

Հաւատալով սրան, գնդեվազցի հայերը խառնուելով գիւմուշխանեցիներին հետ գիրք են մտնում միասին շինական կառավարութեան մօտ ու սկսում են կռուել ներքեկից յարձակուող թուրք խուժանի հետ: Կէս ժամ կռուելուց յետոյ Գնդեվազի հայերը սղանում են գնդակով թերփիցի Բայրամալի Բէկլար օղլուն ու վիրաւորում են մի թարփեցու և մի ջուլեցու: Գիւմուշխանեցիները, տեսնելով որ հայերը յաղթողեն հանդիսանում, յարձակում են նրանց վրայ, որոնց օգնութիւն էին ցոյց տալիս երկու ստրաժնիկներ. Ալիքոսանը (հայ) և Սիմոնը (սուս): Այդ ժամանակ գիւմուշխանեցի Ամրահ Մամադ արի օղլին, տանուտէր Ալիի կողքոյ որդին, և Լէյլիկաչանցի Ղաթմ Մօլլայ Շահ Յուսէն օղլին պինդ բռնում են ստրաժնիկ Սիմոնին,

որպէսզի հրացանը խլեն ձեռքից, միւս սարաժնիկ Ալեքսանը, երեք անգամ հրամայում է նրանց բաց թողնել իր ընկեր կազակին և երբ նրանք չեն լսում, փնդակահար անելով սպանում է Սիմոնին բռնողներից մէկին, Ամրահ Մամադալի օղլուն: Այդ ժամանակ բոլոր գիւժուշխանեցիները շրջապատում են ստրաժնիկներին որ սպանեն, բայց վրջիններս փախչում են ուրիշ գիւրը մտնում, որի ժամանակ գնդեւազցի Ամրասլան Շուքուր օղլին փնդակով վիրաւորում է ստրաժնիկ Ալեքսանին, իսկ գիւժուշխանեցի Ալի Ռահիմ օղլին սպանում է Ալեքսանի ձին: Սարաժնիկ Սիմոնը իր վիրաւոր ընկերին փախցնում է Կուշչի հայաբնակ գիւղը փրկելով նրան մահից: Այսպէս, շնորհիւ տանուտէր Ալիի խաբէութեան, մի կողմից գիւժուշխանեցի թուրքերը, միւս կողմից մնացող գիւղերի թուրքերը յաղթելով հայերին, բշտում տանում են նրանց 1200 հատ ոչխարը, 600 տաւար, 80 ձի և ջորի և 100 էշ, որոնց բոլորն էլ հաւաքար կերպով բաժանում են իրանց մէջ: Չբաւականանալով սրանով, թուրքերը մտնում են գիւղը ու կողոպտում ինչ որ կայ գնդեւազցի հայերի տներում, ջարդելով դռները, սպանելով միեւնոյն ժամանակ հարկ հաւաքող Մնացական Ալլահվերդեանին, տանում են նրա տանից 500 ռ. արքանական հարկը և հասարական ծախքը: Գնդեւազցի հայերը իրանց ընտանիքը լքանում են եկեղեցին և այնտեղ ասպատանելով ութն օր, փրկում իրանց կեանքը մինչև զաւառապետ պ. Չերքեզովի դալը, սննդուէրով այդ ժամանակ գաւառն մտնել, որոհուտե թէ հացը և թէ միւս ուտելիքներ սրբել տարել էին թուրքերը: Գնդեւազցի հայերն ունէին ութ հրացաններ, և եթէ չխաբուէին տանուտէր Ալիից և գիւժուշխանեցիներին թոյլ չտային իրանց մէջ մըտնելու, չէին թողնիլ որ ոչ ստրաժնիկ Ալեքսանը վիրաւորուէր և ոչ էլ գիւրքերը կը տային թուրքերին: Թուրքերը կողոպտեցին նաև շինական կառավարութեան կահ կարասիքը, բոլոր գրքերը, ծակծկոտելով նոյնպէս կայսրի պատկերը:

Գնդեւազցիների կորուստը հասնումէ 50,000 ռուբլու:

Այդ երկու օրը Նախճատանի գաւառի թուրքերը միանալով Դարալագեսազի թուրքերի հետ, յարձակուեցին Մարտիրոս գիւղի հովիւանների վրայ: Գիւղի առջև սկսեց փոխադարձ հրացանաձգութիւնը, հայերը չկարողանալով գիւժուրել թուրքերի հարկը անգամ աւելի բաղմութեան, տեղի տուեցին նրանց, որոնք քչեցին տարան մարտիրոսեցիների 1000 գլուխ ոչխարը և 200 տաւարը

17-ն Մայիսի. Այսօր գիւղից մէկ ու կէս վերստ հեռաւորութեան վրայ, «Դուաւի ձորում», Ղուրբանքեասլան, Ղուրդ-

դուլաղ և Զէյթա - Զօփմա - Զօմախ գիւղի բնակիչները յարձակուեցին այարցիներէ սչխարի հօտերի վրայ, սպանեցին երկու քուրդ հովիւներին և հօտերի վերայ հսկող պահակ խաչատուր Յարութիւնեանին, տանելով հօտից 270 հատ ոչխարներ: Այարցիները տեսնելով, որ չեն կարող դիմադրել այդ չորս գիւղին, սպանուածի դիակը յանձնելով հողին, տեղափոխուեցին Մալիշկեայ: Միւս օրը, ամսի 18-ն, յիշուած թուրք գիւղի բնակիչները յարձակուեցին տեղափոխուող այարցիներէ վրայ ու սկսեցին հրացաններ արձակել նրանց վրայ: Այդ ժամանակ վիրաւորեցին դաշոյնով այարցի Ղալար Գէորգեանին ու ձգեցին Արփաչայ գետը: Զբաւականանալով սրանով գիշերը կողոպտեցին գիւղը և տարան այն բոլոր ապրանքը այարցիներէ, որ չկարողացան նրանք վերցնել հեռները Այարից Մալիշկիա տեղափոխուելիս: Թուրքերը կողոպտեցին այարցիներէ 10,000 բուբուլ հափ կարողութիւնը, հաշուելով սրա հետ և կողոպտուած եկեղեցու իրերն ու սրբազան անօթները:

3-ն Յունիսի, առաւօտը շուտով պահակները դիրքերից հաւար կանչեցին թէ ահագին բազմութիւն թուրքերի գալիս է յարձակուելու ելիին գիւղի վրայ. գիւղացի երիտասարդները իսկոյն ելան քաջուեցին դիրքերն: Այդ ժամանակ հիւսիսայն կողմից ելփինցիներին շրջապատեցին Աղբլիխա, Գենալու, Ալմալու և Հօրս գիւղերի թուրքերը Այրիշայի քրդերի հետ, իսկ արևմտեան կողմից շրջապատեցին Արդաբաս, Քեօմսլու և Զիվա գիւղի թուրքերը Դաշխարման և Քեալաֆա Աղըլ գիւղերի քրդերը, միացած Երևանի գաւառի թուրքերի հետ: Կոխը տեկց մօտաւորապէս 8 ժամ: Ելփինցիներին օգնում էին Արդիշլուի պոստի 4 կազակները, սակայն անկարող եղան դիմադրել այսքան ոյժի դէմ և, տեսնելով մօտալուտ վտանգը, Ղոչըլդայու հասարակութեան տանուտէր Ղամբար Ղոչալի օղլին խորհուրդ տուեց ելփինցիներին փախչել դէպի իրա բնակած Ղոչըլայ թուրք գիւղը. հայերը կատարեցին ու մինչդեռ շարունակուած էր փախուստը, ելփինցի քաջ երիտասարդները յուսահատ կոխ էին մղում թուրքերի դէմ իրանց ջրանած դիրքերից: Այդ ժամանակ ելփինցի թոմաս տէր Անդրէասեանը, որ փամփուշտ էր տանում դիրքերի մէջ կռուող երիտասարդներին, այնտեղից վերադառնալիս սպանուեց գիւղի մէջ թուրքերի գնդակով. միեւնոյն ժամանակ սպանուեց դիրքի մէջ Մնացական Եղիայեանը, փոխադարձ հրացանաձգութեան միջոցին սլմալուցի Սէյիդ Միւր Մոստաֆա Սէիդ Հասան օղլու ձեռքով: Ամենից երկար և յուսահատ կռոււմ էր Յովհանէս Եղիայեանը, որը պահպանում էր երկու ընկնող դիակներին և իր ծերունի հօրը

կոյր Եղիային, որը մտած էր եկեղեցի իրան փրկելու մտքով: Վերջապէս թուրքերը խուժեցին զիւղը, սկսուեց անողորմ կոռու-
պուտը. այդ ժամանակ արմալուցի Սէյիդ Միր Հաշիմ Սէյիդ
Ահմադ օղլին վերաւորեց զաշոյնով ելփիցի Աբրահամ Յարու-
թիւնեանին, որը նոյնպէս վախճանուեց: Թուրքերի կողմից
սպանուեցին ութ հոգի և վերաւորուեցին 10 հոգի: Գիւղում
կային միայն հինգ հատ բերդանի սիստեմի հրացաններ, որոն-
ցով կուռւմ էին Եղիայեան Յովհաննէսը, Ենոք Աստաուածա-
տրեանը, Թէոս Տէր Անդրիասեանը, Արշակ Տէր Անդրէա-
սեանը, Սերոր Սարգսեանը և Զաքար Պօղոսեանը. ստրաժ-
նիկներէր կերկուսը թուրքեր էին, որոնք հրացան չէին
արձակում իրանց արինակից թուրքերի վերայ: Թուր-
քերը կողոպտելով զիւղը չբաւականացան սրանով. նրանք
անխնայ կողոպտեցին և եկեղեցին. դիւղից հետնալիս էլ քշե-
ցին տարան ելփիւնցիների 2000 հատ ոչխար և եօթն հարիւր
հատ տաւարը: Ելփիւնցիները երեք օր իրանց ընտանիքով փա-
ցին Ղոչըլլա գիւղում, մինչև որ եկաւ գաւառակիս պրիստաւը
ու կրկին վերադարձեց նրանց իրանց բնակութեան տեղը:
Խլած ոչխարի մեծ մասը երկար ժամանակ գտնուում էր
հորսեցի Ղլբալի Հասան ալի օղլու և Բահլուլի մօտ:

Հէնց մի մեծ տանից, այն է՝ Օհանէս Եղիայեանի տանից,
տարել են 400 հատ ոչխար, 30 հատ տաւար և չորս ձիեր:
Ընդհանուր գումարը վնասի որոշուած է 56,666 ր.

5-ն Յոնիսի, Զուլ, Ախտա, Գիօմուղ, Դիարուղ և Դարա-
քեանդ գիւղերի թուրքերը միանալով Նախճաւանի գաւառի
թուրքերի հետ, գիւղից մի վերստ հեռաւորութեան վերայ յար-
ձակուելով Մարտիրոս գիւղի հովիւների վերայ սկսեցին
խիլ սպառնալիքներով նրանց հօտերը: Այդ ժամանակ 50-60 հոգի
մարտիրոսցի երիտասարդներ գինուելով ելան նրանց դէմ.
սկսեց փոխադարձ հրացանաձգութիւնը երկու կողմերի մէջ:
Թուրքերի մի մասը սկսեց կուռել մարտիրոսցիների հետ, իսկ
միւս մասը քշել նրանց տաւար ու ոչխարը: Մարտիրոսցիները
հետևեցին նրանց մինչև Նաղիւրտ, երեք վերստաչափ հեռա-
ւորութեամբ: Այստեղ թուրքերը զնդակով խփեցին մարտի-
րոսցի Ստեփան Բաբայեանին, որը իսկոյն մեռաւ, վերաւորե-
ցին նոյնպէս 18 տարեկան Գարեգին Ասլանիւնին. սա էլ հա-
նելով տանը վախճանուեց. թեթև կերպով վերաւորուեց զնդա-
կով նոյն գիւղացի Գալուստ Գէորգեանը, որը բժշկուեց երկու
ամսից յետոյ: Սրանից յետոյ թուրքերը քշեցին տարան մար-
տիրոսցիների 1000 հատ ոչխար և 235 տաւար: Այդ ժամա-
նակ Մարտիրոսում կազակներ չկային, կային միայն Նախ-

ճաւան գաւառի Սէս դիւղում, կաղակները չկարողացան հասնել իր ժամանակին օգնութեան, նոյնպէս օգնութեան չկարողացան հասնել մօտիկ հայ գիւղերի բնակիչները:

Մ. Տ.—Ա.

II

Համաձայն խմբագրութեանդ պահանջին, տալիս եմ հետեւեալ տեղեկութիւնները Ձանգեղուրու հայ-թուրքական ընդհարումների վերաբերեալ:

Նախճաւանի այս տարուայ արիւնալի դէպքերին մասնակցում էին Ձանգեղուրու տեղական և քոչուոր թուրքերը, որոնք աւարից վերադառնում էին իրանց տեղերը և հրէշաւոր գոյներով նկարագրում թուրքական բարբարոսութիւնները և ստացուած օգուտները: Նախճաւանի սահմանակից Սիսիան գաւառի հայերի ուժեղ լինելը փոքր ինչ զսպում էր տեղական թուրքերի վայրենի բնազդերը: Քոչուոր թուրքերը, որոնք գալիս են Շուշու և Բագուայ գաւառներից և ծածկում են Սիսիանի լեռները, Բաղարչայ մալականի գիւղի ուղղութեամբ մինչև Դարալագեազի սահմանը և այդտեղից ամբողջ Մաղաւուզը, Մինքեանդ գիւղի շրջակայքով մինչև Ալիդուլի, թուով ո՛չ պակաս քան 40,000, արդէն մասնակցած Նախճաւանի և Դարալագեազի հայ-թուրքական ընդհարումներին, միշտ հակուած էին առիթներ որոնելու Ձանգեղուրում քոչի ճանապարհի ուղղութեամբ յարձակումներ գործելու հայերի վրայ: Եւ ահա յունիսի 25—26-ին, Մուրթուզայի 15 հոգուց բաղկացած տւազակային խումբը յարձակւում է Շաղատի և Մաղրայի հովիւների վրայ, բռնւմ 93 գումէշ և 311 գառն: Սկսւում է հրացանածգութիւն, բոլոր բոչուորներն միանում է տւազակային խմբին. Մաղրի հայերը, 3 կաղակի և 10 հոգի հայ քաջերի աջակցութեամբ փառաւոր ջարդ են տալիս ահագին քանակութեամբ թուրքերին շատ թեթև վնասով: Մաղրու այդ ջարդը բոլորովին սթափեցրեց թուրքերին և Սիսիանում մինչև վերջն էլ երկիւղ արին յարձակումներ կատարել: Զինդ հակառակն բրունակոթցիք և այլ գիւղացիք համարձակ մտնում էին քոչի մէջ և Նախճաւանի հայերից խլած ապրանքները յետ խլում: Օգոստոսի 16-ին Մուրթուզայի նոյն խումբը բոչը անցկացնելուց յետոյ Իւշ-թափում, Մաղրու վրէժը հանելու գիտաւորութեամբ, սպանում են Սիսիանում 4 հայ յայտնի բէկերին: Նոյն օրերը Գորիսի մօտ հայերը սպանում են յայտնի թուրք բէկերի. 18-19-ին Մենքեանդ գիւղի շրջակայ թուրքերի մէջ երեւում են

Շուշու կուհներում մասնակցող վերադարձած տեղական բեկեր, օգտուելով քոչի չու ընկնելուց, զբոսում են թուրքերին յաճակուել հետու ընկած հայ գիւղերի վրայ, այն է Մինքեանդ և Ալիդուլի: Այս երկու գիւղը ընկած են Գորիսից 6—7 ժամ հեռավորութեան վրայ. Մինքեանդի հայերը 80 տուն են, թուրքերը 160, Ալիդուլին 100 տուն հայ ունի, երկու գիւղն էլ շրջապատուծ են միմիայն թուրք գիւղերով, այնպէս որ նեղ դրութեան միջոցին ճանապարհների ընդհատման պատճառով հայ գիւղերից օգնութեան յոյս չէին կարող ունենալ: Ահա օգոստոսի 20-ին քոչուոր թուրքերը ոչ պակաս 10,000, յարձակում են Մինքեանդի վրայ, ուր լինում է թուրք Սատղ բէկ պրինստաւը 13 կազակ, ստրաժնիկներով: Նոյն օրը սկսում է յարձակում Մինքեանդից բիշ հետու Սողնավար հայ գիւղի վրայ, նոյն միջոցին էլ քրդերից և այլ քոչուորից 150—200 ղինուած խումբ երևում է Սնձորեսկի և Տեղի առաջին, սպառնալով դըրանց և Գորիսին, նոյն ժամանակ շրջակայ թուրքերը յարձակում են Հարար գիւղի վրայ, որ գտնւում է մեկուսի ընկած դէպի Շուշու գաւառը անցնող ճանապարհի վրայ: Այսպիսով թուրքերը մշակում ծրագրով, սէիդական դրօշակներով, քարոզներով, օգոստոսի 20—21-ին սկսում են յարձակումներ այն հայ գիւղերի վրայ, որոնք բոլորովին առանձնակի են ընկած լինում: Հայերի տեղական կառավարները ուժեղ զինքեր բռնեցին Գորիսի շրջակայքում, Սնձորեսկում, և ստիպել տուին բըրդական հրոսակախմբերին ցրուել: Մինքեանդի թուրքերը 21-ին խաբելով հարևան հայերին քնեցնում են, միանում քոչուորի հետ և սպանում 17 հայ և թալանում գիւղը պրինստաւի անհող ներկայութեամբ. նոյնը օրը հասնում են 52 կազակ Մինքեանդ. դրանց կապիտանը լսելով պրինստաւի առարկութիւնը թէ Սողնավար պաշարուած է և Մինքեանդում այլևս ոչինչ չի լինի, վերցնում է բոլոր կազակներին պրինստաւի ազդեցութեամբ գնում Սողնավար. թուրքերը օգտուելով այդ հանգամանքից մորթտում են Մինքեանդի խարուած հայերին: 23-ին է լինում այդ: 24-ին գաւառապետի հետ հառնում ենք Մինքեանդ և մեր առաջ բացում է զարհուրելի տեսարան. երախայք, կանայք, ծերեր, ձորերում, լանջերում, փռուած, սրախողիսող եղած որը փախչելիս, որը թաքնուելիս: Անցնում ենք Սողնավար, ապա Ալիդուլի, և վերջինս ազատում երեք օրուայ պաշարումից, յետոյ Ձէյվա: Գաւառապետը պրինց Նապոլէօնի խիստ հեռադրի հիւման վրայ, ուժեղ միջոցներ ձեռք առաւ: Այնպէս որ 26-ի խաղաղ էր: Մինքեանդում սպանուած էին 240 հոգի և ողջ մնացած 456, որոնցից 30 վիրաւոր. ցուցակը յանձնուեց պրին-

ցին: Թալանուած է բոլոր գիւղը, եկեղեցին, սպանուած ցաքա-
տով և ապա դնդակով 90 տարեկան քահանան: Խողնավարում
սպանուած են 10 հայ, թալանուած է գիւղի կէսը, այրուած են
10 տուն (բոլոր գիւղը 80 տուն հայ է, 20 տուն թուրք), այր-
ուած են թուրքերի բոլոր տները, սպանուած և վիրաւորուած են
շրջակայ թուրքերից 100-ից աւելի: Ձէյվա 25 տուն է, սպա-
նուած 3 հայ, տները աւերուած, իրերը հարեան թուրքերի մօտ
պահ են տրուած: Ձէյվու 100 տունը թուրք է (այս Մղաւուզի Ձէյ-
վան է): Ալիդուլի 100 տնից աւելի է, սպանուած 10 հայ, այրուած
20 տուն. թալանուած գիւղի կէսը. թուրքերից սպանուած վի-
րաւոր 100-ից աւելի, մեծ ժառամբ կազակներից:

Հարար 135 տուն է, թալանուած հարեան գիւղերից:
Հրամայուեց խիստ կերպով՝ ա) առանց դատի՝ իրերը և անտ-
սունները յետ առնել. բ) էկզէկուցիա նշանակել մասնակցող
բոլոր թուրք գիւղերում. գ) գինուորական դատի ենթարկել
մեղաւորներին. դ) բռնել գլխաւորներին, բանտարկել մինչև
քննութիւնը (արդէն բռնուած են մօտ 60 հոգի). ե) հայ գիւ-
ղերից բերել թուրքերի գիւղը, որ հայկական գծին միանայ և
նրանց տեղը թուրքեր բնակեցնել. զ) Մինքեանդի թուրքերին
զուրս անել գիւղից և ցրել: Սեպտեմբերի 18-ն է, և առայժմ
հանգիստ է. անհատական սպանութիւններ լինում են:

Տեսնենք խիստ հրամայուածները ինչքան արագ կը կատա-
րուին: Ղաթանում առ այժմ հանգիստ է: Պրինց Նապոլէօնը այ-
ցելից վնասուած Մինքեանդ, Խողնավար, Ալիդուլի գիւղերը,
եղաւ նոյնպէս և Տաթևու վանքում: Հարարեցիք օգոստոսի 26-
ից մինչև այսօր թուրքերի մօտ են, ձեռք են առնուած միջոց-
ներ յետ բնակեցնելու, մինչև գիւղերի համախմբումը ըստ ազ-
գութեան:

Ներսէս վարդապետ.

Տաթև, Սեպտ. 18.

III

Նախնատանի և Շարուր—Գարալագեագի սիանգա-
մայն աւերուած և կողոպտուած գիւղերի թիւն է 26:
Այդ գիւղերն են. 1) Թազաքեանդ 40 տուն, 2) Հաջի-
վար 57 տ. 3) Իւխարի ուզուն-օրա 73 տ., 4) Դի-
տավար 43 տ. 5) Նազարարաղ 84 տ. 6) Ջահրի 260 տ.,
7) Մամարզա Դիզա 48 տ., 8) Խալիաղ 83 տ., 9) Ալագեօզ-
Մազրա 68 տ., 10) Նորս 136 տ., 11) Դարաբաբա 34 տ., 12)
Արինջ 59 տ., 13) Գժաձոր 83 տ., 14) Նորս-Մազրա 53 տ.,

15) Գեազջարաջուր 55 տ., 16) Նորաշէն 164 տ., 17) Սուլթան-
բէկ 89 տ., 18) Սես 51 տ., 19) Ալահի 46 տ., 20) Վարձագ-
եար 170 տ., 21) Ալահլու 120 տ., 22) Քէշտաղ 71 տ., 23)
Դաշարիս 32 տ., 24) Թաղագիւղ 33 տ., 25) Ուլիանորաշէն
220 տ., 26) Ելիի 88 տուն: Ընդամենը 2200 տուն: Տեղական
հանդամանքներին քաջ ծանօթ պ. Ա. Դօն հաշուով է որ այդ թը-
շուառացած ընտանիքներին խկոյն օգնելու համար անհրաժեշտ
է 650,000 բուրլի: Երեանի գեներալ-հասանդապետ արքայազն
Նասրուդին, գեղատնտես Սահակեանի գեղուցման վրայ հիմնու-
ելով, խոստացել է զանձարանից բաց թողնել 34,000 բ., ի հա-
շիւ Նախճաւանի և Շարուրի թուրք ժողովուրդի շտամարանա-
կան զրամագլխի:

ԺՈՂՈՎՐԴԱՅԻՆ ՍԿԶԲՆԱԿԱՆ ՈՒՍՈՒՑՈՒՄԸ ԱՆԳԼԻ- ԱՅՈՒՄ *)

Ուսումնարանական խորհուրդների քաղաքականութիւնը
զգալապէս տարբերում է քաղաքային ինքնավարութեան քա-
ղաքականութիւնից (պոլիտիկայից): Լիբերալիզմը և կոնսեր-
վատիզմը նեղ իմաստով բոլորովին այն աստիճան չեն հանդէս
գալիս ուսումնարանական խորհուրդ ընտրելիս, ինչպէս քաղա-
քային խորհրդի բնութեւթիւնների ժամանակ: Թեկնածուներից
ոմանց ընտրում են ի նկատի ունենալով նրանց բուն համա-
կրանքը գէպի ուսումնարանական օրէնքները և ձգտումը՝ տալ
ուսումնարաններին ըստ կարելոյն աւելի ազատ և լայն բացա-
տրութիւններ: Ոմանց ընտրում են ինչպէս «յետադէմների»
(ըէակցիօներ), ի նկատի ունենալով զրանց հակումը՝ տալ որ-
քան կարելի է օրէնքներին նեղ մեկնութիւն: Իսկ առաւելապէս
թեկնածուները ընտրում են իբրեւ այս կամ այն դաւանութեան
ներկայացուցիչներ կամ ընդհակառակը—ընտրում են որովհե-
տե չեն պատկանում և ոչ մի կրօնական համայնքի: Այդպիսով

*) Տե՛ս «Մուրճ» № 9.

ուսումնարանական խորհուրդների քաղաքականութեան կամ ուղղութեան իրեն հիմք ծառայում են կամ կրօնական համոզմունքները կամ կրօնական անտարբերութիւնը: Կրօնական ընկերութիւններին պատկանող անդամները սովորաբար աշխատում են խորհրդի գործունէութեան այնպիսի ուղղութիւն տալ, որ մասնաւոր (ուրեմն և իրանց այդ ընկերութիւնների) ուսումնարանների շահերը չփաստուեն, իսկ ոչ մի կրօնական ընկերութեան պատկանող անդամները նպաստում են առաջադէմ քաղաքականութեան և հակուած են խորհրդի լիազօրութիւններից ամենալայն չափերով օգտուել, բոլորովին ինկատի չունենալով կոնֆեսսիօնալ կամ դաւանական ուսումնարանների շահերը:

Ուսումնարանական խորհրդի անդամը ոչ մի ոռճիկ չի ստանում. միայն Լոնդոնի խորհրդին, ուր գործերը առանձնապէս շատ ժամանակ են խլում անդամներից, օրէնքը թոյլատրում է ոռճիկ նշանակել իր նախագահին: Սակայն այդ ոռճիկը դեռ ոչ մի անգամ չի տրուել. որովհետեւ մինչև այժմ այդ տեղը զբաղել են բաւականաչափ ապահով մարդիկ, որոնք հնարաւորութիւն ունեն առանց վարձատրութեան իրանց ժամանակը խորհրդի գործերին շնորհելու: Քարտուղարը, գանձապահը և ուսումնարանական խորհրդի բոլոր ծառայողները, դրանց թւում և ուսուցիչները, իրանց պաշտօններում մնում են մինչև այն ժամանակ երբ այդ ցանկանում է խորհուրդը, այսինքն ըստ էութեան նոյնպէս, ինչպէս քաղաքային խորհուրդների ծառայողները—մնում են մինչև որ լաւ են կատարում իրանց պարտականութիւնները: Քաղաքականութիւնը ոչ մի ազդեցութիւն չունի ծառայողին ընտրելիս: Նշանակումները կատարւում են հրապարակային նիստում, որի մասին իւրաքանչիւր անդամին ուղարկւում է գրաւոր ծանուցում գէթ չորս օր առաջ. ընդունուած է մի քանի շաբաթ առաջ լրագրներում յայտարարել, որ այս ինչ պաշտօնի համար ընտրութիւն է կատարուելու:

Լոնդոնում միայն մի հատ ուսումնարանական խորհուրդ գոյութիւն ունի: Նա կառավարում է համարեա 600 ուսումնարաններ և իւրաքանչիւր տարի համարեա 2 միլլ. ֆունտ ստերլինգ (20 միլլ. ռուբլի) գումար է ծախսում սկզբնական ուսուցման վրայ: 1870 թուականին, երբ սկզբնական ուսուցման մասին օրինագիծը օրէնք դառաւ, Լոնդոնը պարլամենտական ներկայացուցչութեան համար բաժանուած էր 11 շրջանների կամ քաղաքամասերի. յետոյ այդ մասերի թիւը՝ զգալի կերպով աւելացաւ, սակայն ուսումնարանական խորհուրդը պահպանեց իր բաժանումը 11 շրջանների: Լոնդոնի այդ նախկին

11 շրջաններից իւրաքանչիւրը ուղարկում է խորհուրդին հինգ ներկայացուցիչ, այնպէս որ խորհրդի անդամների ընդհանուր թիւն է 55: Մի հատ ուսումնարանական խորհրդի համար, անշուշտ, համարեա բոլորովին անկարելի է իր վրայ վերցնել Լոնդոնի բոլոր ուսումնարանների մանրամասն (դետալ) կառավարութիւնը: Այդ պատճառով մոցլուեց՝ տեղական կառավարութեան սխտեմը, որ տուաւ հիանալի արդիւնքներ: Նոյն սխտեմը գործադրուեց նաև Լիվերպուլի խորհուրդը: Խորհուրդը իր լիազօրութիւնները յանձնում է տեղական հոգաբարձուների կոմիտէներին այն պայմաններով և սահմանափակումներով որ ինքը հարկաւոր կը դատի:

Իւրաքանչիւր տասն և մէկ շրջանների կողմից խորհրդում եղած անդամները իրանց շրջանների մէջ կազմակերպում են տեղական հոգաբարձուների կոմիտէներ, իրար մէջ բաժանելով ուսումնարանների այս կամ այն խումբը: Նոր ուսումնարանների հոգաբարձուները նշանակւում են խորհրդի կողմից առաջադրութեամբ շրջանային անդամների այն մեծամասնութեան, որ ներկայ է այն նիստում, որի ժամանակ կատարւում է նշանակումը: Հոգաբարձուները ռոճիկ չեն ստանում: Իւրաքանչիւր նոր հոգաբարձու պէտք է ստորագրութիւն տայ—կատարել իր վրայ դրած բոլոր պարտականութիւնները, դրանց թւում նաև ուսումնարաններ և հոգաբարձական ժողովներ յաճախելը: Ուսումնարանական խորհրդի շրջանային անդամները պարտաւոր են հոգալ որ շրջանի հոգաբարձուների թւում, եթէ կարելի է, լինեն գոնէ երկու կին-հոգաբարձուներ: Շրջանային անդամներին յանձնարարւում է նմանապէս հոգ տանել, որ հոգաբարձուների թւում գոնէ լինեն երկու հոգի որոնց զաւակները յաճախել են խորհրդի ուսումնարանները:

Ուսումնարանական խորհրդի պլսաւոր բիւրօյում միշտ գտնւում է այն անձանց ցուցակը, որոնք ցանկանում են հոգաբարձու լինել: Երբ տեղական կոմիտէսում տեղ է բացւում խորհուրդը լրացնում է, նշանակելով հոգաբարձու—կամ շրջանային անդամների մեծամասնութեան ցուցմունքով կամ հոգաբարձուների ցուցմունքով, համաձայնութեամբ շրջանային անդամների այն մեծամասնութեան, որ ներկայ է այդ նշանակումը քննող նիստում:

Հոգաբարձուների կոմիտէները կառավարում են թէ առանձին վարժարաններ և թէ վարժարանների խմբեր: Երբ տեղական կոմիտէսը միայն մի վարժարան է կառավարում նրա անդամների թիւը պէտք է ութից պակաս չլինի և տասն և երկուսից աւելի: Եթէ կոմիտէսը կառավարում է վարժարաններ

րի ամբողջ խումբ—հրա անդամների թիւը պէտք է ութից պակաս չլինի և 20-ից աւելի: Հոգաբարձական մի կոմիտեո կարող է կառավարել ոչ աւելի քան երեք վարժարան և միայն որևէ առանձնայատուկ տեղական պայմանների պատճառով ներքան յանձնուում է երկուսից պակաս վարժարան: Հոգաբարձութեան նիստերը կայացած է համարուում երեք անդամի ներկայութեամբ: Ուսումնարանական խորհրդի անդամները իրանց շրջանի տեղական կոմիտեաների և հոգաբարձական զանազան յանձնաժողովների անդամ են համարուում: Տեղական հոգաբարձուները իւրաքանչիւր տարի ընտրուում են իրանց նախագահին և փոխ-նախագահին:

Հոգաբարձուների պարտականութիւններն են, բացի ուսման վարձի չափի որոշումը (ուր դեռ պահպանուում է ուսման վարձը)—վարժարանների տեսուչների նշանակումը, ինչպէս և ուսուցիչներ ընտրելու պատասխանատուութիւնը: Նրանք պէտք է հոգան, որ վարժարանում բաւականաչափ թուով ուսուցիչներ լինեն, պէտք է հսկեն վարժարանի խորհանոցների և լուսացանոցների վրայ, հոգ տանեն երեխաների ֆիզիկական զարգացման վրայ, ուշադրութեամբ հետևեն, որ զբաղմունքների ցուցակը ճշտութեամբ կատարուի, խորհրդից նշանակած պարգևներ և մեդալներ բաժանեն, ժամանակ-առժամանակ աչքի անցնեն պատժամատեանը, վերաքննեն գրադարանները, և առհասարակ բոլոր ոյժերով և միջոցներով նպաստեն իրանց յանձնուած վարժարանների բարգաւաճման: «Նրանք պէտք է վերահսկեն», ասուած է հոգաբարձութիւններին Ուսումնարանական խորհրդից տուած հրահանգի մէջ, «որ ուսուցիչները չհեղուեն իրանց տուած հրահանգներից, պէտք է նեցուկ լինեն ուսուցիչներին մշտական համակրանքով և խրախուսանքով, ամբողջ սրտով ձգտեն աշակերտների մտաւոր, բարոյական և ֆիզիկական զարգացման, և հետևեն որ նրանց մէջ մշակուեն ճշտաստապահութեան սովորութիւնը, բարեկիրթ ձևեր և լեզու, մաքրասիրութիւն, նմանապէս պէտք է հոգան որ ուսուցիչները աշակերտներին ներշնչեն սիրայօժար կերպով կատարելու իրանց պարտականութիւնները, դէպի միւսները ուշադրութեամբ և յարգանքով վերաբերուել, լինել թէ խօսքով և թէ գործով շիտակ և ճշմարտասէր»:

Բոլոր թէ մասնաւոր և թէ խորհրդի վարժարաններում հոգաբարձուները պարտաւոր են մատակարարել բոլոր անհրաժեշտ գրքերը և դպրոցական պարագանները և իրաւունք չունեն ստիպելու ծնողներին այդ բոլորը գնելու: Եթէ վարժարանների պահպանութեան համար պետական զանձարանից տուած

օժանդակութիւնները չեն բաւում, պակասը լրացնում է տեղական տուրքերով, համեմատ վճարողների կարողութեան:

Վարժարանի աւագ ուսուցչի ուճիկը 460 ֆունտից (Լոնդոնում) տարեկան հասնում է մինչև 100 ֆունտի (գիւղերում). ուրեմն մեր դրամով՝ 4600-ից մինչև 1000 թուրքի: Աւագ ուսուցչուհու ուճիկը 300 ֆունտից մինչև 800 ֆունտ:

Շատ ուսումնարանական խորհուրդներ ձմեռայ ամիսներին բանում են երեկոյեան դասարաններ, որոնց նոյնպէս տրւում է պետական պանծարանից նպաստ: Այդ երեկոյեան դասարանների նպատակն է—տալ միջոց սկզբնական վարժարանների նախկին աշակերտներին շարունակել իրանց կրթութիւնը, երբ նրանք դուրս գալով վարժարանից սկսում են որեւէ աշխատանքով պարապել՝ ապրուստ հայթհայթելու համար: Այդ դասընթացների ծրագրերը այնպէս են յարմարեցրուած, որ հինգերորդ կամ վեցերորդ դասարանից դուրս եկած տղան կարող է վերանորոգել իր դպրոցական դրաղմունքները այն կէտից, որի վրայ նա ընդհատեց սկզբնական վարժարանում: Աւանդուող աւարկանների մէջ կայ նաեւ քաղաքացու պարտաւորութիւնների ուսուցումը: Ժողովրդի լուսաւորութեան դեպարտամենտը 1893 թ.-ին կազմեց լրացուցիչ կանաններ, որոնք որոշում են թէ ինչ աւարկաններ պէտք է դասաւանդեն այդ ընդհանուր վերնագրի տակ:

Այդ աւարկանները բաժանուած են հինգ խմբի. 1) տեղական կառավարութիւն, 2) կենտրոնական կառավարութիւն, 3) քաղաքացու պարտականութիւնները տեղական ե կենտրոնական կառավարութիւնների նկատմամբ, 4) կայսրութիւն, 5) արդիւնագործական և սոցիալական կեանք և պարտաւորութիւններ:

Այդ նոր կանոնների ղեկավար գաղափարը արտայայտուած է առաջին և վերջին պրակներում: Առաջին պրակում ցոյց է տրւում թէ որչափ անհրաժեշտ է որ ապագայ քաղաքացիները հասկանան իրանց պարտքը այն տղամարդկանց և կանանց նկատմամբ, որոնք մեծահոգութեամբ և իմաստութեամբ ծառայել են ազգին նախկին ժամանակներում, հասկանան և սեփական պարտաւորութիւնները դէպի սեփական երկիրը ներկայումս: «Անձնական շահերը և դատակարգային շահերը պէտք է ենթարկուեն ընդհանուր ազգային շահերին»: Վերջին պրակում յիշատակուած ի որ «հատարակութիւնը պարտաւոր է համակրել բանուորների իւրաքանչիւր ձգտման—իրանց զրուծիւնը բարուրեցնելու, իրանց միտքը դարգացնելու»:

Օ Ր Ե Ր Լ Է Ն Ե Ր Ը*)

Վ Է Պ

ԲՐՆԷ ԲԱՂԵՆԻ

VII

Զ ա տ կ ի ն ա իս ա տ օ ն ա կ ը

Նզանալն սկսել էր լաւանալ: Ժան վերստին գտնում էր Ալլասի հովիտը գարնանային փթթումի մէջ: Եւ սակայն նա՝ որ անչափ ցանկացել էր տեսնել այս տեսարանը միայն մի թոյլ ու անորոշ ուրախութիւն զգաց: Ճանապարհորդութիւնից նա վերադարձել էր աւելի յուզուած, վրդովուած, քան իսկապէս ցոյց էր տալիս: Այդ ճանապարհորդութիւնը նրան ապացուցել էր, որ երկու ժողովուրդները, այսինքն երկու լողիները պայքարի մէջ են, որ հայրենիքի յիշողութիւնը դեռ ևս վառ է բաղմամբիւ զժրագոյ անձանց սրտում, որ նրանք իրանց կարծիքներէ համար, նոյնիսկ խոհեմ, ծածուկ կարծիքներէ համար ապրելու գիտարութիւն էին կրում: Նա այժմ աւելի լաւ էր զգում թէ որքան տաժանելի էր լինելու իր կատարելիք դերը ընտանիքում, գործարանում, գիւղում և Ալլասում: Այն հաճոյքը որ զգաց, իր վերադարձի երկրորդ առաւօտը, երբ հայրը նրան շնորհաւորեց Օրերէնների անտառների շահագործման մասին պատրաստած տեղեկագրի համար, այդ հաճոյքը մի չընչին, կարճատեւ սիրտինք էր միայն: Ժան շատ աշխատեց ուրախ, բաղաւոր երեւել, բայց կարող եղաւ խաբել միայն նրանց, որոնց խաբուելն ձեռնտու էր:

— Ժան, սիրելիս, ասաց մայրը, համբուրելով նրան այն ժամանակ, երբ գնում էր սեղանատուն նախաճաշելու համար, ինձ թւում է, որ երեսիդ գոյն է եկել, հրաշալի տեսք ունիս: Ալլէյմի բաց օդը քեզ համար շատ օգտակար է եղել, ինչպէս նաև քո խեղճ մայրիկի ներկայութիւնը, այնպէս չէ՞:

*) Տե՛ս «Մուրճ» № 9:

— Ի՞նչ ես ասում, խօսեց Լիւսիէնը, իսկ ես գտնում էի նրան շատ մեղամաղձոտ:

— Գործերից է, բացատրեց պ. Ժոզէֆ Օրերլէ, հակուելով պատուհանի կողմը ուր նստել էր որդին, գործերի պատճառած հոգսից: Նա ինձ յանձնեց մի տեղեկագիր, որի համար ես պէտք է նրան հրապարակաւ շնորհաւորեմ. շատ լաւ էր կազմել, շատ յստակ, և որից երևում էր որ ծառերի փոխադրութեան գործում, առնուադն չորս տեղի վրայ, կարող եմ մեծ խնայողութիւններ կատարել: Լսում է՞ք, հայր:

Պապը գլխով հաստատման մի նշան արեց: Բայց իր միտքն ամբողջացրեց քարետախտակի վրայ ինչ որ զրելով և ցոյց ապրով հարսին:

— Ի՞նչ, միթէ երկրի հեծեծանքն է լսել:

Տիկին Մօնիկ շտապ մատների ծայրով ջնջեց նախադասութիւնը: Ներկայ եղողները նրան էին նայում: Եւ բոլորը շփոթուել էին, կարծես նրանց մէջ տեղի էր ունեցել մի անախորժ բացատրութիւն: Ժան վերստին զգաց ներքին ցաւը, որի դէմ ոչ մի դարման չկար: Ծաշից յետոյ, բոլոր ժամանակ նա աշխատեց սղոցարանի գրասենեակում, բայց մտացիր և մտախոհ: Նա մտածում էր, որ իհարկ է, մի օր Լիւսիէնը պիտի հեռանար տնից, բայց միթէ այդպիսով պիտի փոխուէր իրերի դրութիւնը. մեծ հայրը նոյնպէս կարող էր մի օր չքանալ, բայց և այնպէս պառակտումը կար ու պիտի մնար: Այն բոլոր ծրագիրները, որ նա հեռուից կազմել էր, այն յայտը՝ որ կարող էր տան մէջ խաղաղացման համաձայնութեան, միութեան կամ գոնէ առերևոյթ միութեան մի գործօն դառնալ—այդ բոլորը, նրան թուաց, շատ երեխայական: Նա համոզուեց, որ Լուսիէնը իրաւունք ունէր երբ ծաղրում էր իր պատրանքները: Ո՛չ, չորիքը միայն իրանց տան մէջ չէ որ գոյութիւն ունէր, այլ ամբողջ Ալգասում: Մինչև անգամ, եթէ Օրերլէներից ոչ ոք չապրէր Ալշէյմում, ժան Օրերլէ, նորից պիտի պատահէր իր զրան մօտ, գիւղում, իր բանուորների, յաճախորդների, իր բարեկամների մէջ որոշ բողբոջներում նոյն տապալակ, միշտ նոյն սպառնալից հարցը: Ո՛չ իր կամքը, և ոչ էլ իր կամքի նման մի ուրիշ, չէր կարող փրկել իր ցեղը, ոչ այժմ և ոչ էլ յետոյ: Այսպիսի տխրութեան բողբոջներում բնական է որ Օդիլին տեսնելու և նրանից սիրուելու միտքը, ցանկութիւնը դարանխուսափելիօրէն տիրելու նրա հոգուն: Բացի Օդիլից, ուրիշ ով կարող էր արդեօք հաճելի դարձնել կեանքն Ալշէյմում, վերադարձնել բոլոր հեռացած ու կասկածոտ բարեկամներին և վերահաստատել Օրերլէների բարի անունը հին Ալգասում: Նա

Հոկտեմբեր, 1905.

այժմ Օդիլի մէջ տեսնում էր ոչ միայն սիրուն կինը, դէպի որը թռչում է իր երիտասարդ հոգու երգը այլ և նա տեսնում էր նրա մէջ խաղաղութիւնը, արժանապատուութիւնը և այն միակ կարելի ոյժը, նրան սպասող ապագայ դժուարութիւններին հանդէպ: Նա այդ տան համար հարկաւոր եղող այն միակ արի ու հաւատարիմ արարածն էր:

Ինչպէս ասել այս բոլորը Օդիլին: Ո՞ւր գտնել առիթը՝ և նրա հետ խօսել ազատօրէն, առանց բռնուելու, և վրդովուելու այդ կարգապահ նախանձախնդիր ընտանիքը: Անկասկած ոչ Ալշէյմում: Բայց որտե՞ղ նշանակել տեսակցութիւնը: Եւ ի՞նչ կերպ նրան յայտնել այդ մասին:

Ամբողջ գիշեր ժան այդ մասին խորհեց

Հետեւալ առաւօտ, Աւագ հինգշաբթի էր. այդ օրը բոլոր կաթօլիկ եկեղեցիներում՝ Քրիստոսի գերեզմանը զարդարում են ծաղիկներով, ծառերի ճիւղերով, կերպասեղէններով և աստիճանաբար դարսուած ջահերով, և հաւատացեալների բազմութիւնը շտապում է երկրպագել գերեզմանին: Օգը շատ պարզ էր, եղանակի հետ համեմատած, նոյնիսկ չափից աւելի պարզ, ինչ որ ցոյց էր տալիս թէ մառախուղ կամ անձրև էր առաջանալու: Պարոն Յիլիս Օբերլէի սենեակում, մօրը և Լիւսիէնի հետ բարեկամաբար խօսելուց յետոյ—և դա առաջին անգամ էր որ զգում էր ընտանեկան յարկի տակ գտնուելու տպաւորութիւնը—ժան ուղղուեց դէպի այգիները, որոնք ձգւում են Ալշէյմի տների յետեւի կողմը, և բունեց այն ճանապարհը, որով անցել էր մի քանի շաբաթ առաջ, Բաստիաններին այցելելիս: Բայց Բամշպալսէրի ագարակից մի քիչ դէնը, շուտ եկաւ արահետի հետ, որը մինչև այդ ժամանակ ուղղահայեաց իջնում էր ծառուղու վրայ, իսկ այժմ դառնում էր նրան զուգահեռական և յանգում էր, ինչպէս ծառուղին, աւանի ճանապարհին: Նա այժմ գտնւում էր մի արձակ հողի վրայ, որը ծառայում էր իբրև օթեան դաշտի ագարակատէրերից շատերի սայլակներին: Հարևան դաշտերը ամայի էին: Ճանապարհը գրեթէ ծածկուել էր մի հողապատնէշով, որի վրայ տնկւած էին ընկուզենիներ: Ժան սկսեց յառաջանալ դաւար ցանկապատի երկարութեամբ, որը եղւում էր Բաստիանների կալուածքը, մօտեցաւ գիւղի մուտքին ու նորից յետ դարձաւ: Նա սպասում էր Յոյս ունէր որ շուտով Օդիլը կ'անցնի արահետով, ցանկապատի միւս կողմից, եկեղեցի դնալու և Քրիստոսի գերեզմանի առաջ աղօթելու համար:

Նա յիշեց իր հին հանդիպումները, միևնոյն տեղը, միևնոյն օրը, և աւելի արիւցաւ: Եւ որովհետև արդէն երբորդ

անգամն էր, որ վերըսկսում էր իր երթևեկը, տեսաւ այն՝ ինչ առաջ չէր նկատել:

—Ո՛րքան գրաւիչ է, մրմնջեց: Ճանապարհը կարծես շինել են միայն նրա համար:

Ծառուղու ծայրին, երկու հարիւր մետր հեռաւորութեան վրայ, մի դիւթիչ շրջանակում, նշմարում էին ցանկապատը, ամառուի բարձր ծառերի զաղաթները և Բաստիանների երկար կտուրի մի մասը: Հինաւուրց կեռասնիները ծաղկել էին, բոլորը միաժամանակ, միևնոյն շաբաթուոյ ընթացքում նշենիների և տանձենիների հետ: Տանձենիները ծաղկում են փնջած, նըշենիները աստղած. իսկ դաշտում տնկուած ամառուի կեռասնիները՝ սպիտակ աղեկատի (quenouilles) ձևով:

Հիւթով լցուած, ուռած ճիւղերի շուրջը՝ բիւրաւոր ձիւնաթոյր ծաղկեպսակներ դողդոջում էին իրաց վտիտ ցօղունների վրայ, և նրանք այնքան իրար մօտ, այնքան խիտ էին, որ շատ տեղերում ճիւղը չէր երևում: Իւրաքանչիւր ծառ երկարում էր ամեն կողմ իր ծաղկած ճիւղերը: Ծառուղու մի եզերքից մինչև միւսը—այնքան հինաւուրց էին կեռասնիները—ծաղկափթիթ ճիւղերի ծայրերը միմեանց էին դիպչում, շաղապատում: Թրթռուն թևիկներով մեղուների մի ամբողջ շրջապատում էր նրանց: Մեղրի մի նուրբ բուրմունք ծաւալում, ծածանում էր ծառուղու մէջ և դաշտի զեփիւռի հետ սաւառնում էր անդատանների, դարձանային հազուտով հազիւ զարգարուած հողերի վրայ: Մեծ, արձակ հովտում չկար մի ծառ որ կարողանար մրցել իր շքեղութեամբ այս դրախտային ճանապարհի հետ: Միայն աջակողմում, և բոլորովին մօտիկ, Բաժալախէրների չորս ընկուղենիները սկսում էին տերեւներ արձակել, և իրանց վիթխարի զանգուածով՝ հեռուից կարծես կետուծանկարներ լինէին քանդակուած ագարակի պատերի վրայ:

Վարկեանները անցնում էին: Վայրի կեռասնիների կտտաբից ծաղիկների թերթիկները անձրևի նման թափւում էին:

Եւ ահա մի կին խոնարհուեց ցանկապատի դուռը բացանելու համար: Նա է: Ուղղւում է, առաջանում է յուշիկ յուշիկ ծառուղու միջով, երկու եզերքների խոտերի արանքով, որովհետև նայում է վերև: Նայում է բացուած սպիտակ փընջիկները: Նրա մօտով անցաւ նորապսակների թագերը, որոնք այնքան ընտանի են երիտասարդ աղջիկներին: Օդիլ չժպտաց, այլ նրա ամբողջ դէմքը շողաց, դէպի առաջ կարկառող ձեռքերի մի ակամայ շարժում ունեցաւ, իր երիտասարդութեան կողմից իւր պատասխան և շնորհակալութիւն ցնծուն երկրի այդ բարեկին: Նա շարունակեց իջնել դէպի Ալշէյմ: Իւր մուշտակեայ գլուխի,

վեր բարձրացրած այտերի և կապոյտ կերպասեայ շրջադեստի վրայ վայրի կեռասենինները թափում են իրանց ծաղիկները։ Նա մտածկոտ է։ Ձախ ձեռքում ունի մի աղօթագիրք, որ կիսով ծածկել է իր շրջադեստի ծալքերում։ Նա կարծում է որ մենակ է։ Առաջանում է ցերեկուայ շքեղութեան մէջ, որը խօսում է նրա հոգուն բայց նա կատարեալապէս անոյգ է, արի։ Նա ստեղծուել է արի կեանքի համար։ Աչքերը, որ ծառերի գազաթներն են որոնում, մնում են կենդանի, իր մտածումների տէրը և չեն անձնատուր լինում երազանքին, որ հրապուրում է նրան։

Նա մօտենում էր, չէր կարծում, որ ժան իրան սպասում է։ Ալշէյմ գիւղը՝ կէս օրուայ ճաշը վերջացրած լինելով, իր սովորական աղմուկն էր բարձրացնում, սայլերի թաւալումը, շների կաղկանձումը, մարդկանց և լաց եղող երեխաների ձայները։ Բայց այս բոլորը հեռաւորութեան պատճառով խեղդուկ, անսահման օդում ցրուած, համատարած փշող հողմի մէջ ընկըլ՝ մուած էին ինչպէս ժողովրդ մի հողակոյտի, որ փչւում է և թաւալում ծովի յատակը։

Երբ Օդիլ անցաւ, ժան յայտնուեց և կանգնեց ցանկապատի միւս կողմը մի փոքր հեռու։ Եւ Օդիլ քայլում էր շարունակ ծաղկեայ երկու թումբերի միջով։ Թէպէտև նա նայում էր դէպի վեր, բայց մի բոպէ շուռ տուեց գլուխը, հայեացքը լըցուած դեռ ևս իր առաջ պարզուող գարունով, որը յուզել էր նրան։

— Ինչպէ՞ս, այդ դուք է՞ք։

Եւ իսկոյն, խոտերի միջից անցնելով, ուր տնկուած էին կեռասենինները, մօտեցաւ ցանկապատի այն մասին՝ որտեղ կանգնել էր ժան։

— Ես չեմ կարող այլևս, առաջուայնման այցելութեան դալ ձեզ մօտ, ասաց ժան։ Հետեալաբ եկայ այստեղ, որ ձեզ սպասեմ... Ես պէտք է ձեզանից մի շնորհ խնդրեմ։

— Շնորհ։ Ի՞նչպէս լուրջ էք ասում այդ...

Օդիլ փորձեց ժպտալ։ Բայց իր շրթները մերժեցին ժշպտալ։ Նրանք երկուսով միասին գունատուեցին։

— Ես դիտաւորութիւն ունեմ, ասաց ժան, որպէս թէ մի լուրջ վճիռ կայացնէր, ես դիտաւորութիւն ունեմ վաղը չէ միւս օր բարձրանալ Սէնտ—Օդիլ... Ես կը գնամ Ջատիկը ծանուցանող զանգերը լսելու... Եթէ դուք էլ, ձեր կողմից թոյլտուութիւն ստանայիք այնտեղ գնալու...

— Ուրեմն դուք մի ուխտ ունէք կատարելու, ի՞նչ։ Ժան պատասխանեց։

—Համարեա թէ, Օդիլ, պէտք է, որ ես ձեզ խօսեմ, միայն ձեզ...

Օդիլ մի քայլ յետ քաշուեց: Հայեացքի մէջ, մի տեսակ սոսկումով նա աշխատեց կարգալ ժանի զէմքից թէ արդեօք ուղի՞ղ էր ասում նա, թէ արդեօք ինքը չէ՞ր սխալուել: Ժան նոյնպէս գննում էր նրան անձկութեամբ: Նրանք կանգնել էին անշարժ, գողահար և այնքան մօտ ու միևնոյն ժամանակ այնքան հեռու միմեանցից, որ կարելի էր ասել թէ սպառնում էին միմեանց: Եւ արդարեւ, նրանցից իւրաքանչիւրը զգում էր որ խաղում էր իր կեանքի հանգստութեան հետ: Իրանք այլևս երեխաներ չէին, այլ մի մի տղամարդ և կին, ուժեղ և կրքոտ ցեղից: Նրանց էութեան բոլոր կարողութիւնները խօսում էին և ընդհարում հասարակ սովորութիւնների դէմ, որովհետեւ հետեւալ պարզ խօսքերի մէջ. «Պէտք է որ ձեզ խօսեմ» Օդիլ զգացել էր կողկողալը մի հոգու, որ անձնատուր էր լինում իրան և որը խնդրում էր փոխարէնը:

Ամայի ծառուղու վրայ վաղեմի կեռասնիները բարձրացնում էին իրանց սպիտակ աղեկատները և նրանց ծաղիկների իւրաքանչիւրի բաժակում հանգչել էր ամբողջովին զարնանային արեգակը:

—Վաղը չէ միւս ծր, հարցրեց նա: Սէնտ-Օդլի, զանգակների զօղանջովը լսելու համար:

Նա կրկնում էր այն՝ ինչ որ ժան ասել էր. բայց մանաւանդ ժամանակ շահելու համար և լաւ թափանցելու համար, այն աչքերում, որ յառել էին իր վրայ և որոնք կանաչ էին, ինչպէս անտառի խորքը:

Սորը խաղալութիւն տիրեց հովտում, մօտակայ գիւղաքաղաքում քամին մի վարկեան դադարեց փչելուց: Օդիլ շուտուեց գեմքը:

—Կը գնամ, ասաց:

Ո՛չ մէկը և ո՛չ էլ միւսը աւելի չխօսեցին, նոր բացատրութիւններ չտուին: Նրանցից ոչ այնքան հեռու, մի փոքրիկ սայլ թաւալում էր ճանապարհի վրայ: Մի մարդ, Բատտիանի ագարակի սայլերի դարպասն էր կողպում: Բայց ասուել էր արդէն ինչ հարկաւոր էր ասել: Այդ խորը հոգիներում, բառերը արձագանգում էին անվերջ: Նրանք այլևս մենակ չէին: Նրանցից իւրաքանչիւրը պահում էր իր հոգու մէջ իրանց հանդիպման նուիրական բոլակ և ծալում էր ինքն իր վրայ, ինչպէս հողի ակօսները, որոնք միանում են, երբ արդէն ցանուած է սերմը և կեանքը պէտք է կամաց կամաց ծիլ արձակէ:

Օդիլ հեռանում էր: Ժան պաշտում էր այդ սուղջ և ուժեղ գե-

դեցկութեամբ արարածը, որը հետզհետէ աներևոյթանում էր ճանապարհի վրայ: Նա քայլում էր լաւ, առանց հասակը շարժեցնելու: Սպիտակ ծոծրակից վեր, ժան պատկերացնում էր իր երևակայութեան մէջ այն մեծ, սև զարգահանգոյցը, որ գործ են ածում Ստրագրուդից այն կողմ բնակուող ալպսոհինները: Օգիլ էլ աչքերը չէր բարձրացնում դէպի կեռասնինները: Նրա ձեռքերը թողի էին, որ քաշ գայ շրջազգեստը: Բղանցքները պառկեցնում էին խոտը, բարձրացնում էին մի քիչ փոշի և թռչկոտել էին տալիս ծաղիկների թերթերունքը, որոնք միանելուց առաջ բաբախում էին մի բոպէ օդի մեջ:

Ո՛րքան ուշ հասաւ երրորդ օրը: Ժան ասել էր հօրը.

—Մի քանի ուխտաւորներ Աւագ Շաբաթ պիտի բարձրանան Սենտ-Օգիլ, Ջատկի զանգաւնների ղօղանջը լսելու համար... Տարուայ այս եղանակում ես երբէք չեմ բարձրացել այնտեղ... Եթէ դուք ոչ մի արգելք չէք գտնում, դա մի գրօսանք է որ հաճոյք պիտի պատճառէր ինձ:

Արգելք չկար:

Այդ օրը, զարթնելով, ժան բաց արեց իր պատուհանը: Թանձր մառախուղ էր պատել: Տանից հարիւր մետր հեռու գտնուող դաշտերը անտեսանելի էին:

—Իհարկէ, այսպիսի եղանակում, դու չես գնայ, հարցրեց Լիւսիէնը, երբ եղբայրը ճաշարան մտաւ իր ամենօրեայ շոկոլան խմելու համար:

—Ի՛նչու չէ, գնում եմ:

—Ոչինչ չես տեսնի:

—Եթէ չեմ տեսնի, դոնէ կը լսեմ:

—Ուրեմն այդչափ հետաքրքիր է լսել զանգաւնների ղօղանջը:

—Այո:

—Եթէ այդպէս է, ինձ էլ հեղ տար:

Լիւսիէն ամենևին ցանկութիւն չունէր Սենտ-Օգիլ բարձրանալու: Ժանեակներով զարդարուն առաւօտեայ բաց դոյն մի շրջազգեստ հագած՝ պուտ-պուտ խմելով իր շոկոլան, նա միայն մի դիտաւորութիւն ունէր, կանգնեցնել իր եղբորը՝ անցնելու ժամանակ և համբուրել նրան:

—Լրջօրէն, դու գնում ես ուխտի:

—Այո, ուխտի...

Այդ բոպէին խոնարհած լինելով իր բաժակի վրայ, Լիւսիէն չտեսաւ, այն արագ ժպիտը, որ ընկերանում էր այդ խօսքերին, ու պատասխանեց մի քիչ դառնութեամբ:

—Դու գիտես, որ ես մոլեռանդ չեմ. ես շատ անփութօրէն կատարում եմ կաթօլիկի իմ պարտականութիւնները, ու

րովհետև բարեպաշտական գործողութիւնները ինձ չեն հրապուրում... Բայց դու, որ աւելի հաւատք ունես, լսիր ինչ որ քեզ կ'ասեմ... Հաւատացնում եմ քեզ, սա էլ մի ուխտագնացութիւն արժէ...

Նա շեշտը փոխեց և իր ձայնով, որը յանկարծ դարձաւ խանդավառ, յօնքերը բարձրացած, աչքերը միեւնոյն ժամանակ կամայական և գորովալից՝ շարունակեց.

Դու պէտքէ Աստուծուց խնդրէիր այն հազուադիւր, անգլխաւոր տաների կիներ, որը հարկաւոր է քեզ, մի այնպիսի կին որ կարողանար ապրել այս տնում... Երբ ես ամուսնացած կը հեռանամ այստեղից, կեանքը մեզ մօտ սարսափելի կը լինի: Դու մինակ պիտի կրես մեր ընտանեկան պառակտումների և գիւղացիների անվստահութեան դառնութիւնը: Ոչ որ ցաւակից չպիտի ունենաս... Սա մի դժուար դեր է որ ստիպուած ես յանձն առնել... Ուրեմն խնդրիր մի բաւական ուժեղ, բաւական ուրախ, բաւական գեղեցիկ ու խղճամիտ կին, որ նեցուկ լինէր քեզ, քանի որ դու ցանկացար Ալշէյմում ապրել... Տեսնում եմ, իմ խորհուրդը՝ բարեկամի խորհուրդ է:

—Պատուական բարեկամի:

Համբուրուեցին:

—Յտեսութիւն, ուխտաւոր: Յաջողութիւն:

—Յտեսութիւն:

Ժան Թաւա: Իսկոյն իջաւ բուրաստանը, վանդակապատից անցնելով, բարձրացաւ հմուլի դաշտերի և խաղողի այգիների երկարութեամբ և մտաւ անտառ:

Անտառը նոյնպէս մառախլապատ էր: Իրար մօտ սեղմուած եղևինների խմբերը՝ որոնք գրոհ տալով բարձրանում էին գէպի զատիվայրերը, հեղեղահոս գետակի մի ափից միւս ափը գորշ էին երևում և որքան հեռաւորութիւնը աւելանում էր այնքան աննշմարելի էին դառնում, անարեգակ ու անստուեր ամպի—մշուշի մէջ: Ժան չէր գնում պծուած ճանապարհով: Բերկրալից, ոստոստելով բարձրանում էր սարն իվեր, երբեմն շունչ քաշելու համար կանգ էր առնում և մտիկ տալիս, արդեօք, վերելից կամ վաբից, յամենայն ղէպս անթափանցելի, խորհրդաւոր անտառի մի տեղից չէր լսի Օդիլի, կամ այլ ուխտաւորների ձայնը:

Բայց ոչ: Նա լուծւում էր միայն ջրերի թաւալումը, կամ երբեմն մի անծանօթ ձայն, որը կանչում էր իր շանը, կամ, երկչոտ կոչը՝ մի խղճուկ Օրերնէցու, որ իր երեխայի հետ եկել էր չոր փայտ հաւաքելու, հակառակ օրէնքի, որը միայն

հինգշաբթի օրերն է թույլ տալիս փայտ ժողովելը: Բայց լինչ ալած.

Միթէ՞ կարելի էր Զատիկ օրով առանց կերակուրի մնալ, չեղած թողնել պտուղը: Եւ այդ մառախուղն էլ մի երկնային պաշտպանութիւն չէր արդեօք, որ սահապաններէ աչքից ծածկում էր ամեն ինչ: Ժան հաճոյք էր զգում այդ տաժանելի և մենաուր վերելքից: Եւ քանի լարձրանում էր, այնքան աճում էր նրա մէջ Օդիլի մասին մտածումը, ինչպէս նաև ուրախութիւնը՝ որ նրան տեսնելու համար ընտրել է Ալզասի այս սրբազան վայրը, և այս կրկնապէս յուզիչ օրը: Նրա շուրջը ամեն կողմ տարածուած էր doradille-ը, այդ գեղեցիկ թուփը, որ զարդարում էր ապառաժուտ սարի կողերը. ելակենիները՝ նոր էին ծաղկում ինչպէս և առաջին քողահատները (muguet). կոնկինները՝ (geranium) որ Սէնտ-Օդիլում այնքան գեղեցիկ են, ցցում էին իրանց աղուամաղոտ ցօղունները, և հացապտղիները, հապալասիները, հաղարջիները, այսինքն անսառայի բոլոր թրփիկները, դաշտային բոլոր ծաղիկները սկում էին դեփուռի մէջ խառնել իրանց շարժուն հիւթի բուրմունքը: Մառախուղը՝ ինչպէս Վոթերի կողերի վրայ ձգուած մի հսկայ ցանց, բռնում, պահում էր այդ բուրմունքները, թոյլ չէր տալիս, որ ցրուեն:

Ժան անցաւ Հէյդէնբրուխի մօտով, հայեց դէպի կանաչ լուսափեղկերը և շարունակեց իր ճանապարհը: «Ուրիշ մօրեղբայր, շնչաց նա, դուք անկասկած երջանիկ կը լինէիք եթէ տէսնէլք, եթէ իմանայիք թէ ուր եմ գնում, և շուտով համ հետ եմ լինելու:» Փիգելը հաջեց կիսաքուն դրութեան մէջ, բայց տեղից չշարժուեց: Լեռը դեռ ևս ամայի էր: Մի ուրուր կանչում էր մշուշից վերև: Ժան, որ երեխայութիւնից իվեր չէր բարձրացել Սէնտ-Օդիլ հրճում էր այս վայրենի և խաղաղ տեսարանով: Բարձրացաւ սարի կատարը, որ սեփականութիւնն էր Ստրազբուրգի և խիստպոսութեան և երկար ման եկաւ, աշակերտական հին տպաւորութիւնները վերանորոգելու համար, «հեթանոս պարսպի» շուրջը, որ տաս կիլօմետրաչափ տարածութեամբ պատում էր սարի գագաթը:

Կէս օրին, Մէննելշտայնի ապառաժի առաջով անցնելիս, մտաւ մենաստանի բակը, որ կառուցուած էր սարի կատարին, և այնտեղ մեծ ամբոխի փոխարէն ուխտաւորներէ բազմաթիւ խմբեր դտաւ, ձիուց արձակուած կառեր, վաղեմի ծառերի կոճկին կապուած ձիեր: Ժան յիշեց ճանապարհը: Ուղղուեց գէպի աջ գանձուող մատուռները: Առաջինի միջով անցաւ միայն, բայց երկրորդում, որի կամարները ցածր էին, կանգ առաւ նշխարատուփի առաջ, ուր պառկել էր Ալզասի պաշտպանունու

մեղրամոմեայ, արծաճը, արբայունհի սուրբ Օդիլի արծաճը, անչափ քնքուշ՝ իր վարդադոյն դէմքով, իր քօղով, իր ոսկի մականով, իր մանիշակագոյն վերարկուով: Ժան ծնրադէրեց. իր հաւատքի ամբողջ զօրութեամբ աղօթեց իր պառակտուած և տխուր տան համար, որտեղից հեռացած լինելու համար ուրախութիւն էր զգում. աղօթեց նոյնպէս որ Օդիլ Բաստիան գայ այս սիրային տեսակցութեան, որի ժամը մօտենում էր: Եւ որովհետեւ անկեղծ հոգի ունէր, յարեց. « Թող յայտնուի մեր ճանապարհը: Երանի՛ թէ կարողանայինք միասին գնալ այդ ճանապարհով: Երանի՛ թէ հեռացուէին նրա վրայ գտնուող արգելքները: » Միևնոյն տեղում դարերից ի վեր ամբողջ Ալլամը ծնրագրել էր:

Յետոյ նա հեռացաւ մատուռից և գնաց մենաստանի սեղանատունը, ուր կրօնաւորուհիները սկսել էին արդէն սպասաւորել առաջին այցելուներին: Օդիլ այնտեղ չէր: Ծաշից յետոյ, որը նորանոր ուխտաւորների դալով դանդաղեցաւ և շատ երկար տևեց, Ժան շտապով դուրս եկաւ, իջաւ Ժայռի ստորոտը, որի կատարին հանգչում էր վանքը, և գտնելով այն ճանապարհը, որը գալիս է Սէն-Նաբորից և անցնում է Սէնտ-Օդիլի աղբիւրի մօտով, դնաց կանգնեց անտառի մթին մասերից մէկում, որ իշխում էր ճանապարհի դարձուածքներից մէկի վրայ, որով գալիս էին ուխտաւորները: Իր ոտքերի տակ փռուում էր ճանապարհի գիծը՝ լերի, կաղնու տերևներով ծածկուած, կարծես օդի մէջ կախ ընկած: Որովհետեւ այդ դիրքից այն կողմ, լեռան լանջքերը այն աստիճան ուղղաձիգ էին դառնում, որ չէին տեսնուում այլևս: Պարզ օդով նկատելի էին լինում լեռան երկու անտառապատ հանդիպակաց շղթաներ, որոնք ձգւում էին դէպի աջ և դէպի ձախ: Այժմ հայեաքը բաղկացում էր սպիտակաթոյր մշուշի վարագոյրին, որ ծածկում էր ամեն ինչ. անդունդը լեռնալանջերը, ծառերը: Բայց հոգմը փչում էր և արեկոծում մառախուղը, որի թանձրութիւնը անդադար նուազում էր:

Ժամի երկուսն էր: Մի ժամից Զատիկուայ դանդաղները պիտի հնչէին: Այն անձինք որ հետաքրքրւում էին լսելու դանդաղների զօղանջը, պէտք է որ դադարից շատ հեռու չլինէին:

Եւ արդարեւ, խոր լուծեան մէջ, Ժան լսեց ցածրից եկող խառնիխուռն ձայնի պատառներ, որ թնդում էին անտառի կամարների տակ: Յետոյ նրա ականջին հասաւ *Marseillaise*-ի հետեալ նախադասութիւնը. « Կազմեցէ՛ք ձեր գնդերը »: Ժան իսկոյն հասկացաւ, որ արկասցի ուսանողներ էին: Երկու երիտասարդներ՝ որոնցից մէկը արտասանել էր յիշեալ նախադա-

սովորեալն և որի ետևից իսկոյն հասաւ մի ուրիշը, հետզհետէ դուրս եկան մառախուղի միջից և գնացին դէպի վանքը:

Յետոյ մի երիտասարդ զոյգ բարձրացաւ, կիներ հագել էր սև, աղեղնաձև կտրուած մի կոբսաժ, որի տակից երևում էր սպիտակ շապիկը. գլխին ծածկել էր ժապաւինազարդ, սաղաւարտանման մի գլխարկ: Տղամարդը կրում էր ճեղանեայ թաւիշից մի բաճկոնակ, պղնձեայ կոճակներով մի վերնազգեստ և մուշտակեայ մի գլխիկ:

— Լիսեմբուրգցի գիւղացիներ են, մտածեց ժան:

Քիչ յետոյ, նա տեսաւ ալշէյմցի և հէլիգէնշտէյնցի կանանց, որ շաղակրատելով անցնում էին: Նրանք կայտառ էին, բայց իրանց հագնուածքի մէջ ոչ մի հետք չէր երևում ալլաասական տարազից: Նրանց թւում գտնուում էր Միւնստէր հովիտից մի կին, որը ճանաչուում էր իր մուգ գոյն գլխանոցից՝ հարաւցի կանանց գլխի մետաքսեայ թաշկինակի նման ամրապնդուած կլակի տակ և ճակատը զարդարուած կարմիր, վարդաձև մի զարդով: Երկու բոլէ էլ անցաւ:

Մշուշի միջից բարձրացաւ մի ոտնաձայն. մի քահանայ երևաց, տարիքոտ, ծանրաշարժ, որը քայլելիս անդադար սըլբում էր երեսը: Երկու երեխայ, գուարթ դէմքերով, անշուշտ քիչ առաջ անցնող կանանցից մէկի երեխաները, որ ետ էին մնացել, քահանայից առաջ անցան, երկուսով միասին բարեկցին և ալգասերէն ասացին.

— Օրհնեալ լինի Յիսուս-Քրիստոս, Տէր-հայր:

— Թող օրհնեալ լինի դարուց դար, պատասխանեց քահանան:

Քահանան երեխաներին չէր ճանաչում, բայց նրանց հետ խօսեց միայն նրա համար, որ պատասխանէ նրանց հնաւանդ և գեղեցիկ բարեկեղու ձևին: Ժան՝ կիսով չափ ծածկուած՝ նըստել էր մի եղենու մօտ. նա նորից լսեց, որ մի մարդ, մի ծերունի՝ քահանայից առաջ անցնելով ասաց նրան.

— Օրհնեալ լինի Յիսուս-Քրիստոս:

Քանի՜ քանի՜ անգամներ այս ողջոյնը հնչել էր արդեօք անտառի կամարների տակ: Ժան հայեացքը պցեց դէպի առաջ, բայց այնքան խորատուղուած էր մտքերի մէջ, որ միայն սնորոշ ձևեր էր տեսնում, առանց նրանց կապակցելու իր մտածմունքով:

Եւ մի քանի բոլէ մնաց այդ դրութեան մէջ: Յետոյ հազիւ լսելի մի շշուռջ, այնքան թոյլ, որ ոչ մի թռչնի երգ չկայ, որ նրանից աւելի ուժեղ չլինի, բարձրացաւ մշուշի քուլաների վրայ. «Ողջոյն քեզ, Մարիամ, շնորհով լեցուն, ամենաօրհնեա-

լը բոլոր կանանց մէջ»... Մի երկրորդ շշուշ յաջորդեց առաջինին և ամբողջացրեց Ողջոյնը. «Սուրբ Մարիամ, Աստուածամայր, բարեխօսիր մեզ համար...» Եւ ակամայ յուզուած, մի խորհրդաւոր ստուգութիւն յաջորդեց այդ ողջոյնին, երբ տեսաւ երկու կանանց բարձրանալը

Նրանք երկուսն էլ բարձրահասակ էին: Աւելի տարիքաւորը ալշէյմցի մի պառուած աղջիկ էրի, որ զէմբը մառախուղի գոյնն ունէր, և որ նա ապրում էր, մի փոքրիկ եկամուտով՝ եկեղեցու հովանու տակ, որ նա զարգարում էր տօն օրերին: Նա յոգնած տեսք ունէր, բայց ժպտում էր աղօթելով և համարիչ քաշելով: Երիտասարդ ընկերուհին քայլում էր աջակողմից, դառնվայրի ստորոտը գտնուող արահետի եզերքից հպարտ գլուխը փոքրը ինչշոճու բարձր բռնած. նրա մազերը դժգոյն խարտուաշ էին, զեղեցիկ կեղևի նման. ամբողջ մարմինը բարեձև էր և կայտառ:

Ժան անշարժ մնաց, բայց երկու կանանցից երիտասարդը տեսաւ նրան և գլուխը շուռ տուեց: Օդիլ ժպտաց և առանց աղօթքն ընդմիջելու, աչքերով լեռան գագաթը ցոյց տալով, պատասխանեց.

— Ձեզ կը սպասեմ այնտեղ:

Երկու կիները, չղանդաղեցրին իրանց քայլերը: Ուղիղ, համաչափ քայլափոխելով, իրանց մարմնի թևթև շարժումով իրանց ձեռքի համարիչը ձօճելով, բարձրացան և հինաւուրց անտառը նրանց հիւրընկալեց իր շուռքի տակ: Ժան մի քանի ըրովէ ևս սպասեց և յետոյ յառաջացաւ նոյն ճանապարհով: Ծանապարհի դարձուածքին, այնտեղ ուր նա ուղիղ դիրք ստանալով կտրում անցնում է սարի գագաթը և յանգում վանքին, Ժան կրկին տեսաւ երկու ճանապարհորդուհիներին: Գոհ, որ հասնում էին, նրանք գնում էին աւելի արագ, հովանոցները բացած, որովհետև մշուշը, որ չէր փարատուած, այժմ տաքացել էր, և ծառերի ստորոտներում շուքի ուրուագիծեր կային: Արևը պէտք է խոնարհուէր զէպի Վոժերի գագաթները և զէպի Փրանսայի հովիտները, որոնք տարածւում էին Վոժերի միւս կողմը:

Ուխտաւորները Սէնտ-Օդիլի նշխարատուփի առաջ իրանց ուխտը կատարել էին արդէն և շտապում էին այցելել այն վայրերը, որոնք նուիրագործուել էին կրօնական կամ աշխարհական աւանդութեամբ. Սէնտ-Օդիլի աղբիւրը, սուրբ Յովհաննէսի աղբիւրը, կամ այն երկար շրջափակը, որից մի շատ նեղլիկ արահետով բարձրանում էին մինչև Մէնհէլշտէյնի ժայռերը, որ տեղից տեսարանը առհասարակ չափազանց զեղեցիկ է զէպի հարևան լեռները, Բլոսսի և Էլսրերգի սարերը, կիսաւեր դը-

ղեակները, որոնք իրանց հին աշտարակները ցցում էին կաղին-
ներ շարքում, ինչպէս Անդլաու, Շրէսբուրգ, Լանդսբերգ և ուրիշ
ներ: Ժան տեսաւ, որ երկու ճանապարհորդ կանայք անցան բակից
և ուղղուեցին դէպի մատուռը: Այն ժամանակ ետ դարձաւ, ե-
կաւ մինչև քամուց մաքրուած ծառուղու սկիզբը, այն մեծ կա-
մարակալ շինութեան մօտ, որ նմանում էր ամրոցի: Տասը
բոլէ յետոյ, Օդիլ մենակ դուրս էր գալիս մատուռից և գու-
շակելով որ ժան Օքերլէ կարող էր նրան սպասել այլտեղ, քան
այդ բազմամբոյս բակում, վերցրեց անտառի ճանապարհը: Նա հագ-
նուել էր այնպէս, ինչպէս Աւագ հինգշաբթի օրը, կրում էր
միևնոյն մուգ գոյն շրջագգեստը, բայց դրել էր դրօսանքի մի շատ
պարզ և բոլորովին նոր գլխարկ, որը նրան սքանչելիօրէն սա-
ղում էր. դա յարդեայ լայնեզր մի գլխարկ էր, մի կողմից
վեր բարձրացած և զարդարուած շղարշեայ հանգոյցով:

Թեև վրայ կրում էր հովանոցը և ամառնային վերարկուն:
Օդիլ քայլում էր արագ, գլուխը մի քիչ խոնարհած, ինչպէս
այն մարդիկ, որոնց ճանապարհը չի հետաքրքրում և որոնց
հոգին դեռ ևս աղօթքի կամ մտածմունքի մէջ է: Երբ հասաւ,
ժանի մօտ, որը կանգնել էր դարպասի աջակողմը, գլուխը
բարձրացրեց և առանց կանգնելու ասաց:

—Այն կլնը, որ ինձ հետ եկել էր, հանգստանում է: Ահա
ևս եկայ...

—Ահ որքան բարի էք, որ հաւատ ունեցաք, դէպի ինձ ա-
սաց ժան: Եկէք, Օդիլ:

Ժան սկսեց քայլել, նրա կողքից այն ծառուղիով, ուր
բարձրանում էին նիհար, ձմեռուայ փոթորիկներից ծածուկած
ծառեր: Նա այնքան յուզուած էր իր հրազը իրագործուած
տեսնելով, որ խորհում էր միայն մի բանի մասին. յայտնել
երախտագիտութիւն Օդիլի, որ լուռ ու մունջ քայլում էր նոյն-
քան յուզուած, որքան ժանը:

Այնտեղ, ուր ճանապարհը սկսում էր իջնել, միմեանցից
քիչ հեռացան, մտան հսկայ ու խիտ կաղնիներով անտառի մէջ,
և վերցրին այն շաւիղը, որ սլտուում էր մենաստանի շուրջը:

Այլ ևս ոչ մի վկայ չկար, և ժան նկատեց, որ Օդիլի
ցորենագոյն աչքերը, խորունկ և լուրջ աչքերը, բարձրանում
էին դէպի նա: Անտառում տերևների վրայից ընկնող մառա-
խուղի շիթերի հանած աղմուկից բացի ոչ մի աղմուկ չկար:

Նրանք բոլորովին մօտեցել էին իրար:

—Ես ձեզ խնդրեցի գալ, ասաց ժան, որպէզի գուր ինք-
ներդ վճռէիք իմ գոյութեան հարցը: Դուք իմ առաջին երիտա-

սարդութեան բարեկամութիւն էիք... Ես կուղէի որ լինէիք իմ մշտական բարեկամութիւն:

Օգիլ, այժմ հայհաղըք ընկղմած հեռաւոր տարածութեան մէջ, դողդոջուն պատասխանից.

—Մտածել էք...

—Ամեն բանի մասին:

—Նոյնիսկ այն բանի որը կարող է մեզ բաժանել:

—Ի՞նչ էք ուզում ասել դրանով: Ի՞նչից էք վախենում:

Գուցէ վախենում էք մտնել մի անմիաբան ընտանիք:

—Ո՛չ:

—Դուք միաբանութեան տարրը կը լինէիք, արդարեւ. ես դրան հաւատացած եմ: Դուք կը լինէիք նրա ուրախութիւնն և խաղաղութիւնը: Ուրեմն ի՞նչից էք վախենում: Կարծում էք որ ձեր հայրը կամ իմը կը հակառակէն, որովհետեւ թշնամիներ են:

—Դրան կարելի էր յաղթել, ասաց երիտասարդը աղջիկը:

Ուրեմն նրա համար, որ ձեր մայրը ինձ ատճում է, վրայ բերեց ժան թափով: Նա ինձ ատում է այնպէս չէ: Անցեալ օրը սրբան կոշտ վարուեց նա ինձ հետ, սրբան թշնամաբար...

Խարտեաշ գլուխը ժխտումի մի նշան արեց:

—Նա աւելի դժուարութեամբ հաւատ կը ընծայէ ձեզ, քան հայրս, աւելի դժուար քան ես: Բայց եթէ նա մի անգամ տեսնէ, որ ձեր դատարարակութիւնը չէ այլանդակել ձեր մէջ ալ՝ զատեցու հոգին, նա կը փոխի իր կանխակալ կարծիքները:

Մի բոպէ լուծիւնից յետոյ, Օգիլ աւելացրեց.

—Ձեռն կարծում, որ սխալուած լինեմ: Այսօրոքայ արգելքները կարելի է հեռացնել, ձեր, իմ, և կամ մեր երկուսի միջոցով: Ես երկիւղ եմ կրում միայն անծանօթից, այն փոքրիկ դիպուածից, որ կարող էր զալ վաղը և աւելի ծանրացնել այն դրութիւնը, որը այնքան խառն, այնքան շփոթ է այսօր արդէն:

—Հասկանում եմ, պատասխանեց ժան, դուք երկիւղ էք կրում իմ հօր փառասիրութիւնից:

—Գուցէ:

—Նրա այդ փառասիրութիւնը մեզ շատ է տանջել արդէն: Բայց վերջապէս նա իմ հայրն է. ուզում է ինձ պահել Ալէքսի, այդ նա ինձ ասում է ամեն օր. երբ նա իմանայ, որ ես ձեզ եմ ընտրել, Օգիլ, և եթէ մեր ամուսնութիւնը քանդող անձնական ծրագիրներ անգամ ունի, նա գոնէ յանձն կ'առնէ նրանց յետաձգել... այս մասին չարժէ երկիւղ կրել: Մենք կը յաղթենք:

—Մենք կը յաղթենք, կրկնեց Օգիլ:

— Ես դրան հաւատացած եմ, Օդիլ: Դուք կը բաղցրացնէր իմ կեանքը, որ դժուար, գուցէ և անկարելի դառնար նոյնիսկ, եթէ դուք ինձ հետ չլինէիր: Ես ձեզ համար միայն վերադարձայ հայրենիք... Եթէ ձեզ ասէի, որ շատ տեղեր եմ եղել, բայց չեմ գտել մի կին, որը ինձ համար ունենար այն հմայքը, որ դուք ունիր, իմ վրայ գործէր... Եւ, ինչպէս ասել, լեռան մաքուր ու խոր ակի այն տպաւորութիւնը, որ դուք գործում էք...

Ամեն անգամ, երբ մտքովս էր անցնում ապագայ ամուսնութեան դադափարը, իսկոյն ձեր դէմքն էր, որ պատկերանում էր իմ առաջ: Ես ձեզ սիրում եմ Օդիլ:

Նա բռնեց Օդիլի ձեռքը. Օդիլ աչքերը յառած գիմացը, դէպի անտառի այն պատուռածքը, որից լոյսը մաղուում էր, պատասխանեց.

— Աստուած վկայ է, որ ես էլ ձեզ եմ սիրում:

Եւ ուրախութիւնից սարսռաց. ժան զգաց այդ նրա ձեռքի դողդողալուց:

— Այո, ասաց ժան, հայեացքը ուղղելով Օդիլի հայեացքին, որ սեւեւել էր դէպի հեռուն. մենք յաղթող դուրս կը գանք ամեն բանից: Մենք կը յաղթենք այն բազմաթիւ արդեւորները, որ ծնունդ են առել նոյն սոսկալի հարցից. միայն նա է կանգնել մեր երկուսի մէջ...

— Անկասկած. միայն նա գոյութիւն ունի աշխարհի այս անկիւնում:

— Նա թունաւորում է ամեն ինչ:

Օդիլ դադար արաւ և ժանի կողմը դարձրեց իր դէմքը՝ դողդոջուն՝ այն գեղեցիկ, հպարտ սիրով, որը ժան ցանկանում էր ճանաչել և ներշնչել:

— Ասացէք, ընդհակառակը, որ նա մեծացնում է ամեն ինչ: Մեր կռիւները, այստեղ, գիւղական չնչին կռիւներ չեն: Մենք ի նպաստ կամ հակառակ ենք մի հայրենիքի: Մենք պարտաւոր ենք ամեն օր արիութիւն ցոյց տալ, ամեն օր մեզ համար թշնամիներ ստեղծել, ամեն օր խղել մեր յարաբերութիւնները մեր հին բարեկամների հետ, որոնք յօժարութեամբ մեզ հաւատարիմ կը լինէին, բայց Ալգասում չեն կարողանում լինել այլևս: Այստեղ մեր կեանքի ամենահասարակ գործողութիւններն անգամ նշանակալից են, հաստատում են մի միտք, մի որոշ դադափար: Հաւատացնում եմ ձեզ, ժան, որ այս բոլորը ենթադրում են մի աղնութիւն:

— Իրաւունք ունես, իմ պաշտելի Օդիլ:

Երկուսը միասին կանգ առան վայելելու համար այս բաղցր բառը:

Նրանց հոգիները ցոլանում էին ամբողջապես նրանց աչքերի մէջ և զողզողուն նայում էին միմեանց: Եւ ցածր ձայնով, թէպէտեւ ոչ մի ուրիշ վկայ չկար, բայց միայն քամուց շարժուող կաղնիների կատարները, նրանք խօսեցին ապագայի մասին, ինչպէս մի արդէն սկսուած յաղթանակի մասին:

— Լիւսիէնը կարող է իմ կողմը լինել, ասում էր Ժան: Ես նրան կը հաղորդեմ իմ գաղտնիքը, երբ յարմար առիթը ներկայանայ: Նա ինձ կը պաշտպանէ և՛ շահից, և՛ սիրոց դըռուած, և ես կատարելապէս վստահ եմ նրա մասին:

— Իսկ ես վստահ եմ իմ հօր մասին, պատասխանում էր Օդիլ, որովհետեւ նա լաւ տրամադրուած է արդէն դէպի ձեզ... Բայց զրուշացէք, որ նրան զայրացնելու ընաւորութիւն ունեցող որևէ անխոհեմութիւն չգործէք... Մի աշխատէք ինձ տեսնել Ալշէյմում, մի արագացնէք ժամը...

— Զմայելի ժամը, ուր ձեզ պիտի խոստանան ինձ:

Առաջին անգամ միմեանց ժպտացին:

— Ձեզ սիրում եմ այնքան խորապէս, շարունակեց Ժան, որ չեմ ուզում ձեզանից խնդրել այն համբոյրը, որ անկասկած ինձ պիտի շնորհէիք... Այդ համբոյրին իրաւունք չունեմ ես. մենք բոլորովի կախուած չենք մեզանից, Օդիլ... Եւ յետոյ ինձ հաճոյք է պատճառում ցոյց տալ ձեզ, որ դուք կատարելապէս նուիրական էք ինձ համար... զոնէ ասացէք որ ինձ, հետ պիտի տանեմ ձեր հոգուց մի պատառ, այնպէս չէ:

Օդիլի շրթունքները մրմնջացին. «Այո» եւ համարեա անմիջապէս.

— Լսում եք հեռուն: Զատկական առաջին զանգահարութիւնն է:

Միասին կուցան դէպի այն կողմը, որտեղից թաւուտը ցածր էր իջնում:

— Ո՛չ, քամին է շարժում ծառերը:

— Եկէք, ասաց Օդիլ: Զանգակները իսկոյն կը հնչեն... Եւ եթէ ես այս բոսէիս այնտեղ, սարի կատարը չլինեմ զանգերի հնչած ժամանակ, իմ ընկերակից պառաւ Ռոզան կը պատմի...

Համարեա անխօս, քաշ տուեց նրան մինչև ժայռի ստորոտը: Այդտեղ միմեանցից բաժանուեցին, որպէսզի տարրեր ճանապարհներով բարձրանան դէպի մենաստան:

— Ձեզ կը գտնեմ դերրատուի, վրայասաց երիտասարդ աղջիկը:

Զորախների խորքում օրը կապտին էր տալիս: Այս այն ժամն

էր, երբ գիշերուայ գալուստը շատ երկար չի տևում, երբ երազող մտքի մէջ ծագում է յաջորդ օրը:

Մի բանի ընդհանուր ժանր անցաւ բակից, վախճանային անհանգիստ և բացաւ այն դուռը, որ հանում է սուր անկիւն կազմող մի պարտէզ, շինութիւնների արեւելակողմում: Այդտեղ է, որ հաւաքւում են Մէնտ-Օգիլի բոլոր ուխտաւորները, դիտելու համար Ալզասը, երբ օդը պարզ է: Մի ցածր պատ երկարում է մինչև կատարը այն հսկայ ժայռու ըլլի, որը սասանդակաձև ձգւում է անտառի վերև: Նա տիրապետում է ամեն կողմից զառիվայրերը ծածկող կաղնիների վրայ: Նրա ամենաբարձր ծայրից, ինչպէս մի փարոսի կանթից, նշմարւում է աջակողմում լեռների մի ահագին զանգուած և Ալզասի դաշտը աջից և ձախից: Նոյն ընդհանուր մաստիստը երկու մասերի էր բաժանուած, որովհետև արեգակը ընկել էր Վոփերի կատարից ցած: Այն բոլոր ամպերը, որոնք Վոփերի կատարների ծիւռն գծից վեր չէին բարձրանում, ալօտ էին և մոխրագոյն, և անմիջապէս նրանց վերև արեգակի համարեա հորիզոնական շառաւիղներ թափանցելով և երկնքի սահմանները մաստիստը դաշտանկարի երկրորդ մասին ընծայում էին թեթևութեան, լուսաւոր փրփուրի տեսել: Եւ արդէն այդ բաժանումն իսկ ցոյց էր տալիս այն արագութիւնը, որով բարձրանում էր ամպը Ալզասի հովտից դէպի խուսափուկ արեգակը: Ամպի խառնիխուռն քուլաները մտնում էին շողշողուն տարածութեան մէջ, ծիրան երփում էին և այդպէս ցոյց էին տալիս նրանց անդադար փոփոխող ձևերը, ինչպէս և այն ուժը, որ ձգում էր նրանց, որպէս թէ լոյսը հրաւիրելիս լինէր ամպի սիւները դէպի երկնքի բարձունքները:

Այնտեղ ապաստանաւորանում, որ յատկացրած էր ուխտաւորներին և հետաքրքիրներին, դրան առաջ կանգնել էր մի ծերունի, Ստրազբուրգի հիւսիսային մասի ծերունի ալզասցիների տարազով հագնուած: Նրա մօտ էր այն մոխրագոյն, դանդուր մազերով քահանան, որ Մէնտ-Օգիլի զառիվայրի վրայ ողջունել էին երեսմաները առաւօտեան: Նրկու քայլ աւելի հեռու գտնուում էր վիսսեմբուրգցի շինական ընտանիքի այր ու կին զոյգը, և, ամենասուր մասում, պատի վրայ, միմեանց կողքին սեղմուած նստել էին երկու ուսանողներ, որոնք կարծես թէ երկու եղբայրներ էին, մէկը խարտեաշ, մէջտեղից բաժանուած գեղաբոյս մօլուքով, միւսը շագանակագոյն նոյնատեսակ մօլուքով: Իրանց բոլորն էլ ալզասցիներ էին: Իրար հետ փոխանակում էին երբեմն հասարակ խօսքեր, ինչպէս անծանօթներ: Երբ ժան Օրերլէի գալը տեսան, մեծ մասը երես

դարձրին, և յանկարծ այդ անձանքները միմեանց աւելի կապուած զգացին ցեղային կապով, որը ամբապնդուած էր բոլորի անխտանութեան պատճառով դեպի նոր եկողը:

— Դա գերմանացի է, ասաց մէկը:

Այն ծերունին, որ քահանայի մօտ կանգնել էր, մի հայեացք զցեց պարտէզի կողմը և պատասխանեց.

— Ո՛հ, բեխերի ձեռքերս փակեալն է և կերպարանքը մեր երկրացի:

— Ես տեսայ, որ նա ման էր գալիս Խլէյմցի օրիորդ Օզիլ Բաստիանի հետ, ասաց երիտասարդ կինը:

Յուսմբը, վստահացած՝ աւելի վստահ դարձաւ, երբ ժանքահանային բարեկեց ալգասական բարբառով և հարցրեց.

— Ո՞հ, միթէ Ալգասի զանգակների հնչումը ուշ է մնացել:

Բոլորը ժպտացին, ոչ թէ ժանի խօսքերի վրայ, այլ ուրովհետեւ զգուշ էին, որ իրանք իրանց մէջ են, իրանց երկրում, առանց նեղացուցիչ օտարականների, օտարացեղ վկաների: Եկաւ և՛ Օզիլը, և, առաջին խմբի աջակողմում, յենուեց պատին: Ժան խմբի միւս կողմում յենուել էր նոյնպէս պատին: Նրանք երկուսն էլ տառապում էին, որ միմեանց այնքան կաթոգին սիրելով հանդերձ, իրանց սէրը միմեանց խոտուովանելով հանդերձ ստիպուած էին ուրիշների առաջ իրանց զգացումները թաքցնել:

Ձանդահարութիւնը ուշ չէր մնացել: Բարձրացող մառախուղի մէջ զանգակների ղողանջը հնչում էր խուլ և անընդհատ: Նրանք՝ այդ ղողանջները՝ յանկարծ դուրս ժայթեցին ամպից. ասես ժառանգուղի իւրաքանչիւր պալան՝ ընդհարուելով պատին, որպէս պղպշակ պայթելիս լինէր և նուիրական լեռան կատարի վրայ հեղուր զանգակների ներդաշնակութիւնը: «Ձատիկ, Ձատիկ: Քրիստոս յարեան: Նա փոխեց աշխարհը և ազատեց մարդկանց: Բացուել են երկնքի դռները:» Ալգասի զանգակները այդ էին երգում: Ղողանջները գալիս էին լեռան, սառորտից և կարծես հեռուներից, շատ հեռուներից. ղողանջ՝ փոքր զանգակների, ղողանջ՝ մայր եկեղեցու հսկայ զանգակների, ղողանջներ, որ չէին ընդհատուած երբէք, և մի զանգակից միւսը ձգուած էին որոտագին. ղողանջներ՝ որ սահում էին, թեթեւ, ընդհատ և նուրբ լինչպէս կկոցը գործուածքի միջից. հրաշալի խմբերդներ, որոնց երգիչները միմեանց չէին տեսնում բնաւ. մի ամբողջ ջերմեռանդ ժողովուրդը ցնծութեան ճիչեր, յաւիտենական գարնան օրհներգութիւններ, որ դուրս էին թռչում մառախլապատ հովտի խորքից և բարձրանում էին Սէնտ-Օզիլի կատարի հովիտներ, 1905.

վրայ միասին պայթելու համար: Այդ համերգի մեծութիւնը, վսեմութիւնը լսեցրել, մտախոհ էր դարձրել այն մի քանի մարդկանց, որ հաւաքուել էին այդտեղ: Օդը աղօթում էր: Հոգիները խորհում էին յարութիւն առնող Քրիստոսի մասին: Շատերը մտածում էին Ալզասի մասին:

—Կապոյտ է երևում, ասաց մի ձայն:

—Երկնքում կապոյտ է երևում, կրկնեց կանացի մի ձայն, որպէս երազանքի մէջ:

Հովտից բարձրացող ղողանջների մոնչիւնի մէջ հազիւ լսուեց նրա ձայնը: Այնուամենայնիւ ըտլոր աչքերը բարձրացան դէպի երկինք: Տեսան որ երկնքում, արևի վրայ արշաւող մառախուղի զանգուածների մէջ, կապոյտ անդունդներ էին փորւում և լցւում սարսափելի արագութեամբ: Եւ երբ նրանք դարձեալ դէպի վար նայեցին, տեսան, որ ամպը պատառ պատառ էր լինում և զառիվայրերի վրայ: Օդը պարզւում էր: Անտառի մասերը հետզհետէ սկսեցին գուրս գալ շարժուն մառախուղի պատուումքներից, յետոյ և ժայռերը:

Մէկ էլ յանկարծ մառախուղի վերջին պլանները նօսր, գալարուած, ողորմելի, մրրկած և բարձրացան: Եւ Ալզասի հոգիտը երեսց կապոյտ և ոսկեղօծ:

Դիտողներից մէկը բացաբանչեց.

—Ա՛հ, որքան գեղեցիկ է,

Իսկուրը՝ դէպի առաջ, դէպի լեռան բացուածքը կոացան դիտելու համար հովիտը, որ ձգւում էր անհունօրէն: Ալզասական այս ըտլոր հոգիները յուզուեցին: Իրանց հայրենիքի երեք հարիւր դիւզերը ներքուստ էին, գեղնած հասկերի կանաչութեան մէջ ցրիւ եկած: Ննջում էին նրանք զանգակների օրօրի տակ: Նրանցից իւրաքանչիւրը մի վարդագոյն կէտ էր: Դիտը, որ երկարւում էր մինչև հորիզօնը, իր գորշ արծաթեայ գիծն էր դնում նրանց մէջ: Եւ աւելի հեռուն, դաշտեր ու գաշտեր, որոնք զարթնում էին և որոնց գծագրութիւնը արագ կորչում էր Հոհենոսի վերև գեռես առկախ մառախուղների մէջ: Մօտիկ կաղնեպատ զառիվայրերի գծով տեսնւում էին, ընդհակառակը Սէնտ-Օզիլի անտառի ամենափոքր մանրամասնութիւնները: Նա դէպի հովիտը երկարւում էր լաղմաթիւ մուգ-կանաչ գլուխներ և նրանց մէջ ընտրում էր առաջին մարգագետինների դժգոյն գալարիքը: Այդ ըտլորը լուսաւորուած էր միայն դեռևս ճաճանչներով լիքը երկնքի ցոլքով: Լուսաւոր ոչ մի մաս չէր ձգւում նայուածքը: Դաշտերի երանգները ձուլւում էին մի ընդհանուր ներդաշնակութեան մէջ, ինչպէս զանգակների ղողանջ-

ներք: Պահանայի մօտ կանգնած ծերունի ալգասեցին, լազուկ-ներն երկարելով ասաց.

—Մայր-եկեղեցու զանգակների ձայն եմ լսում:

Տափարակ հողերի հեռաւորութեան մէջ ցոյց էր տալիս Ստրազբուրգի հուշակաւոր նետը, որ հազիւ եղունգի չափ բարձր մեղեսիկի (améthyste) տեսքն ունէր: Այժմ երբ տեսնում էին վարդագոյն գիւղերը, կարծում էին, որ ճանաչում էին նրանց զանգակների զոդանջը:

—Ես, ասաց մի ձայն, ճանաչում եմ Մարմուտիէ վանքի զանգակների թնդիւնը:

—Ես, յարեց մի ուրիշը, Օրերնէի զանգակի ձայնը:

—Ես Հէյլիգէնշտայնինը:

Վիսսամբուրգի շրջակայքից եկող գիւղացին նոյնպէս ասաց.

—Մենք շատ հեռու ենք գտնուում, և հազիւ թէ կարողանանք լսել Հագընօյի Սէն Ժորժ մենաստանի զանգակատան ձայնը: Բայց լսէք... այ... այժմ հնչում է:

Ծերունի ալգասեցին հանդիսաւոր՝ կրկնեց.

—Ես լսում եմ Մայր-եկեղեցու զանգակները:

Բայց աւելացրեց.

—Տեսէք, դարձեալ տեսէք երկինքը:

Այն ժամանակ բոլորը միասին տեսան, որ ամպը բարձրացել էր շատ վեր, մինչև երկնքի այն մասերը, որ լուսաւորուած էին դեռևս արեգակի ճառագայթներով: Ամպը լեռան լանջերի վրայ առանց որոշ ձևի, տարածուել էր երկնքում, կողմնակի կերպով և Վոժերի և հովտի վերև ողողած թրաշուշանի փունջերի մի խուրձ էր կազմում: Նրանց մէջ կային, որ արևնի պէս կարծիր էին, ոմանք՝ աւելի դժգոյն, և ուրիշները՝ հալած ոսկու նման: Եւ բոլոր հանդիսատեսները՝ հայեացքով հետեւելով ճաճանչափեղ երկար գծին, նկատեցին որ նա լուսաւորում էր իր ցոլացումով երկիրը, և որ գլխաւոր քաղաքի հեռաւոր տներն և Մայր-եկեղեցու նետը, խտացող մթութեան միջից շիկագոյն պսպղում էին:

—Սա նմանում է այն տեսարանին, որ ես իմ առաջ ունէի, այս միևնոյն տեղից, 1870թ. օգոստոս 23-ի երեկոյեան...

Նոյնիսկ երիտասարդները, շատ անգամ լսել էին նոյն թուականի բաղմիցս արտասանուելը: Հայեացքները աւելի գորովագին սեւեռեցին փոքրիկ նետի վրայ, որից ցոլում էր դեռևս մի կաթիլ լոյս, և հասնում էր երզող զանգակների ձայնը:

Ես այստեղ էի գտնուում, ներքևի գիւղերի կանանց և աղջիկների հետ որոնք բաձրացել էին լեռը, որովհետև թնդանօթները որոտը կրկնապատկուում էր: Մենք լսում էինք թնդանօթը,

ինչպէս այժմ զանգակները: Ռումբերը՝ հրթիռները նման պայթում էին: Այգտեղ, ուր դուք կանգնել էք, մեր կանայք լաց էին լինում: Այդ գիշերն էր որ այրուեց մեր գրադարանը, Տամպլ-նեօֆը (նոր-տաճարը) և նկարչական թանգարանը, և դը Բրոգլիների տասը տները: Այն ժամանակ բարձրացաւ դեղին ու կարմիր ծուխ, և ամպերը նմանուեցին մեր այժմեան տեսած ամպերին: Ստրազբուրգն այրւում էր: Նրա վրայ արձակել էին հարիւր իննսուն և երեք սոււմբ:

Ուսանողներից երիտասարդը բռնուցքը սեղմեց:

—Կորչի, մալտաց միւսը:

Գիւղացին վերցրեց գրակը. դրեց թևի տակ, և մնաց անխօս:

Հնչող զանգակների թիւը նուազել էր: Ո՛չ Օրերնէի, ո՛չ Սէն-Նաբորի և ո՛չ էլ իրանց ճանաչել կարծած ուրիշ զանգակների ձայն էր լսում: Լոյսերը հետզհետէ մարւում էին: Գիշերը մօտենում էր:

Ժան տեսաւ, որ իր մօտ կանգնած երկու կանայք լաց էին լինում և միւս բոլոր ներկայ եղողները լուռ էին:

—Պարոն արբան, ասաց, քանի զանգակները երգում են Յարութիւնը, աղօթեցէք Ալզասի համար:

—Շատ լաւ, իմ փոքրիկ, ասաց արբայի հարեան գիւղացին. շատ լաւ, դու մեր երկրից ես:

Նոյն բոպէին քահանայի ծանր ու յոգնած գէմքը շողշողաց: Նրա ձայնի դողդոջումի մէջ ինչ որ խորտակուած բան կար, մի շատ հին ցաւ, դեռ ևս թարմ, խօսեց նրա շրթունքներով, և մինչդեռ բոլորը նրա նման նայում էին գէպի Ստրազբուրգ քաղաքը որ անյայտանում էր գիշերուայ մէջ—ասաց.

—Տէր, ահա մենք տեսնում ենք ձեր Սէնտ-Օգիլից, համարեա ամբողջ պաշտելի երկիրը, մեր քաղաքները, գիւղերը, դաշտերը: Բայց դա բոլորը չէ. լեռների միւս կողմում գտնուող երկիրն էլ մերն էր: Դու թոյլ սուրբ, որ մենք բաժանուենք: Սիրտս պատառ պատառ է լինում այդ բանի մասին մտածելով, որովհետեւ, լեռների միւս կողմում, այն ազգը, որ մենք սիրում ենք, դու էլ ես սիրում դեռ ևս: Քրիստոնեայ ազգերից ամենահինն է նա, ամենից մօտը աստուածային գթութեան: Նա իր երկնքում աւելի շատ հրեշտակներ ունի, որովհետեւ աւելի շատ եկեղեցիներ և մատուռներ. պաշտպանութեան կարօտ աւելի շատ նուիրական գերեզմաններ ունի և աւելի շատ սրբազան փոշի է խառնուած նրա հողերին, խոտերին ու ջրերին: Տէր, մենք տառապեցինք մեր մարմիններում, մեր ինչքերում: Մենք տառապում ենք դեռ ևս մեր յիշողութիւնների

մէջ: Այնուամենայնիւ այդ յիշողութիւնները երկարատեւ դարձրուեալ, և թո՛ղ Ֆրանսիական նոյնպէս չմոռանայ: Դարձրու. նրան ամենից արժանին առաջնորդելու համար ազգերը: Դարձրու. նրան կորած բոյրը, որը կարող է վերագառնալ նրան այնպէս...

—Ամէն:

—Ինչպէս Զատկական զանգակները:

—Ամէն, մըմնջեցին տղամարդու երկու ձայներ: Ամէն, ամէն:

Միւս ներկայ կողմերը լճու լաց էին լինում: Լսում էր միայն մի զանգակի բարակ ձայնը անդունդից բարձրացող ցուրտ օդի մէջ: Զանգահարողները պէտք է որ զանգակատնիքից իջած լինէին, որոնք մթամած հովտում աներևոյթ էին եղել:

Աստղերը բացում էին գիշերուայ խորութիւնների մէջ, ինչպէս դարնան առաջին ծաղիկները, այդ իսկ ժամում, կադսինների տակ:

Շուտով տէրրասի վրայ միայն երեք հոգի մնացին: Միւսները մեկնել էին, երբ նրանց ալզասական հոգիների դադունիքը պարզուեւէ էր:

Ծերունի քահանան, տեսնելով իր առաջ իրար կողքի նստած երկու երիտասարդներին, և Օգիլի գլուխը՝ ժանի ուսին համարեալ յենուած, հարցրեց.

—Նշանածնէ՞ր էք:

—Աւա՛ղ, պատառխանեց ժան, մաղթեցէք, որ դա իրականանայ:

—Մաղթում եմ: Լաւ էր, ինչ ասացիք քիչ առաջ: Թող Տէրը ձեզ բաղդաւորացնէ: Մաղթում եմ, ձեզ երիտասարդներիդ, որ տեսնէք Ալզասը ֆրանսիական դարձած:

Հեռացաւ:

—Մնա՛ք բարով, ասաց Օգիլ շտապագին, մնա՛ք բարով, ժան:

Մեկնեց ձեռքը և հեռացաւ առանց ետ դարձնելու գլուխը: ժան տէրրասի պատի մօտ կանգնած մնաց:

Գիշերային թռչուններից՝ բուն, չղջիկ և այլն, միախառնելով իրանց վայունջը՝ ծառից ծառ իջնում էին: Ամբողջ մի քառորդ ժամ նրանց կանչը տարածուեց լեռան լանջերի վրայ: Յետոյ տիրեց խորը լուռութիւն: Վերջապէս բարձրացաւ խաղաղութիւնը, քնող անտառների բուրմունքների հետ:

VIII

Կարողիսի մօտ

Յիւրիս փողոցի բերանում, վաղեմի Ստրազբուրգի մնացորդներից մէկի՝ Բատըլիէ կոչուող քարափի վրայ նայող մի նեղլիկ տուն կայ, հարեան տներից շատ աւելի ցածր, չինական մեհեմանների մնացորդների կտուրով ծածկուած: Երբեմն նկարում, մայց այժմ սպիտակ ծեփուած տան ճակատի վրայ կարդացուած է հետեւեալ արձանագրութիւնը. «Ժան, մականունեալն Կարոլիս, Weinstube»: Այս գինեւանք, որը իր արտաքին տեսքով անցորդի հետաքրքրութիւնը չէ շարժում բնաւ, մի սովորական տեղ չէ սակայն, ոչ էլ մի հասարակ գինեւան: Դա մի պատմական վայր է: Յիւրիսի բնակիչները՝ և կամ դոնէ նրանց լաւագոյն հրացանաձիգները 1576-ին այդ տեղ իջևանեցին մասնակցելու համար նշանառութեան այն մեծ մրցութեան, որին Ստրազբուրգը հրաւիրել էր Կայսրութիւնը և Դաշնակից-Պետութիւնները: Յիւրիսցիները բերել էին իրանց հետ մի պտուկ խաշած կորեկ: Եւ, հազիւ նաւից դուրս էին եկել, որ նկատել տուին Ստրազբուրգցիներին թէ խաշած կորեկը դեռևս տաք էր: «Դրացիներ, տեսնում էք, հեշտութեամբ մենք կարող են ձեզ օգնութեան հասնել, ասացին նրանք. Հոհնտսից և Իլլից՝ մեր քաղաքների միջև գտնուող հեռաւորութիւնը կարճ է:» 1576-ին արուած խոստումը 1870-ին բռնուեց, ինչպէս վկայում է այդտեղից շատ մօտիկ, Յիւրիսի աղբիւրի վրայ փորագրուած արձանագրութիւնը: Այն լուպէին, երբ պաշարուած Ստրազբուրգը գտնուում էր ամենատաժանելի դրութեան մէջ, ցիւրիխցիները միջամտեցին և Վէրտեր զօրապետից թոյլտուութիւն ստացան քաղաքից դուրս հանելու կանանց, ծերունիներին և երեխաներին: Մի այլ հոշակ ստացաւ այդ տունը, շնորհիւ այն հարաւացիին, որ 1860-ի մօտերքում այնտեղ հաստատեց Հարաւի գինիների մի վաճառատուն: Ժան մականունեալն Կարոլիս զարմանալի կերպով նմանուում էր Գամբէտտայի: Նա գիտէր այդ բանը և ընթօրինակում էր հեռատրի շարժումները, նրա արդուզարդի ձևերը. նրա մօրուք կտրելու կերպը, և նրա ձայնի շեշտը: Պատերազմից առաջ նրա առևտուրը բաւական ծաղկած դրութեան մէջ էր, բայց կըռուի յաջորդ տարիներում աւելի բարդաւաճեցաւ, և բաւական թուով վերամանացի սպաներ սովորութիւն դարձրին գալ այդ տան մէջ խմել Նարրոննի, Սէտտի և Մոնպէլլիէի սև գինիները:

Ապրիլի վերջերում մի առաւօտ, Ժան Օրերլէ, որ գնում էր անտառների վարչութեան պաշտօնեայի մօտ, որին վաղուց իմեր խոստացել էր այցելել, Բատլիէների քարափով անցնելիս տեսաւ քառասնամեայ, սևեր հագած մի կնոջ, անկասկած ալ-դասուհի, որ սրճարանից դուրս եկաւ, կտրեց անցաւ փողոցից և ներողութիւն խնդրելով:

—Ներեցէք... Եթէ պարոնը բարեհաճէր գալ... Նրա ընկերներից մէկը ուզում է:

—Ո՞վ է ուզում, հարցրեց Ժան ղարմացած:

—Սպան, ամենից երիտասարդը, այնտեղ:

Նա մատով ցոյց էր տալիս այն սարտավօրէն ողևորուած ստուերը, որ իջած վարաքուրի ետևից ներկայացնում էր սրահի ներսը իր յաճախորդների խմբերով:

Ժան մի րոպէ վարանելուց յետոյ հետևեց կնոջ և ղարմացաւ—որովհետև Ստրապրուրգցի չլինելով նա չէր լսել այդ գինետան հռչակն և անտեղեակ էր նրա յաճախորդների մասին—այնտեղ հանդիպելով վեց սպայի, որոնցից երեքը հոս-սարների գնդից էին, կարմիր և կապոյտ քառակուսիներով նաշխուն փողոցներով ծածկուած սեղանների առաջ նստել, բարձրաձայն խօսում էին, ծխում և Կարոլիսի գլխի խմում: Արձակ լոյսից այդ կիսաստուերի մէջ թափանցելով՝ Ժան առաջին հայեացքով նշմարեց, որ սրահը փոքր էր,—միայն չորս սեղան—գերմանական ճաշակի այլաբանական նկարներով՝ օրինակ մի կապիկով, մի կատուով, մի խաղատոմսով, սիգարէտների մի տուփով՝ զարդարուած, բայց մանաւանդ պճնուած մի կիսաբոլորակ հայելիով, որ բռնում էր ձախ պատի մի խորշը, և որի շուրջը կախում էին գինետան հին և նոր հաւատարիմ յաճախորդների շրջանակած լուսանկարները: Ժան փնտռում էր դեռևս թէ ով կարող է նրան կանչած լինել, երբ հեծելաղօրքի մի երիտասարդ սպայ, որի մարմնական զեղեցկութիւնը աչքի խփեց նրա գործած հէնց առաջին պարզ շարժումից, նրբահասակ՝ իր երկնագոյն-կապոյտ թիկնոցի մէջ, որը զարդարուած էր կոճակի ոսկեղօծ օղակներով—վեր կացաւ սրահի խորքում, ձախակողմում: Վեր կացող տեղակալի, (լէյտենանտի) կողքին, և նոյն սեղանի շուրջը նստել էին մի հարիւրապետ, և մի հրամանատար: Երեք սպաներն ևս պէտք է, որ եկած լինէին մի երկար ճանապարհից, որովհետև փոշով ծածկուել էին, բրնձաթաթախ ճակատ, ձգուած դիմագծեր ունէին և նըրանց քունքի երակները ուռել էին: Ամենից երիտասարդը՝ ղաշտային այդ արշաւանքից իր հետ բերել էր մինչև անգամ

սրափուշի (aubépihe) մի ճիւղ, որը սահեցրել էր իր տափակ ուննոցի տակ, սրտի կողմում:

Ալգասեցին ճանաչեց Վիլհելմ ֆոն Ֆարնով տեղակալին, պրուսիացի, իրանից երեք տարով աւելի մեծ, որին տեսել էր իրաւարանութեան տաշին տարուայ ուսանող եղած ժամանակ, Միւնիխում, ուր Ֆարնով բաւարական ուհլանների մի գնդում փոխ-տեղակալ էր: Այնուհետեւ չէր տեսել նրան: Գիտէր միայն որ զօրագնդի կազմնօյում բաւարացի և պրուսիացի սպաների միջև տեղի ունեցած մի կռուից յետոյ, կռուող սպաներից մի քանիսը տեղափոխուել էին և թէ իր նախկին ընկերը տեղափոխուողներից մէկն էր:

Ո՛չ անկարելի էր կասկածել: Վերկացող սպան ինքը Ֆարնովն էր. ձեռք մեկնելու միշտ միեւնոյն վայելուչ և խորխտ ձեն ունէր, նոյն խարտեաշ, անմօրուս, կծկուած, տափակ գէմքը, թանձր շրթներով, փոքր, մի քիչ վեր դարձած ամբարդաւան քթով, և պողպատի գոյն կապոյտ, կարծր-կապոյտ հիւսնալի աչքերով, ուր ցոլանում էին երիտասարդութեան, հրամայող մարդու հպարտութիւնը, սազմիկ և լուրջ տրամադրութիւն: Նրա մարմինն այնպէս էր կազմուած, որ կարող էր ապագայում մի ուժեղ և վիթխարի զրահակիր (cuirassier) դառնալ: Բայց դեռևս շատ նուրբ էր, և այնպէս համաչափ կազմուածք ունէր, այնքան գլուխթեք, այնքան աչքի խփող կերպով ռազմընտել և ներվային, և իր շարժումների մէջ վարժ էր, որ պղքե Ֆարնով գեղեցիկ մարդու համբաւ էր վայելում արդէն, թէպէտև պէտք է ասել, որ գէմքը գեղեցիկ չէր և զրա համար էլ Միւնիխում երբեմն «գեղեցիկ Ֆարնով» էին կոչում և երբեմն էլ «հակակրելի Ֆարնով»: Եթէ ունենար կարմրին տուող շէկ բեխեր, թաւ յօնքեր և կրելիս լինէր իր աչքերի մուգութիւնը շեշտող մի սաղաւարտով նա սարսափելի կը լինէր: Բայց սակաւին հաղիւ քսան տարեկան, նա մի ռազմիկ, բուն բնաւորութեան տէր, իր սեփական նկարագրին յաղթող, վերին աստիճանին կարգապահ ու բաղաքավարի մարդու տպաւորութիւն էր գործում:

Ժան Օրերլէ տեսաւ, որ Ֆարնով վերկենալու ժամանակ խօսեց հրամանատարին, իր անմիջական հարևանին, որը մի հուժկու, հաստատակամ և զանդաղաշարժ զինուորական էր: Նա մի բան էր բացատրում, և միւսը՝ գլխի շարժումով հաւանութիւն էր տալիս, այն բոլորին, երբ տեղակալը ներկայացնում էր.

— Պարոն հրամանատարը ինձ թոյլ կը տայ արդեօք նը-

րան ծանօթացնել իմ ընկերը Փան, Օրերլէն, Ալշէյմի գործա-
րանատիրոջ որդին:

— Խնդրեմ, պարոն... մի խելացի ալկոսեցի... ամեն կողմ
մուտք գործող...

Երկրորդ ծանօթացման ժամանակ, հարիւրապետը—մի
գեռես երիտասարդ մարդ, կարծր դիմագծերով, նուրբ դաս-
տիարակութեամբ և ոչ պակաս հպարտ բնաւորութեամբ—Ալ-
շէյմի գործարանատիրոջ հասցէին ուղղեց այնպէս փաղաքշա-
կան խօսքեր. «Այն, իսկապէս, պ. Օրերլէն յայտնի հռչակ է
վայելուած... շատ լուսաւորուած մտքի տէր մարդ է... ես հաճոյք
եմ ունեցել նրան տեսնելու, նրա հետ խօսելու... չմոռանաք
յիշեցնել պ. Օրերլէն իմ մասին...»

Փան իրան ստորացած դպաց երկու սպանների այդ շողո-
քորթութիւնից: Նա այն տղաւորութիւն էր ունենում, որ ին-
քը բացառիկ ուշադրութեան առարկայ է դարձել, ինքը՝ բուր-
ժուա, ինքը՝ ալկոսեցի, ինքը՝ սրին, յամենայն դէպս, այդ
բարձրաստիճան անձնաւորութիւնները պէտք է նկատէին, իր-
րեւ իրանցից ստորադաս անձ:

«Ինչ որ արել է իմ հայրը, մեծ նշանակութիւն ունի ու-
րեմն, մտածում էր նա, որպէսզի նրան այդ կերպով վարձա-
տրեն... Ո՛չ նրա հարստութիւնը, ոչ նրա տան կենցաղավարա-
կան եղանակը, ոչ նրա խօսակցութիւնը արժանի չեն Ստրադ-
բուրգում չապրող և ոչ մի պարտականութիւն չկատարող մար-
դու հռչակին:»

Հրամանատարը մի շարժումով համարեա անմիջապէս վերջ
դրեց այդ նեղացուցիչ դրութեան, և ազատեց երկու երիտա-
սարդներին, որոնք գնացին, նստան ոլտուհանից ամենից հե-
ռու գանուող սեղանի առաջ, սրահի խորքում:

— Բացարձակապէս պատահածմբ է, որ հանդիպեցիք ինձ
այստեղ, ասաց Ֆարնով մի այնպիսի հեգնութեամբ, ուր զբաց-
ւում էր պրոնսիացի տեղակալի ամբարդաւանութիւնը... իմ զօ-
րադունդի մարդիկը շատ քիչ անգամ են յաճախում այստեղ...

Գլխաւորաբար հետեակ զօրքի սպաներն են գալիս... ես սո-
վորաբար յաճախում եմ Գերմանիա: Բայց մենք, ինչպէս տեսնում
էք վերադառնում ենք մի հետախուզութիւնից, և իմ հրամանա-
տարը շատ էր շոքում... Ինձ կը ներէ՞ք, իմ սիրելի Օրերլէ, որ
ձեր ետեից մարդ ուղարկեցի, ձեզ կանչելու համար...

— Ընդհակառակը դա ցոյց է տալիս ձեր բարեկամու-
թիւնը: Ձեզ համար շատ դժուար էր բաժանուել ձեր պետերից:

— Եւ ես ցանկանում էի մեր ծանօթութեան կապերը նո-
րից ամբապնդել ձեզ հետ... Վաղուց իվեր, Միւնիխից իվեր,

միմեանց չենք տեսել... Հազիւ դիմացի տան անկիւնից անցել էիք, որ ես ասացի սպասուհուն. «Իմ բարեկամներից մէկն անցնում է: Շտապեցէք կանչել պ. Օրերլէին»:

— Իսկապէս շատ ուրախ եմ դրա համար, Ֆարնով:

Խօսակցելով հանդերձ՝ երկու երիտասարդները միմեանց ուսումնասիրում էին հետաքրքրութեամբը երկու անձերի, որոնք աշխատում են լցնելու տարիների անծանօթը. «Ի՞նչ տեսակ կեանք է անցկացրել: Ի՞նչ է մտածում իմ մասին: Որքան վստահութիւն կարող եմ ունենալ»:

— Ինձ թւում է, շարունակեց Ֆարնով, որ նոր էք եկել այս քաղաքը:

— Ուղիւ է, փետրուարի վերջերից եմ եկել:

— Բարձր շրջաններում ինձ հաւատացրին, որ հոկտեմբերի 1-ից սկսելու էք ձեր կամաւոր զինուորութիւնը հուսարների գնդում:

— Ճիշտ է:

— Գիտէքի, Օրերլէ, որ ես պատիւն ունեցայ ձեր հօր հանդիպելու բարձր շրջաններում, անցեալ ձմեռ: Ես խնդրեցի որ ինձ ծանօթացնեն նրա հետ...

— Ներողամիտ եղէք դէպի ինձ, դեռես նոր մարդ, և շատ քիչ ծանօթ...

Խօսակցութիւնները գինետան մէջ, այդ բոլորում այնքան էլ տաք ու ոգևորուած չէին, և ժամն նկատեց, որ զինուորականները իրանց երեսը շուռ էին տալիս դէպի ինքը, որ հրամանատարն և հարիւրապետը զննում էին ապագայ կամաւոր զինուորի ղեկադժութիւնը: Նրանք խմեցին, վերջացրին այն գինին, որ բերել էին նրանց առաջ խօսուած շիշերով՝ ինչպէս Բորդոյի գինին:

— Ես ուրախ կը լինեմ ձեզ աւելի յաճախ տեսնելով, ասաց Ֆարնով ձայնը մեղմացնելով: Յոյս ունեմ որ այսուհետև շատ անգամներ կը պատահենք միմեանց...

— Դուք ծանօթ էք Ալշէյմի հետ:

— Այո, մենք այնտեղով յաճախ ենք անցել, զինտխաղի պատճառով...

Տեղակալը ակնյայտի կերպով աշխատում էր իմանալ, թէ մինչև ո՞ր աստիճան կարող է բաց, համարձակ խօսել: Նա գտնւում էր բռնի իւրացրուած հողի վրայ, ամենօրեայ կեանքի բազմաթիւ միջադէպեր նրան սովորեցրել էին զգոյշ լինել իր խօսքերում: Նա չէր ուզում հին փորձերը կրկնել: Նա պատրաստում էր հողը... Կարո՞ղ էր արդեօք խոստանալ նրան մի այցելութիւն: Չգիտէր դեռ ևս: Եւ այդ անստուգութիւնը, բոլորովին

հակառակ էր կորովի նկարագրին, այդ վիրաւորական նախագահութիւնը իր հպարտութեան համար, զրգում էին նրան բարձր պահել իր գլուխը, կարծես ստիպուած լինէր շուտով ընդունելու կռուի մի հրաւեր: Ժաննմանապէս իրան զգում էր անհանգիստ: Այն հասարակ բանը—ընդունել իր տանը մի վաղեմի ընկերոջ, այժմ նրան թւում էր դժուար լուծելի մի հարց: Անձնապէս նա ընդունելու կողմն էր: Բայց, ոչ տիկին Օրբելէն, և ոչ էլ պապը չէին հանդուրժելու, անշուշտ, մինչև այժմ խստութեամբ պահպանուած ընդհանուր կանոնի դէմ գործուող այդ բացառութեան.—բայ չանել գերմանացիների առաջ, դործի վերաբերեալ հասարակ ու վաղանցիկ յարաբերութիւններից դուրս, բողոքարկու ծերունի պատգամաւորի տան գոները: Նրանք փարնովի այցելութեան հաճութիւն չպիտի տային... Եւ սակայն ժանի համար շատ ծանր էր, Ստրազբուրգում նուազ համբերող ցոյց տալ իրան, քան Միւնխիսում, և ալլապական հողի վրայ հէնց առաջին հանդիպումից վիրաւորել այն երիտասարդ սպային, որ դալիս էր դէպի նրան և մեկնում էր նրան իր ձեռքը: Նա աշխատեց գոնէ իր պատասխանի շեշտի մէջ մի քիչ բարեկամութիւն, սրտաբացութիւն մտցնել:

—Իմ սիրելի փարնով, մեծ հաճութեամբ մի օր քեզ տեսութեան կը գամ:

Գերմանացին հասկացաւ, յօնքերը կիտեց և լուեց: Անկասկած, ուրիշ ալգասցիներ նրանց այդ այցելութիւնն անգամ մերժել էին: Նա Օրբելէի մօտ այդ սխտեմատիկ և կատարեալ հակառակութիւնը չէր գտնում... Նրա բարկութիւնը երկար չտևեց, կամ գոնէ ցոյց չտուեց: Մեկնեց իր նուրբ ձեռքը, որի դաստակը՝ մորթով ծածկուած պողպատի թիւերի մի ծրարի երևոյթն ունէր, և մասների ծայրով իր սուրի գլուխը շօշափեց, որ իր կողքից չէր հեռացել բնաւ:

—Ես ինձ մեծապէս բազդաւոր կը համարեմ, ասաց վերջապէս:

Հրամայեց որ մի շիշ բուրգօսնի բերեն, և, ժանի և բաժակը լցնելով.

—Խմում եմ ձեր վերադարձի համար, Ալշէյմ, ասաց:

Յետոյ մի ուժգով խմեց և բաժակը դրեց սեղանի վրայ:

Անկեղծօրէն ես շատ գոհ եմ ձեզ վերադառն գտնելու: Ես համարեալ մենակ եմ ապրում, և դուք ծանօթ էք իմ ճաշակին: Իմ արհեստից դուրս, որին պաշտում եմ, և որից բարձր դասում եմ միմեայն Աստուած, որ նրա մեծ դատաւորն է ես սիրում եմ միայն որսորդութիւնը: Ես այնպէս եմ կարծում, որ մարդ ստեղծուած է վաղ տալու համար արձակ բնութեան մէջ,

հաստատելու համար իր ոյժն ու տիրապետութիւնը գաղանհների վրայ, երբ նա առիթը չունի նոյն անելու իր նմանների վերաբերմամբ: Դա ինձ համար մի անփոխարինելի հաճոյք է... Ի դէպ ինձ թւում է, որ պ. Օրբելէ ղրկուած է որսորդութան իր իրաւունքից:

—Այո, յարեց ժան, նա հրաժարուել է համարեա ամբողջովին...

—Եթէ ձեզ հաճելի լինի անցնել ինձ մօտ, ես Հագընօյի շըրջակայքում որսալու մի տեղ եմ վարձել, որը մասամբ անտառային և մասամբ էլ դաշտային է. ես ունեմ այծեամներ, որ ծագում են անտառից, վաղեմի, նուիրական անտառից. ունեմ նապաստակներ և փասխաններ, ինչպէս և ջրակտցորներ, երբ նրանք գաղթում են. և եթէ դուք սիրում էք լուսատիկներին, ես նրանցից էլ ունեմ, նրանք թռչկոտում են կաղամախիների տակ և շողշողում են ինչպէս իմ հուսարների տէգերը:

Խօսակցութիւնը այս թէմայի վրայ տեւեց մի քանի րոպէ: Յետոյ Փարնով դատարկեց ժանի հետ Կարօլիսի բուրգօսեի շիշը, և վերցնելով ունոցը ծաղկեցնող սրափուշի ճիւղը դցեց գետին.

—Եթէ ինձ թոյլ կը տաք, Օրբելէ, ձեզ կը ընկերակցեմ մի քանի քայլ: Ո՞ր կողմն էք գնում:

—Համալսարանի կողմը:

—Ես էլ այդ կողմն եմ գնալու:

Երկու երիտասարդները միասին վեր կացան: Նրանք համարեա նոյն հասակն ունէին և երկուսի ղէմքն էլ, թէպէտ և արտայայտութեամբ տարբեր, բայց ներշնչում էր կորով. Օրբելէ աշխատում էր միշտ մեղմացնել իր դիմագծութեան ծանրախոհութիւնը, երբ զրգուում չէր, իսկ Փարնով ընդհակառակը խստացնում էր իր ամբողջ անցքի բրտութիւնը: Երիտասարդ տեղակալը իր վերնազգեստի ծայրերից քաշեց, անհետացնելու համար նրա վրայ զոյացած ծալքերը: Վերցրեց իր տափակ գլուխը, որ զրուած էր մի աթոռի վրայ և որը զարդարուած էր, ճակատից, պրուսիական գոյներ կրող կօկարդով. և առաջ անցնելով, բռնազրօսիկ, գիտաւորեալ կարծրութեամբ, կիսով չափ դէմքը շուռ սուած դէպի այն սեղանը, ուր դառնում էին հրամանատարը ու հարիւրապետը, նրանց բարեկեց մարմնի հագլի խոհարհուում և մի քանի անգամ: Քիչ առաջուայ յարգալից ընկերակցութիւնը այժմ անհետացել էր: Երկու պետերը, իրանց սովորութեան համեմատ, քննութեան էին ենթարկում Կարօլիսի գլխետից դուրս եկող տեղակալի շարժումներն ու ձևերը: Ազնուական իրանք էլ, իրանց դասակարգի պատուին սաստիկ

նախանձախնդիր, աչքի առաջ ունենալով կատարեալ սպայի օրինադրքի բոլոր յօդուածները, հետաքրքրուում էին այն բոլորով՝ որ կարող էր նրա վարժունքի, շարժումների բարեձևութեան կամ, իբրև ստորադաս զինուորական, խօսքերի մէջ ընդհանուր քննադատութեան առարկայ լինել: Պննութիւնը պէտք է որ ինպատ ֆարնովի լինէր: Ձեռքի մի շարժումով, բարեկամական և հովանաւորող, հրամանատարը արձակուրդ տուեց նրան:

Հազիւ փողոց դուրս եկած:

—Հ'ը, ինչպէ՞ս, հարցրեց ֆարնով, նրանց վարժունքը անքննադատելի էր, չէ՞:

—Այո:

—Բայց շատ թոյլ է ձեր հաստատումը: Ի՞նչպէս, ձեր կարծիքով նրանք բաւական փափկանկատ չէին: Եթէ դուք նրանց տեսած լինէիք զինուորական ծառայութեան ընթացքում...

—Ընդհակառակը, նրանք չափազանց աղնիւ վարուեցին, ընդհատեց Ժան: Ես օրից օր նշմարում եմ, որ իմ հայրը պէտք է շատ ստորացած լինի, որպէսզի այս աստիճան յարգանք վայելէ բարձր շրջանակներից... Եւ այդ ինձ վիրաւորում է, ֆարնով:

Այս վերջինը լրջութեամբ, հայեացքով վերից վար չափեց Ժանին և պատասխանեց:

—Franzosenkopf! Ֆրանսիական գլուխ: Ինչ տարօրինակ նկարագիր ունի այս ժողովուրդը. չի կարողանում հաշտուել այն մտքի հետ թէ յաղթահարուել է և երբ գերմանացիները նրան ավանաներ են անում, այդ դէպքում իրան համարում է վիրաւորուած:

—Որովհետեւ այդ ավանաները ձրի չեն լինում, պատասխանեց Օբերէ:

Բառը տհաճելի տպաւորութիւն չգործեց ֆարնովի վրայ: Նա այդ խօսքի մէջ մի յարգանք նշմարեց դէպի իր ցեղի կարծի ու օգտապաշտ խառնուածքը: Երիտասարդ տեղակալը՝ պէտք է ասել նոյնպէս, որ չէր ցանկանում մտնել մի այնպիսի վիճաբանութեան մէջ, ուր գիտէր թէ իրանց բարեկամութիւնը կարող էր վտանգի ենթարկուել: Բարեկց մի կնոջ, որ դալիս էր դէպի իրանց կողմ և աչքերով հետեւեց նրան:

—Փոն Հոլցբէրգ հարիւրապետի կինն է: Սիրուն է, չէ՞:

Յետոյ, ձախակողմում, կամուրջի միւս եղերքում, հին քաղաքի թաղերը ցոյց տալով, որ լուսաւորում էր գարնանային առաւօտի այդ խոնաւ լոյսը, աւելացրեց, որպէս թէ երկու

մտածումները բնական կերպով զօդուած լինէին իր մտքում.

—Ես սիրում եմ այդ հինաւուրց Ստրազբուրգը: Ո՛րքան աւատական բնաւորութիւն է կրում:

Գործարաններից և կոյուղիներից կեղտոտուած ջրերով գետակի վերև, երկար կողերով և երկար լուսամուտներով կտուրները, ամեն երանգի կարմիր գոյներով կղմինտըրների խոտորոզ ալիքը, Ստրազբուրգի ծիրանի գոյն մեղիեւ վալը, կարկատուն, ծակծկուած, կեղտոտուած, տեղ տեղ համարեա գեղին, որոշ տեղերում վարդագոյն, տարածուած՝ ինչպէս խամրած և ճկուն մետաքսով, մի պարսկական դորգ, Մայր-եկեղեցու շուրջը: Ինքը Մայր-եկեղեցին՝ կարմիր քարից շինուած՝ եղել էր և թուււ էր թէ դեռևս էր. դիտելով այդ կողմից, այն մօղելը, որից կախուած էր մնացեալի գոյնը. նա ամեն բանի զարդը, փառքը և կենտրոն էր: Մի արագիւ թևերը պարզած, լողալով օդի մէջ լայն թափահարումներով, հորիզոնական բռնած թաթերը—ինչոր աւելի երկար էր ցոյց տալիս մարմինը—իբրև դեկ գործածելով կտուցը մի քիչ բարձր պահած՝ ճախրում էր կապոյտի մէջ. նա Ստրազբուրգին, հաւատարիմ էր, ինչպէս իր ամբողջ հին ցեղը, որ պաշտպանուած, նուիրական դարձած էր նրա նման և շինում էր նոյն բները նոյն ծխնելոյզների կառարին: Ժան և Ֆարնով տեսան արագիւ, որ հակուււ էր դէպի Մայր-եկեղեցու ներսը, և կոնակից նայած՝ նմանոււ էր մի որևէ թռչունի, որ իր աղեղնաձև թևերով օդը ծեծում և անհետանում էր:

—Ահաւասիկ բնակիչներ, ասաց Ֆարնով, որոնց՝ ոչ մեր գործարանների ծուխը, ոչ հանրակառքերը, ոչ երկաթուղիները, ոչ նորաշէն սլալատները, ոչ նոր ուժիմը չեն զարմացնում:

—Նրանք միշտ գերմանացի են եղել, ասաց Ժան մի ժպիտով: Արագիւնները կրել են միշտ ձեր դրօշակի գոյները. սպիտակ փոր, կարմիր կտուց, սև թևեր:

—Իսկապէս, ասաց սպան ծիծաղելով:

Քարափների երկարութեամբ նորից սկսեց քայլել և համարեա անմիջապէս, դադարեց ծիծաղելուց:

Մի զինուոր քաղաքի նոր թաղերի կողմից բերում էր երկու ձիեր, կամ աւելի ճիշտ ձիերը բերում էին նրան: Զինուորը հարբած էր: Նրկու թուխ ձիերի մէջտեղում, վերամբարձ ձեռքերով սանձերը բռնած, դնում էր ճօճուելով ուսով ընդհարուելով երբեմն մէկ, երբմն միւս կենդանուն, և, որպէզի չընկնի, մերթ ձգում էր մէկի սանձից. այն ժամանակ ձին դիմադրում, կանգ էր առնում և բաժանում միւսից:

—Այս ի՞նչ բան է մուտաց Ֆարնով մի հարբած զինուոր,
և այս ժամին:

—Մի քիչ աւելի է կոնծել՝ կատակեց Օրերլէ:

Ֆարնով լռեց: Յօնքերը կիտած՝ դիտում էր զինուորի
վարժուները. նա սպայից հազիւ տասը մետր հեռու լինէր: Այդ
չափ տարածութեան վրայ, զինուոր պարտաւոր էր, համաձայն
կարգապահական օրէնքի, կանգ առնել և գլուխը դարձնել դե-
պի մեծաւորի կողմը: Ո՛չ միայն մոռացել էր բոլոր կանոնները,
և շարունակում էր տափանելի կերպով թաւալուել երկու ձիե-
րի մէջտեղ, այլ և, այն բոլորին՝ երբ պէտք է խաչաձև կտրէր, անց-
նէր Ֆարնովի առաջից, մի բան մրմուռաց, անկասկած մի հայհոյանք:

Դա արդէն չափազանցութիւն էր: Զայրոյթի մի սար-
սուռ ցնցեց սպայի ուսերը. նա ուղիղ դիմեց դէպի զինուորը,
որի ձիերը քրտնած՝ յետ յետ էին գնում: Սպայի մէջ անպատ-
ուել էր Գերմանիան:

—Կանց, գոչեց: Ուղիղ կանգնիր:

Զինուորը՝ սպուռ կտրած՝ նայեց նրան, մի ճիգ գործ
դրեց, և կարողացաւ անշարժ, համարեա ուղղաձիգ կանգնել:

—Անունդ:

Զինուորն ասաց անունը:

—Քո հաշիւը զօրանոցում կը տեսնենք, անբան-անասուն:
Եւ առայժմ, անհ թէ ի՞նչի ես արժանի, համազգեստիդ պա-
տիւը վայր գցած լինելուդ համար:

Բոլորովին ուղիղ ձգեց աջ բազուկը, և իր ձեռնոցապատ
ձեռքով՝ պողպատի նման կարծր՝ մի ապտակ իջեցրեց զինուո-
րի այտին: Արիւնը ժայթքեց բերանի անկիւնից, ուսերը դե-
պի ետ մնացին և բազուկները ձգուեցին, կարծես կռիվամարտ
մղելու համար: Զինուորը կատաղի փորձութիւնն ունեցաւ դի-
մադարձելու: Ժան հարբածի աչքերը տեսաւ, որոնք ցաւից և
ցասուածից շուռ եկան իրանց ակնակապիճների մէջ: Յետոյ դե-
պի գետինը խոնարհուեցին, սպայի զօրութեան սարսափեցու-
ցիչ ու տարտամ յիշողութեամբը զսպուած:

—Օ՛հ, քայլիր, այժմ, գոչեց Ֆարնով:

Եւ ոչ մի բառ:

Նա կանգնել էր քարափի մէջտեղում, ուղղաձիգ, երկար
կօշիկներ հագած, աւելի մեծ գլխով քան իր զոհը, արեգակով
ողողուած, հրացայտ աչքերով, կոպերի ներքին և շրթունքների
անկիւնը զայրոյթից փոսացած և վերջապէս այնպիսի երևոյ-
թով, որը պէտք է անպատճառ նշմարած լինէին նրանք՝ որ
«հակակրելի» մակդիրը տուել էին:

Այն բերանաբաց հետաքրքիրները՝ որ վաղել եկել էին

հանդիսատես լինելու համար այդ տեսարանին, և շրջանակ էին կազմել, սպայի մի հրամանովը ցրուեցին, և ճանապարհ տուին ղինուորին, որ աշխատում էր, առանց սանձերը այս կամ այն կողմ քաշելու հեռանալ: Եւ յետոյ, որովհետեւ հետաքրքիրներէց ոմանք չէին ցրուել, և յամառում էին կանգնել լուռ և կամ քթի տակից իրանց կարծիքը մրմուռալով, Ֆարնով նրանց յաջորդաբար վերից վար չափչփեց հալեացքով, թեւերը կրծքին խաչաձևած և կրունկների վրայ շուռ փալով: Ամենից առաջ կծիկը դրաւ բանկի փոքրահասակ ծառայողը, ականոցը ուղղելով, յետոյ կաթնավաճառ կիներ պղնձեայ ամանը ձեռքին, յետոյ մօտակայ խանութից եկած մատգործը, յետոյ երկու նուաժարները, որոնք աշխատում էին իրանց անտարբեր ցոյց տալ, թէպէտեւ երկուսի այտերն էլ արիւնակալել էին վրդովմունքից, յետոյ փողոցի չարածձի երեսաները, որ ցանկութիւն էին զգացել լաց լինելու, բայց այժմ բոթում էին միմեանց արմուկը և փախչում էին քահ քահ ծիծաղելով: Սպան այն ժամանակ մօտեցաւ իր ուղեկցին, կանգնած ձախակողմում ջրանցքի մօտ:

— Ինձ թւում է, որ դուք մի փոքր չափազանցեցիք, ասաց Օրերլէ. ինչ որ արիք քիչ առաջ արգելուած է Կայսեր բացարձակ հրամանով: Մի քուցէ ձեր գլխին պատմութիւններ ստեղծէք...

— Այդ անբան-անասունները զսղելու միակ միջոցը այդ է, պատասխանեց Ֆարնով աչքերը դեռեալ շանթարձակ: Եւ յետոյ հաւատացած եղէք, որ նա արդէն հատուցած կը լինի իմ ապտակը ձիերին, և վաղը, ամեն ինչ մոռացած:

Երկու երիտասարդները կողք կողքի քայլեցին մինչև համալսարանի պարտէզը, առանց միմեանց հետ խօսելու, քիչ առաջուայ դէպքի մասին խորհրդածելով: Ֆարնով հանել էր իր ձեռնոցները և մի զոյգ նոր ձեռնոցներ էր փնտրում, և այդ հաւանականաբար նրա համար, որ միւսները արատաւորուել էին ղինուորի այտի արիւնից: Վերջապէս ժանի կողմը ծռուեց և, շատ լրջօրէն, համոզմունքի ակնյայտ շեշտով՝ շարունակեց:

— Դուք շատ երիտասարդ էիք դեռեալ, երբ ձեզ հանդիպեցի, սիրելիս: Շատ հարցերի մասին մեր կարծիքները փոխադարձաբար իմանալու համար, մենք պէտք է որ միմեանց հետ մի քանի սրտագլին խօսակցութիւններ ունենանք: Բայց ես զարմանում եմ, որ դուք դեռեալ չէք նշարել, դուք, որ այնքան ժամանակ ապրել էք Գերմանիայի բոլոր գաւառներում, որ մենք ծնուած ենք աշխարհի տիրապետութեան համար և թէ

աշխարհակալները քաղցրաբարոյ մարդիկ չեն, երբէք, հասկանում էք, ոչ էլ կատարեալապէս արդար մարդիկ:

Մի քանի քայլ անելուց յետոյ աւելացրեց.

—Ես շատ կը վշտանայի. եթէ ձեզ անախորժ թուայի, Օրերլէ. բայց չեմ կարող ձեզանից թարցնել, որ ես իմ արածի համար չեմ զղջում: Իմացէք միայն, որ իմ բարկութեան խորը կարգապահութեան սէրը կայ, նուիրապետութեան սէրը, արժանապատուութիւնը՝ այն բանակին, որի մասն եմ կազմում... Դէպքը մի պատմէք ձեր տանը, առանց արդարացուցիչ պատճառները թուելու... Դա դաւաճանութիւն կը լինի մի բարեկամի դէմ... Դէ, մնաք բարով:

Մեկնեց ձեռքը: Նրա կապոյտ աչքերը մի ըոպէ կորցրին իրանց ամբարտաւան անտարբերութիւնը.

—Ցտեսութիւն, Օրերլէ: Դու հասել ես արդէն անտառների վարչութեան պաշտօնատունը:

IX

Հ ա ն դ ի պ ու մ ը

Ժան բաւական վաղ հասաւ Ստրազբուրգի կայարանը և նստաւ Օրերնէ տանող գնացքը. իր հեծելանիւր Օրերնէ էր թողել: Օրերնէից Ալլէյմ գնալիս, ճանապարհին, Բերնհարդսվէյլէրի մօտ, այն մարգագետիններում, որ ոռոգում է Դակալը, մի երկրորդ արագիւ նշմարեց, որը անշարժ կանգնել էր մի ոտի վրայ:

Հէնց այդ էլ եղաւ այն առաջին խօսքը, որ ասաց Լիւսիէնի, որին պատահեց պարլի ծառերի շուաքի տակ: Քթանէ մի մոխրագոյն շրջադեպտ հագած, նա կարդում էր: Նրա իմաստուն աչքերը ժպտագին բարձրացան կարդացած էջից, երբ հեծելանուի խշրտոցը լսեց աւազի վրայ: Ժան վայր ցատկեց, Լիւսիէն նրան համբուրեց և ասաց.

—Սիրելիս, քո բացակայութիւնը ինձ համար չափազանց զգալի է դառնում: Ա՛յ, չար սատանայ, ի՞նչ ես անում անդադար ճանապարհորդելով:

—Գիւտե՛ր, սիրելի քոյրս: Նախ երկու արագիւ տեսայ, որոնք նօտարների նման ճշտապահ՝ ճիշտ ժամանակին, ասլրիլ 23-ին եկել էին:

Կարմիր շրթների պուստումը ցոյց տուեց, որ լուրը Լիւսիէնին այնքան էլ հետաքրքրելու բնաւորութիւն չունէր:

—Յետո՞յ:

Սեպտեմբեր, 1905

—Ես երեք ժամ մնացի անտառային վարչութեան գրասենեակում, և իմացայ...

—Այդ բոլորը կասես հօրս, ընդհատեց Լիւսիէն: Ես այնքան անտառ և փայտ եմ տեսնում, այստեղ, իմ շուրջը, որ բոլորովին ցանկութիւն չունեմ միտքս դրադեցնելու այդ տեսակ հարցերով: Պատմիր ինձ Ստրագբուրգի մասին, տեսած արդուզարդերից մէկի, և կամ բարձր դասակարգից մի որևէ անհատի հետ ունեցած խօսակցութեանդ մասին:

—Լաւ ասացիր, պատասխանեց ժան. ես հանդիպեցի մէկին:

—Ու՞մ, հետաքրքիր անձ է:

—Այո, Միւնիխի իմ հին ծանօթներից մէկին. հուստարական զնդի մի տեղակալի:

—Պ. գը Ֆարնսվիլն:

—Այո, Ֆարնսվիլն, Հռենոսի հուստարական Զ-րդ զնդի տեղակալ Վիլհէլմ Ֆոն Ֆարնսվիլն: Ի՞նչ պատահեց քեզ:

Հասել էին ծառուղու մէջտեղը. իրանց քամակում բարձրանում էր թփերի մի խիտ պուրակ: Լիւսիէն՝ ինչպէս միշտ, համարձակ ու գրգռիչ, թեւերը խաչածեղեց և, ձայնը մեղմացնելով ասաց.

—Ի՞նչ պատահեց ինձ. նա ինձ սիրում է:

—Նա՞:

—Ես էլ նրան:

Ժան քրոջից մի քայլ հեռացաւ նրան լաւ դիտելու համար:

—Այդ անկարելի է:

—Ի՞նչու համար:

—Բայց, Լիւսիէն, չէ՞ որ նա գերմանացի է, պրուսիացի՞, սպանյ:

Մի բոպէ լռութիւն տիրեց. հարուածը հասցրուած էր: Ժան բոլորովին դունաթափուեց: Շարունակեց.

—Դու լաւ գիտես, որ նա բողոքական է նոյնպէս:

Լիւսիէն գիրքը նետեց նստարանի վրայ, և գլուխը բարձրը բռնած, եղբօրը հակաճառութեան պատճառով բոլորովին դրդուած.

—Կարծում ես որ ես չեմ մտածել այդ բոլորի մասին: Ես գիտեմ այն ամեն առարկութիւնները, որ կարելի է անել: Ես գիտեմ, որ Ալգասի բնակիչները, մեզ շրջապատող ամեներդաժիտ և անձկամիտ ազգաբնակչութիւնը իր բերանի կապանքները պիտի արձակէ: Այո, դրանք պիտի աղաղակեն, ինձ պիտի դատապարտեն, իմ վրայ պիտի խղճան, պիտի աշխա-

տեն ինձ յետ կանգնեցնել իմ մտադրութիւնից, և դու ինքդ առաջինը՝ արդէն սկսում ես: Բայց ես քեզ նախապէս ասեմ, որ աւելորդ էն պատճառաբանութիւնները, բոլոր պատճառաբանութիւնները... Ես նրան սիրում եմ: Այդ բանը նոր չէ լինելու. եղած կատարուած է արդէն: Եւ ես մի ցանկութիւն միայն ունեմ. իմանալ թէ դու ի՞նչ կողմը պիտի բռնես, թէ ինձ դէմ պիտի լինես: Որովհետեւ իմ վճիռը, բարեկամս, անփոփոխելի է:

—Ա՛հ, Աստուած իմ, Աստուած իմ, բացագանչեց ժան ձեռքերով դէմքը ծածկելով:

—Ես չէի կարծում, որ այդ քեզ մեծ վիշտ պիտի պատճառէր: Ես չեմ հասկանում: Արդեօք դու էլ նրանց նման անմիտ ատելութեամբ լեցումն էս դէպի գերմանացիները: Ասա: Ես զսպում եմ իմ յուզմունքը, որպէսզի քեզ հետ խօսեմ: Չխօսեմ, ասա: Օ՛հ խօսիր: Դու ինձանից աւելի գունաթափ ես եղել, ինձանից, որ միակ խնդրի առարկան եմ այս դործում:

Նա բռնեց նրա ձեռքերից և բաց արեց դէմքը: Եւ ժանը նրան նայեց մի բոպէ տարօրինակ երևոյթով, երևոյթովը այն մարդկանց, որոնց հայեացքը մտածումից միանգամայն գուրկ է:

Յետոյ ասաց.

—Դու սխալւում ես. մենք երկուսս էլ խնդրի առարկայ ենք, Լիւսիէն:

—Ինչո՞ւ համար:

—Եւ մէկս միւսի դէմ: Որովհետեւ ես էլ մէկին սիրում եմ. սիրում եմ Օդիլ Բաստիանին:

Լիւսիէն սարսափահար եղաւ Օդիլ անունի արտասանութիւնից, և միաժամանակ յուզուեց, որովհետեւ հարցը վերաբերում էր նոյնպէս սիրոյ և եղբայրը նրան արեւ էր պարզապէս մի գաղտնի խոստովանութիւն: Նրա ամբողջ դայրոյթը յանկարծ անհետացաւ: Լիւսիէն գլուխը գցեց եղբոր ուսի վրայ: Նրա խարտեաշ, երբեմն կարմրին տուրու մագերի հանգրէճները ուռեցին և փքուեցին ժանի պարանոցի վրայ: Նա մրմնջեց.

—Իմ խեղճ ժան... ճակատագիրը հալածում է մեզ... Օդիլ Բաստիան և դը Ֆարնով... ահա սէրեր, որոնք բացարձակապէս հակասում են միմեանց... Ա՛հ, իմ խեղճ, իմ սիրելի եղբայր, ընտանեկան զրաման մեր միջոցով մշտնջենաւորւում է...

Ուղղուեց, կարծելով լսել քայլերի շշուկ, և մտնելով իր եղբորը թիւը, ջղայնօրէն շարունակեց.

—Մենք չենք կարող խօսակցել այստեղ... Պէտք է սա-

կայն որ մենք միմեանց յայտնէինք ոչ թէ անուններ, այլ շատ ուրիշ բաներ... Եթէ յանկարծ հայրս վրայ հասնէր, կամ թէ ոչ մայրիկը, որ աշխատում է սրահում, չեմ իմանում ի՞նչ անվերջ ու անվախճան գորգի վրայ... Ա՛հ, բարեկամս, երբ մտածում եմ, որ մի քանի քայլ միայն հեռու նրանից, մենք փոխանակում ենք այս կարգի գաղտնիքներ և նա ոչինչ չի կասկածում... Բայց նախ մենք...

Մի րոպէ մտածեց վերադառնալ տուն, Ժանի հետ բարձրանալ իր սենեակը: Բայց աւելի ապահով ապաստան գտնելով.

— Գնանք դաշտերը. այնտեղ ոչ ոք չի խանդարիլ մեզ:

Թե թևի տուած, շտապ քայլելով, մեղմածայն և կարճ նախադասութիւններով վանդակապատ դռնից դուրս եկան, գնացին բաւական առաջ, և, ճանապարհի աջ կողմից, որ շրջակայ հողերից աւելի բարձր էր, իջան մի զառիվայրից, որի որոշ գիծը ձգւում էր, նորածիլ հասկերի միջից, որքան մարդկային աչքը կարող էր որոշել: Նրանցից իւրաքանչիւրը, զարմանքի, ճնշումի, խեղճան ցաւի առաջին րոպէից յետոյ, ինքնամոլորեւ էր:

— Գուցէ սխալ ենք գործում միմեանց վրդովելով, ասաց Լիւսիէն մտնելով զառիվայրի արահետը: Ի՞նչից ենք իմանում, որ մեր ամուսնութեան երկու ծրագիրները անհաշտ են:

— Այո. Օգիլ Բաստիանի մայրը երբէք չպիտի համաձայնուի, որ իր աղջիկը մի գերմանացի սպայի հարսը դառնայ:

Ի՞նչից ես իմանում, որ այդ սպան նախամեծար չպիտի համարէր մերինից նուազ յետագէմ մի ընտանիք մտնել, ասաց Լիւսիէն վիրաւորուած: Քո ծրագիրը կարող է վնասել և՛ իմին:

— Ներողութիւն, ես ճանաչում եմ Փարնուլին. նա ոչ մի նկատողութեան առաջ կանգ չի առնի:

— Իսկապէս ես էլ այդպէս եմ հաւատացած, բացառանչեց երիտասարդ աղջիկը, որի դէմքը հպարտութիւնից կարմրեց:

— Նա այն մարդկանցից է, որոնք երբէք չեն սխալւում:

— Այո:

— Դու մաս ես կաղմում նրա փառասիրութիւններին:

— Շատ ուրախ եմ:

— Ուրեմն անհանգիստ մի լինիլ. նա չի վարանիլ երբէք... խղճահարութիւնները պէտք է սպասել Բաստիաններին, որոնք շատ նախանձախնդիր են պատուի հարցերում...

— Ա՛հ եթէ Փարնուլ լսէր, ասաց Լիւսիէն, իր եղբոր թևը բաց թողնելով, նա կը մենամարտէր քեզ հետ:

— Ի՞նչ կարող էր ապացուցանել դրանով:

—Այն՝ որ նա վերաւորանք է զգացել այդ նախատինքից, ինչպէս ինքս եմ զգում, ժան: Որովհետեւ պ. դը Ֆարնովը իր պատուին նախանձախնդիր մարդ է:

—Այո. իր եղանակով, որը մերը չէ:

—Շատ ազնիւ, շատ արի եղանակով:

—Աւելի շատ աւատական ձևով, սիրելիս, այդ է նրանց ազնուականութեան հիմքը... Նրանք դեռևս ժամանակ չեն ունեցել իսկական ազնուականութիւնը ճանաչելու... Բայց այնուամենայնիւ ինձ համար այդ բոլորը միևնոյն է: Ես տրամադիր չեմ վիճելու... Ես չափազանց եմ տառապում... Ինչ որ կարող եմ ասել սակայն, այն է՝ որ պիտի մերժեն իմ խնդրանքը. ես այդ գուշակում եմ, դրա մասին վստահ եմ. ահա ինչ որ պ. դը Ֆարնովը չպիտի հասկանայ, կամ թէ ոչ, եթէ նոյնիսկ հասկանար, նա յետ չէր կանգնի երբէք իր մտադրութիւնից, նա չէր մտածի երբէք իրան զոհել... Սրանով ես չեմ ուզում Ֆարնովին զրպարտել, վիրաւորել. ես պարզապէս բնորոշում եմ նրան:

Նրանք քայլում էին, ողողում էին գաղջ լոյսով, որի քաղցրութիւնը չէին ճաշակում, քայլում էին դեռարոյս հունձքերի երկար թմբերի արանքից, որ իդուր ժպտում էին իրանց շուրջը: Դաշտում աշխատում էին մի քանի մշակներ, որոնք՝ տեսնելով նրանց կողք կողքի անցնելն ու ման գալը, նախանձում էին նրանց դրութեան: Լիւսիէն չէր կարող ուրանալ, որ իր եղբոր նախազգացումները իրաւացի, ճիշտ էին: Այո, պէտք է որ այդպէս լինէր. նա ճանաչում էր անձամբ և պ. դը Ֆարնովին և Բաստիաններին: Եթէ անձնական շահու հարցը չլինէր, նա ուրիշ դէպքում կը խղճար իր եղբորը, բայց անձնական օգուտը աւելի բարձր էր խօսում նրա մէջ, քան կարեկցութեան զգացումը: Նա ինչ որ շփոթ հրճուանք զգաց, երբ ժանի երկիւղների խոստովանութիւնը լսեց: Երբ նրա անհանգստութիւնը նշմարեց իրան քաջալերուած զգաց իր անվեհանձնութեան մէջ: Եւ անկարող լինելով նրան խղճալու, զոնչ աւելի մօտեցաւ նրան և խօսեց իր մասին:

—Եթէ մենք աւելի երկար ժամանակ միասին ապրած լինէինք, ժան, դու ճանաչած կը լինէիր ամուսնութեան մասին ունեցած իմ գաղափարները, և այսօր ես քեզ նուաղ զարմացում կը պատճառէի... Ես վճռել եմ ամուսնանալ միայն շատ հարուստ անձի հետ: Ես չեմ ուզում մտահոգութիւններ ունենալ իմ յաջորդ օրուայ ապրուստի մասին: Ես ուզում եմ վստահ լինել, և տիրապետել...

—Ձեր պահանջած պայմանը իրագործուած է, ասաց ժան

դառնութեամբ: Փարնով ընդարձակ հողեր ունի Սիլեզիայում: Եւ տեղակալ է նոյնպէս հռենոսեան հուսարների Զ-րդ գնդի:

—Ի՞նչ ես ուզում ասել, դրանով:

—Այն, որ նա սպայ է մի այնպիսի բանակի, որի դէմ քո հայրը պատերազմեց, քո մօրեղբայրը պատերազմեց, ինչպէս և քո բոլոր ազգականները պատերազմեցին, բոլոր նրանք՝ որ զէնք կրելու տարիք ունէին:

—Անկասկած... բայց, բարեկամս, ես ինքս կը ցանկանայի ամուսնանալ մի ալլասցու հետ: Գուցէ և ես ցանկացել եմ, առանց ոչինչ յայտնելու... Բայց ես չգտայ իմ սրտի սիրածը: Համարեա այն բոլոր երիտասարդները, որ անուան, հարստութեան, ազգեցութեան տէր էին, անցել էին Ֆրանսեայի կողմը... Այսինքն հեռացել էին Ալգասից պատերազմից յետոյ... Սա կոչուեց հայրենասիրութիւն... Բառերը, ուղիղն աւած՝ ամեն տեսակ գործածութեան ծառայում են... Ո՛վքեր մնացին: Դու կարող ես շատ հեշտութեամբ հաշուել ալլասական ծագում ունեցող, հարուստ ընտանիքից երիտասարդները, որոնք կարող էին յաւակնել ամուսնանալու Լիւսիէն Օբերլէի հետ...

Ողևորուած շարունակեց.

Բայց նրանք իմ ձեռքը չխնդրեցին. և դրանք չպիտի էլ խնդրեն, սիրելիս: Ահա ինչ որ դու չես հասկացել զուցէ: Նրանք իրանց ազգականների հետ մեզանից հեռու փախան, որովհետեւ իմ հայրը ընդունում էր գերմանական տիրապետութիւնը: Նրանք բոյկոտի ենթարկեցին մեր ընտանիքը: Ես, յիշեալ պատճառներով՝ այնպիսի հարմարացու էի, որին չէր կարելի ամուսնութեան խնդրել: Նրանց անհամբերողութիւնը, կեանքի մասին ունեցած անձուկ յղացումը ինձ դատապարտեց: Ինձ անուանում են «գեղանի Լիւսիէն Օբերլէ», բայց բոլոր նրանք, որ ինձ գիտում են հաճոյքով և բարեւում են կեղծուած յարգանքով, ոչ մէկը դրանցից չպիտի համարձակուէր արհամարհել իր շրջապատի կարծիքը և ինձ դարձնել իր կինը: Ուրեմն դու իրաւունք չունես ինձ մեղադրելու, քանի որ ինձ ընտրութեան առաւելութիւնը չէ տրուած: Դրութիւնն այնպէս է, որ կամայ ահամայ եւ չպիտի կարողանամ մի ալլասեցու կինը լինել... Միթէ՞ ես եմ մեղաւոր... Հաւատացնում եմ քեզ, ես շատ լաւ գիտէի թէ ի՞նչ էի անում, երբ ընդունեցի պ. դը Փարնովին:

(Կը շարունակուի)

ՔՆՆԱԴԱՏՈՒԹԻՒՆ ԵՒ ՄԱՏՆԵԼԽՈՍՈՒԹԻՒՆ

М. А. Муромцевъ, „О положеніи русскихъ инородцевъ“, С. Петербургъ
1901 г., цѣна 2 руб.

Դննել երևոյթները տաւնց կանխակալ կարծիքների, առանց գոկտրինեօրական կուրութեան, առանց ճոճոան ֆրազների, այլ հաւատարիմ մնալով ճիշտ ֆակտերին և առողջ լոգիկային—դա մի յատկութիւն է, որից գուրկ են մանաւանդ արեւելցի գրողները և նրանք, որոնք ամեն ինչ որոշ մոլային տեսութիւնների ակնոցներով են դիտում, այդ կերպ բռնաբարելով բազմակողմանի և ազատ բացատրութիւն սիրող ճշմարտութիւնը:

Ամենալաւ ապացոյցն է մեր ասածների՝ իսլամի մասին գրականութիւնը. ոչ միայն ամեն բան կեղծող թունդ իսլամականներն են աշխատում վերագրել մահմեդականութեան և զուրանին բաներ որ դրանց էութեան հակառակ է, այլ նոյնը պատրաստ են անել զանազան գոկտրինեօրներ, որոնք բնաւ ծանօթ չլինելով առարկայի հետ, լով իրանց սերտած «տեսութիւնների» հիման վրայ, վճիռներ և եզրակացութիւններ են անում, զրչի մի հարուածով ջախջախելով Րենանին էլ, Միլլերին էլ... Ով ուզում է թող այդպէս թեթեալար վերաբերուի իսլամի էութեան քննադատութեան, բայց մենք, հայերս, որոնց զիճակուած է խառն ապրել մահմեդականների հետ, պէտք է առանց կեղծ աղտտածութիւնների աշխատենք ճանաչել իսլամը այնպէս, ինչպէս նա կայ: Կրակի յատկութեան պէտք է տեղեակ լինել նրանից չֆրատուելու համար. կրակը իր յատկութիւնները չի փոխում անգէտ մանուկի դիմաց, ինչպէս և ամեն մի տարերային գօրութիւն. իսկ իսլամը իր էութեամբ մի տարերային կուրծանիչ ոյժ է, ուստի պէտք է նրան ճանաչել—նրա աղէտաբեր գործունէութեան առաջն ամենելու համար: Մի բոլորի վրա գիրքը այդ կողմից մի նշանաւոր գըռածք է, որի մէջ մեծ հմտութեամբ և

գիտնականօրէն բացատրած է իսլամի էութիւնը, ինչպէս և ու համիսլամական շարժման նպատակները Ռուսաստանում:

Լ. Ս.

Կլարա Յեսկին՝—«Լինը և Երա ճնշեալական դուրսիւնը» թարգմ. ռուսերէնից Յարութիւն Եսայեան. Թիֆլիս 1905. դ. 15 կ.

Կլարա Յեսկինի գրքոյկը կանանց հարցի վերաբերեալ լաւագոյն հեղինակութիւններէ մէկն է:

Յարգելի հեղինակուհին լուսարանում է կանանց հարցը տնտեսական մատերեալից մի տեսակէտից, բայց այնպիսի եզրակացութիւններէ է գալիս, որոնց համաձայն կը լինեն նաև այն անձինք, որոնք սխալ են համարում այդ փիլիսոփայական տեսութիւնը:

Այդ փոքրիկ գրքոյկում այնքան առողջ գատողութիւն կայ, տրամաբանութեան այնպիսի ոյժ, միտքը ամփոփ և պարզ արտայայտելու այնպիսի ձիրք, որ կարելի է հազուագիւտ համարել:

Դժբաղդաբար հայերէն թարգմանութիւնը, որ արած է ռուսերէն թարգմանութիւնից, շատ անաջող է:

Մի գիրք լաւ թարգմանելու համար պէտք է հասկանալ այդ գրքում գրուածը, իսկ պ. Եսայեան չի հասկացել իր թարգմանածը՝ մասամբ ռուսերէն լաւ չիմանալու, մասամբ էլ քաղաքատնտեսութեան մասին գաղափար չունենալու պատճառով:

Պ. Եսայեանի բոլոր սխալները յիշելու համար պէտք կը լինէր այստեղ արտատպել գրեթէ ամբողջ գրքոյկը, ուստի մենք ընտրում ենք մի քանի երեսներ և այդ երեսների մէջ միմեայն խոշոր սխալներ:

Թարգմանութեան 10-րդ երեսում:

Работа женщины перестала носить характер дѣятельности, сохраняющей блага, а направилась къ ихъ добыванію, թարգմ.—Կնոջ աշխատանքը դադարեց ընտանիքի փառքը պահպանող գործունէութեան բնատրուութիւն կրելուց:

Правовыя нормы и идеи не успѣвали примѣняться къ новымъ явленіямъ экономической жизни—իրաւանական կանոններն ու գաղափարները գործադրուելու միջոցներ չէին գտնում տնտեսական կեանքի նոր պայմանների մէջ:

14-րդ երես՝ женскій вопросъ разрѣшится только съ об-

обществленіемъ орудій производства—կանանց հարցը կը վճռուի միայն ընդհանրացնելով արդիւնագործութեան միջոցները:

Сокращать до возможнаго минимума—ծայրայեղ մինիմումով կը ճատել:

18 երես՝ эфемерныя права—առօրեայ իրաւունքներ:

Женщина перестала собственными средствами производить предметы потребленія—կինը դարձեալ սկսեց արտադրել գործադրութեան նիւթերը:

23-րդ երես՝ нищенская клюка—խղճուկ մնացորդ:

Продуктивный производитель—պտղաբեր արդիւնաբերող:

Политическая экономія доказала равноцѣнность всѣхъ родовъ общественно-полезнаго и необходимаго труда—բաղադրութիւնը ապացուցեց ընդհանրական ամեն տեսակ և անհրաժեշտ աշխատանքի համարժէքը:

Շատ չեղարացնելու համար մի քանի նմուշներ էլ բերենք ու վերջացնենք:

Соображенія нравственнаго свойства—բարոյական յատկութեան կշռադատութիւն:

Интернаціональный—համազգային:

Ставится на карту жизнь—կեանքը շօշափուում է:

Добродѣтель—բարեբարութիւն, բարիք:

Желѣзная необходимость—զօրեղ կարիք:

Экономическая необходимость—տնտեսական պահանջ:

Общественно-необходимый трудъ—ընդհանուր անհրաժեշտ աշխատանք:

Подъ предлогомъ—նպատակով:

Աւելացրէք դրա վրայ այնպիսի բարբարոսաբանութիւններ, ինչպէս՝ «պրոլետարիատ կին, պրոլետարիատ տղամարդ, բուրժուազիա խաւերի կանայք,—կնոջ մօտ գեռ նոր է սկսուել բարոյական հայեացքների վերամշակման պրոցեսը,—երեխաներին ուսուցանել արհեստաւորապէս» և այլն և կը համոզուէք, որ Կլարա Յետկինի գիրքը արժանի էր աւելի լաւ թարգմանութեան:

Տ. Յ.

Ս. Տէր-Սարգսեան, «Ժժ արկածներ» (գուարճալի իրողութիւն), արդիւնքը յատկացուած է Նախիջևանի կոտորածներից վնասուածներին, 36 եր., դ. 20 կ. Երևան 1905

«Ժժ արկածները» շնորհքով գրուած դատարկաբանութիւն

է և պատկանում է այն գրուածքներին, որոնց միակ նպատակն է հաճելի կերպով խուսուտ ածել ընթերցողների նհարդերը:

Մի քիչ տարօրինակ է այդպիսի դատարկարանութիւններով զրադուել մեր արիւնոտ վիճակում ու ընթերցողների յիմար ծիծաղից կոպէկներ մղել սոսկալի զաղանութիւնների զոհերի օգտին: Բայց այդ, ցաւալի է, որ ընթերցողներին խուսուտ ածելու դերը վերցրել է իր վրայ մի հեղինակ, որ ինչպէս հէնց այդ գրուածից կարելի է եզրակացնել, օժտուած է իւժնորսաւի ձիրքով,—մի ձիրք, որ այնքան հազուագիւտ է ծիծաղը մոռացած հայրիս մէջ:

Գրուածքի արժանաւորութիւններից առանձին յիշատակութեան արժանի է այլարատեան բարբառի հարուստ հիւթերով մուծած ոճը, իսկ պակասութիւններից՝ պրական ճաշակի բացակայութիւնը (այլապէս չէր կարող բացատրել՝ օրինակ՝ այն հանդամանքը, որ հեղինակը հնարաւոր է համարում պատմել ընթերցողներին, թէ ինչպէս գիշերը, հիւր տեղում, իր մարմնի չիբանները փուլ եկան և թարախը կեղտոտացրեց տակի սաւանը):

Տ. Յ.

Պրոֆ. Վեհեր Զոմբարս. «Թէ ինչու մեր օրերում ամենից և անսահման և սոցիալ-բաղադրական հարցեր»։ Գերմ. թարգմ. Արտաշէս Արեղեան, 40 էր., Թիֆլիս, 1905, գինը 10 կ.

Գրքոյկի բովանդակութիւնը պարզ է վերնագրից:

Հեղինակը, որի գրածները կարօտ չեն յանձնարարութեան, ապացուցանում է այդ գրքոյկում, որ «տնտեսագիտութիւնը հանդիսանում է մեր օրերում իբրև մի տեսակ կենտրոնական գիտութիւն, ինչպէս էր բնագիտութիւնը վերջին տասնամեակներում և փիլիսոփայութիւնն ու աստուածաբանութիւնը աւելի առաջ» և որ ներկայումս ամեն մարդ, լինի նա հոգևորական, բժիշկ, իրաւաբան, բանուոր թէ վաճառական, կլին թէ այլ մարդ, պարտաւոր է «ըստ կարողութեան ձգտել ընդարձակելու իր ունեցած տնտեսական և սոցիալ-բաղադրական ծանօթութիւնները»:

Թարգմանութիւնը յաջող է: Պ. Արտաշէս Արեղեան, ինչպէս երևում է, թարգմանչական ձիրք ունի: Բնագիրը հայերէնացրած է, իսկ հայերէնը՝ կանոնաւոր: Ցանկալի կը լինէր միայն, որ թարգմանիչը մի քիչ ժողովրդական շունչ մտցնէր իր հայերէնի մէջ, ոճը աւելի մօտեցնէր խօսակցականին և

խուսափէր այնպիսի գրաբարաբանութիւններէց, ինչպէս է. «խորհել պարտենք», «այդունակ», և այլն:

Տ. Յ.

Յարութիւն Եսայեան. «Միեւնոյն դագաղում» պատկեր, 16 երես. Թիֆլիս, 1905, գ. 4 կ.:

«Միեւնոյն դագաղում»-ը՝ մի յաջողուած պատկեր է կովկասեան վերջին դառն իրականութիւնից:

Ինձ առանձնապէս դուր է գալիս պատկերի մտայնացումը (замысел), որ իրաւունք է տալիս ասելու, թէ պ. Եսայեանի մէջ սկսում է արտայայտուել բեկեարիստի ձիրքը:

Կատարումը նոյնպէս վատ չէ, բայց այդ կողմից՝ պատկերի արժանաւորութիւնները աւելի բացասական, արժանաւորութիւններ են: Պատկերը ազատ է խոշոր պակասութիւններից: Աչքի է ընկնում մանաւանդ այն պակասութիւնների բացակայութիւնը, որոնք մասնանիշ արուեստի պ. Եսայեանի առաջին պատկերները քննադատողների կողմից:

Պատկերի ոճը ամփոփ է և լեզուն՝ իսկական հայերէն, որ ամենեւին չի յիշեցնում պ. Եսայեանի թարգմանական հայերէնը Կլարա Յետկինի գրքում:

Տ. Յ.

Փառնակէս. «Զուգողի ֆալը ուսողին հարաւ ա» կամ «Ճարպիկ փաստարան» լողովի մէկ արարուածով. Երևան 1905 թ. 58 եր. գ. 40 կ.

Բազուկների երիտասարդ Մարգիս Օձխուղոյեանը շանտաժի միջոց է դարձնում Մինոգի վեջին կարգադրութիւնը. նրա նշանածի, օրիորդ Զարուհու հայրը, Թորոս Առլանեանը, տասը հազար բուրլու օժիտ է խոստացել: Այդ քիչ է թւում յարգելի երիտասարդին: Նա այնպէս է ձեպնում, թէ մտադիր է հրաժարուել օրիորդ Զարուհուց, որովհետեւ, ինչպէս լոկ է, օրիորդի հայրը բարակացաւ ունի, իսկ ժայրը՝ լուսնոտ է: Կասկածները փարատելու համար՝ պահանջում է բժշկական քննութեան ենթարկել օրիորդին և նրա ծնողներին: Առլանեանները զայրացած են: Երիտասարդը յայտնում է, որ կարելի է բանը բժշկական քննութեան չհասցնել, սակայն այն պայմանով, որ Առլանեանները օրիորդի օժիտի վրայ մի հինգ հազար էլ աւելացնեն, օրիորդի ապագայ բժշկութեան համար:

Միջամտում է Փիլիպպոս Կիկերոնեանը, ճարպիկ փաստաբանը: Նա հաւտացնում է ազահ փեսացուին, թէ սրա նշանածի ծնողները արդէն բժշկից վկայական են ստացել, թէ բուրորովին առողջ են, և իրան, փաստաբանին, յանձնել են դատ սկսել փեսացուի դէմ և մեղադրել նրան իբրև զրպարտչի: Փեսացուն թակարդ ընկած է զգում իրան և սկսում է բանակցութիւններ հաշտութեան մասին, բայց, Վիտտէի տաղանդից զուրկ լինելով, յաջողութիւն չի ունենում, մերժումն է ստանում, ստիպում է հազար բուբուլ փոխանակագիր ստորագրել յօգուտ մի անօթիտ օրիորդի, որպէսզի իր դէմ զրպարտութեան դատ չսկսեն և վերջիվերջոյ վճռուում է, մօտիկ ծանօթութիւն կապելով տանտիրոջ ծառայի բռունցքների հետ: Իսկ օրիորդ Զարուհին նշանում է փաստաբանի հետ:

Վօդըվիլը թեթև է կարդացւում և թեթև կը նայուի ու թերեւս բաւականութիւն պատճառի դաւառական սակաւապահանջ հանդիսատեսներին:

Մի քանի թեթև նկատողութիւններ:

Ինչքան էլ մեծ լինի վօդըվիլ զրոյների ազատութեան ասպարէզը, այնուամենայնիւ հաւանականութեան օրէնքը և ճշտութիւնը գոնէ նուազագոյն չափով պարտադիրներ են նրանց համար:

Ոչ մի փաստաբան մէկի մասին բերանացի անպատուաբեր լուր տարածելը դիֆֆամացիա չի անուանիլ և լուր տարածողին 5555-րդ յօտուածով չի սպառնալ, որովհետև ուսուց օրէնքով դիֆֆամացիա կարող է տեղի ունենալ միմիայն տպագրական խօսքի միջոցով իսկ 5555-րդ յօտուած գոյութիւն չունի:

Բայց այդ նկատողութիւնը մանրամասնութեան է վերաբերում: Աւելի էական է այն, որ երբ փաստաբանի սպառնալիքից յետոյ փեսացուն խնդրում է մոռացութեան տալ եղածը, փաստաբանը յայտնում է, որ այդ անկարելի է, որովհետև օրիորդ Զարուհու նշանածը այժմ ինքն է, և այդպէս էլ լինում է: Կարծէք թէ նշանած ընտրելը և փեսացուին փոխելը այնպիսի գործողութիւն է, ինչպէս ձեռնոցներ ընտրելն ու փոխելը:

Սակայն այդ պակասութիւնը հեշտ է վերացնել: Բաւական է մտցնել վօդըվիլի մէջ մի տեսարան, որի բովանդակութիւնը կարող էր մօտաւորապէս այս լինել,—օրիորդ Զարուհին հիասթափուել է փեսացուից և զղջում է, որ մերժել է իր մանկութեան բարեկամ և իրան սիրող Կեկերոնեանի առաջարկութիւնը. տեղի է ունենում բացատրութիւն, որի մէջ կարող էր դեր խաղալ մօլիէրեան մի աղախին, և նրանք վճռում

են խաղալ Օձխուլողիանի գլխին այն խաղը, ինչ որ խաղում է վօղըվիրում Կիկերոնեանը:

Տ. Յ.

ՆՈՐ ՄՏԱՑՈՒԱԾ ԳՐՔԵՐ

- 1) Կոմս Լ. Ն. Տօլստոյի «Երկերի ժողովածու. № 1. Կրէյցերի Սօնատը, վերջաբանը, Կանաչաց և Սէր». Թարմանեց Ե. Ճ. Վ. Մուրադեան, Վաղարշապատ, 1905 թ., գ. 60 կ.:
- 2) Ճամբորդ՝ «Գեղեցիկը», Թիֆլիս, 1905 թ., գ. 10 կ.:
- 3) Ժ. Մառոն՝ «Նապաստակ Խէչանի վրէժանդրութիւնը կամ ինքզ քեզ օգնիր», զրոյց, պատկերազարդ, Փրանս. փոխ. Լ. Մ.-Աղամեան, Թիֆլիս, 1905 թ., գ. 75 կ.:
4. Կօտ-Մուլիկա՝ «Փոքրիկ Յուլին ու խլըշիկ նապաստակը, զրոյց պատկերազարդ. փոխադրեց Լ. Մ.-Աղամեան, Թիֆլիս 1905 թ., գ. 1 ր.:
- 5) Մ. Սեմենկա՝ «Առաջին վաստակ», զրոյց պատկերազարդ, փոխադրեց Լ. Մ.-Աղամեան, Թիֆլիս, 1905 թ., գ. 60 կ.:
- 6) Վիկտորիա՝ Սարգու, «Ոգեհարցութիւն» (Spiritisme), Թատերգ. երեք արարուածով, Թարգմ. Լ. Մ.-Աղամեան, Թիֆլիս, 1905 թ., գ. 50 կ.:
- 7) Բժ. Վ. Արծրունի՝ «Մանկիկ», առաջին մաս, նկարներով, 1905, թ., Թիֆլիս, գ. 40 կ.:
- 8) Բելլօհօնսկի՝ «Ինքնավարութիւն և զէմնովօ», Թարգմ. Յ. Թադէոսեան, Թիֆլիս, 1905 թ., գ. 10 կ.:
- 9) Ե. Ֆրանգեան՝ «Ատրպատական», պատկերազարդ, Թիֆլիս, 1905 թ., գ. 1 ր. 50 կ.:
- 10) Մ. Տ. Շևոտ՝ «Բրդերը Տաճկաց-Հայաստանում (ազգազրահան նիւթեր), հատոր Ա., Մ.-Պետ. 1905 թ., գ. 75 կ.:
- 11) Մ. Տ. Շևոտ՝ «Հնչակը», Մ.-Պետ. 1905 թ. գ. 10 կ.:
- 12) Մ. Տ. Շևոտ՝ «Արամը», Մ.-Պ. 1905 թ., գ. 25 կ.:
- 13) Կ. Յետկին՝ «Կինը և նրա անտեսական զրութիւնը, Թ. ո. Յ. Ես., Թիֆ., 1905 թ., գ. 15 կ.:

- 14) Ա. ա. ք. Բագրատունի՝ «Մի պտոյտ հայ մածուլի, հոգևորականների և ժողովրդի շուրջը» 1 գ., Թիֆ., 1905 թ., գ. 40 կ.:
- 15) Յար. Նսայեան՝ «Միենոյն դագաղում...» (պատկեր), Թիֆլիս, 1905 թ., գ. 4 կ.:
- 16) Պրոֆ. Վ. Զոմբարա՝ «Տնտեսական և սոցիալ-քաղաքական հարցեր», Թարգ. Ա. Արեղեանի, Թիֆլիս, 1905 թ., գ. 10 կ.:
- 17) Մ. Մանուէլեան՝ «Էսքիզներ», Ս. Պ. 1905. գ. 40 կ.:
- 18) Է. Տ.-Գրիգորեանցի՝ «Վայրենի, կատակերգութիւն 1 արար., 2-րդ տպ., Երևան, 1905 թ.:
- 19) Փանակէս՝ «Կը կակղես կ'ուտես», վոդեվիլ 1 արար., Երևան, 1905 թ., գ. 40 կ.:
- 20) Մ. Լըմերսիէ՝ «Մարդ» Թարգմ. Մ. Վ. Բագու, 1905 թ., գ. 5 կ.:
- 21) Մ. Ղահրամանեան՝ «Մեր ատամները և նրանց առողջապահութիւնը», Թիֆլիս, 1905 թ. գ. 7 կ.:
- 22) Ի. Բելոկոնսկի՝ «Ինքնավարութիւն և ղեմսովո», Թարգմ. Կ. Զալալեան, հրատ. «Գուտտենբերգ» Թիֆլիս, 1905 թ. գ. 15 կ.:
- 23) Кн. Г. М. Тумановъ «Къ введенію на Кавказѣ земскаго самоуправленія, изд. «Гуттенбергъ», Тифлисъ, 1905 г., ц. 20 коп.
- 24) Դոկտ. Կ. Փաշայեան—խան՝ «Ընդարձակ Դպրոցական առողջապահութիւն»: Ալէքսանդրիա, 1901 թ., ստացել ենք 11 թերթ (176 երես) և շարունակում է տպագրութիւնը անընդհատ:
- 25) Գ. Սունդուկեանց՝ «Ամուսիններ», կատակերգութիւն չորս արարումով, երրորդ տպագրութիւն, ուղղած: Թիֆլիզ, 1905 թ., գ. 1 ը.:

ՆՐԵՔԻՆ ՏԵՍՈՐԻԻՆ

Վրացիների վերաբերմունքը բուրբ-հայկական ընդհարումների ժամանակ.—Ազգային եւ դասակարգային երեւոյթներ.—Նացիօնալ եւ մացիօնալիոսական զգացմունք.—Հայ «կոմիսէսներ» մասին.—Պանխաւմիզմը եւ պանքիւրիզմը.—Ընդհանուր բեժումներ, Անդրկովկասեան ներկայացուցչական ժողով եւ հայա-վրացա-քիւրեական համագումարում.—Ի յելու. Ս. Ն. Տրուբեցկոյ։—Բագուի արդիւնագրծների ներկայացոցիչները Պետերբուրգում.—Բագուի բանուորների գեկուցագիրք։

Հայ-թուրքական ընդհարումների ողբերգական կողմերից մէկն էլ այն է, որ այդ դժբաղդ օրերում երեսաց հայի դարևոր միւս հարևանը՝ վրացու իսկական զգացմունքները հայ ազգի նկատմամբ. դուրս եկաւ, որ ոչ միայն ոռւս բիւրոկրատիան եւ պոլիցիան, այլև վրաց ազնուականութիւնը, բուրժուազիան եւ ինտելիգենցիան իրանց համակրանքով թուրքերի կողմն են. զահազան Մախարաձէների հետ նոյնիսկ պրոֆեսսոր Մառի նման անձնաւորութիւն չգոռչացաւ այս ծանր օրերում քար նետելու հայերիս վրայ «Розвѣтъ» լրագրում... Ո՛ղջ աշխարհում որք մի ազգ, իսկ որքին, ինչպէս հայ առաձն է ասում, «խրատ տուող շատ կը լինի, իսկ հաց տուող՝ ոչ ոք»... Այդպիսի պարագաներում, երբ հայի շուրջը կանգնել են միմիայն ատելութեամբ լի դատաւազներ, որոնք իրանց ականջներն են լսցում հայ լիկած կանանց, մորթոտուող երեխաների ու ծերերի ճիչերն չլսելու նպատակով, երբ մարդիկ աչքեր են փակում՝ օր ցերեկով թուրք զինուած վոհմակները թաւանն, հրկիզութիւնը եւ սպանութիւնները չտեսնելու համար, իհարկէ չարագործութեան եւ ստութեան մէջ հանճարեղ Աղանջներին եւ Թոփչիբաշէներին դժուար չէ աջողութիւն գտնել... Ռուս հասարակական կարծիքն էլ, ամբողջապէս կուլ դնացած ներքին ցաւերով, ժամանակ չունի մեղանով զրազուելու... Եւ նա, միանգամայն անտեղեակ օտար ցեղերի կեանքին, տարիներից ի վեր միայն մոլորեցնում է։ Մի րոպիով ոռւս հետադասողը «О положеніи русскихъ инородцевъ» գրքում բերում է անթիւ փաստեր ապացուցելու համար թէ ինչ անցերեմոն, տգեղ, ոճրագործ միջոցների են դիմել

տասնեակ տարիներ շարունակ թուրք «խնտելիդենա» գրող Գասպարինսկիները, Դեվլէթ-Կիլիգէնիները, Մուրզա-Ալիմները, ախունդ Բայազիդովները, Թովչիբաշեֆները և Աղանեֆները՝ մոլորեցնելու և քնացնելու համար ուստի կատարեալ անձանօթութիւնը մահմեդական ձգտումների և ղորանի ոգու հետ. ստել, կեղծել, ծածկել, յեղաթիւրել—ամենասովորական բաներ են այդ թուրք «իլէօլոգների» համար: Կարգացէ՛ք այժմ էլ մայրաքաղաքի թերթերում թուրքերի գրածները, կարդացէ՛ք, օրինակ «СЛОВО»-ում (№ 270) Աղանվի վերջին յօդուածները, «РУСЬ»-ում (№ 234) «Երիտասարդ թուրք ինտելիդենտների» բարբաշանքները, համոզուելու համար որ շանտաժի մէջ այդ պարոնները ուղղակի վիրտուոզներ են: Սակայն այն ինչ անյայտ է ուստի, պէտք է որ յամենայն դէպս յանցանք ճանաչուէր մեր երկրում, մեր կողքին ապրող վրացիների համար. ձեռքներ, որ նրանք մոռացել են թրքական լծի տակ իրանց մօտիկ անցեալը և չեն կարող այժմ տարրերել յարձակուլին պաշտպանողից, նշանակում բռնել այն դիրքը, որ գրաւել էին «Новое Время», «СВѢТЪ» և «Моск. Вѣд.» հայկական շարդերի ժամանակ, Թիւրքիայում, երբ դրանք հնարաւոր էին գտնուած գրել «հայկական գաղանու-թիւնների» մասին թուրքերի և քրդերի նկատմամբ...

Այդ տմարդի վերաբերմունքին ինչ որ գաղափարական հիմք տալու համար այդ մինչև ոսկորների ծուծը իրանք նացիօնալիստ վրացիները, որոնք պատրաստ են Թիֆլիսի դումայի ամենաչնչին մի ընտրողութեան աւիթով հարայ հրոցներ բարձրացնել, որոնք կաշուից դուրս են գալիս վրացալիստ հայերին վրացի ճանաչել տալու համար, այժմ, երևակայեցէ՛ք, հայի դժբաղդութեան բոլոր պատճառները այն են համարում որ «հայ բուրժուազիան և հոգեւորականութիւնը միացած՝ կաշկանդել են հայ բանուորին և թոյլ չեն տալիս նրան իր դասակարգային շահերը պաշտպանելու, և հայ բանուոր դասը քնած է լետարգիական քնով»... Չգիտենք ինչ կապ կայ դասակարգային կռիւների և այն ոգրերդական կայութեան մէջ, երբ հայը սպանւում է միմիայն այնպատճառով որ նա հայ է, երբ ոչ մի տարրերութիւն չի դնում Ուլիա-Նորաշէնի, Մինքեանդի գիւղացու, հայ բահանայի, հայ բուրժուաի, ինտելիդենտի և բանուորի մէջ: Ասել թէ «հայ բանուորութիւնը լետարգիական քնով էր քնած, կաշկանդուել է հայ բուրժուազիայից և կղերից» նշանակում է մի նոր սուտ հրատարակ նետել հասարակական կարծիքը պղտորելու դիտաւորութեամբ: Թէ՛ հայերը շատ խոշոր դեր են կատարել Բագուի բանուորական շարժումների մէջ — ադ գիտեն նոյնիսկ թուրքերը: Իսկ թէ օտար բանուորութիւն

նը անկարող էր պաշտպանել հայ բանուորին ջարդերի ժամանակ — դա ապացուցուեց առաջին անգամ փեսարուարեան անցքերի ժամանակ և, աւելի ևս սոսկալի չափով, օգոստոսի սարսափելի օրերում, երբ մի քանի հարիւր օտարազգի բանուորների միջից գինուած թուրք մարդասպանները մէկիկ մէկիկ դուրս էին հանում մի քանի հոգի հայ բանուորներին, ինչպէս հօտից դուրս է հանում մսագործը իր ուզած ոչխարին, և մորթում միւս բանուորների աչքերի առաջ... Այդ միւս ազգութիւնների բանուորները ի՞նչ արան պաշտպանելու համար իրանց պրոլետար եղբայրներին:

Պարզ էր որ կռիւը դասակարգային կամ անտեսական չէր, այլ զուտ ազգայնական հոգի վրայ դրած: Երևոյթները կատեգորիաները չպէտք է շփոթել: Դոկտրինեօրութիւնը մի կողմ թողէք, պարոններ, և հաշիշ ընդունածների նման մի բարբաջէք չմարտած տեսութիւններից. կեանքի երևոյթները հասկանալու համար բաւական չէ թութակի ընդունակութիւնը կամ նմանութիւնը այն էակին, որ յուզարկաւորութեան մէջ անալոգիա է գտնում հարսանիքի հետ և սկըսում պարել երբ ուրիշները լալիս են... Իսկ թէ առհասարակ զեռ բանուորութեան տակտիկայի մէջ մեզանում վարսնունքներ և հակասութիւններ են երևում, կազմակերպութեան մէջ խոշոր թերութիւններ — այդ ևս պէտք է պարզ լինի այն բոլոր անաչառ դիտողների համար, որոնք աշխատաւոր դասակարգների անկեղծ բարեկամներն են: «Երբ բանուորական շուկան մաքրուել է հայ բանուորներից, գրում է պ. Դ. Տէր-Պանիէլեանը «Արշալոյս»-ի № 30-ում, ուստի «ընկերները» շտապել են թանգ ծախել իրանց ոյժը, օգտուել նպաստաւոր պայմաններից և այսօր երկու շաբաթից աւելի է ինչ բանում են հանրերում՝ չսպասելով նոյն խի իրանց Պետերբուրգ ուղարկուած ընկերների վերադարձին: — Բարեկամներ, վերջացնում է յօդուածագիրը, մթթ է լոկ դատարկահնչիւն ֆրազներ էին ձեր ձառերը: Դործով ցոյց տուէք, որ թանգ էք գնահատում ընկերական վսեմ դադափարը: Դործ և ոչ խօսք»... Այդպէս է Բագուում:

Իսկ ի՞նչ ասել զաւանների մասին, ուր բանուորական կազմակերպութիւնների նշոյլ անգամ չըկայ...

Ահա մի գիծ մեր իրականութիւնից:

Ոչ վրացի և ոչ ուստ բանուորը չեն մտածում իրանց մայրենի լեզուն փոխարինել «վոլապուլիով» կամ այլ լեզուով. և շատ էլ լաւ են անում. վրացի բանուորներն, ինչպէս և ղիդացիները, պահանջում են իրանց զպրօցներում մայրենի լեզուով դասաւանդում. և միանգամայն արդարացի մի պահանջներ, 1903.

հանջ է, որի դէմ կարող են լինել միայն Սուվորինի նման նացիօնալիստները: Բայց հէնց որ նոյն բանը պահանջում է և՛ հայը—պատկերը փոխում է.—թէ ուս և թէ վրացի quasi—արմատա կանները սկսում ենք դառնալ «հայ բանուորութեան կղերական —նացիօնալիստական» ուղղութեան մասին... Պարզ է որ մենք գործ ունենք մասամբ գաղափարների տհասութեան, խառնափնթորութեան, մասամբ էլ, սխալած չենք լինի եթէ պնդենք, նենգամտութեան, անմիտ ասելութեան...

Պէտք է տարբերել նացիօնալ և նացիօնալիստական զգացմունքները. առաջինը մի ալտրոնիստական զգացմունք է, որ ընդարձակուելով դառնում է բարեացակամութիւն դէպի համայն մարդկութիւնը. նացիօնալ զգացմունքը երբեք չի պահանջում խորշում, կղզիացում միւս ազգութիւններից, թշնամական, յարձակողական վերաբերմունքը դէպի միւս ազգութիւնները չի մտնում նրա տենչանքների մէջ, որոնք առգորուած են եղբայրասիրական ձգտումներով. ինչպէս առողջ է սէրը դէպի իր ծնողները, զաւակները, ընտանիքը, ծննդավայրը, այնպէս և առողջ, ազնիւ զգացմունք է հայրենասիրութիւնը. սիրելով իմ լեզուն, իմ ժողովուրդը, ցանկանալով որ դժբաղդատ զարգանալու պայմանների մէջ գտնուեն, ես դեռեւ հեռու եմ ցանկանալու որ նոյն պայմանների մէջ չգտնուեն իմ զբոսիները, ես հեռու եմ ճշելուց դրանց ինքնուրոշման իրաւունքը: Դանտէ, Շիլլէր, Ժորես, Բերեյ այդ կողմից, այդ տեսակ հայրենասէր գոլով, չեն դադարում ընդարձակ մտքով կոսմոպոլիտ լինելուց: Այլ է նացիօնալիստի ոգին, որ հիւանդ գերաճման ենթարկուած ազգասիրութիւն է. դա ազգային նեղ եսասիրութիւն է և ինչպէս այդպիսին բուրդուած է միւս ազգութիւնների ազատ զարգացման դէմ.—թող թշուառանան, կորչեն, ընաշինջ լինեն բոլորը, միայն թէ ապրի իմը. ես պէտք է կուլ տամ միւսներին, որ ինքս աւելի ևս հզօրանամ, ահա նացիօնալիստի ցանկութիւնը:

Այդպիսով, առաջինը՝ նացիօնալ զգացմունքը՝ ազատութիւն կրող է, առաջադիմական մի երևոյթ է, իսկ երկրորդը՝ նացիօնալիստական զգացմունքը, բռնութեան և անարդարութեան արտայայտիչ է, ուրեմն մի յետադիմական երևոյթ հասարակական կեանքում: Առաջինը ստեղծեց ազատ Յունաստանը, Ռումանիան, Չեռնոգորիան, Սերբիան, Բուլղարիան, որոնք եթէ մնային սուլթանների լծի տակ և երազէին մի անմիտ բան. —«թուրք պրոլետարների հետ միացած, ռոմակոխ անելով իսլամական խոչնդոտները, Թուրքիայի բոլոր ազգերի պրոլետարները միահամուռ ոյժերով, վերանորոգել Օսմանեան եր-

կրնորի բեժիմը»—այսօրուայ օրս աւելի լաւ կացութեան մէջ չէին գտնուիլ, քան ներկայ Մակեդոնիան և Հայաստանը... Արդ, մարդկային առաջադիմութեան տեսակէտից պրոգրեսսիւ մի երևոյթ էր յիշեալ երկրների նացիօնալ շարժումը, թէ բեզբեսաիւ: Ինչ թւում է թէ պէտք է ապշութեան հասած դոկտորինքօր լինել ժխտելու համար մի այդպիսի պարզ ճշմարտութիւն: Դժբաղդաբար կան այդպիսի էկզեմպլեարներ...

Մենք գիտենք, որ Հափագանց շուտ նացիօնալ զգացմունքը կերպարանափոխուում է նացիօնալիստականի. նոյն Յունաստանը, որ դարերով հերոսական կռիւ էր մղում թրքական խայտառակ բռնութեան դէմ և իր կողմը գրաւում քաղաքակիրթ մարդկութեան այնպիսի ըմբոստ ոգիներ, որպիսին ունէր Բայրընը, այսօր, կուրացած արդէն նացիօնալիստական տենչով, դիմում է նոյն բռնակալ թուրք բեժիմի օգնութեան, ճնշելու համար Մակեդոնիայում մրցակից ազգութիւնները... Բայց միթէ դա ապացոյց է, որ նրա նախկին, նացիօնալ, ձգտումը անհամակրելի մի բան էր. ո՞վ չգիտէ, որ կրակը բարիք է, սակայն դառնում է չարիք, երբ նա հրդեհում է, կործանում—շինելու, ստեղծելու փոխարէն...

Արդ, հայերի ձգտումների մէջ ո՞վ է կարող նացիօնալիստական և ոչ նացիօնալ ուղղութիւն գտնել, եթէ լաւ հասկացած ֆակտերից դէնը չգնայ: Ոչ միայն օտար հայակերները, այլև շատ ազնիւ հայ պարոններ, ոգևորուած առաջադէմ տեսութիւններով, որոնք դժբաղդաբար դեռ հող չունեն մեր իրականութեան մէջ՝ ծրելու և պտուղներ տալու համար, սիրում են հայկական շարժման մէջ նացիօնալիստական ուղղութիւն գրտնել և, սովորաբար, մատնանիչ են անում «Դաշնակցութիւն» կոչուած ընկերութեան գործունէութեան վրայ, թէ Թիւրքիայում և թէ Կովկասում: Ռուս, թուրք, վրացի ամեն չարիքի պատճառը «կոմիտետներն» են համարում, դրանց իբր թէ նացիօնալիստական ուղղութիւնը... Այդպիսի մեղադրանք անում են և այն հայ տարրերը, որոնք կարծում են; որ ամեն տեղ, ամեն ժամանակ և ամեն պայմաններում կարելի է գործածել, «սոցիալական», ամեն տեսակ ցաւերի համար նոյն դեղը—«դասակարգային կռիւը». կուլտուրա, տնտեսական զարգացման աստիճան, պատմութիւն, բնաս, կրօն, և այլն և այլն ոչ մի նշանակութիւն չունեն այդ տեսակի «սոցիօլոգներին» համար: Կարճ և ազգու. «բոլոր երկրների պրոլետարներ միացէ՛ք!» կոչը բաւական է անել և դիւթական գաւազանի մի շարժումով քիւրդն էլ, թուրքն էլ կը մոռանան ամեն ինչ և հային կը

տան այն, ինչ նա ցանկանում է. կեանքի, գոյքի և պատուի ապահովություն: Ամենաբարդ հասարակական հանգոյցները այդպէս հեշտ եթէ լուծուէին՝ որքան զոհերից, արեան ի՛նչ ճապաղիներից և արտասուքի ի՛նչ ծովերից մարդկութիւնը ազատուած կը լինէր: Բայց, դժբաղդարար, լոկ «դասակարգային կռուի» նշանաբանով չեն լուծուում մարդկային բարդ հոգու բարդ պահանջների համապատասխան բարդութիւն ունեցող հասարակական և միջադպային շատ և շատ խճճուած հարցեր: Կան շատ գէպքեր, երբ հարկաւոր է այդ նշանաբանին հետեւել, սակայն նա պանացեա չէ բոլոր գէպքերում և բոլոր հանգամանքներում...

Զգիտեմ ով է ընդունակ այժմ ուրանալ, որ դժուար է երեակայել աւելի թշուառ, աւելի խայտառակ մարդկային կացութիւն, քան հայինը Թիւրքիայում: Մենք գիտենք, որ վատ է նոյն երկրում և թուրք ժողովրդի դրութիւնը. սակայն ի՛նչ համեմատութիւն կարող է լինել այդ երկուսի կացութիւնների մէջ. կեանքի, գոյքի և պատուի ամենատարրական ապահովութիւնից զուրկ, օրէնքի առաջ մահմեդականի նկատմամբ ոչինչ հայը մի այնպիսի դրութեան մէջ է, որ տեմնողի հաւատը չի գալիս թէ հնարաւոր է այդ պայմաններում մի բոլոր ապրել: «Եթէ դուք միայն տեսնէիք, ասում է մի բժիշկ Մուշից զրաժ մի մասնաւոր նամակում, ¹⁾ որչափ դժբաղդ է այդ ժողովուրդը և ինչպէս անտրտուն ջտանում է իր խաչը: Եթէ դուք տեսնէիք նրանց աղքատութիւնը, կիսաբազց դոյութիւնը, նրանց սարսափելի հիւանդութիւնները, դուք կ'ապշէիք մարդկանց համբերատարութեան վրայ: Նրանց թալանում են, այրում են, տնտեսապէս զըրկում, բայց նրանք չեն կորցնում լաւագոյն օրերի յոյսը և ջերմագին ազօթում են Աստծուն: Օ, ես նրանց տեղ, գուցէ, վաղուց երես դարձնէի Նրանից... Այստեղ կատարեալ աւերուածութիւն է: Քրիստոսեան գլուխ դնելու տեղ չունի»...

Միթէ զգուանքի արժանի չէր լինի մի ազգ որ իր մէջ չունենար մարդիկ, որոնք զգացւում են այդ դրութիւնից և անձնուիրարար ջանքեր գործ դնում ազատելու համար իրանց թշուառ հարազատներին այդ դժոխային դրութիւնից: Թէ պէտք է գոլտրինեօրական քարոզներ կարդային խեղճերի գլխին և գալի աւետարաններ դրանց նեղիչների գլխին... Եւրոպան չգիտէր այդ կացութեան մասին: Ի՛նչ արաւ նա: Նոյցոյց տուեց հայերին, թէ միայն մի ճանապարհ կայ փրկութեան. արեան

¹⁾ «С. От.» № 193.

ճանապարհը: Եւ հաւատացին շէյտիկների խօսքերին, անհաւատար, անեղ, տիտանական կռիւ մղեցին իրանց ազնիւ ոգեւորութեան մէջ շատ սքանչելի խիզախներ: Եթէ մարդկային զգացմունքի նշոյլ լինէր Եւրոպայի սրտում, նա կը գոչէր. «բաւական է, դահիճ, այդ աղղը արժանի է տեղ ունենալ արեգակի տակ և հանգիստ նուիրուել իր խաղաղ կուլտուրական աշխատանքին»: Բայց նա այդ չարաւ և գերադասեց մի ամբողջ երկիր աւերակների և արեան ծով դարձնել: Թող ասեն հայկական շարժման անաչառ գաղափարները. նացիօնալիստակա՞ն էր, թէ մարդասիրական—աշխարհիս ամենավատթար բռնութեան դէմ այդ պայքարը: Գործունէութեան սխալների, անհեռատես քայլերի, անտակաութիւնների մասին չէ մեր խօսքը, իհարկէ, այլ շարժման էութեան, նրա նպատակների մասին: Ամբողջ աշխարհից վկայուած սուլթանական անտանելի բեժիմի դէմ էր այդ պայքարը. և որը աղղի միակ պաշտպանների ցանկութիւնը՝ մարդկային տարակիւն իրաւունքներ ձեռք բերելուց դէնը չէր անցնում: Անօթ չէ՞ «կղերական-նացիօնալիստական» ինչ որ անմիտ միտումներ վերագրել այդ նահատակներին: Այդ միայն Սուվորիններն ու Վելիչկոններն սիրտ ունէին գրելու «թիւրքերի և քրդերի դէմ հայերի կողմից գործադրուած զազանութիւնների մասին»: Զարդուող, թալանուող, սպանուող, հրկիզուող, բռնարարուող անգէն հայը յանցաւոր էր յայտարարուում: Այն հայը, որ մէն մէնակ ուզում էր բարեկարգել նեխած բեժիմը, և իր իդէալականութեան մէջ այնտեղ էր համոռւմ, որ եղբայրութիւն, համերաշխութիւն էր քարոզում իրան նեղող թուրքին էլ, քրդին էլ... Նացիօնալիստութիւն էր այդ, թէ աղգերի յարաբերութիւնների չնաշխարհիկ իդէալականացում?

Նոյն՝ իբր թէ «կղերական նացիօնալիստական» ուղղութիւնը ունէին հայ «կոմիտեաները», գործելով Կովկասի նախկին բեժիմի դէմ, որի ամբողջ ընթացքը հայերի նկատմամբ նոյնիսկ ուռւ իշխանութիւնը գտաւ սխալ և անարդար: Հայի ձգտումը—պահպանել իր լեզուն, պրականութիւնը, հետեւաբար և իր ժողովրդի լուսաւորութիւնը բիրտ ձեռներէ աւերիչ հարուածներից, ինչպէս և աղ կրթութեան նիւթական միջոցներ հայթայթող կալուածների և գոյքերի (որոնք ամբողջ հայ ժողովրդի սեփականութիւնն են) զրաւման առիթով յուզումները մի թէ շօշափում էին որեւէ դրացի աղգի շահեր, մի թէ դէմ էին հայ մասսայի առաջադիմութեան: Հայ բուրժուան վաղուց ի վեր խորթացել է իր լեզուից էլ, իր գաղութներից էլ. նա օգտակար չէր գտնում, որ իր գաւառներն իմանան հայերէն կամ յաճախեն հայոց վար-

ժառանգները: Տուժում էր հայ գիւղացին կամ բանուորը, որոնց զաւակներին կամ ոչ մի ուսում չէր տրուում կամ մատակարարւում էր այնպիսի «լուսաւորութիւն», որից խորշում է ուսն էլ, վրացին էլ, լեհն էլ, թուրքն էլ հաւասար կերպով: Արդ, դըպրոցները և կալուածների վերադարձումը նպաստում էր թէ խանգարում հայ ժողովրդի, ուրեմն և Կովկասի ու համայն պետութեան առաջադիմութեան: Ֆրանսիացի, գերմանացի, ռուս բանուորն ու գիւղացին իրանց մայրենի լեզուին հաւատարիմ մնալով միթէ դաւաճանում են աշխատաւոր դասակարգերի ձգտումներին: Եւ միթէ առանց քաղաքական իրաւունքների կարելի է երեւակայել անտեսական արդար կարգերի իրաւականացում: Կամ հայը պէտք է կուլ տար բոլոր անարդարութիւնները, իր յոյսը դնելով վոլապուկային էպոխաների վրայ?..

Այդպիսով, հայի ամենաբնական՝ նացիօնալ ձգտումը թէ թիւրքիայում և թէ Կովկասում դուր չէր գալիս ոչ միայն այդ երկրների բեժմիներին, այլ և դրացի այն ազգութիւններին, որոնք իրանք վարակուած են նեղ նացիօնալիստական զգացմունքներով: Կովկասում հայի նացիօնալ վերածնութիւնը փուշ էր ոչ միայն Գոլիցինեան բեժմի աչքում, այլ և «բուն ուսմաների» և վրացի ու թուրք ազգասէրների:

Այս վերջինների, թուրքերի, նացիօնալիզմը նոր երեւոյթ է և շատերը, նոյնիսկ մամուլի (ռուս) ներկայացուցիչներից, այնքան դժուարանում են հասկանալ, որ գործ են ածում «մուսուլման ազգութիւն» խօսքերը—էթնոգրաֆիապէս անմիտ մի դարձումը:

Մենք մեր տեսութիւններից մէկում (մայիս) ցոյց տուինք որ իսլամը, ինչպէս մի գօրեղ շաղախ, միացրել է իրար հետ զանազան ցեղեր և դրանցից կազմել մի խայտարղէտ կոնգլոմերատ: Նոյնպիսի շաղախի դեր էր կատարում միջին դարերում կաթոլիկութիւնը եւրոպական ազգութիւնների նկատմամբ: Կաթոլիկ եկեղեցու դէմ բողոքական շարժումները իսկապէս եկեղեցիների ազգայնացման ձգտումներ էին (Հուս, գալիկանիզմը, Լիւթեր): Սակայն ազգայնական շարժումը սկսաւ առանձին թափով դարգանալ ֆրանսիական մեծ յեղափոխութիւնից յետոյ (Իտալիայի ազատութիւնը, Գերմանիայի միացումը, Բալկանեան ազգերի ազատութիւնը): Ուրիշ ազգերի արանքում ազգայնապէս ճնշուած ցեղակից զանազան ազգերի մէջ ևս ծագեց միանալու ձգտում. այդպէս, օրինակ, գերմանացումից և մաջարացումից ազատուելու համար սլաւոն ցեղերի մէջ առաջ եկաւ համասլաւոնականութիւն կամ պանսլաւիզմ:

Ազգային ինքնաճանաչութիւնը վաղ թէ ուշ պէտք է դարձանար և մահմեդական աշխարհում, թէկուզ իսլամը իր կրօնական ֆանատիկոսութեամբ ամենից քիչ նպաստէր ժողովուրդների կեանքի մէջ այդ անխուսափելի պրոցեսին: Մասան, ամբողջ, ինչպէս ամեն տեղ, աւելի ուշ է ըմբռնում ազգային դադարները, քան կրօնականը. և այսօր էլ զանազան ազգութիւնների մահմեդականներ միայն կրօնով են տարբերում մարդկանց, «գինը, մասսաբն» է հասկանալի նրանց: Այդ պատճառով՝ բոլոր մուսուլմանների միութիւնը կամ պանիսլամիզմը շատ աւելի ժողովրդական գաղափար է, քան նացիօնալիզմը: Մեր երկրում քուրդը, լեզգին, չերքէզը, պարսիկը և այլն իրանց դեռ հաշիւ չեն տալիս ազգային հարցերի մասին և միայն թուրք-թաթար ինտելիգենցիայի մէջ է սկսել այդ պրոցեսը. «Каспий», «Հէյաթ» օրգանների շուրջ է սկսել դարդանալ թուրքական նացիօնալիզմը:

Լաւ ճանաչելով թուրք-թաթարական ցեղերի մը տաւոր ստոր վիճակը, այդ նացիօնալիստները աւելի մատչելի համիսլամականութեան տակ են կամաց-կամաց ժողովրդի գիւղիտակցութեան մէջ զարթեցնում պանթիւրքիզմը: Մենք գիտմամբ թարգմանել տուինք և տպեցինք «Մուրճ»-ի № 8 և այս համարներում Հուսէյն-Չաղէի «Ո՞վքեր են թուրքերը և ռվքերից են բաղկացած» յօդուածները, որոնք ոչ մի կասկած չեն թողնում մեր ասածների մասին՝ թուրքերի մէջ զարթնող նացիօնալիզմի նկատմամբ, «մենք պէտք է գիտնանք, ասում է յիշեալ թուրք գործիչը, թէ ռվքեր են թուրքերը, ռվքերից են բաղկացած, իրտեղից են ծագած, ի՞նչ ճիւղերի են բաժանուած, այսօր ի՞նչ տեղերում են բնակութիւն հաստատել և ի՞նչ անունների տակ են ապրում: Այս հարցով ոչ թէ այսօր, այլ մի քանի դար առաջ զբաղուած պէտք է լինէինք»: Այդպիսով հիմք է դնում թուրք-թաթարական ազգային ինքնաճանաչութեան, բոլոր թուրք ցեղերի միութեան կամ համաթիւրքականութեան—պանթիւրքիզմի գաղափարին: Եւ մենք այդ բանի մէջ հակակուտուրական ոչինչ չենք գտնում, առողջ նացիօնալ զգայմունքը համարելով էվօլիւցիայի բնական, անխուսափելի մի օրէնք. սակայն հէնց սկզբից նացիօնալը թուրք ինտելիգենտի մէջ դառաւ նացիօնալիստական: Ցաւը հէնց նրանումն է, որ պ. պ. Աղաեֆները, Թոփչիբաշեները և Հուսէյն Չաղէները հէնց սկզբից նեղսրտութիւն, թշնամանք ցոյց տուին դէպի հայ տարրը, զրան համարելով արգելք իրանց համաթիւրքական քաղաքական հեռաւոր նպատակների, և ամենամեծ խոչնդոտ, որ պէտք էր մէջտեղից

վերացնել: Հայը իր խաղաղ ձգտումներով երբեք չէր կարող արդելք լինել թուրք-թաթարների ազգային կուլտուրական զարգացման, սակայն հայը հէնց ինքնապաշտպանութեան տեսակէտով գէժ կը լինէր պանթիւքըիզմի քաղաքական նպատակին, որովհետեւ անցեալի և ներկայի դառն փորձերը ցոյց տուին, որ այդ ցեղի սանդժած քաղաքական-հասարակական կարգերը եղել են ամենատոկալի բռնապետութեան արտայայտիչներ. «սուլթանութիւն», «խանութիւն», «փաշայութիւն» խօսքերը դառել են ամենավայրենի կամայականութեան հոմանիշներ: Թուրքը այլ տեսակ տիրապետող չի կարող լինել: Եւ ամեն մի ազգ, որ զժբաղդութիւն է ունեցել հրքե իցէ ենթարկուել թուրք-թաթարական իշխանութիւններին—պէտք է խելագուրել լինի նորից նոյն դրութեան վերադառնալու ցանկութիւն ունենալու համար: Միթէ հայը կամ վրացին կը մտածեն դրա մասին երբ և իցէ: Այո, վրացիների աշխարհագրական դիրքը այնպէս նպաստաւոր է, նրանք այնպիսի, ըստ ազգութեան, միապաղաղ գանդուած են կազմում իրանց հայրենիքում, որ թուրք-վրացական ընդհարումների հարցը—ոչ մի հող չի ունենալ իրականութեան մէջ: Այլ է ցիր ու ցան հողած հայի վիճակը: Դարերի ընթացքում թուրք-թաթարական ցեղերին աջողուել է գրաւել ամբողջ Հայաստանը և նրա բնիկ հայ ազգաբնակչութեան միապաղաղութիւնը հիմնաւորապէս խախտել: Անտանիլի կոցութեան երեսից հայի գաղթումը մի կողմից և ներքուստ պառակտուած ոյժերի ջարդերը միւս կողմից—գաղարկեցրին հայկական գաւառները, և այսօր Արաբսի հովիտը և հին Արցախն ու Սիւնիքը «Թաթարստան» են դառել, Վասպուրականը, Բարձր Հայքը և Տուրուքերանը «Բիւրքիստան»: Այդ «Թաթարստանի», Թիւրքիայի և Ատրպատականի ընդարձակ տարածութիւնները բռնել են թուրք-թաթարական ցեղեր, որոնք բնագլխամբ ձգտում են միանալ: Եւ բուռական է Ֆիզիկապէս և անտեսապէս ուժասպառանել այդ երկրներում հայ տարրը, որ de facto իրականաւոր այդ միութիւնը: Թուրք նացիօնալիստների տակտիկայի տեսակէտից, ուրեմն, հասկանալի է հայերի բնաջնջման վայրենի վճիռը: Դրա մասին խօսել ենք անցեալ անգամ և կրկին վերադառնալ նոյն խնդրին աւելորդ կը լինէր:

Սկզբից և եթ մենք թուրք-հայկական ընդհարումների տեսիլով կողմնակից ենք եղել այն տեսակէտին, որ այդ երևոյթը պայմանաւորուած է մի շարք պատճառներով, եթէ տեղական բիւրոկրատիան ու պոլիցիան տարուելով հայատեւութեամբ չմոռանար իր պետական ֆունկցիան և չէզոք, թուրքերի համար

նոյնիսկ բարեկամական դիրք չընեն, այլ իսկոյն և եթ, փետրուարի դէպքերի ժամանակ, կտրուկ միջոցներ առնուէր, իհարկէ ոչ պանիսլամիզմը, ոչ պանթիւրքիզմը, ոչ էլ թուրք խուժանի թալանելու և օսմանելու բնագոյները այնպէս կը բռնկուէին և այնպիսի սոսկալի ծաւալ կը ստանային: Բարեացակամ մեղմութիւնը թրքերի նկատմամբ նոյն ազդեցութիւնը գործեց, ինչ որ քամին հրդեհի ժամանակ: Անպատիժ ոճրագործութիւնները մի ամբողջ ազդի նկատմամբ և իշխանութեան ցոյց տուած անտարբերութիւնը առաջ բերան երկու կռուողների մէջ այն համոզմունքը, որ իւրաքանչիւրի փրկութիւնը թողուած է իր ղէնքի ոյժին: Այդ անորմալ դրութիւնը միթէ չէին կարող բացատրել նրանով, որ իբր թէ կառավարութեան գեվիզն է «բաժանիր, որ տիրես»... Այդ պայմաններում թուրք նացիօնալիստները իհարկէ պէտք է փորձէին իրագործել իրանց նպատակները: Բայց թուրք տգէտ, ֆանատիկոս, անկուլտուրական ամբողջ պատրաստ չէր ըմբռնելու շարժման ազգային կողմը, և ղեկավարները միայն զարթեցին նրա մէջ ֆանատիկոսութիւնը, դազանային բնագոյները... Ով ճանաչում է թուրք ամբոխը՝ նրան հարկաւոր չէ բացատրել, որ իւրաքանչիւր խան, բէգ, սէիդ, հաջի վայելում է իր շրջանում ցեղապետի հեղինակութիւն. զրանց մի խօսքը բաւական է կռուացնելու և խաղաղացնելու թուրք խուժանը: Եւ եթէ ութ ամսուայ ընթացքում չխաղաղուեց երկիրը այդ այն պատճառով, որ թուրք ղեկավարներից ոչ ոք չէր ուզում, ոչ ոք չէր ստիպւում այդպէս անել... Նախկին բեժիմի նիրկայացուցիչները կարծես ամեն ինչ արին՝ վայր գցելու համար սուսական պրեստիժը թէ ներքին և թէ արտաքին աշխարհում: Եւ երբ անաչառ պատմութիւնը իր դատաւճիռը կարգաց հին, նեխած բեժիմին Յուսմի մօտ, մերկացան պետական օրգանիզմի այն բոլոր ցաւազար կողմերը, որ աշխատում էր ամեն միջոցներով ծածկել շահագրգռուած բիւրոկրատիան: Ծայրերի քաղաքականութեան մէջ ևս տարիներով ցանած անարդարութիւնները, ճնշումները, ատելութիւնները աճեցին և առատ հունձ տուին, սակայն թունաւոր հունձ...

Այժմ ի՞նչ անել, ինչ հակաթոյն տալ բռնկած կրքերն հանգստացնելու համար, երկիրն կործանուածից ազատելու համար: Անցեալ անդամ մենք մատնանիշ արինք շուտափոյտ, հէնց այժմ ձեռք առնելու միջոցներ, հրդեհը հանգցնելու համար. այժմ առաջ բերենք այն, ինչ պէտքէ ծառայի ապագայի համար:

Նախ և առաջ՝ մաքուր օդ, առողջ սնունդ, որոնք սոցիա-

լական կեանքում այլ կերպ չեն հասկացում, քան ազատ, արդար կարգեր...

Երկրորդ՝ Կովկասը պէտք է ունենայ տեղական կեանքին մօտ կանգնած առանձին ներկայացուցչական ժողով ընտրուած ազգաբնակիւթիւնից այնպէս որ դէմոկրատիական տարրերի ցանկութիւնները ազատ արտայայտութիւն գտնեն նրանով և ոչ թէ նա լինի բուրժուազիայի և ազնուականութեան կամ մագնատների մի սէյմ: Այդ անելու համար ուսումնականութիւնը պէտք է մի անգամ ընդ միշտ հասկանայ և համոզուի որ ոչ վրաց և ոչ էլ հայ ժողովուրդը այնքան տըհաս չեն քաղաքականապէս, որ ձգտեն սեպարատիզմի, թուրք-թաթարական բիրտ գերիշխման վտանգի դիմաց: Պէտք է մի կողմ նետել խանդոտ կասկածամտութիւնը և բռնի ուսանողական քաղաքականութիւնը, հաւատացած լինելով որ իւրաքանչիւր ազգի առողջ նացիօնալ—կուլտուրական ձգտումը ոչ մի վտանգ չի կարող սպառնալ ընդհանուր հայրենիքի ամբողջութեան, այլ նոյնիսկ աւելի բնական և զօրեղ կը դարձնի նրանց կապը ուսումնական ժողովրդի ստեղծած լաւագոյն պետական կազմի հետ:

Երրորդ՝ ոչ միայն պետութիւնը, այլև իւրաքանչիւր ազգութիւն պէտք է դէմ լինի օտարացնող, կղզիացնող, թշնամութիւն սերմանող նացիօնալիստական արտայայտութիւններին. սակայն երբէք չպէտք է շփոթել նացիօնալը—նացիօնալիստական ձգտումների հետ: Պէտք է խոստովանուել որ իրար կողքի ապրող հայը, վրացին, թուրքը, ուսը իսկապէս իրար ճանաչելու, իրար հասկանալու ոչ մի լուրջ ջանք չեն գործ դրել. իրար կասկածում են, իրար մեղադրում են մեծ մասամբ ասէկօսէներէի, սխալ հասկացած շարժառիթների հիման վրայ: Այդ տգիտութիւնն, այդ անբարեխիղճ մակերևոյթասիրութեան վերջ պէտք է դնել: Այդ կորստարեւր հին ուղղութիւնը փոխելու համար այժմ անհրաժեշտ է, որ թոյլ տրուի գումարել հայ, վրացի, թուրք ընտրեալ ներկայացուցիչների մի համագումար Կովկասում: Անհրաժեշտ է, որ մարդիկ տեսնեն իրար, բացատրուեն, պարզեն թիւրիմացութիւնները, հասկանան իրար, վարատեն անմիտ կասկածներն ու մեղադրանքները և ծրագրեն համերաշխ համակենցաղի պահանջները, պարզելով իւրաքանչիւրի նացիօնալ, սակայն ոչ նացիօնալիստական ձգտումները: Առանց այդ երեք պայմանների մանր-մունը ընթերցանելով և բերօք լրատիական-պոլիցիական կարգադրութիւններով չի կարելի բուժել Կովկասի վէրքերը, որոնցից ամենածանրը նրա ազգերի երկպառակութիւնն է:

— Սեպտեմբերի 30-ին վախճանուեց Ռուսաստանի պրոգրեսիւ բոլոր ոյժերից պաշտուած Սերգէյ Նիկոլաեւիչ Տրուբեցկոյ՝ նշանաւոր գիտնականը, ազնիւ և քաջարի քաղաքացին: Դա համալսարանների ձեռք բերած ինքնավարութեան առաջին խոշոր զոհն էր: Ռուսաստանի ամենահին և ամենապատկառելի համալսարանի առաջին ընտրած ընկտորն էր նա և իրան յանձնուած կրթական մեծ հաստատութեան ազատութիւնը պաշտպանելու համար էր գնացել Պետերբուրգ: Մահը յանկարծակի էր. մի քանի րոպէ մահից առաջ նա իր տաք և խելացի ատենաբանութեամբ պաշտպանում էր լուսաւորութեան միսիստրի առաջ ազատ կարգերի անհրաժեշտութիւնը՝ վերանորոգելու բուռն տենչով բռնուած Նոր-Ռուսաստանի համար, որովհետև առանց խօսքի և գումարումների ազատութեան ոչ մի բեֆորմ չի հասնիլ իր նպատակին...

Իշխան Տրուբեցկոյը իսկական հայրենասէր էր, որի սիրտը բաբախելով ուսւ ժողովրդի, ուսւ հայրենիքի բարգաւաճման համար՝ խորութիւն չէր դնում նոյն երկրում ապրող միւս ազգերի նկատմամբ: Մենք ժամանակին առաջ էինք բերել, սոյն այս էջերում, յունիսի 6-ին Կայսեր ասած նրա ճառից այն խօսքերը, որոնց մէջ արտայայտուած էր նրա լայն հոգին. «պէտք է այնպէս անել, ասել էր նա, որ բոլոր հպատակները հաւասարապէս և առանց խտրութեան զգան իրանց ուսւ քաղաքացիներ, պէտք է չլինեն իրաւագուրդներ և տարարախտացածներ»: Ահա մի հայրենասիրութիւն, որ նոյնքան հեռու է նացիօնալիզմից, որքան առողջութիւնը ցաւագարութիւնից...

Հանգուցեալը ուսւ յայտնի տոհմից էր, ծնուել է 1962 թուականին, աւարտել է Մոսկուայի համալսարանի պատմական-լեզուագիտական ֆակուլտէն: 1889 թ. նա փայլուն կերպով պաշտպանեց «Մետաֆիզիկան հին Յունաստանում» մագիստրալական դիսսերտացիան. 1900 թուականին «Բանի մասին վարդապետութիւնը» անունով դոկտորական դիսսերտացիան պաշտպանեց և դառաւ փիլոսոփայութեան պրոֆեսոր նոյն համալսարանում: Փայլուն հեւտոր, հրաշալի դասախօս, նշանաւոր դիտնական իշխան Տրուբեցկոյը միաժամանակ խմբագիր էր «Вопросы Философии и Психологии» ամսագրի, հրապարակախօսական յօդուածներ էր գրում առաջադէմ թերթերում և սերտ մասնակցում էր ուսւ հասարակութեան ազատագրական շարժումներին: Այս տարուայ սկզբում նա փորձեց հրատարակել սեփական օրգան, շաբաթաթերթ «Московская Неделя», որի հէնց առաջին համարը լոյս չտեսաւ «իրանից անկախ պատճառներով»: Յանձին Տրուբեցկոյի դեռ չկազմակերպուած լի-

բերալ կուսակցութիւնը Ռուսաստանում կորցրեց իր տաղանդաւոր և շիտակ պարագլխին, իր լիւերին:

—Բագուի զարհուրելի ջարդերից, հրդեհներից և թաւաններից յետոյ Պետերբուրգում գումարուեց նաւթագործների համաժողովը: Կարելի է ասած ամբողջ աշխարհը նայում էր թէ ի՞նչ կ'ատեն, ի՞նչպէս իրանց կը պահեն այդ ժողովում ամենից շատ տուժած հայ նաւթագործների ներկայացուցիչները: Դժբաղդաբար զրանց մեծամասնութեան բռնած ընթացքը այնքան մերկանաւ էր, վեհերոտ, որ հազիւ թէ հասարակութեան լաւագոյն մասի համակրանքը գրաւէին: Պէտք է ասել, որ այդ ժողովներում բացի ինժեներ Եակովլեւից շատ բէրն էին կանգնած իրանց կոշման բարձրութեան վրայ:..

Հետաքրքիր էին և բնորոշ սեպտեմբերի 28-ի և 30-ի նիստերի վիճաբանութիւնները, երբ հերթական հարց էր դրուած բանուորական զինքեր կամ զաղովթներ շինելու մասին: Մի հարց, որ ինչպէս ասում են, 8 տարի է դնում է և չի վճռում... Փետրուարեան անցքերից յետոյ կրկին յարուցուել է այդ հարցը. սակայն չեն ուզում աւազակների բռն դառած թրքական Բալխանի, Բոմանի, Սարունչի ու Ջարբատ «գիւղերից» յարքունիս գրաւել 300 դեսեատին հող... Ահա տեղի ունեցած խօսակցութիւնները ժողովում, քաղած Պետերբուրգի թերթերից.

Աղանկ.—Հողի օտարացումը ազգաբնակչութեան մէջ նոյնպիսի դժգոյնութիւն էր յարուցել, ինչպէս կը յարուցէր իւրաքանչիւր ուրիշ սեփականատէրի մէջ, չխօսելով նոյնիսկ այն մասին որ այդպիսի օտարացում կը քանդի նրանց: Գիւղացիները պարտում են իսկզբանէ անտի երկրագործութեամբ, և ջանասիրութեամբ «գիւղեր» ու «ցերեր» մշակում են անբերրի հողը: Անարգար կը լինէր խելի նրանցից հողը...

Խատիսեան.—Մասնացոյց է անում զրանից առաջ պատահած գէպերը, երբ իշխան Գոլիցինի ժամանակ հայ գիւղացիներից խլուած էր ոչ 300, այլ 30,000 դեսեատին: Հայերը դուրսէ «գիւղերները» չեն էլ պարապում երկրագործութեամբ, սակայն «ցերեկները» պարապում են...

Թովչիքաշեւ.—Եթէ գիւղացիներից սկսեն խելի հողերը՝ Անդրկովկասի գիւղացիները շուտով բոլորովին կը զրկուեն հողից: Գիւղացիները առհասարակ սակաւահող են և իւրաքանչիւր շունչին գալիս է 2—3 դեսեատին: Հողի օտարացումը կորստաբեր ազդեցութիւն կ'ունենայ ազգաբնակչութեան բարօրութեան վրայ, որովհետեւ նա համարեաւ բացառապէս զբաղւում է երկրագործութեամբ և այգեպանութեամբ:

Սորել.—Սարունչի, Բալախանի, Բոմանիում ոչ մի երկրագործութիւն չկայ:

Եակովլևի.—Այստեղ նկարագրեցին (ակնարկ Ադաեւլի և Թոփչիրաշիի ասածներն Վրայ) Բալախանում ապրող «մշտական երկրագործի» տիպարը: Այդ տիպարի հետ ես ծանօթացայ դեռ 9 տարի սրանից առաջ, երբ առաջին անգամ եկայ Բագու: Ինչ ուզում էք արէք, ինչ ուզում էք սկսէք այդ գիւղերում, ամենուրեք և ամեն ժամանակ հանդէս է գալիս «մշտական երկրագործի» այդ տիպարը, սակայն ոչ երկրագործական գործիքներով, այլ բերդանով, ատրճանակով, վարձատրութեան պահանջով: Եւ վճարում ենք: «Մշտական երկրագործը» շինութիւններ է վերցնում կապալով և նաւթագործները ստիպուած են յանձնել նրան և անվերջ վճարել ու վճարել նրան: Լինում է և այսպէս. ժողովում է «մշտական այդ երկրագործը» նաւթանց խողովակին և հանգիստ սրտով դնուակ է արձակում և ծակում խողովակը. նաւթը շատրուանի նման խփում է և «երկրագործը» հաւաքում է այն առանձին ամբարում. սակայն հաւաքած նաւթը հոսում է գետնի վրայով և փչացնում նրան, և խփոյն «երկրագործը» գալիս է նաւթագործի մօտ և պահանջում վարձ փչացած հողի համար: Եթէ նոյն հողաբաժնի վրայով տանուած են 10 խողովակ և բոլոր 10 խողովակները մէկը միւսի յետևից կտտրուած՝ կը լինեն, «երկրագործները» կը վերցնեն 10 անգամ փրկանք միևնոյն փչացած հողի համար: Արդարեւ Բագուի «երկրագործները» գիշեր և ցերեկ աշխատում են». ցերեկը տուղանք են ժողովում, իսկ գիշերը հաւաքում են ուրիշի կայքը: Հողերը այդ «մշտական երկրագործների» համար միայն թալանի գործիք է և նրանց ձեռքում եղած հողի քանակութիւնը պակասացնելով միայն կը պակասեցնուի թալանը: Լինում են զէպքեր երբ մի կտոր հողի համար, որ բռնուած է մափտույների երկու սիւներով, վերցնում են միանուագ 15,000 բուրլի և իւրաքանչիւր տարի 150 բուրլի... Այդ բոլորը վաղուց է որ կատարւում է, սակայն այդ բոլորի մասին յաժօթ և ի խայտառակութիւն մեր մինչև այժմ մենք լսել էինք, և այժմ ենք ձայն բարձրացնում: Չայն ենք բարձրացնում նախ այն պատճառով որ օգոստոսեան կատաստրոֆը պատահեց մասնակցութեամբ և մասամբ զեկավարութեամբ «մշտական երկրագործների»: Եթէ նրանք կը մնան—նման կատաստրոֆ նորից կը կրկնուի: Այդ պատճառով անհրաժեշտ է նրանց դադարեցնել:

Ադաեւլի.—Հակաճառելով Եակովլևիին, խօսում է երկու տարրերի ընդհարման մասին. մի կողմից վայրենի, նախնական—միւս կողմից՝ բարոյական սկզբունքներից զուրկ կուլտուրային

գերական: Այս վերջինները կողոպտեցին գեղացիներին, փոխարէնը ոչինչ չտալով, այլ միայն լքցնում են իրանց զրպանները: Կռուտութեանները բաց չարին ոչ մի վարժարան և այլն:

— Սեպտեմբերի 30-ի նիստում մասնակցում էին նաև Բագուի բանուորների հինգ պատգամաւորները:

Ահա ինչ խօսքերով է բնորոշում զրանց թողած տպաւորութիւնը «Наша Жизнь» թերթը.

«Սեպտեմբերի 30-ի նիստում ներկայ էին Բագուի բանուորների պատգամաւորները: Եւ առաջին անգամ համագումարի 10 օրուայ ընթացքում լսուեցին արժանապատուութեամբ լի անկախ խօսքեր: Չկային ոչ շնորհակալութիւններ, ոչ հաճոյախօսութիւնների փոխանակութիւն, ինչ որ մենք սովոր ենք լըսել ամեն մի նիստի ժամանակ, ամեն առիթով և առանց որեւէ առիթի... Պատգամաւորները իրանց ասելիքը յայտնում էին հանգիստ, դիտակցաբար և վստահ, ոչ ճառերի, ոչ դիմումների մէջ նրանք ոչ մի անգամ չգիմեցին նաւթագործների և ինժեներների կողմից այնքան յաճախ կրկնուող մինիստրի պատուանդանի յիշեցումը. «Չերգ բարձր գերազանցութիւն». իրանց հայեացակէտը նրանք պարզում էին կտրուկ, համարձակ և որոշակի, առանց մի բան թաղցնելու կամ կիսատ թողնելու»:

Մուսուլման բանուորները Բագուից յայտնել էին մինիստր Կոկովցեվին թէ իրանք իրանց շահերի պաշտպանութիւնը յանձնում են թոփշիբաշէին...

Բագուի բանուորների զեկուցագիրը, որ նրանք ներկայացրին Ֆինանսների մինիստրին, շօշափում էր հետեւեալ կէտերը.

I Իրաւական ընտրութիւն կրող միջոցները.

1. Տալ բանուորներին իրաւունք. ազատօրէն միութիւններ կազմակերպել, կազմել ամեն տեսակ դրամարկղեր, բանալ վարժարաններ, զրադարաններ, ընթերցարաններ, երեկոյեան դասընթացներ, ընդհանուր զարգացուցիչ առարկաների դասախօսութիւններ, համաբանութեամբ սպառող և արդիւնագործական ընկերութիւններ, իրաւունք՝ նաւթագործների հետ միասին կազմակերպել համաձայնութեան և աշխատանք գտնելու գրասենեակներ:

2. Իրաւունք ազատ գումարումների, խօսքի, աշխատադադարի և ուռա և թուրք լեզուներով բանութեան լրագիր հրատարակելու իրաւունք:

3. Հիւանդութեան, հաշմանդամութեան և գործ չգտնելու դէպքերի համար պետական ապահովագրութիւն:

4. Բանուորների ներկայացուցիչների մասնակցութիւնը

Բագուի և Նրա շրջակայ բնակիչների հետ հաւասար իրաւունքներով:

5. Բանուորների ներկայացուցիչների մասնակցութիւն համապետական օրէնսդրական հիմնարկութիւնների մէջ Ռուսական կայսրութեան բոլոր ազգաբնակչութեան հետ հաւասարապէս:

6. Վտարանդում նաւթահանքերի և գործարանների ըայօններից մարդասպան թաթարների:

7. Նաւթահանքերի և գործարանների ըայօնների բանուորների համար զէնք կրելու իրաւունք:

II Տնտեսական ընաւորութիւն ունեցող միջոցներ.

1. Հող տալ այդ ըայօններում բանուորների համար գաղութներ հիմնելու:

2. Այդ բանուորական գաղութների յատակագիծները քննելու, ինչպէս և շինութիւններ կառուցանելու գործում իրաւունք տալ մասնակցել բանուորների ներկայացուցիչներին:

3. Վարձատրել բանուորներին այրուած կայքի համար:

4. Որոշ գործերում կապալառուների միջոցով պատուէրներ տալը վերացնել:

5. Որեւէ ֆիրմայում ոչ պակաս քան մի տարի ծառայելուց յետոյ իրաւունք տալ ունենալ մի ամսուայ արձակուրդ:

6. Որոշ տոկոս ձեռնարկութեան ընդհանուր օգտից պահել և տալ իրրեւ պարգև այն վարպետներին և բանուորներին, որոնք 6 ամսից պակաս չեն ծառայել:

7. Ութժամեայ օրական աշխատանք:

Ինչպէս տեսնում էք միանգամայն արդար պահանջներ, որոնց իրագործումը բանուորական շարժումները կը մտցնեն արտայայտութեան օրինական հունի մէջ, ինչպէս այդ կատարուել է Արևմտեան Ներոպայում:

ԱՐՏԱՔԻՆ ՏԵՍՈՒԹԻՒՆ

Անգլո-նապոլեոնական նոր դաշնագիրը.—Ռուսաստանի ընդարձակման ուղղությամբ
ապագայում.—Թիւրքիայի խաղերը.—Բուլղար տարբ. Մակեդոնիայում.—Թիւր-
քականների դժուար դրությունը:

Անցեալ անգամ մենք յիշեցինք անգլո-ճապոնական նոր-
դաշնագրի մասին, երբ դեռ մանրամասնութիւնները յայտնի
չէին: Սեպտեմբերի 13-ին Լոնդոնում և Տոկիոյում հրատարա-
կուեց այդ դաշնագիրը ամբողջապէս և այն, ինչ կնքուած էր
դեռ պատերազմի ժամանակ, յուլիսի 30-ին, յայտնի դառաւ
Պորտսմութի ռուս-ճապոնական պայմանագրից յետոյ: Անգլո-
ճապոնական նոր դաշնագրի զօրութեամբ այդ երկու պետու-
թիւնները պարտաւորուած են իրար օգնել ոչ միայն այն ժա-
մանակ, երբ դրանցից մէկը պատերազմի է բռնուած երկու կամ
աւելի պետութիւնների հետ, այլ իւրաքանչիւր դէպքում, երբ
Անգլիան կամ Ճապոնիան ստիպուած կը լինեն պատերազմ
սկսել իրանց հողային կամ յատուկ շահերը պահպանելու հա-
մար: Այդ դաշնագրի զօրութեամբ Կորէան դառնում է ճապո-
նական մի գաւառ, իսկ Անգլիայի համար մշտական երկիւղը
Հնդկաստանի մասին վերանում է: Անգլիան աշխատել է ոչ
միայն Հնդկաստանը ընդ միշտ ազատել պատահարներից, այլ
և որ այդ հարուստ երկրի շուրջ գտնուող սահմանակից երկրնե-
րում իր յատուկ շահերի պաշտպանութիւնը սուպահովուի զի-
նուած ձեռքով: Ի նկատի է առնուած և «Երկնային կայսրու-
թեան (Չինաստանի) անկախութեան և ամբողջութեան» ան-
խախտելիութիւնը: Հիմա եթէ ինկատի ունենանք թէ ինչ ան-
խորտակելի ոյժ են ներկայացնում անգլիական հզօր նաւատոր-
միղը, միացած ճապոնական քաջայաղթ նաւատորմի և գերա-
զանց բանակի հետ, պէտք է տեսնենք որ Ռուսաստանի առաջ-
խաղացութեան դէմ թէ Հեռաւոր և թէ Միջին Ասիայում հա-
մարեալ անյաղթելի պատնէշներ են բարձրացրուած: Ռու-
սաստանի տերրիտորեալ կամ հողային ընդարձակման դէպի Ա-
րեւելք և Հարաւ ամուր խոչընդոտներ են դրուած: Մնում է
աւելի մատչելի ընդարձակումը դէպի Արեւմուտք, սակայն այդ
կողմից էլ ոչ բոլոր սահմանները հաւասար թուլութիւն են

ներկայացնում. Գերմանիայի և Աւստրիայի սահմանները եռապետեան ղինակցութեամբ են պաշտպանուած. մնում է Շվեդիա, Նորվեգիա, Ռուսմանիա և Ասիական Թիւրքիա, որոնց սահմանները ուսական զօրութեան առաջ հեշտ խորտակելի են: Շվեդ-Նորվեգիայի քաքաքական անջատումը վերև յիշած կողմից աւելի վտանգաւոր դարձրեց դրանց միջազգային դրութիւնը: Թոյլ Ռուսմանիան պաշտպանուած է Բալկանեան թերակղզում գոյութիւն ունեցող միւս պետութիւնների բազմաթիւ շահերի հաւասարակշռութեամբ որ խախտուած կը լինէր Ռուսաստանի ագրեսիւ քաղաքականութեան պատճառով: Մնում են Ասիական Թիւրքիայի սահմանները, որոնց պաշտպանութիւնը Ռուսիայի դէմ, Անգլիայի և Ֆրանսիայի կողմից, հազիւ թէ տեղի ունենայ հէնց այն պատճառով, որ Գերմանիայի բռնած ներկայ զիրքով միւս եւրոպական պետութիւնները այնքան էլ չեն շահագրգռուած Թիւրքիայի վատթար բեօիմի պահպանութեամբ, և նոյնիսկ որոշ չափով իրանց պրեստիժը բարձրացրած կը լինէին մարդկութեան առաջադէմ հասարակական կտրծիքի առաջ, եթէ Ռուսաստանի առաջխաղացումը հիմը դառնար Թիւրքիայի բաժանութեան: Գործերի այդ ընդհանուր դրութիւնը շատ հաւանական է դարձնում, որ շուտով Մերձասոր Արեւելքում են կենտրոնանալու մեծ պետութիւնների քաղաքական ջանքերը: Արդ, ինչ է սպասում հայութեան, աշխարհիս այդ մասում: Հայութիւնը իր թուով և անտեսական-բայոյական ոյժով, վերջին թուրք-ոսոսական պատերազմից յետոյ, չափազանց թուլացաւ սուլթանի ձեռք առած տմարլի միջոցների շնորհիւ: Եթէ առաջ թուրք և քիւրդ մասսաները հային միայն արհամարհում էին, իբրև ամեն մի քրիստոնեայի, այժմ իւրաքանչիւր չնչին առիթից օգտուում են՝ սրի անցկացնելու համար միայն հայերին, թալանելու, հրկիզելունը-րանց ունեցածը: Թուրք «պրոգրեսսիւ» տարրը այնքան չնչին է և անքան կտրուած մուսուլման մասսայից, որ նրա ազդեցութիւնը թիւրքական կեանքում կարելի է բոլորովին հաշուի չառնել: Այդ, ինչ է սպասում հայութեան, եթէ Թիւրքիայի գոյութեան վըտանդ սպառնայ որևէ բրիտանիայ պետութեան յարձակման շնորհիւ. դժուար չէ գուշակել թէ նախ և առաջ ռր տարրի վրայ պէտք է իր վրէժը հանի թէ սուլթանական բեօիմը և թէ ֆանատիկոս թուրք ամբոխը:

Թիւրք և քիւրդ մասսաների զազանային բնազդները վերջին քառորդ դարի ընթացքում չափազանց շատ են յազուրդ գտել անպատիժ կերպով հայի արիւնը ծծելիս, նրա ունեցածը յափշտակելիս. այդ մասսաները չափազանց վարհնակամբեր 1905.

ժուել են ոճիրների մէջ և եւրոպական անկարողութիւնից լըկտիացել, որպէսզի հնարաւոր լինէր նրանց զսպել անգէն ձեռքով. իսկ մինչև դրսի զինուած ձեռքը կարողանայ ներս մտնել թիւրքաց Հայաստան—հայի արևը մարած կը լինի: Ինչ կարող է անել մի բուռն անգէն, թշուառացած ժողովուրդ մինչև ատմները զինուած զազանների ահադին բազմութեան մէջ, եթէ նոյնիսկ քրիստոնեայ զօրքերի ներկայութեամբ, քրիստոնեայ պետութեան մէջ, ինքնապաշտպանութեան համար վտրրիշատէ զինուած հայը 9 ամիս շարունակ անկարող է վերջ դնել թրքական խժդժութիւններին: Հայի կացութիւնը թիւրքիայում չափազանց վտանգաւոր է դարձել և բողոքելու հին տակտիկան կորցրել է իր իմաստը... Միւս կողմից երազել թէ թիւրքիայում յաղթող կը հանդիսանայ «պրոգրեսսիւ տարրը», առաջ կը գալ, չգիտենք որ դարում, «միջազգային ուժեղ պրոլետարական կազմակերպութիւն», նշանակում է զօռ տակ երևակայութեան և ուսուղիաներին, առանց հաշուի առնելու սոսկ իրականութիւնը իր ահուկի ֆակտերով...

Մակեդոնական հարցը, որի լուծումը բազմաթիւ պատճառներով, համեմատաբար, աւելի դիւրին է, քան հայկականը, դեռ մնում է համարեա նոյն դրութեան մէջ, ինչ էր առաջ: Եւրոպական կոմիսարների ներկայութիւնը չարգելեց որ թիւրքիան յունական հրոսակների աջակցութեամբ ահադին հարուած հասցնի բուլղար տարրին այդ երկրում. թիւրքիան, աւելի վտանգաւոր համարելով բուլղար յեղափոխական տարրի գործունէութիւնը, de facto օրէնքից դուրս է յայտարարել բուլղար ժողովուրդը Մակեդոնիայում և ենթարկելէ նրան անվերջ հալածանքների: Ահրջին հինգ տարիների ընթացքում բուլղարական վարժարանների երբեմն ծաղկած ցանցը սոսկալի կըրճատուեցների ենթարկուեց: Բուլղարները տնտեսապէս բայքայուեցան այդ երկրում և կորցրին իրանց առաջուայ ազդեցութիւնը. ծայրայեղ ազգայնական ատելութեան հասան Մակեդոնիայում ապրող յոյն, բուլման, սերբ և բուլղար տարրերը, չընայած որ բոլորն էլ քրիստոնեայ են, բաղդակից և կանգնած միևնոյն կուլտուրական աստիճանի վրայ: Թէ ազգայնական կրքերի և թէ մեծ պետութիւնների փոխադարձ նախանձի վրայ հիմնելով իր խաղերը՝ սուլթանը աջողութեամբ վարում է իր նկնդ քաղաքականութիւնը, ձգձելով բեֆորմների հարցը Մակեդոնիայում և միաժամանակ ամրացնելով Բոսֆորի ափերը նոր սխտեմի ուժեղ թնդանօթներով: Անգլիայի ղայրոյթին առանձին նշանակութիւն չտալու չափ շօշափելի փաստերով է ամրացնում նա իր սերտ բարեկամութիւնը Գրբմանիայի հետ. վերջերս

բրիտանական դեսպանը միջնորդում էր, որ Բարձր Դուռը անգլիացիներին տար կոնցեսսիա, շարունակելու իրանց կառույցած երկաթուղին Ջմիլունիայի վիլայեթում (Ախլին—Էգդիր), ըայց սուլթանի կառավարութիւնը մերժեց այդ, մինչդեռ աւելի մեծ կոնցեսսիաներ էր նա սիրով տալիս Անգլիայի հակառակորդ Գերմանիային, որին վերջերումս գիշեց Բոսֆորից ոչ հեռու գտնուող կղզիներէրց մէկը...

Եւ Թիւրքիայի յանդգնութիւնը այնտեղ է հասնում, որ նա դուրս է վնդում Մակեդոնիայից աշխարհահռչակ անգլիացի քաղաքական գրող և գործիչ Ջէմս Բրէյսին, որ գնացել էր Մակեդոնիա գիւսական նպատակներով. նա մտադիր է եղել այցելել Տաօր գիւղը, Յուստինիանոս կայսեր ծննդավայրը։ Պոլսից կարգադրում են հեռացնել նրան Մակեդոնիայից։ Եւ, գերմանական լրագրները չարախնդութեամբ արձանագրելով այդ եղելութիւնը յայտնում են իրանց ղեգոհութիւնը Անգլիայի դէմ «որ դիմակաւորուած իր քիթն է կոխում թրքական գործերի մէջ»...

Այո, դրութիւնը չափազանց փափուկ է և խճճուած ու վտանգաւոր, ուստի հայից պահանջում է այս հանգամանքներում բազմակողմանի ուսումնասիրուած, հեռատես ու շրջանկաւ տակաւիկա։

Լ. Ս.

ՊԱՔԵՐԱԿԱՆ ՀՐԱՏԱՐԱԿՈՒԹԻՒՆՆԵՐ

ԱՐԱՐԱՏ, Մեպտեմբեր: — Մայր Աթոռի պաշտօնական օրգանը իր արտաքինով և բովանդակութեամբ չափազանց յաճախ է մետամորֆոզներէ կենթարկուած. իւրաքանչիւր նոր խմբագիր կարծես իր ճաշակի համեմատ է ընտրում բաժիններ, շապկի նախշեր... սակայն մի բան անփոփոխ է մնում. չկարող, թափփուկ երեսներէ հետ և անփոյթ, ոչ-սովիւ հրատարակութիւնը: Թըւում է թէ մի ամբողջ «տպարանական կոմիտեա» և միաբանութիւն կարող էին հաստատուն և իր կոչման համապատասխան արտաքին ձև տալ Ամենայն Հայոց Կաթողիկոսի օրգանին... Ինչ բաժիններ ուղղման թող մտցնեն, սակայն 3 բաժնի վրայ անհրաժեշտ է առանձին խնամք տանել և ամեն կերպ աշխատել այդ 3 բաժինները ճոխ և լուրջ դարձնել, առաջինը—«Պաշտօնական» բաժինը. երկրորդ — «Հայոց եկեղեցին», որի համար Մայր Աթոռը կարող էր պահանջել բոլոր աշխարհի հայ առաջնորդներից և պատրիարքներից պարբերաբար լիակատար տեղեկութիւններ հայ զանազան հատուածների մասին. այդպիսով «Արարատը» կը դառնար մի կենտրոն, ուր հաւաքւում են հայ եկեղեցու և ժողովրդի կեանքի մասին ընթացիկ հետաքրքիր նիւթեր: Այդ բաժինը եթէ լաւ տանուի կը դարձնի «Արարատը» հայութեան անշատ մասերը շաղկապող մտաւոր կապերից մէկը: Այժմ այդ

բաժինը մատնուած է պատահականութեան: Երրորդ բաժինը, որի վերայ առանձին հոգ պիտի տանուի— «Հայ գիտութիւն» է: Մի օրգան, որ լոյս է տեսնում հայոց միակ բարձրագոյն դպրոցի՝ Ճեմարանի՝ վայրում, ամենահարուստ ձեռագրերի ունեցող մի վանքում—կարող էր այդ բաժինը տանել այնպէս, որ թէ ինքնուրոյն հետազոտութիւններ ղեկեղնէին և թէ համառօտ տեղեկութիւններ տրուէին այն բոլոր աշխատութիւնները մասին որ կատարւում են դրսում հայագիտութեան ճիւղի մէջ: Էջմիածնի զիտնականները պէտք է իրանց պատուի խնդիր համարէին այդ բաժնի լուրջ և լիակատար խմբագրումը: Դժբաղդաբար այդ երեք զիտաւոր բաժինները բաւական ողորմելի ձեւով են տանուում: Արժէր լուրջ ուշադրութիւն դարձնել Մայր Աթոռի և Ամենայն Հայոց Կաթողիկոսի օրգան «Արարատ»-ի աւելի խնամքով հրատարակութեան վրայ. նա պէտք է ունենայ թէ արաբերէն և թէ ներքին պատկառելիութիւն...

ԵՐԱԿ, օգոստոս:—Երկպտոսում լոյս տեսնող այս ամսագիրը, խօսելով Կովկասի վերջին զէպքերի մասին, արտայայտում է մտքեր ուրոնք բնորոշ են ժամանակակից տրամադրութիւնների տեսակէտով. «Թէ Ռուսիոյ և թէ Թիւրքիոյ ու արտասահմանի հայերը համոզուեցան որ Կովկասի Հայութիւնը մէկ քանի օրուան մէջ բնաջինջ պիտի անհե-

տանայ այն օրը որ ուսանական բանակը իսլամները չզգայէ։ Բազու ունոր (?)—Նախճատանի ղէպերը ցոյց տուին վայրենի թաթարներու վայրագ զօրութեան անհեղութիւնը ու քաղաքակիրթ Հայոց ուսումնադարձ մտաւորականութեան տկարութիւնը։ Իրաւ է թէ Հայերը յանկարծակիի եկան ու անդէն դանուեցան, բայց եթէ նախապատրաստութեամբ սպառազինուէին իսկ, ուրիշ յաջողութիւն չեն կրնար տիկնալիւ բայց եթէ փառացի մահ յետ քաջամարտիկ ընդդիմադրութեան։ Զինեալ մէկ հայ ի՞նչ կրնայ ընել զինեալ տառ իսլամի դէմ։ Կովկասի հայերը վերջին ամիսներու աղէտաւոր ղէպերէն ցրնցուելով չէ որ կ'ըմբռնեն թէ իրենց կեանքը, հարստութիւնը, ամբողջ զոյւթիւնը ուսանական բանակին պտտական են։ Ոչ, ութսուն տարի է ի վեր Կովկասեան հայերը դիտեն, թէ՛ առանց Ռուսիոյ տիրապետութեան իրենք ոչնչանան լման պիտի։ Դժբաղդաբար, վերջի տարիներս Զուլիգերական ներշնչմամբ մոլորած հայ երիտասարդութիւն մը քաղաքական նշանաբան հռչակեց՝ «Կովկասը կ'ովկասցիներուն» դաւանանքը, ահանջ չկոխելով անոնց որոնք՝ երկրին պայմաններուն քաջատեղեակ՝ ըմբռնած էին, թէ առանց ուս բանակին ներկայութեանը, Կովկասի իսլամները Հայերը կը ջարդեն կը լմնցնեն։ Վերջին աղէտաւոր պատահարները հաւանորէն ամենուն աչ քերը բացին։

Մենք թրքահպատակ հայերս ալ մեր կարգին մտքերնու ջնջել հանելու ենք այն տխմար ենթադրութիւնը թէ ինքնավար Հայաստան մը իբր ամբարտակ պիտի բարձրանայ հանդէպ Ռուսիոյ, արդիւնու համար անոր յառաջդադացումը ղէպի Արեւելք։ Չենք գիտեր, թէ այս յիմարաբանութիւնը էն առաջ հրապարակ նետողը մը ապուշը եղաւ, իբր քաղաքադիտական խորոնկի մտածմունք մը. բայց այս գիւտը, որովհետեւ շատ

տխմարաբանական էր, ուստի և մեր մտքերուն մէջ լայնածաւալ տարածուեցաւ... Ապա, մեծ յոյսեր ունենալով, որ Հայաստանի հարցը կը լուծեն «Անգլիոյ ազատական կուսակցութիւնը, Ֆրանսիայի և Ռուսիայի հետ համաձայնութեամբ» յիշեցնում է թէ «Ժամանակը հասած է որ արտասահմանի Հայերը ազգային քաղաքականութեան մը մեծ գծերուն վրայ խորհեն, և զանոնք գծեն»։

Այն ինչ Ալեքսանդրիայում առաջարկում է պ. Ա. Արփիարեան ահա մի քանի ամիս է, որ լուրջ մտածողութեան առարկայ է և ուսանայ ինտելիգենցիայի բազմաթիւ շրջաններում, ինչպէս և Եւրոպայի և Ամերիկայի հայերի։ Պէտք է հնարաւոր դարձնել, որ ամբողջ հայութեան ներկայացուցիչները ի մի ժողովուրդ և երեսուն ձիգ տարիների դառն փորձերից յետոյ, մշակեն ընդհանուր ազգային քաղաքականութիւն, գործունէութեան նպատակադրման տակտիկա։ Թող այդ համազգային համագործակցութեամբ շարունակուի զոտի հայ ժողովրդի ազատ կամքը։

ԴԻՏԱՐՔԻՈՆ, Թ. № 7, յունիս։— Բացի ընտելտական յօդուածներէց այս ամսաթիւերի մէջ տպուած են նաեւ մանկավարժական և դիւղատնտեսական դրուածքներ, ինչպէս և օգտակար գիտելիքներ։ «Լուցիւրի պատրաստութիւնը» յօդուածը զարդարուած է 5 գեղեցիկ պատկերներով, որոնք զիւրացնում են հասկանալ այդ ամենատարածուած իրի պատրաստութեան գործողութիւնները։ Մանկավարժական բաժնում այս անգամ տպուած է «Գծադրութեան ուսումը մեր մէջ»։ Գիւղատնտեսական բաժնում. «Պաթէն կրած խմորումները, անոր հիւանդութիւնները և անոնցմէ ազատ պահելու միջոցները»։

ԼՍՅՍ, Թ. 11, սեպտեմբեր։— Բոս-

տանում 4-րդ տարին է հրատարակում է մի «գիտական և բարոյական և իմաստասիրական հանդէս», մեր «Առողջապահիկ»-ի ծաւալովը, մեծ մասամբ իրազմանական կամ կոմպլիկատիւ յօդուածներէց կաղմած: Յիշած համարի բովանդակութիւնն է. «հոգեբանութիւն», «երկինք ու երկիրը», «Սրենսն», «Շիլլէր», «Օձ գինին քարի օղին» (հարեցողութեան դէմ), «գիտական նորութիւններ» (եկեղեցականութեամբ դեղ առնել, ողեհարութիւն և վատասերում):

«Արշալոյս»: — Թիւրքահայերը վաղուց ունեն մեծածաւալ և պատկերազարդ օրաթերթեր: Ռուսահայերիս մէջ «Արշալոյսն» էր որ ապացուցեց թէ սկզբնական որոշ զբաղման ոյժով մեր պայմաններում ևս հնարաւոր է հրատարակել մեծ ծաւալով օրաթերթ: Միաժամանակ վերսկսուած «Նոր-Դար»-ն ևս իր ծաւալը մեծացրեց. նոյնը խոստացել է անել նաև «Մշակը»: «Արշալոյս»-ի ցարդ լոյս տեսած № №-երը բուականահաճախ նիւթ են տալիս զարգացող կազմելու այդ նոր օրգանի մասին, որ իր ուղղութեամբ պատկանում է առաջադիմական բանակին, առանց որոշ մասնաւորման: Էժանութիւնը, (տարեկան 7 ռ., հատով Թիֆլիսում 3 ի.), մեծ ծաւալը և բաղմախոյանի բովանդակութիւնը անշուշտ կը նշանակեն նոր թերթի տարածման: Այդ տարածման միայն կարելի է ուրախանալ, որովհետեւ բաղմախոյանով հայ լիցրցողների թիւը՝ աղղալին-հասարակական կեանքին կապուած են նորանոր, մինչ այդ անտարբեր խաւեր և ինքը այդ կեանքը սկսում է զարգանալ աւելի մեծ թափով, աւելի զիտակցական ձևով: Ռուսաստանի հայերի թիւը՝ մօտ 1¹/₂ միլիօն է. միակ հայոց օրաթերթը՝ վերջին տարուայ ընթացքում, «Մշակ»-ը, ամենաշատը տարածւում էր 6000

օրինակ: Յանկայի է որ հայոց օրաթերթերն կարողանային գրաւել ընթերցողները նորանոր շրջաններ. և իսկապէս, միթէ 1¹/₂ միլիօն մի աղղալնակութիւն, որ կուտուրական տարր է կոչւում, պէտք է մի քանի հարիւր հազար ընթերցողներ չունենար. Այն էլ պէտք է ասել, որ մի քանի տարի առաջ ևս կովկասահայերս ունէինք երեք օրաթերթեր. «Մշակ», «Արձագանք» և «Նոր-Դար», ուրեմն, օրաթերթերի թիւը չի աւելացել, այլ աւելացել է հանդէսների թիւը. մի մանկական - մանկավարժական ամսագիր («Հասկեր»), մի «Առողջապահիկ Թերթ» և կիսամեայ «Նուման» դառել է ամենամետայ: Այժմ, ուրեմն, ունենք պարբ. հրատարակութիւնների մի պատկառելի թիւ. 3 լրագիր, 3 ամսագիր, 1 շաբաթաթերթ, երկու մանկական ամսագիր, և մէկ առողջապահական կիսամետայ հանդէս: Իսկ ճրքան հրատարակութիւններ արտասահմանում, «Ազգերնի» կ'առաջադիմի կողմ... բայց միակողմանի. ընթերցողների թիւը շատ դանդաղ է աճում:

«Առողջապահիկ Թերթ», Հոկտեմբ. — Դպրոցների վերաբացումը բնականաբար պէտք է ստիպէր այդ մասնագիտական թերթին առանձին ուշադրութիւն դարձնել զպրոցական առողջապահական զանազան հարցերի վրայ: «Այսօր եւրոպական երկրներում, ասում է «Ա. Թ.» հասկացին բժշկի մասնագիտութեան անհրաժեշտութիւնը ոչ միայն երեխաներին բժշկելու գործում, այլև մանկավարժական բոլոր խնդիրների մէջ: Եւ շատ տեղերում իրագործուած է նւստերովի յայտնած բաղձանքը, որ 1) կըթական խնդիրները յաջող լուծումն անդիւրի կելլալով կապուած լինի բժշկի ներդրածական մասնագիտութեան հետ ուսումնական կրթական գործում. 2) բժշկի, իրեն ուսանողների առողջութեան պաշտպա-

նի, իրաւասութեան ներքոյ (և ոչ ներքո) *) պիտի լինեն բացի ուսումնաբանական հիմնարկութիւններէ ֆիզիքական մասից, նաեւ մանկավարժական խնդիրները այն չափով ինչ չափով նըրանք կապուած են ուղեղային—նեւրվային գործունէութեան հետ: Սակայն մեր բազմաթիւ զսլորոցները գաւառներում սրտեղից վերցնեն բժշկիչներ, այդ պակասը պէտք է լըրացնեն զսլորոցական առողջապահութեան նաւերած յօդուածները և գըրքերը: Մի այդպիսի լուրջ հրատարակութեան մասին—դոկտ.—Փաշայեանի—մենք անցեալ անգամ խօսեցինք: Նոյն հարցերի շարքին է պատկանում և «Ա. Թ.» այս համարում «Դասասեղանների մասին» յօդուածը:

«Հասկեր», № 1 - Սեպտեմբեր:—Այդ նոր մանկական պատկերադարձ ամսագրի առաջին տետրակից դժուար է հասկանալ թէ որ հասակի ընթերցողներին ևս գլխաւորապէս ի նկատի ունեցել այդ հրատարակութեան ղեկավարները: Օրինակ, «Հայրենի առասպելներէց և վէպերէց» յօդուածը հազիւ թէ մատչելի լինի 6—10 տարեկան մանուկներին: Մեղ թւում է, որ «մանկական» թերթը գլխաւորաբար պէտք է ի նկատի ունենայ այդ հասակը, որովհետեւ աւելի բարձր տարիներ ունեցող հրեւիսներին համար «աւելի հեշտ կարելի է ընթերցանութեան նիւթ գտնել:

*) Թող ներուի մեզ նկատել, որ ուղղագրութեան հարցերում մենք գտնում ենք բժ. Վ. Արծրունուն անկողմնետան. նա չպէտք է իրան թոյլ տար քմահաճ նորմութիւններ աւելի հայոց լեզուի ուղղագրութեան մէջ. այդպիսի հարցերի լուծումը պէտք է գլխիտանա ընթերցատորների անձնական ճաշակից դուրս լինի, եթէ չենք ուզում բարելոնեան խառնակութիւն և քաօս ստեղծել մեր ուղղութեան մէջ...

Յամենայն դէպս, պէտք էր նիւթերը դասաւորել դէթ երեք բաժիններում. մի բաժնում գնել այնպիսի նիւթեր որոնք մատչելի են 6—8 տարեկան մանուկներին, երկրորդում՝ 8—10 և երրորդում՝ 10—13: Նիւթերը չպէտք է ձգձգած լինեն, մինչդեռ, բացի պ. Բաշինջաղեանի «Իմ հասկերը», միւսները կամ շարունակելի են կամ բաւական արուեստակար: Փորրիկ, զոգոր բանաստեղծութիւններ չկան: Անշուշտ մանկական զըրոգներ համարեա չունենք. բայց ինչո՞ւ չօգտուել համաշխարհային հարուստ գրականութիւնից, երբ սեփական բաւական անտաշ է և գուրկ մանկական հողին շարժելու յատկութիւններից: Բոլոր գրուածքներն էլ, բացի Յ. Թումանեանի «Գառնիկ ախղէրից» և Բաշինջաղեանի յիշուած գրուածքից, լեզուի կոզմից բարդ են և վերացական բառերով ու դարձուածքներով խճողած. այդպիսի գրուածքներ կարող են հասկանալի լինել գրական լեզուն լաւ հասկացող 12—14 տարեկան զսլորոցականներին. մինչդեռ մեզ թւում էր, որ ամենամեծ ուշադրութիւնը պէտք է դարձնել 6—10 տարեկան երեխաների վրայ, չմոռանալով և այն, որ թէ դաւառացի, գիւղական երեխաներին և թէ մեծ քաղաքներում մեծացողների համար բարդ գրական սճերն ու դարձուածները առանց կոզմիակի օգնութեան անմատչելի կը լինեն: Պէտք է լաւ պատկերացնել թէ իւրաքանչիւր գրուածք մը հասակի հասկացողութեան է յարմարեցրուած:

«Հասկերի մանկավարժական բաժնում չափազանց մեծ տեղ է տուած խորհրդածութիւններին և շատ քիչ գործնականին: Իւրաքանչիւր ծնող, որ հնարաւորութիւն չունի իր երեխաներին «մանկական պարտէզ» ուղարկել (և ուր են այդ հաստատութիւնները մեր գաւառներում, քանի որ մեծ քաղաքներում էլ համարեա գոյութիւն չունեն) կամ ինքը գաղա-

փար շունի թէ ինչպէս պէտք է կազմակերպել մանկապարտիզական խաղերն ու զբաղմունքները, շատ աւելի շնորհակալ կը լինէր, եթէ տրուէին ամսագրի այդ բաժնում սխտեմատիկական դասեր նկարներով, քան վերացական դատողութիւններ: Օտարները ունեն բազմաթիւ ձեռնարկներ մանկապարտիզներ կառավարելու համար, աւելի լաւ չէ՛ր այդ պակասը լրացնելու մասին մտածել հէնց սկզբից: Հաւատացէ՛ք, որ կըրթուած ծնողները համար գուցէ քիչ նորութիւն կայ այդ բոլոր դատողութիւնները մէջ, իսկ նա պատրաստներին ոչինչ չեն ասում զբանք, առաջ գործնականի, առարկայական, կոնկրետ, պրակտիկական նպատակները աչքի առաջ ունեցէ՛ք. մեզ այդ է անհրաժեշտ: Ի՛նչ խօսք, որ բոլոր սրտանց ցանկանում ենք աջողութիւն և կատարելագործութիւն այդ օգտակար ձեռնարկութեան:

Նոր-Պար. — Ինչպէս ասացինք վերանորոգուած այդ օրաթերթը մեծացրել է իր ծաւալը: Թուրք-հայկական ընդհարումներին նուիրուած են մի շարք առաջնորդողներ «Հայութիւնը վտանգուած է», «Մեր կացութիւնը» և այլն, որոնց մէջ պաշտակալութեան հայի բնաւորութեան հրու և կործանիչ պակասութիւնները: Այդ «մտորակողական» ուղղութեամբ զրուած յօդուածները առանձին ուղադրութեան են արժանի: Եթէ հայը իր գլխին թափած անօրինակ պատահարներից յետոյ էլ ամենալուրջ կերպով չի աշխատել իր բնաւորութեան և խակ հասկացողութեան կործանիչ պակասութիւններն վերացնելու մասին— նրան կը վիճակուի մի շարաքաղդ վախճան հէնց իր նախնիքների հողի վրայ...

ԽՄԲԱԳՐՈՒԹԵԱՆ ԿՈՂՄԻՑ

Այս համարից բանտում ենք «Մուրճ» ամսագրի 1906 թուականի բաժանորդագրութիւնը, որը կոխելով նոր շրջանի վեցերորդ տարին: 1906 թուականի այն բաժանորդները, որոնք կը գրուեն մինչև այս տարուալ գեղատեմբերի 1-ը, վճարելով տարեկան ամբողջ բաժանորդագինը (10 բուրլի) միանուագ՝ կը ստանան, իբրև պրեմիա, մեր աշխատակից պ. Առանձարի՝ «Երկերի ժողովածուն»¹), որի մէջ երիտասարդ բեղերիստ— իւմորիստը գուրս է բերում թիւրք բեժիմի բնորոշ դժերը: Նոր գրուող բաժանորդները այդ պրեմիայի փոխարէն կարող են ստանալ այս նոյեմբեր և դեկտեմբեր ամիսների «Մուրճ»-ի համարները ձրիաբար:

Մեր բոլոր այս տարուայ բաժանորդներին ներկայ համարի հետ ուղարկում ենք տպուած փոխադրական բլանկեր (переводы):

Թիֆլիսի պահեստներում «Մուրճ»-ի սովորական թուղթը սպառուած լինելով, այս համարը ստիպուած էինք այլ տեսակի թղթի վրայ տպելու: Գալ համարից կրկին կը տպուի նախկին տեսակի թղթի վրայ:

Փա՛մ. խմբագիր՝ Լ. Սարգսեան Հրա՛ս. Վ. Բաւանեան Լ. Սարգսեան:

մտղով եւ հաշաւարացաւորքական համադրումարի անհրաժեշտութիւն— Իշխ. Ա. Ն. Տրուքեցիոյ:— Բա- զուի արդիւնադործներն ներկայացուցիչները Պետեր- բուրգում:— Բազուի բանուորներն ղեկուցողիրը . . .	159
16. ԱՐՏԱՔԻՆ ՏԵՍՈՒԹԻՒՆ.—	176
17. ՊԱՐԲԵՐԱԿԱՆ ՀՐԱՏԱՐԱԿՈՒԹԻՒՆՆԵՐ	180
18. ԽՄԲԱԳՐՈՒԹԵԱՆ ԿՈՂՄԻՑ	184
19. ՅԱԻԵՆՈՒԾ. Ջէյմս Մորիէյն «ՀԱՋԻ ԲԱԲԱՆ ԱՆԳ- ԼԻԱՅՈՒՄ», վէպ պարսկ. կեանքից, թարգմ. անգլ. Մ. Կարապետեանի.	129—143

ԽՄԲԱԳՐՈՒԹԵԱՆ ԿԱՆՈՆՆԵՐ

1. Խմբագրութիւնը յատուկ խնդրում է յօդուածագիրքից՝ զբեր պարզ,
մտնաւանդ յոտեր, յատուկ անուններն ու օտար բառերը, եւ քերքի միայն մի
երեսի վրայ. առանձնապէս ուշ պարզեցի կէտադուրեան, ուղղագրութեան եւ
նոր պարբերութիւնները սրտասկի լինելու վրայ: Թարգմանութեան հետ պէտք
է ուղարկել խմբագրութեանը նաեւ բնագիրը:

2. Ձեռագրութեան մէջ յօդուածները պահուում են խմբագրատանը 6 ա-
միս, իսկ յետոյ ոչնչացուում են: Ձեռագիրը յետ ստանալու համար պէտք է
ուղարկել ճանադարձածախսը: Փոքր յօդուածներն ու ստանաւորները չեն
վերադարձնուում:

3. Գրութեան լիակատարութեան չափը որոշում է խմբագրութիւ-
նը: Խմբագրութեան առանց պայմանների ուղարկուած ձեռագիրները հա-
մարում են անվճարելի:

4. Խմբագրութիւնն իրան է վերապահում ուղարկուած յօդուածները
փոփոխելու կամ կրճատելու իրաւունքը:

5. «Մուրհի» համարը չստացուելու դէպքում պէտք է խմբագրութեան-
նը տեղեկութիւն տալ ոչ ուշ, քան յաջորդ համարի լոյս տեսնելը:

6. Խմբագրութեանը պահապան հարցումներով դիմող անձինք պէտք
է պատասխանի համար ուղարկեն նամակադրոշմ կամ պոստային բլանկ:

7. Հասցէ փոխելու համար պէտք է ուղարկել 40 կոպէկ: Հասցէի
փոփոխումը պէտք է ստացուի իւրաքանչիւր ամսի 10-ից ոչ ուշ, որպէս-
զի առաջիկայ համարն ուղարկուի նոր հասցէով: Նոր հասցէի հետ պէտք է
յայտնել նաեւ հին հասցէն:

ԲԱՅՈՒՆԺ Է ԲԵԺԵՆՈՐԴԵԳՐՈՒԹԻՒՆ

1906 թ.

ՄՈՒՐՃ

ԳՐԱԿԱՆ, ՀԱՍՏԱՐԱԳՐԱԿԱՆ ԵՒ ՓԱՆՍԲԱՊԱՆ

Ա Մ Ս Ա Գ Ր Ի

(Նոր շրջան VI տարի)

Բ Ա Ժ Ա Ն Ո Ր Դ Ա Գ Ի Ն Ը

Ռեպուսան հ

Պարսկաստան տարեկան	10 ռ.	Արսաստան	12 ռ.	(32 ֆ.)
իկա տարին	6 »	»	7 »	(18 ֆ.)
1 ամսական	1 »	»	1 » 20 կ.	(31,2 ֆ.)

Նամբոր թիվն, թվանորոգողներ կարելի է վճարել նաև մաս-մաս. բա-
կըղում 5 ռ., մայիսի 1-ին 3 ռ. և յունիսի 1-ին 2 ռ. — կամ՝ ակըղում
5 ռ. և յունիսի 1-ին 5 ռարիս. Հայոց գոր. վարժուհիների և ուսուցչների,
գիտական քանականների, միջն. ուս. աշակերտների և ուսանողների համար
թվանորոգողներն է 8 ռարիս Ռուսաստանում, թիֆլիսի թվանորոգողները
կարող են տարեկան թվանորոգողնոր (10 ռ.) վճարել մաս-մաս: Թվանո-
րվ աշնակա, ինչպես կրանի չարմար է:

ԲԱԺԱՆՈՐԴԱԳՐՈՒԹԻՒՆԸ ԸՆԴՈՒՆԵԼՈՒՄ Է

Երբեքուսմ խմբագրատանը ձեռնամանակն փողոց, ա. № 12)

Խայտա: րեան այլ «կերից պեղ» է գրվել՝ Тифлисть, въ редакцію
журнала «МУРЧЪ».

Արսաստանից՝ Tiflis, Rédaction de la revue «MOURTCH».

«Մուրճ»-ի զորմակալները.

Աստուխան—Գ. Բ. Մկրտումյան:

Բազում—Բժ. Գ. Սարգսյան, (Ե. Морская, д. № 26) և պ. Յ. Քո-
չարեան:

Երբեկյան—պ. Գ. Տ.—Գանիկյան:

Կեկուսմ—«Արարատ» զրամատնոթ:

Կարս—պ. Համբարումյ 8.—Պաշտարեան:

Մակուս—պ. Ստ. Թումանյան:

Սոջի—Արամ Յակոբյան (Սեծովեղերեայ շրջան):

Ստեփանիզ—Բ. Բ. Բեկլիյան (Անդրկասպյան երկիր):

Թիֆլիզ—«Գուտտեղերից» և «Կենտրոնական» զրամաճառ.

Թուրիզ—պ. Յ. Տէր-Սահյանյան:

Եգիպտոս—զակարյու. Փաշայան-Խան:

Էնգլիշ—պ. Գ. Մեյքե-Արքանյանյան:

Ես-Ջուլիս—պ. Տիգրան Արզարանյան:

Թվիսան—պ. պ Ալեքսան Թունիանց և Ա. Բարախանյան:

ՈՒՅՏԱՐԱԳՐՈՒԹԻՒՆ. Ընդունում է ամեն լեղում: Ցայտարա-

բութիւնների համար վճարում են,—1 էրևա բանդ յայտարարութեան
15 ռ., 1/2 էր.—8 ռ., 1/4 էր.—4 ռ., սողաակ (կարպ.)—40 կ.: